


The Ohio State University



3 2435 031148901

Hunlarn, Turklerin, Mogollarn v
D141G8159

001
V4

THE OHIO STATE UNIVERSITY BOOK DEPOSITORY



D	AISLE	SECT	SHLF	SIDE	POS	ITEM	C
8	07	26	02	7	02	018	2

LIBRARY
OHIO STATE UNIVERSITY

A NOTE TO THE READER:

Because of its value and condition
this volume has been microfilmed
preserve its content.

Please check the Libraries' catalog
for location of a copy of that
microform.

Thank you,
The Preservation Office

4/28/1993
Dg.

هونلرك ، توركلرك ، موغوللرك ودها سائر
غربي تاتارلرك تاريخ عمومىسى

دردخی جلد

تأليف و ترجمه انجمنی طرفندن قبول ایدیلشدز .

مۆننلک شۆکرلک مۆغوللار و زهائیللار


تاریخ ملستی
۱۴۰۶ هجری قمری

مترجمی :

مسین ماله

محرری :

دو کیندی Deguignes



استانبول

طنین مطبعه سی — ۱۹۲۴

STX
D141
G8193
1923
V.4

هونلرك تارىخ عمومىسى

اون برنجی کتاب

قونیہ سلجوقیلری

آسیانك غرب طرفلرینه مواصلتلرندن صوكره سلجوقیلرك
تأسیس ایتدكلری حكومتلك الك قوتلیسی اوزمان روملك [۱]
تحت اداره سنده بولونان آناطولیده قوردقلری ایمپراطورلقدر .
سلطان ملك شاه آسیانك بغداد خلیفه لرینه تابع اولان بوتون
اقسامنی تحت اطاعته آلدقن صوكره اقرباسندن سلیمان بن
قلمش [۲] ه براردو ایله سوریه دن بوغاز ایچنه قدرممتد اولان

[۱] عربلر بیزانس تبعه سنه روم یعنی رومالی دیرلر . چونكه
روم ایمپراطورلنی ، روما ایمپراطورلغنك مابعدی کبی تلقی ایدیلیوردی .
[۲] بزم مورخلر منك قوتلوموز Cotloumoses ، قوتلوموس
Coutloumous و قوتلومه Coutloumé تسمیه ایتدكلری ذات
بودر . اسرائیلک اوغلیدر . ابوالفدا بوکا آرسلان بن سلجوق
دیر . ایران سلجوقیلرینك تاریخنده ، ۴۵۵ سنه سنده وفات
ایتدیکی سویلنمشدر .

ممالکه عزیمت ایتمه سی ایچون امر ویرمشدی . ضبط ایده جکی
 بو ولایتلر سلیمانیه عائد اوله جقلر و ایران سلطانلرینه تابع
 بر سلجوقی ایمپراطورلغی وجوده کتیره جکلردی . اوله خلیفه
 عساکرینک صیق صیق یاپدقلری آقینلردن ، صوکرده
 بر طاقم تورک چته لرینک تخریباتندن پریشان برحاله کیرمش
 اولان بو روم ایمپراطورلغی اراضیسی بو یکی اردویه اوزون
 مدت مقاومت کوسترمه دی . سلیمان بویوک برزحمت چکمکسزین
 ازنیق Nicé ه قدر ایلریله یهرک بوراسنی ضبط ایتدی . وقتیه
 خرستیانلرک اوراده عقد ایتدکلری مجالس روحانیه دن دولای
 غایت مشهور اولان و بیتینیا Bithynie قطعه سنک پایتختی
 آن قومنه بولر نان بو شهر ، تورک [۱] ایمپراطورلغنک پایتختی اولدی .
 کلیسالر جامعه تحویل ایدیلدی . تورک مفرزه لری بورادن جوار
 ولایتلره داغیلدیلر . حتی استانبولک قارشیسنه ، ده کیز
 کنارینه قدر ایلریله مکه جسارت کوستردیلر . استانبولده
 حکمران اولان آلکسی قومنه بواجنبیلرک ورودندن تلاشه
 دوشهرک بونلره قارشى براردو کوندردی . روملر غالب
 کله رک تورکلری بیتینیا قطعه سنی ترکه اجبار ایتدیلر . سلیمان
 صالح طلب ایتک اضطرارنده قالدی . غرب طرفده یکی بر

سنه
۱۰۸۱

۱۱ روم واهل سلیب مورخنری بو تورکاره ایرانی دیورلر .
 چونکه بوقوملر ایران طرفندن کلشلردی . صوکرده لری بونلره قونیه
 سلطانلری نامی ویریلدی . چونکه بو شهر اونلره پایتخت اولمشدر
 ژووانویل قونیه سلطانلری یرینه قوموئه Comue سلطانلری دیور .

حرب تهديدی آلتنده بولونان روم ایمپراطوری ده صاحی
 آرزو ایدیوردی . هر ایکی طرفدن ده صالح بار تأخیر امضا
 ایدیلدی . فقط تورکلر بورالرده يرلشمك فکرنده اولدقلری
 جهتله عقد ایتدکلری صالح حقارنده فائده لی دکلدی . بناءً علیه
 معاهده یه آنجق قوتلرینی تنظیم واکال ایده جک قدر بر مدت طرفنده
 رعایت ایده رک صوکره محاربه یه تکرار باش-لا دیلر [۱۰] . ایشته
 بو آندن اعتباراً بو قوملرک ضبط ایتدکلری مملکتلر دموورخلر
 تورکیه نامنی ویرمشلردر .

هایتون
 پاولو

بو حکومت حقنده تفصیلات ویرن معاصر محررلردن بری
 بونک غایت بویوک اولدیغنی ، مبذول کوموش ، دمیر ، باقیر ،
 شاب معدنلرینه مالک ، بولوندیغنی ، کثرتلی صورتده میوه ،
 شراب ، هر دورلو حیوان وبالخاصه غایت ای بار کیریتیشدیر -
 دیکنی سویله یور. شرق طرفنده بویوک ارمنستان ایله وکورجستان
 قرالغنک بر قسمی ایله محدود ایدی . غرب جهتنده ساحل
 محرده کائن ، آنطالیه شهرینه قدر امتداد ایدیوردی . شمال
 جهتنده کی حدودی ایسه قاره ده کیزدن عبارتدی . جنوبنده
 کوچوک ارمنستان وقبریس آطه سنک قارشیشنده یونان ده کیزینه

هایتون

[۱۱] عرب مورخی تغری بردی Tangri-bardi ۴۷۵ هجری
 و ۱۰۸۲ میلادی تاریخنده سلمانک روملردن آنطرسوس قلعه سنی ضبط
 ایتدیکنی ، اورایه بر قاضی اقامه ایلدیکنی سویله یور . حالبوکه بر
 سنه اول شام حکمداری توتوشک بو شهری ضبط ایتدیکنی سویله مش
 اولدیغنی اونوتیور .

قدر کیلیکیانك بر قسمی واردی . وقتیه روملره صوكرم
 توركلره تابع اولان بو حوالی متعدد ولایتلره منقسم ایدی .
 بونلرده بویوك شهرلره تصادف اولونوردی . برنجی ولایته
 لی قانونیة [۱] Lycaonie نامی ویریلیوردی . حكومتك
 پایتختی اولان قونیة شهری بو ولایت داخلنده كائندی . ایكنجی
 ولایت قاپادوس Cappadoce ایدی . بوراده قیصر شهرى
 واردی . اوچنجیسی ایزوریا [۲] Jsaurie ولایتی ایدی .
 بوراده سلفك Seleucie شهرینه تصادف ایدیلیوردی . دردنجیسی
 فریژیا [۳] Phrygie ولایتی ایدی . بوولایت داخلنده زیکیا
 Zichia شهری واردی . بشنجی ولایت قوئیزیتان [۴]
 Quisitan نامی طاشیردی . مقر اداره سی ایاثولوج Ephèse
 شهری ایدی . آلتنجیسی بیتینیا ولایتی ایدی . ازنیق شهری
 بوراده ایدی . یدنجیسی پافلاغونیا Paphlagonie ولایتی
 اولوب پایتختی ژیناپولیس Gynapolis شهری ایدی . نهایت
 سکزنجی ولایته ژندهك Genech نامی ویریلشدی . طربزون
 شهری بو ولایتده كائن ایدی . جوارندهكى مستحكم مواقعدن
 دولایی توركار بونی ضبطه موفق اولامامشلردی .

سنه

۱۰۸۴

ایمپراطور رومن دیوژدن سلطان آلپ آرسلان طرفندن

[۱] هایتون بوکا لیغونی Ligonie دیور .

[۲] هایتون بوکا سوری Saurie دیور .

[۳] هایتون بوکا بریکیا Briquia دیور .

[۴] بو اسمك نهدن تشكلی ایتدیكنی آكلایه مایورم .

مغلوب ایدل کدن صوکره ، سلیمانک آناطولیده کی فتوحاتی
 نتیجه سنده ایمپراطورلغک اقسام متباقیه سیله رابطه سی کیلیمش
 اولان آنطاکیه [۱] والیسی فیلاردت [۲] ایمپراطوره قارشی
 عصیان جرأتی کن دیسند بولمش و کافر لر آراسنده محافظه
 استقلال ایده بیله جکی امیدینه قایلشدی . حرص جاهی اونی
 ده ایلری یه وارمغه سوق ایتدی . کوچوک حکومتنی محافظه
 ایچون جنایت ارتکابنه قالدی . فقط حیاتی غائب ایله دی .
 تورکلر ، اراضیسی تخریبدن خالی قالمایورلردی . مسلمانلری
 قبول ایده جک اولورسه اولرک تجاوزلرینه مانع اولدقدن
 باشقه کن دیسنه یار دیمجیلرده تأمین ایده جکی امیدینه قایلدی .
 اوغلی ، باباسنک ارتکاب ایده جکی بو جنایتدن متأثر اوله رق
 اوکا مانع اولمق ایچون سلیمان مراجعت ایتدی . ازنیقه
 سلیمانک یانه کیده رک سوریه یه یورومکه تشویق ایله دی .
 سلیمان ، پاختک محافظه سنی ابوالقاسمه براقدی . مقصدینی
 کتم ایچون کیجه لری قطع مسافه ایتدی . بردن بره سلیمانی
 سورلرک اوکنده کورمکدن حیرتله دوشن آنطاکیه شهری
 درحال تسلیم اولدی [۳] . فقط بو ، سلیمانک صوک فتوحاتی

[۱] Antioche شهرینه عربلر آنطاکیه دیرلر .
 [۲] ابن الاثیر بوکا فردوس دیور . ابوالفدا حاکم عنواتی
 ویریور .

[۳] ۷۷۷ : تاریخ هجریسنده .

اولمشدر . بونی ضبط ایتدیکیندن دولایی یکی بر حرب ظهور
ایتدی . سلیمان بو محاربهده حیاتی غائب اتمک فلا کتنه
معروض قالدی .

اوزمان موصل و حلب شهرلری شرفالدوله مسلم [۱۱] ک
الندء ایدی . بو امیرک ممالکنه پک یقین بر یرده بولونان
آنطاکیه شهری فیلاروت زماننده هر سنه شرف لدوله مسلمه
بر ویرکو ویرمک مجبوریتده قالمشدی . بوسایهده بوخرستیان
والیسی ، مسلمانلر طرفندن هیچ از عاجاته اوغرامایوردی .
آنطاکیهیه صاحب اولان سلیمان عینی قیوده تبعیته کندلیسی
مجبور عدایتدی . بوندهده حقلی ایدی . بویوک بر ایمپرا -
طوراغه صاحب اولدقدن باشقه ایران سلیمانکده اقرباسندندی .
سادهجه بر امیرک خراجگذاری اولمق کندلیسی ایچون عیب
ایدی . مع مافییه شرفالدوله مسلم بو ویرکوی مصرانه
ایستیوردی . ایکی حکمدار حربه کیریشدیلر . ابتدا سلیمان
شرفالدولهک اراضیسنه داخل اولهرق بوتون الکاسنی
تخریب ایتدی . اهالینک شکایتلری اوزرینه بوندن واز
کچدی . خلق طلب عدالت و مرحمت اتمکده اولدیغی جهتله
دین قاردشارینک قاتنی دوکمهکی وظائفی جمله سندن عدایتدی .

[۱۱] پدری قریش ابن بدران بن مقلد بن مسیب ایدی .
موصل ، حلب ایله جوار حوالیه صاحب ایدی . سلطان آاب
آرسلانک همشیره سیله اولمشدی .

اغتنام ایدیلش اولان شیلرک کافه سی کری ویردیدی . بو محاربه نك سببی شرف الدوله اولدیغنی اعلان ایلدی . امیر بو حرکت عالیجنابانه دن هیچ بر متأثر ارلمادی . عربلردن وتورکمنلردن مرکب بر اردو ایله آنطاکیه یی محاصره ایچون یاقلاشیوردی . ایکی اردو حلب ولایتی حدودلرنده قارشیدا . شکیلر ۱۱۱ . قانلی بر محاربه وقوعه کلدی . عربلر محاربه یی غائب ایتدیلر . شرف الدوله مقتوللر آراسنده بولندی . سلیمان درحال حلبه یورودی . اوراده شرف الدوله طرفندن قوماندان بولونان ابن الحتینی [۲] Bel-el-khatini یی شهری تسلیم ایتمه دعوت ایلهدی .

اوزمان حرص جاه بوتون سلچوق شهزاده لری و حکمدارلری آراسنده برحس حسد تولید ایتمشدی . اک باشلی سلچوقی قولنی تشکیل ایدن ایران سلطانلری سائر سلچوقی حکمدارلرینه حاکم اولمق ادعاسنده ایدیلر . چونکه اونلر کندیلرینک علو جنابی اثری اوله رق مقام اقتداره کلمشردی . فقط دیکر سلچوقی حکمدارلری نازکورلکه جرأت ایده بیله جات قدر قوت کسب ایتمشلردی . اونک ایچون ایران ساطانلرینک بویوندوروغنی سیدکوب آتمغه قالمیورلردی . بو مختلف سلچوقی حکمدارلری بربرلریله حربلره کیریشمشلردی . بوندن دولایی

[۱] ۷۸۸ سنه سی صفرینک ۲۴ نده حرب ایتدیلر .

[۲] بعض اثرلرده بن الحتینی دینه مضبوطدر . لقبی العباسی ایدی .

سنه
۱۰۸۵
ابوالمحسن
ابوالفدا
تغری بردی

ان الحتینی ایچون سائر سلجوقی حکمدارلری نزدنده امداد بولمق زور برشی اولمادی . متبوع مشروعی کبی تلقی ایتدیکی سلطان ملک شاهه و سوریهدده یرلشمش دیگر بر سلجوقی حکمداری ازلان توتوشه [۱] مراجعت ایتدی . یقین بر موقعدده بولونان و حلبی اله کچیرمک آرزوسنی بسله یین توتوش ، آرقه سندن امیر ارتقده کلدیکی حالدده علی العجله قوشدی . تصادف ایتدیکی سلیمانک اوردوسیله همان حربه کیریشی . ازنیق سلطانی هر طرفدن فراره باشلایان اردوسنی طوپلامق ایچون بیهوده یره اوغراشدی دوردی . نهایت کندیسیدی رجعت و فراره مجبور اوله رق صایه بر طرفه صاقلاندی . دشمن اردوسنه منسوب بعض امرا اونی بوراده بولدیله . آرقه لرندن کلوب توتوشه عرض تسلیمیت ایتمه سنی سویله دیله . هیچ بر تهله کیه معروض اولمادیغنی تأمین ایتدیله . سلیمان راضی اولمادی . جبراً کوتوروله جکینی آکلاینجه خنچرینی چکه رک اتخار ایتدی [۲] .

آن قومنه آن قومنه بویله روایت ایدیور . باشقه مورخلر ایسه محاربدهده مقتول دوشدیکنی سویلیورلر . بو محاربدهدن صو کره حلب شهری

- [۱] آلپ آرسلانک اوغلی و ملک شاهک برادریدر .
- [۲] دربلو ۵۰۰ تاریخ هجریسنده وفات ایتدیکنی ، آناطولیده ۴۸۰ تاریخنده یرلشدیکنی سویله در . بوتون بوتاریخلریا کلشدر . چونکه تکمیل عرب مورخلرینک روایتینجه بو حکمدار ۴۷۸ تاریخنده وفات ایتشدر . دربلوتک کوستردیکی تاریخلر اوغلی قیلیج آرسلانه دهها زیاده اویییور . ابوالمحاسن بارکیردن دوشدیکنی و اولدیریلدیکنی سویلیور .

آرتق قاپیلرینی غالبه آچار ظن اولونوردی . فقط سلیمانی
آلدامش اولان ان الحتینی توتوشه قارشیده عینی مسلکی
طوتدی . توتوش ، اهلینک عرض تسلیمیت ایدہ جکی امیدیلہ
سلیمانک نعشی حلبہ نقل ایتدیرمشدی . والی وقت قازاندی .
سلطان ملک شاہک اوامرینہ انتظاراً بر چوق وعدلردہ
بولوندی . بر آرزو کرہ سلطانک امرلری دہ کلدی . بونک
اوزرینہ توتوش مطالباتندہ اصرار وجسارت ایدہ مہ یہ رک کری
چکیلدی [۱] .

ابوالفدا

سنہ

۱۰۶۸

سلیمانک خبروفاتی آنا طولی بہ انتشار ایدنجہ بر چوق قاریشقلقلر
ظہور ایتدی . بو حکمدارک تحت اداره سئندہ ایمپراطورلغک
مختلف ولایتلرینی اداره ایدن امیرلر بولوندقلری یرلرہ صاحب
اولدیلر . ازنیقی ابوالقاسم [۲] ، قاپادوسی بوامیرک برادری پولقاس
Pulchas الہ کچیردیلر . دیگر امرادہ بومثالہ تبعیتلہ برر کوچوک
حکمدار مستبد کسیدیلر . سلیمانک اولادلری ایسہ ایرانہ سلطانک
یانہ چکیامکہ مجبور اولدیلر .

آن قومنہن

بو آنارشى اثناسندہ ، امرانک اک صاحب قدرتی اولان
ابوالقاسم یقیندہ سلطان عنوانی آلمق امیدندہ ایدی . روملرک
اراضیسنہ آقین یاقمقدن کری دورمایہ رق پروپونتید Propontide

[۱] ۴۷۹ تاریخ عجزیسندہ .

[۲] بووقعہ دن و آتیدہ کی وقایعدن بحث ایدن آن قومنہن بوکا آپلقاسم
دیور . بوامیرلرک کافہ سنک اسملری تحریف ایدلمشدر . تصحیح ایچون
شرق مورخلرندن هیچ برماخذ بولامادم .

حوالیسنه قدر صوقولدی . مع مافیه موفقیت آمال حریصانه سنه
توافق ایتدی . آلکسی قومنه ن اونی صالح تکلیفاتنه عطف
اهمیت ایتکه مجبور براقدی . تورک رئیس حیلہ یایمق ایسته دیکی
جهتله کوندن کونه صاحی تأخیر ایدیوردی . نهایت استانبول
ایمپراطوری ازنیقی محاصره ایتک اوزره قوماندان تاتیچیوس
Taticius ی یوللادی . روملر هیچ برمانعه یه تصادف ایتهدن
سورئر قدر ایلریله دیلر . سورلری آشمغه حاضرلاندقلری صیراده
اوزمانه قدر درین برسکوت محافظه ایدن تورکلر بردن بره
برخروج حرکتی یاپدیلر . روم اردوسنده بولونان فرانقلر
اوزون مزاراقلریله تورکلری قاریشلادیلر و شهره کیرمکه مجبور
ایتدیلر . بواشاده تاتیچیوس صف حرب نظامی اوزره دوریوردی .
فقط تورکلرک رجعتدن صوکره ازنیقدن تقریباً اون ایکی
ستاد [۱*] مسافه ده واسیله Basilée شهرینه چکیلدی .

روم قوماندانی بوشهرده بولوندیغی ائشاده ، سلطان ملک
شاهک [۱۱] آناتولییه برسقی لقبیله یادایدیلن اقسنقری [۲]
اللی بیك کشیلاک براردو قومانداسنده یوللادیغنی خبر آلدی [۳] .
کندیسنکییه فائق اولان بواردوئی بکله مکی مناسب کورمه یه رک

[۱*] قدم یونانیلرده ۶۰۰ قدم طولنده بر اولچو .

[۱] قومنه ن برکیاردوق دیورسه ده بونک یرینه ملک شاه دیمک لازمدر .

[۲] قسم الدوله دنیلن و عمادالدین زنکینک پدری اولان دیگر

بر اقسنقریله قاریشد بر ممالیدر .

[۳] ۴۷۹ تاریخ هجریسنده .

استانبوله دوندى . بونك رجعتندن خبردار اولان ابوالقاسم
 درحال ازنيقدن چيقارق پرهنت Prenete ه التحاق ايتدى .
 فقط فرانكلرك سواريلرى تورك اميرينه او قدر شدتلى هجوم
 ايتديلر و مزراقلىله اويله صوات كوسترديلر كه توركار اهميتلى
 ضايعاته اوغرادقن صوكره قاچديلر . بومغلوبيته رغماً ابوالقاسم
 استانبولى ، هيچ دكاسه سواحل ايله آطه لرى ضبط ايتك
 يولنده كي تصورندن واز كچمه دى . بو مقصده ، بيتيا
 قطعه سنده سا حل بحرده كاڻ سيو Cio قصبه سنى ضبط ايتدى .
 اوراده بر دونانما ياپيدردى . بو قدر جرئتكارانه بر تشبث
 آلکسى قومنه نى انديشناك ايتك ايجاب ايدردى . امپراطور -
 لغك و بوتون خريستيانلرك سلامتى اچون بوتشبتك ايلريه -
 مه سنه مانع اولق الزمدى . بو وظيفه مانوئل بوتوميت
 Manuel Butumite ه توديع ايديلدى . تورك اميرينك
 انشا ايتديرمكده اولديغى سفاڻى ياقق اوزره بردونانما ايله
 حركت ايتدى . عيني زمانده تاتيجيوس ده اردوسيله قاردهن
 ايلريه يوردى . ابوالقاسم پك دار بر يرده قرارگاه تأسيس
 ايتمشدى . اوراده سواريلرى بر ايش كوردمزدى . ده اى
 بر موقع عد ايتديكى آليقاس Alicas نامنده بر محله چكىلدى .
 بوسيدن ، ياپديرمقده اولديغى كميلر محو اولدى . چونكه
 محافظه لرينى بر مقدار عسكركه براقشدى . بونلر بو توميتك
 بونلرى ياقه رق كوله منقلب ايمه سنه مانع اولاماديلر .

آن قومنه ن

تایچیوس ایرتهسی کون تورک اردوسنه یاقلاشدی . فقط اون
 بش کون اوافق تفک مصادمه لرده وقت کچیریلدی . اردوده
 بولونان لاتینلر بو طرزده حرب ایتمکدن صیقیله رق عمومی
 بر حربه کیریشلمه سی طلبنده بولوندیله . تایچیوس اولجه
 مخالف بر فکرده بولونمقله برابر لاتینلره بو مساعده یی ویرمه
 مجبور اولدی . تورک اردوسی هر کون امداد آلمقده اولدیغی
 جهتله محاربه یی نه قدر تأخیر ایدرلرسه روم اردوسنک اطرافی
 احاطه ایدیئک تهلیکه سی ده او قدر آرتجغنی کوردیکندن
 بو رایه تبعیت ایتمکدن باشقه چاره قالما یوردی . تایچیوس
 طلوع شمس ایله برابر صف حرب تنظیم ایتدی . تورکلرک
 اوزرینه یورودی . دشمنلرینی پریشان ایدرک برچوق اسیر
 آلدی . اشیارینی اله کچیردی .

ابوالقاسم برچوق مشکلات ایله ازنیقه قاچه بیلیمشدی .
 ایمپراطور کنندیسنه صلح تکلیف ایدرک استانبوله دعوت
 ایله دی . بو قدر بویوک بر مظفریتدن صوکره ایمپراطورک
 بو حرکتی غریب کورونور . فقط تورکلردن ده قورناز
 ودها سیاست آشنا اولان آلکسی قومنه نک بونده کی مقصدی
 باشقه ایدی . تورک امیرینه بر طوزاق قوریوردی . مجبوریت
 تورک امیرینی بو طوزاغه دشمنکه سوق ایتدی . ملک شاه
 طرفندن سوق ایدیلمن قوماندان برستی آناطولییه کیردرک
 بر چوق شهرلری ضبط ایتمش ایدی . سرعتله ازنیق اوزرینه

یوریوردی . ایشته ابوالقاسم بوندن دولای استانبوله متوجهاً حرکت یتیمکه وایمپراطور ایله صاعلام وکارلی بر صلح یامغه عزم ایتشدی . بو امیر استانبوله کلدی . بویوک احترامات ایله قبول اولوندی . اوراده قالدیغی مدتجه وقتنی اویونلرده ، اولرده ، آت یاریش‌لرنده کچیردی . آلکسی قومنه اوکا بویله غایت خالصانه بر دوستلق اثری کوس‌تردیکی صیراده نيقومه‌دی-ایزمیت Nicomédie شهرینی ضبطه کوندرمک اوزره علی‌العجله بر دونانما حاضر لایوردی . دونانماک قومانداسی درونکدر اوستات Drongaire Eusthate ، تودیغ اولوندی . بو قوماندان وظیفه‌سنی کمال سرعتله ایفا ایتدی . ایزمیتده بر قلعه انشا ایتدیردی . بونی ابوالقاسمک موافقتیه یامقده اولدیغنی تورکلره یمینلرله تأمین ایتدی . بو سفر اثناسنده ، بیتینیا قطعه‌سندن استانبوله کلن بوتون سفائی توقیف ایتشلر ، امیرک بر شیدن خبردار اولاماسنه چالیشمشلردی . اوامری تمامیه اجرا ایدیلد کدن صوکره ایمپراطور امیرک استانبولدن منارقتنه مساعدده کوس‌تردی . کندیسنه سبا-توتاتوس Sebastotatos عنوانی ویردی . نيقومه‌دینک ضیاعنی آرتق هیچ بر چاره‌ استرداد قالمادیغی زمان خبر آلان ابوالقاسم هیچ سسنی چیقارمادی ، انتقام آلق ایچون مناسب بر زمان حلوانی بکله‌دی .

بر سقی ازینقه کیتدکجه یاقلاشیوردی . سلطان ملک شاه آن قومنه

بو شهرى ضبط ايتىسى و آناطولیده حکم سورمکه باشلامش
 اولان بوتون اميرلری تحت انقيادده آلماسی ایچون امر
 ویرمشدی . اولکندن زیاده مشکلات ایچنده بولونان
 ابوالقاسم بواردویه مقاومت کوستره جک درجه ده قوتلی
 دکلدی . ایمپراطور آلکسی قومنهندن باشقه کندیسنه یاردیم
 ایده بیله جک بر حکمدار کورمیوردی . فقط جریان ایدن
 وقعنه دن سو کره بو ایمپراطوره مراجعت ایده مزدی وایتمه .
 ملیدی . اوده ابوالقاسمک قوت کسب ایتمه نی ایسته مزدی .
 بویله اولمقله برابر ینه ایمپراطوره مراجعت ایتدی . اوندن
 قوه امدادیه آلدی . ظواهره نظراً بویله بره معاونت کورمه سی
 هیچ محتمل دکلدی . حالبوکه روم ایمپراطوری بو قوه
 معاونه نی ابوالقاسمی برقات دها اغفال ایچون کوندرمشدی .
 آلکسی قومنه ن ، بوتورک برسقی اردوسی قارشیسنده مغلوب
 اوله جق اولورسه یرینه دها قوتلی بر دشمن قائم اولاجغندن
 قورقیوردی . ازنیقی ضبط ایچون بو زمانی مناسب بر فرصت
 تلقی ایتمشدی . ایشته بوسبیلردن دولای قوماندان
 تاتیچیوسی براردو ایله کوندردی . رومبر کوچوک سن ژورژ
 قصبه سی آلدقندن سو کره ازنیقه کیردیله ، سورلرک اوزرینه
 بایراقلرینی دیکدیله . ایمپراطور اعلک بوتون قوتلریله آلکسی
 قومنه نک اورایه کلدیکنی ظن ایدن برسقی کیجه لین چکیلدی .

سنه

۱۰۹۱

اثنای رجعتداونی از عاج ایدہ جک درجہ دہ قوتلی اولمایان روم
اردوسی دہ استابول یولنی طوتدی .

بو صیرادہ سلطان ملک شاه ، ابوالقاسمک تصوراتی آن قومنہن
محو اتمکہ عزم ایلہ یہ رک آنا طولی یہ حران ملک یوزان
youzan یاخود بوزان [۱] Bouzan قومانداسندہ یکی بر
اردو یوللادی . فقط بوسفرک موفقییتی دہا ای تأمین ایچون
ایمپراطور آلکسی قومنہنہ ابوالقاسمک روملردن ضبط ایتش
اولدینی بوتون ممالکی اعادہ ایدہ جکنی وعد ایلدیکی کبی
ایمپراطورک قیزی بویوک اوغلنہ ایستہدی . ایللیریا محارباتی
ایچون قوای امدادیہ ویرمکی تکلیف ایتدی . قیزی مسلمان
بر حکمدارہ ویرمک ایستہمین ، فقط بو حکمدارلہ خوش
کچنمکی منفعتی اقتضاسندن عد ایدن آلکسی قومنہن بو
معاهدہ بی عقد اتمک وسیلہ سیلہ اوکا بر سفیر یوللادی .
بو سفیر سلاطانی بر طاقم مواعد ایلہ او یالامق و وقت قازانمق
وظیفہ سیلہ مکلفدی . آلکسی بر طرفدن ابوالقاسمہ عسکر
یوللامقندن کری دورمایوردی . ابوالقاسم بوزانی ازنیق
محاصرہ سنی رفع ایلہ لوپاد Lopade قربنہ چکیلمکہ مجبور
ایتمشدی . فقط ایمپراطوردن پک آز قوای امدادیہ آلان

[۱] بو حکمدار ۷۸۷ تاریخ مجریسندہ و ۱۰۹۴ تاریخ
میلادیسندہ اولدیرلشدر . اونک ایچون بو وقایع دہا اول جریان
ایتش اولق لازم کایر .

ونهایت ایمپراطورک مقاصدینی آکلایان ابوالقاسم روملرک
 اویونجاغی اولمقدن ایسه بر مسلماندن مرحمت ایسته مکی
 ترجیح ایلدی . بوزانک چکیلمه سندن استفاده ایدرک اک
 قیمتدار اشیاسنی اون اوچ قاطیره یوکلندی . ملک شاهک
 بولوندیغی اصفهان یولنی طوتدی . ازنیق والیلکنی ملک
 شاهدن استحصال ایدمجهکی امید ایدیوردی . فقط اصفهان
 سراینده حسن قبول کورمدی . بوزان ایله اوزلاشمه دن
 ملک شاه اونک یوزینی کورمک ایسته مدی . فضله برشی
 استحصال ایدمه یین ابوالقاسم عودته مجبور اولدی . هنوز
 دهاچوق اوزاقلاشماش ایکن ایکی یوزسوارى کندیسنی توقیف
 ایتدیلر . براوق کیریشیله بوغدیلر .

آن قومنه ن

ابوالقاسم انای غیوبتنده قوماندا ایتک اوزره ازنیقده
 برادری پولقاسی براقشدی . آلکسی قومنه ن بوتون مهارتی
 صرف ایدیور ، برچوق هدیه لر کوندریور ، بوتورکی
 آلامغه و ازنیق الندن آلمغه اوغراشیوردی . فقط خسیس
 اولدیغی قدر قورناز اولان پولقاسده ایمپراطوری آلداتهرق
 برادرینک عودتی بکیوردی . نهایت برادرینک وفاتی ،
 برآر صوکرده ملک شاهک ارتحالی خبر آلدی (۱۱) . او
 زمانه قدر اصفهانده محبوس طوتولش اولان سلیمانک اولادلری
 بو وقعه اوزرینه سربست قالدیلر . آناتولی یولنی طوتدیلر .

سنه
۱۰۹۲

ازنيقه كيرديلر . سلاجوق حڪمدارلرى سالاسنه مانسوب
شهرزاده لرى كورمكدن مسعود اولان خلق كنديلرني كمال
مسارعتله قارشيلاديلر . پولقاس بوتون حكم ونفوذى براقهرق
شهرى قيليج آرسلان [۱] نامنده كي بويوك شهرزاده يه تسليمه مجبور
اولدى . قيليج آرسلان درحال سلطان اعلان ايدىلدى .

بو وقعه تورك اميرلرندن بر چوغنك تصوراتى اخلال
ايتدى . قيليج آرسلان ، يكي ايمپراطورلغنده بعض تعديلات
يپدى . ازنيق والىلكنى پولقاسدن آلدى ، محمد وىردى
واونى اميرالامرا اعلان ايتدى . صوكره ، پايختى دها معمور
برحاله صوqqق ايچون برچوق تورك جلب ايتدى .

آن قومنه
قيليج آرسلان ، ممالكى داخلنده انتظام وسكونى تأسيس
ايتدكن صوكره ملاطيه شهرينه قارشى حربه كيتدى .
باشليجه اميرلرندن برى اولان هلقان Helcan ايسه روملره
تابع اولان حوالى يي تخريب ايتدى . بو توركار ساحل بحرده
كائن اولان آپولونياد Apolloniade وسيزيك Cyzigue
شهرلرني ضبط ايتدكلرى ايچون آلکسى قومنه درحال
اوفوربه نوس آلکساندر Euphorbenus Alexandre ى
كوندردى . بو قوماندان آپولونيادى محاصره ايدرك هلقايى
[۱] دربلو بوكا داود اسمنى ويرىيور . يازدينى كىتبخانه يه
مراجعت ايديله سنى سويليورسده اوراده بوندن بحث ايتكى
اونوتيور . عموميتله اى اولان بو اثر قونيه سلاجوقيلرى حقنده بر
صحيفه تاريخ قيمتى حائز دكلدر .

ايچ قلعه يه چكيايمكه اجبار ايتدى . توركلر قوه امداديه كوندردى .
 مەمش اولسه لردى بو شهر روملر طرفندن استرداد
 اولونه جتدى . فقط بوقوه امداديه نك ورودى اوفوربه نوسى
 محاصره دى رفته مجبور ايتدى . جوارده بر كولدن استفاده
 ايدەرك عسكەرنى كميله اركاب ايتدى . بو كولدن چيقمق
 فكرنده ايدى . فقط مقصدينى آ كلامش اولان هلقان كولك
 مدخلنى قايتامشدى . روم قوماندانى او جهتدن فرار ايدە .
 مەنجه عسكەرنى تكرر قاره يه چيقاردى . توركلرله محاربه يه
 كيريشدى و مصادمه ده مغلوب اولدى . بو باربارلرلر هجومي
 آلتەده ازيلن روملردن بر چوغى صولرده بوغولديلر .
 ديكرلرى ده اسير دوشديلر . آلكسى قومنه ن بوضياعى تلافى
 اچچون يكي بر اردو كوندردى . بو اردو ابتدا سيزيك
 شهرينى آلدى . صوكره آپولونيادى محاصره ايتدى . عرض
 تسليمته مجبور قالان هلقان استانبوله كيتدى . اوراده
 خريستيانلغى قبول ايتدى . اونك بوحر كتنه سائر بر طاقم اميرلرده
 امثال ايتديلر .

آلكسى قومنه ن چنكارله حرب ايتديكى بر صيراده
 قليج آرسلانك دامادى اولوب اناطوليدە بويوك بر نفوذى
 بولونان چاقاس [۱] Tzachas نامنده بر امير بو فرصتدن

آن قومنه ن
 زونار
 غليقاس

[۱] زونار بوكا زاقاس Zachas ؛ غليقاس ايسه زاقاتزاس

Tachatyas ديور .

استفاده ایدرک بر چوق سفائن انشا ایتدیردی . بونلرله
 کلوب قلازوم و فوچه قصبه لرنی ضبط ایتدی . عرض
 تسلیمیه دعوت ایدیلن مدلی والیسی کیجه لین استانبوله
 قاچدی . مدلی قلعه سی قاپی لرنی تورکلره آچدی . یالکیز
 آطه نك بورنی اوزرنده کائن اولان مه تمینه Methymne
 شهری مقاومت کوستردی . آلکسی قومنه ن بورایه بر مقدار
 عسکر ادخال ایتکه موفق اولدی . بو قلعه قارشیسنده توقف
 ایتکه لزوم کورمه ن چاقاس کیدوب سیسام آطه سی ضبط
 ایتدی . نیسه قاستا مونیت Nicet Castamonite طرفندن
 قوماندا ایدیلن روم دونانماسنه غلبه چالدى . سفینه لرینک قسم
 اعظمی اله کچیردی . صوکره ازمیره چکیلدی . یکی بودونانما
 ایله ایمپراطورک سوق ایتدیکی دالاسه ن Dalassene سیسام
 اوزرینه بر هجومده بولوندى . فقط بطی داورانمه سی یوزندن
 هر شیئ غائب ایتدی . عسکر لرینک آچدیغی کدیک آرقه سنده
 ایکنجی بر سور یامه لری ایچون تورکلره وقت براقدی .
 چاقاس ، دالاسه نك کنديسنه قارشى کوندرمش اولدیغی
 اوپوس Opus هجومه جسارت ایدمه دن سیسامه کلدى .
 عسکر لرینى قاره یه چیقاردی . دالاسه نی ، جهارد کوچوک
 بر تصبیه چکیلمکه مجبور ایتدی . ایرته سی کونی ایکی اردو
 محاربه یه طوتوشدی لر . هر طرفده جولان ایدن تورک
 سواریلری ، روم اردوسنده بولونان فرائق مفرزه لرینه اوق

ياغديرديلر . واونلرى پك چوقمىساعى صرفندن صوكره فراره
مجبور ايتديلر روملر ايسه هيچ حربه طوتوشمەدن قاچديلر .
شهره التجا ايتديلر . بو صيراده توركلر ده كيز كنارينه
ياقلاشهرق اوراده كى روم سفائنندن برچوغنى ضبط ايله ديلىر .
روملر ك بر قسمى ايسه سلامتى فرارده كوردكلرندن بوليس
Bolis قصبه سنه قدر قاچديلر .

بونك اوزرينه امير چاقاس روم قوماندانه صلح تكليفنده
بولوندى . بعض مذاكرات جريان ايتدى . فقط توركره
اعتماد ايدەمين دالاسەن ايمپراطورچەنك برادري ژان دوقاس
كلەدن برقرار ويرمك ايستمەدى . چاقاس يكي عسكر
طوپلامق فكريله درحال ازميره كيتدى . بونك اوزرينه
دالاسەن تدارك ايدە يلد يكي بوتون سفائى طوپلاتهرق غفلة
سيسامى باصدى واله كچيردى . ايمپراطور ، سيتلرله محاربه
ايله مشغول اولديغى صيراده چاقاس بوتون جزائر بحر سفيد
آطه لرني دولاشدى ، تخرىباتده بولوندى . صوكره ازميره
دوندى . اوراده حكمدارلغنى اعلان ايتدى . برچوق
سفينه لر ياپديردى . مقصدى ، آطه لرى تحت تابعيته آلدقن
صوكره استانبولى محاصره ايتمەدى . فقط آلکسى قومنەن
اوکا وقت ويرمدى . مدليليده چاقاسك برادري غالاباس
Galabatzas قوماندا ايدىوردى . ژان دوقاس بورايه عسكر
چيقاردى . ايكي اردو بربرلرني اوچ آى ازعاج ايتمەدن

کری دورمادیلر . آرتق جسارتلری قیریلغه باشلامش اولان روملر یکی غیرتار صرفیله تورکلری مغلوب ایتدیلر . امداده قوشمش اولان چاقاس بالذات صاحبه طالب اولدی وازمیره چکیلمک مساعده سنی ایسته دی . طرفیندن رهینه لر تعاطی ایدیلدی . صالح امضالاندی . فقط همان درحال روملر طرفندن اخلال اولوندی . تورکلرک دوناماسندن دها بویوک بر دوناما ایله مدلییه دوغرو ایلریله ین دالاسه ن اثنای رجعتلرنده اونلری بکله دی . ژان دوقاس هنوز یکی بر معاهده نامه عقد ایدیلش اولدیغنی سویله دیسه ده دالاسه ن کندیسی بو معاهده یه اشتراک ایتمه مش اولدیغنی ، هیچ بر یمین ایله باغلامادیغنی ادعا ایدهرک تورک دوناماسنه هجوم ایتدی . عسکرلرک کافه سنی کسیدردی . نظر دقتی بویوک سفائنه چویرمش اولدیغنی ایچون چاقاس بو فلا کتدن قورتولدی . بوامیر عادی برقایغه را کب اولق کبی بر احتیاط اثری کوسترمشدی . بونکله ازمیره دوندی . ژان دوقاس ایله دالاسه ن عسکرلرینی برلشدیره رک بوتون آطه لری استرداد ایتدیلر .

بوهزیمت چاقاسک جسارتی قیرمامشدی . ضایعاتی تلافی اتمکی وروملره تکرار هجوم ایله مکی دوشوندی . چاقاسی قوت ایله مغلوب ایدمه ین آلکسی قومنه ن حیلله یه مراجعت ایله اوکا یکی بردشمن چیقاردی . بو، قاین پدری سلطان قیلیج آرسلان ایدی .

چاقاس [۱] از میرده استقلال کارانه حرکت ایدیور، سلطانك حکم و نفوذنی طانیایوردی . ایمپراطور ، دالاسه نی از نیقه کیده رك قیلیج آرسلا نی رومنك طرفنی التزامه و چاقاسه قارشنی اعلان حربه تشویق ایتمه مأمور ایتدی . بومذا کرات ایمپراطورك بکله دیکی ثمراتی حصوله کتیردی . سلطان ، عسکرینك باشنه کچهرك آیدوس Abydos [آیدوس؟] ه یاقلاشدی . دالاسه نده دونانماسی ایله اورایه کیریوردی . چاقاس او زمان بوراسنی محاصره آلتنده بولوندیوریدی . بوقدر قوتلی ایکی دشمنك ورودی چاقاسك جسارتی قیردی ، سلطانك مرحمتنی استدعا یه کندیسنی مجبور ایتدی . قیلیج آرسلان کندیسنی حسن صورتله قبول ایله دی . فقط چوق کچمه دن ، بر ضیافتده ، بوامیر سرخوش ایکن او نی بوغدیرتدی . حیلله و خیانت ایله تأمین ایدیان بوصالح اوزون مدت دوام ایتهدی . همان بر آرزو کره تورکلر بیتینیا قطع ه سنه کیردی لر . بوراسی مدافعه سز ایدی . تورکلر آقینلرینه تکرار باشلادی لر .

آن قومنه ن

طبیعتلری اقتضاسی اوله رق سیار اولان و حربی بر نعمت اوله رق تلقی ایدن بوقوملر متمدن ملت لر آراسنده اوزون مدت یاشاماش اولدقلری جهتله شهرلرده اقامت ایدوب تجارت

[۱] آن قومنه ن ، چاقاسك سلطانك دامادی اولدیغنی سویله یور . بر آرز آشاغیده ایسه سلطان ، چاقاسك قیزیله اولنمشدی دیور . یا اولك متننده خطا واردر یا خود بو حکمدارلر بر برلرینك قیزلریله اولنشلردر .

و صنايع ايله اوغراشمغه هنوز آليشماشلردى . حالا چادير
 آلتنده ، ضبط ايتدكلرى شهرلر جوارنده سورولريله ياشايورلر ،
 ۱ كثر يا اقامتگاهلرينى دكيشدير يورلردى . وقتيله تاتارستان
 صحرالرده ياشادقلىرى كې حيات سور يورلردى . روم ايمپراطورلىقى
 داخلىنده بويوك تخريبات ياپيورلردى . سوريه و فلسطينه
 يالمش اولانلر ، قدسه كيدن خرستيان حاجيلرينه تجاوزدن
 كرى دورمايورلردى . هر طرفده خرستيانلره قارشى ارتكاب
 ايتدكلرى مظالم ، مقامات مقدسه يه قارشى ياپدقلىرى تجاوزات ،
 بوشرق مملكتلرندە وقوعه كان انقلاباتك ارتق خرستيانلردن
 حجه كيتمك امكانى رفع ايدەجكى حقنده اويانان قورقو ،
 احتمالكه آسيا حكمدارلرينك اميد موفقيت ويرن ضعفلرى
 قيليج آرسلانه يكي دشمنلر پيدا ايتدى . بودشمنلر تا آوروپانك
 ايجلرندن قالقوب كاديلر ، قيليج آرسلانك ممالكندن بويوك
 برقسمنى تخريب ايلديلر . دين غيرتيله آياقلانان فرانقلر قدسى
 و شرق خرستيانلرينى قورتارمقدن باشقه برامل بسله من اولديلر .
 بوفرانقلر آراسنده بر سوروسرسرى و او باشده آوروپادن چيقه رق
 يالكز زنكين اولق و ايسسته دكلرى كې اجراى فضيحت
 ايتك امله آسياه كچديلر . بونلوك ارتكاب ايتدكلرى جنايتلر ،
 بر قسملرينك كوستردىكى تعصبلر ، اوزمان مألوف بولونيلان
 دين ايله شو و اليه لكك قاريشمه سى دها منور بر عصر اولادلرينك
 بونوع محاربات علمهنده بولونمه لرينه سبب اولديلر . رؤسادن

سنه

۱۰۹۶

بعضيلرينك ياپدقلىرى مناسبتسىز حرکاته باقه رق بوبابده بر حکم
 ويرديلر . بو حرکات ، نه قدر باربار اولسه لرده تورکلىرى بيله
 قيزارتدى . مع مافيه بويله شيلر محارباتك بر نتيجه ضروريه سي
 ايدى . اجداد مزك دين اوغورنده برچوق فداكارلىق و غيرت
 کوستردکلىرى بو محارباتي بزم نظر مزده چيرکين کوسترن شيلر ايشته
 بونلردر . صوکره لرى آسيا حياتى رؤسادن برچوقلرينك اخلاقنى
 بوتون بوتون بوزدى . ناصل که ينه آسيا حياتى دها اول روماليلرك
 جسارتى ده که وشه تمشدى . غربى آسيانك چهره سنى د کيشديرن
 آوروپايه ميليونلرجه انسانه مال اولان ، برچوق فرانق عائله سنى
 محوايدن بو بويوك سفر عن اصل پيقاردىالى اولان پيه رلرميت ۱۱
 نامنده بر فرانسزك تشويقيله وقوعه کلمشدر . فرانسه ده الكابتدا
 او اهل صليب تشکيلي اچون تشويقاتده بولوندى . بونك نطقلريله
 سوروکلەنن بوتون قوملر اثوابلرينك اوستنه صليب دیکدیلر .
 کبارلر کافرلرى قدس دن قوغه رق کناهلرينك عفوينى استحصال
 اچون املاکلرينى راهبلره صا تديلر يا خود ويرديلر . بيکلرجه
 فرانسز ، آلمان و سائر ملت منسوبينى قادين ارکک ، کنج
 اختيار ، پيه رلرميتك قومانداسى آلتنده اولدقلىرى حالده استانبوله
 کيتديلر . اورادن بر آرزمان صوکره ني قومعه دى يه [ايزميته] کچديلر ،

آن قومنه ن
 آلبرتوس
 روبرتوس
 موناتوس
 سانت

[۱۱] آن قومنه ن بوکاقوفوپيتروس Cucupetrus دير . دوقسان

بيک پياده ويوز بيک سوارى يه قوماندا ايتديکنى سوبلر .

نهایت [۱] هله نوپولیس Helenopolis ه کلدیلر. بوراده تقریباً
ایکی آی قالدیلر .

بو قدر مختلف وانظباطسز برغلبه لق اوزون مدت حسن
امتزاج ایده مزلردی. آلمانلر [۲] ایله لومباردلر راینو Rainaud
نامنده برینک اداره سی آلتنه کچهرک آیریلدیلر. ازنیقندن اوتیه
کچدیلر. اوراده انواع مظالم ارتکاب ایتدیلر. آن قومنه
بونلرک مده کی چوجوقلری پارچه لایه رق پیشیردکلرینی مقام
آتهامده سویله یور. تورکلر ازنیقندن چیقیدیلر، کیدوب بونلره
هجوم ایتدیلر. فقط شهرلرینه چکیلمکه مجبور اولدیلر.
بوباربارلر یعنی بو آلمان عسکرلری هله نوپولیس ده دوندیلر.
ثباتسز لقلری، وجلب ایتش اولدقلری خصوصت تأثیرله یته
آیریلدیلر. قسه ریغورد [۳] Xerigord قلعه سنی ضبط
ایده رک اوراده خرسیتیان اردوسنک قسم متباقیسنه منتظر اولمغه
قرار ویردیلر. اورادن سلطانک اراضیسنه آقینلر یایمقله
مشغول اولدیلر. قیاج آرسلان [۴] اون بش بیک کشیلاک بر

[۱] آلبرده Alber td, Aix سیویتوت Civitot قربنده اردوگاه
تأسیس ایتدکلرینی و بوراده تقریباً ایکی آی قالدقلرینی بیان ایدیور.
[۲] آن قومنه بونلره نورمان دیور.
[۳] روبرلوموان ابله ژستا فرانقوروم Gesta francorum
بوکا اقزه روغورغو دیورلر.

[۴] ژستا فرانقوروم محرری، سائر بوتون اهل صلیب مورخلری کی
سلیمان دیورسه ده دها اسکی برسلیمانک اوغلی اولدیغنی سویلیور.
حالبوکه بو حکمدارک اسمی قیلج آرسلان ایدی. آن قومنه بوکا
قلیزیا ستلان تسمیه ایدر.

اردو طویلادی. بونلری غفلةً باصدی [۱]. بو خرسیانیلرک پوصویه یاتیرمش اولدقلری برمفرزه اوزرنده بعض موفقیاته نائل اولدقدن صوکره بعض ترتیبات اخذ ایتدی. قلعهیه صویک آقاسنه مانع اولدی. صوسزلقدن پریشان اولان خرسیانیلر تسکین حرارت ایچون بارکیر واشک قانی ایچدیلم سکز کون بویله مدھش بر وضعیتده قاله رق صوک درجهده یأس ونومیدی یه دوشدیلم. رئیساری راینو معیتنده کی کیمسه لرله خروج حرکتی یایق بهانه سیله اونلری آلچقجه ترک ایتدی. تورکلرک یاننه چکیله رک اوراده اسلامیتی قبول ایله دی. دیگر خرسیانیلرک بر قسمی اسیر دوشدی، بر قسمی قیلیجدن کچیریلدی.

هله نوپولیسده قرارگاه قورمش اولان فرانسزلر بو ایلك اهل صایبارک مغلوبیتنی خبر آلنجه انتقام آرزوسی بسله مکه باشلادیلم. پیه لر میت او زمان استانبولده ایدی. اهل صلیب رؤساسندن بری اولوب قرارگاهده بولونان غوتیه سازاوار Gautier sans-avoir فرانسزلی مشکلات ایله ضبط اید بیلدی. فقط سکز کون صوکره، ازنیقدن چیقان تورکلر قیرلره داغیلمش اولان بعض خرسیان حاجیلرینی طوتونجه صرف ایتدیکی مساعینک هیچ حکمی اولمادی. ره نولد دوبره

[۱] روبرلوموان بوقعه نك سن میشل یورطیسنده جریان ایتدیکنی سولایور.

Reinold de Breis ، غوتیه سانزاووار [۱] ، غوتیه دو
 بره‌توی Gode Breteuil ، فولوق دورله آن Foulouques
 d'Orléans ، غودفروا بورهل Godeffroy Burel طرفندن
 جبانته اتهام ایدلکلی جهتله اردونک باشنه کچمکه مجبور
 اولدیلر . یکریمی بیک پیاده ایله بش یوز سواریدن ترکیب
 ایدن بوتون اردو قرارگاهدن چیقدی . اوراده یالکیز خسته‌لرله
 قادینلری براقیدیلر . بر اورمان ایچندن ازنیقه دوغرو
 یورودیلر . اهل صلیب هنوز اچ میل مسافه قطع ایتمه‌مشلر-
 دی که قیلیج آرسلان اوزرلرینه هجوم ایدرک بونلری پریشان
 ایله‌دی . پیشلرینی براقمادی . راست کلدیکنی اوپله بر قتل
 ایتدی که پک آزی قاچه‌بیلدی . غوتیه سانزاووار ، ردنولد
 دو بره ، فولوق دورله آن میدان محاربه‌ده مقتول دوشدیلر .
 غوتیه دو بره‌توی ، غودفروا بورهل هله نوپولیس قرارگاهنه
 کله‌بیلدیلر . تورکلرده بورایه اونلرله برابر کیردیلر . قتال
 تکرار باشلادی . اهل صلیب هپسی قیلیجدن کچیریلدی .
 تورکلر یالکیز چوجوقلرله قادینلره ، کنج قیزلره و راهبه‌لره
 ایلشمه‌دیلر . بونلری ازنیقه کوندردیلر . اوراده سرایلرده
 بونلر اسارتک بوتون فلاکتلرینه قاتلاندیلر .

بو اهل صلیب سفرنده پهرلریمته رفاقت ایتش اولان او
 کیلیوم دوتیر

[۱] آله‌رده بوکا غوتیه سانزاووه‌هور دییور. ژستا فرانکو-

روم محرری ایسه سینه‌هابه‌ره نامی ویرمکده‌در .

اسكى بىر قلعه يە چكىلدیلر [۱] . قاپىلر ك آرقاسىنە بويوك طاشلار
يىغەرق تحصن ايتدىلر . فقط بو صوك تحصنكاھلرىنە قدر
اونلرى تعقيب ايدىن توركلر اطرافلرىنى قوشايتدىلر . ديوارلرى
طيرمانق كې بىر زحمت اختيار ايتدىلر . صوك درجەدە يأسە
كلش اولان فرانقلر حياتلرىنى بەھالى يە ساتە جقلردى . توركلر ھوايە
بىر چوق اوق آتدىلر . بونلر دامى تخرىب ايدىلش اولان
حصارك اىچنە دوشەرك محصورىندىن بىر چوقلرىنىڭ اولمەسە ،
يارالانمەسە سەبب اولدىلر . فرانقلر بو وضعيتدە ايكن بىر روم
استانبولە كىدەرك كىفیتدن پىەرلرمىتى خبردار ايتدى . پىەرلرمىت
حالا اورادە ايدى . آلكسى قومەن درحال بونلر ك امدادىنە
قاتاۋن ايلە قونسەنتىن اوفوربەنوسى تورقوپلەس [۲]
Turcoples قوتلرلە كوندردى . بونلر ايمپراطورە مربوط
بىر نوع عسكر ايدى . توركلر بىر چوق غنائم ايلە ازىقە چكىلدیلر .
ايمپراطورك توماندانلرىنى تعقيب ايتش اولان پىەرلرمىت ،
اردوسنىڭ انقاضى استانبولە چكىدى .

بو ، عىنى طرزەدە دھا بىر چوق محارباتك مقدمەسنى تشكىل
ايتشىدى . بومحاربە فرانسىيە بىر مىليون انسانە مال اولمشدر .
توركلر بونلرى آناطوليدە اتلاف ايتشلردى . قىلىپچ آرسلانك ،
جسارتى ، فعالىتى ، احتياطكارلىغى سايەسندە ازالەيە موفق

[۱] سيويتوت قىرىندە . آن قومەن بوكا قىبوت Kibot دىيور .

[۲] آلبردە بونلر ك بىر روم ايلە بىر تورك قادىندىن تولد ايتش

اولدقلىرىنى سويلەيور .

اولدېغى بوايلىك فيرطنه يى دها مدهش بر فيرطنه تعقيب ايدەرك
ازنيقك ضياعنه سببیت ویردی . درت یوز بیدکی متجاوز یکی
بر اهل صلیب هیئتی قیلج أرسلانك الكالرينه یاقلاشیوردی .
فرانقلر و سائر خرستیانیلر غود فر وادو بویون G.de Bouillon ك،
بوئه موند Boëmond ك ، روبر قونت دو فلاندرك ، پوئی Puy
پسقیوسنك و دها سائر رؤسانك قومانداسی آلتەده اولدقلری
حالدە نيقومەدی یه مواصالت ایتشلردی . پیه رلزمیت دە ایلک
اهل صلیب بقایاسیله اوراده بونلره التحاق ایتدی . هپسی بردن
ازنيق اوزرینه یورودیلر . قونت دوتولوز ، روبر قونت
دو نورماندی ، آتیەن قونت دو شارتر ، دوبلواده بونلرك
آرقەلرندن كلدیلر . مایسك اون بشلەده ازنيق پيشكاهنده
اردو قوردیلر [۱] .

آناطولیدە سلاجوقی توركلرينك پایتختی اولان بو شهر
یتینیا قطعە سنده ، اطرافى داغلرله محاط براوواده كائندر .
غرب طرفندە بر كول واردی كه [۲] شهرك سورلرینه قدر
قدر خرستیاندن تقریباً اوچ بیکی ساحل بحرده كائن نیم خراب

[۱] روبر لوموان ایله سرپسقیوس بودری بونك عروج عیسا
كوننه . مصادف اولدیغنى سویلیورلر . کیلیوم دوتیر ۱۰۹۶ سنه سی
مایسك ۱۵ نجی كونی اولدیغنى یازیور .
[۲] بوكا آقسانیوس دیرلردی . توركلر بوكون آق صو
نامنى ویریورلر .

کیلیوم دوتیر
آن قومنه ن
سانوت
ابوالفدا
بوالحسن

کلیردی واستحکامات خدمتی کوروردی . شهرک اطرافنده
بر سور چوریلشدی . سورک دیشاریسنده کی هندک صو ایله
دولو ایدی . صیرا ایله بورالرہ یوکسک قلعه لر یاپلش ، سور
تحکیم اولونمشدی . ممالکی چناق قلعه دن کیلیکیاده طرسوس
شهرینه قدر امتداد ایدن قیلج آرسلان علی العاده بو شهرده
اقامت ایدردی . شهر اهالیسی ده جسارتلریله مشهور ایدیلر .
قیلج آرسلان قوتلرینی طوپلادی . شرق حکمدارلرندن ده استمداد
ایتدکن صو کره خرسیان اردوسنک حرکاتی ترصد آلتنده
بولوندیرمق ، هجوم ایچون مناسب بر فرصت کوزتله مک
اوزره یاقلاشدی . بوقدر چوق بر اوردو سلطانی هیچ
قورقوتمادی . اهل صلیب قلعه ک اطرافنه انتظامسز بر
حالدہ داغیلماشلردی . قلعه یی محاصره آلتنده طوتمقله
اکنفا ایدیورلردی . کول شهر سکنه سی ایچون سربست
بریول تشکیل ایدیوردی . اورادن قایقلرله محتاج اولدقلری
ارزاقی نقل ایده بیلیمکده ایدیلر . قیلج آرسلان بو واسطه دن
استفاده ایددرک ایرته سی کونی خرسیانلره هجوم ایددرک
محاصره یی دفع ایتدیره جکنی محصورینه بیلدیرمک ایسته دی .
فقط یوللادیغی ایکی مأموردن بری خرسیانلر طرفندن اتلاف
اولوندی . دیکری اهل صلیب رؤساسنک یاننه کوتورولدی .
بونلر سلطانه قوه امدادیه کله جکنی بو آدمدن او کړندیلر .
فرانقار درحال قونت دوسن ژیلہ یاخود دو تولوزہ و پوئی

پسقیوسنه برساسی کوندردیلر . بونلر هنوز قلعه پیشگاهنه
مواصلت ایتشلردی .

بوصیراده آلکسی قومنه پله قان Pelecan کیتمشدی .
شهر سکنهسی فرانقلردن ایسه اوکا تسلیم اولغی ترجیح
ایتدکلری جهتلله بونلرله کیزلیجه مذاکراته کیریشه بیلماک
املنده ایدی . اهالینک موافقتیله شهره کیرمش اولان بوتومیت
Butumite معاهدهی عقد ایتک و اهل صلیک الندن بوقدر
کوزل بر شکاری قایمق اوزره ایکن سلطانک ورودی خبری
ازنیقده یاییلدی . اهالی مذاکراتی ترک ایدهرک سلاحه
صاریلدی . قیلج آرسلان الی بیک کشیلک بر اوردو ایله
داغلردن ایندی . خرسیتیانلرک اوزرینه شدتله صالیدردی .
قونت دوتولوز ایله پوئی پسقیوسی اوصیراده اشیارینی بوشالتمقله
مشغول ایدیلر . علی العجله موقعلرینه کیتدیلر . بونلرک
مواصلتلردن خبردار اولمایان سلطان ، مدافعه سز ظن ایتدیکی
جنوب قاپیسی ضبط ایچون اون بیک سواری تفریق و اعزام
ایتدی . فقط بوقوت کری پوسکور تولدی . قونت دوتولوز
طرفندن فراره مجبور ایدیلدی . سلطان فراریلری طوپلادی .
بوتون اوردوسیله دشمنک اوزرینه یورودی . قونت دوتولوزک
امدادینه کلن غودفروادوبویون ، بوئه موند ، قونت دوفلاندر
تورکلری ایکنجی دفعه مغلوب ایدهرک درت بیک ضایعات
ویردکن صوکره چکیلمکه مجبور ایتدیلر .

بوقدر بويوك بر موفقیتسزاكدن صوكره سلطانك
 داغلره چكيله چكى ، ازنيقك ضبطنه توكل كوستره چكى ظن
 اولونوردى . فقط ايرته سى كوني صف حرب نظامنده اولديغى
 حالده ينه ميدانه چيقدى . آقشامه قدر تكرر حرب ايدىلدى .
 اوزون مدت مشكوك قلان مظفریت نهايت فرانقلر اهنده
 تجلى ايتدى . توركار كيجه نك ظلمتندن استفاده ايدرك
 چكيديلر . اهل صليب محاصره يه اسكيسندن دها شدته
 دوامه عزم ايتدیلر . يدي هفته سورلری دو كدیلر . صیق صیق
 هجوملار دبولونديلر . فقط محصورين بويوك بر جسارتله مدافعه ايدیور .
 لردى . بويوك بر طاقم ما كنه لر ياپديريلدى . بونلرله آتش و بويوك
 طاشلر آتيلیوردى . محصورينك آتدقلى مرميلرله اهل صليبك
 بوما كنه لری كاملاً پارچه لاندی . محصورين كول طرفندن راحتجه
 چيقوب كیره بيايولردى . لاینقطع ارزاق و امداد آليور .
 لردى . خرسه تيانلر بونلری كوردكلری حالده سفینه لری
 اولمادیغی ایچون برشی پایه مایورلردى . قارهدن قايق جلب
 ایتك غایت مشكل اولمقله برابر بویله بر واسطه اولمازسه
 ازنيقك ضبطی قابل اولمايه جنى ایچون اهل صليب جوار لیانلره
 بر مقدار عسکر كوندردرك اورالرده بولدقلى قايقلری
 طوبلاقمغه مجبور اولدیلر . آلكسی قومندن اونلره بر قاچ سفینه
 ویردى . بونی بيك زحمتله قیزاقلر اوزرندە چكرك ازنيق
 كوله نقل ايتدیلر . ایچلرندە الی حتی یوز محارب استیعاب

ایده جك درجه ده بویوکلری ده واردی . اوق آتمقده ماهی
وده کیز محاربه سینه الویریشلی اولان ایمپراطورک تورقوپول
عساکری بو سفینه لره بیدیلر . محصورینک جسارتی بو
سفائنک منظره سی قدر قیران برشی اولمامشدر . هجوملر دها
عمومیت کسب ایتدی . دها صیقلاشدی . سلطان ایله هر
دورلو مناسبت کسیددی . قونت دوتولوز جنوب طرفنده
قوماندا ایدیوردی . وراده کی بویوک بر قله یی تخریبه حصر
مشغولیت ایتمشدی . فقط قله نک متاتی آتیلان طاشلره
مقاومت ایدیوردی . اوفاجق بر کدیک درحال تعمیر
اولونیوردی . برنجی سورک سقوطندن صوکره آز وقت
ظرفنده انشا ایدیلش ایکنجی بر سور اهل صلیبک قارشیسینه
چیقیوردی . بوتون ما کنه لر محصورینک آتدقلری یاغلر ،
زیفتلر و سائر مواد مشتعله واسطه سیله کول حالنه کلیوردی .

اهل صلیب رؤسای قله یی ضبط ایتمکدن امیدلرینی
کسدکلری ایچون محاصره یی رفع ایدوب ایتهمکی آرالرنده
مذاکره ایدیورلردی . بو ائناده برلومبارو قله یی آز وقت
ایچنده یقه جغنی تعهد ایتدی . یکی بر ما کنه یاپدیردی .
بو اوילה ترتیب ایدیلشدی که محصورینک آتدقلری شیلر
اوزرندن قیوب کیدیورلردی . سوره یاقلاشدیلر . ییقمق
ایچون دیدنی قازدیلر . بونی بویوک دیرکلرله طوتدیردیلر .
بوتون بوانشاآت تمام اولدقدن صوکره دیرکلرک اطرافنده کی

مواد مشتعلەنى طوتوشدىردىلار . بوتون بنا يىقىلدى . هجومە
 حاضر لانيورلردى . بو مشهور قلعه آرتق اهل صليبيك مسا -
 عيسى قارشىسىندە مغلوب اولەجق كى كورونيوردى . بو
 صيراده بوتوميت ايجرى يە كيرمك يولنى بولدى . اھالىنى
 معروض اولدقلىرى تەلەكەدن خبردار ايدەرك اونلرى ايمپراطور
 آلەكسى قومەنە تەسليم اولغە تشويق ايلەدى . فرانكلر سورلرى
 آشمو ايجون ايلر يەدكلرى صيراده قلعه يە ايمپراطورك باراغى
 چكىلدى . روم عسكىرى شەھرە كىردىلار . بو قدر زحمتك
 ثمرەسىنى اونلر اقطاع ايتدىلار . يغمايە منتظر بولونان عسكىرلر
 بيهودە يره مرلداندىلار . رؤسا يە ايمپراطور طرفندەن مەھم
 ھەدىلەر ويرىلدى . بونلر ك مقصدلرى آناطوليدە قالمق اولمادىغى
 ايجون چاباق متسلى اولدىلار . يالەكزىپە رلرميتك اردوسندن اسير
 آلتىش اولانلر ك اعادەسىنى تامين ايتدىلار . ازنيق يكرمى
 حزيراندە ضبط ايدىلدى [۱] . قلعه نك سقوطنەن صوكرە كول
 طريقە قاجار كن طوتولمش اولان قيليج آرسلانك زوجەسى
 سلطان ايلە چو جوقلرى طوتولدى ، برچوق اسرا ايلە برلكدە
 استانبولە سوق اولوندى . سلطان بورادە ايمپراطور طرفندەن
 كمال اعزاز و احترام ايلە قبول ايدىلدى .

ازنيق شەرىنى ترك ايتەكەن صوكرە خرىستيانلر تەلەكەلى
 كچىدلردن كچە جكلردى . قيليج آرسلان پاختىنك ضبط ايدىلە سنك

[۱] ابوالحسنه و سائر عرب مورخلىرىنە نظراً ۴۹۰ تاريخ هجرىسىندە .

سنه

۱۰۹۷

كېلىۋەتتۈر
 كېيەر

سانوت

سيوطى

انتقامنی آلمق ایچون اونلری بورالرده بکله یوردی . او قدر
 خرسیانی بر آرایه طوپلایان دین چوق کره منافع خصوصیه
 ملاحظه سی قارشیسنده سکوت ایتمه مجبور اولدی . بو منافع
 خصوصیه دوشونجه لری مقصد مشترکی کوزدن غائب ایتدیریوردی .
 خرسیانلر دوست بر مملکتده ایش کبی ایکی قسمة آیریلدیله .
 بریسنه نورماندیا قوتی بونه موند ایله تانقره د و هوغ قونت دوسن
 پول قوماندایدیوردی . بونلر صوله دوندیله ، غورغونی نامی ویریلن
 بر محله برنهر کنارنده کائن دوریله Dorxlée [اسکیشهر] اوواسنده
 قرارگاه قوردیلر . غود فروا دو بویون ایله قونت دو تولوزک ،
 پوئی پسقیوسنک و فرانسه قرالی برنجی فنیلیک برادری هوغ
 لوغرانک قومانداسی آلتنده بولونان ایکنجی قسم ایسه صاغه
 دوندی ، برنجی قولدن ایکی میل مسافه ده اوردوگاه
 تأسیس ایتدی .

جاسوسلری واسطه سیله بو افتراقدن خبردار اولان قیلیج
 آرسلان بونه موند اوردوسنی ترجیح ایدهرک ، اوردوگاه
 تأسیس ایتدیکی اووايه قدر اونی تعقیب ایتدی . بردن بره
 باصدی . قومانداسی آلتنده تقریباً اوچ یوز بیک عسکر
 واردی [۱] . خرسیانلر صف حرب ترتینه آنجق وقت

[۱] کیلیوم دوتیر ایکی یوز بیکدن فضا ده دیور . فولوق
 دوشارتر اوچ یوز آلتیش بیک کشی اولدقلرینی سویلیور . بونک
 روایتنجه سلیمان یاخود دها دوغروسی قیلیج آرسلا نه آمودارادیجوم

بولايىدىلار . دوچار اولدقلىرى مشكلاتى غودفروادوبويونه
 بىلدىرىدىلار . توركلار خرىستىيانلار اوزرىنه متصل اوق
 ياغدىرىيورلدى . شقىلر طرزنده حرب ايدىيورلدى . يعنى
 قاچار كى كورونهرك صوكره عودتله شديد بر هجوم ياپيورلدى .
 همان كافهسى مجروح دوشن خرىستىيانلار اشپالرىنك آرقهسینه
 صاقلاندىلار . غودفروادوبويون ايله ديكر قوماندانلار قرق
 بيك سوارى ايله امدادلرىنه ككه مش اولسهلر ايدى كاملاً محو
 اوله جقلردى . امداد ورودى خرىستىيان اوردوسىنك قوه .
 معنويه سنى جانلاندىردى . بودفعه توركلار مغلوبته اوغرايدىلار ،
 قرارگاهلرىنى خرىستىيانلار ترك ايدهر ك قاچدىلار . اوچ ميل
 مسافه قدر آرقه لرندن تعقيب اتده بولونىلدى . توركلار ك
 قرارگاهنده بر چوق آلتون و كوموش ، مبدول ذخائر ،
 بار كىرلر ، دودلر ، اشكلر ، قويونلر و عظيم مقدارده چادر
 الده ايدىلدى . بو مظفرىت فرانكلره درت بيك كشى يه مال
 اولدى . توركلار اك كزیده عسكر لرندن اوچ بيككى غائب ايتدىلار .
 سلطان آرتق خرىستىيان اوردوسىنك قارشىسینه چيقمه جسارت
 ايدىمدى . اهل صليبيك مقصدى كندىسنىك مملكىتىنده يرلشمك
 اولمايوب فلسطينى فتحه كىتمك اولديغنى بىليوردى .
 ضرورلىرىنه ممانعت ايتكده قالمىشمق كندىسینه پك بهالى يه مال

كيليوم دوتير
 ابولفدا

Amudaradigium ، ميريانوس ، قومارديغوم Comardigum ،
 آميرقاي Amirchai ، لاقين Lachin ، بولداجيش Boldagis ،
 قاراديغوم Caradigum اميرلى ودها سائرى ده رفاقت ايدىيوردى .

اولمىشدى . اونك ايچون برطرفه چكىلمك طريقنى اختيار
 ايتدى . اهل صليبي بيتينيا وپيسيديا Pisidie قطعەلىرى
 طريقە يوللارینه دوام اتمەلرینه براقدى . اهل صليب بورالرده
 كەندى احتياطسىزلىقلارنى يوزىدىن دها بويوك تەلەكەرە معروض
 قالدیلر . قورو وچوراق برمىلىكتەن كچيورلردى . شدت
 حرارت تھملفرسا بردرجەيە چىقىوردى . اياك تصادف
 ايتدكلرى برنهره احتياطسىزجە آتيدیلر . بول بول ايچدكلرى
 صو سببيلە برچوقلرى تلف اولدى . پيسيديا قطعەسنىك پايختى
 اولان آنطاكيەدن ، ليقائونى قطعەسەنە كيردىلر . قونيه يە
 ياقلاشدیلر . بورادە ييەجك بولاجقلارنى اميدايدييورلردى .
 فقط ورودلردن خبردار اولان توركلر شەرى ترك ايدەرك
 قادينلرى وچوچوقلرى وبوتون ثروتلرى ايلە برلىكدە جوار
 داغلرە چكىلمىشلردى . بوندن دولايى اهل صليب قىطلق سببيلە
 يك چوق اضطراب چكدیلر . ارکالى يە صوكرە مرعشە كلدىلر .
 اورادە تانقرەد ، معيتندەكى عسكەرلە اوردونك قسم كايىنى
 ترك ايتدى . بعض تورك مفرزەلرینی مغلوب ايتدكەن صوكرە
 كىلىكىادە طرسوس شەرىنە ياقلاشدى . مقصدى بوراسنى
 ضبط ايتكدى . بوكا موفق اولەجنى صيرادە بودوان يتيشەرك
 الندن آلدى . بونك اوزرىنە آطنەيە ، صوكرە مامىسترا
 Mamistra يە كيتدى . اورادە بويوك غنائم الدە ايتدى .
 قياچ آرسلان بوكا ممانعتە موفق اولامامشدر . ايشتە تانقرەد

بوصورتله بوتون کیلیکیایی دولاشدی ، هراست کلدیکی یرده تورکلری مغلوب ایتدی . بویوک برمحاربه دن صو کره اسکندرونی اله کچیردی . داغلره چکیلمش اولان تورکلرله ارمنیلر اورالرده هجومه معروض قالماق ایچون کندیسنه هدیهلر یوللادیلر . هپ شرقه دوغرو ایلریله ین خرسیتیانلر نهایت قیلج آرسلانک الکاسندن چیقدیلر . بر اوجندن دیگر اوجنه قدر بوالکادن کچرکن هر طرفی تخریب ایتشلردی . اهل صلیب بورادن صو کره سوریه کیردی . بغداد خلیفه سنه مربوط سائر مسلمانلرک دشمنی اولان مصر خلیفه سی کندیلرینی کیزلیجه بوکا تشویق و دعوت ایدیوردی .

ابوالحسن

سلطان ، اهل صلیبک کچمه سندن متولد فاریشیققلری هنوز ازاله اتمک وقت بولامادن ، دانمارقه قرالک اوغلی سوئنون *Suënon* ک قومانداسی آلتنده اون بش بیک دانمارقه اینک کلدیکی کوردی . یونلر *Phiniminis* ایله ترمه [۱] *Terma* آراسنده قرارگاه قورمشلردی . همان دانمارقه لیلرک اوزرینه یورویهرک اونلری مغلوب ایتدی . دانمارقه لیلر جسورانه مدافعه ده بولوندیلر . هپ تلف اولدیلر . ایشته بویکی اهل رلیبک عاقبتی بواولمشدر . تاریخ قیایج آرسلانک زمان سلطنتی حقنده اوزون تفصیلات ویرمیورسه ده سو احواله باقیله جق اولورسه بویوک ، غایت جسور ، فعال

[۱] بوشهر قایادوس ولایتی داخلنده در .

وفن حربده ماھر بر حکمدار اولدیغنه حکم ایدیله بیلیر .
 ففط پایتختنی غائب ایتمه سی ، برچوق شهرلرک خراب اولماسی
 قوتنی پک تنقیص ایتدی وامرآنک حرص جاهلرینی آرتیردی .
 بورؤسا تمامیه سلطآنک حکم ونفوذی آلتنده دکلدیلر .
 برچوق تبعه اوزرنده اولدقجه براسـتقلاله مالکدیلر . قیاج
 آرسلاک ضعفندن وخرستیانلری طردایله مشغولیتندن استفاده
 ایدهرک عصیان ایلدیلر . امیرتاکری پرمش Tangri permes
 ایاثلوغ شهرینی ضبط ایتدی . باشقه امیرلرده سیدسام ، ردوس
 آطه لرینی اله کچیردیلر . بونلرک جرئتکارلقلرینی تنکیله مجبور
 قالان آلکسی قومنه ردونا نما ایله ژان دوقاسی کوندردی .
 چاقاسک کریمه سی سلطانی ده برلیکده اعزام ایتمشدی مقصدی
 بونی کورنجه ازنیق شهرینک سقوط ایتمش اولدیغنی آ کلامه لر
 ایدی . ژان دوقاس قاره دن ازمیره کیتدی . دونانما ایسه
 ده کیز طریقله ینه عینی شهره متوجه اولمشدی . چاقاس
 طرفدارلرینک برقسم متباقیدن عبارت اولان اوراده کی
 تورکلر سربستهجه چکیلمک شرطیه ازمیری تسلیم ایتدیلر .
 روملر اورادن ایاثلوغه امیرتاکری پرمشه وامیر ماراس [۱]
 Marace ه قارشى یورودیلر . وقوعه کان برمحاربه ده ایکی

[۱] روم مورخلری بوامیرلرک اسملرینی تحریف ایتشلردر . فقط
 عرب مورخلری بووقایعدن بحث ایتهدکلری ایچون حقیقی اسملری بولمق
 نجه قابل اولماشدر .

سنه

۱۰۹۸

آن قومنه

امیر مغلوب اولدیله. معیتلر نده کی عساگردن اون بیکی اسیر ایدیلدی. ایمپراطور بواسرانی آطه لره داغیتدی. متباقی عساگرد مندرس طریقله بولوا دین Polybot ه قاچدیله. ژان دو قاس ایاثلوغه کیری صوکره سارد Sardes، آلا شهر Philadelphie لاؤدیسسه [دکزیلی] Laodicée، لامپ Lampes شهرلرینی استرداد ایتدی. پولیبوت [بولوا دین] پیشگاهنه کلدی. تورکلر بورایه التجا ایتشلردی. بوراسنی غفله باصه رق برچوق اسیر آلدی. دیگر طرفدن ایمپراطور آلکسی قومنه نده سلطانک اراضیسنه کیردی. فیلومهل [آق شهر] Philoméle ه کیده رک اوراده تورکلری مغلوب ایتدی. دهابعض مواقعی ده اله کچیردی. مقصدی نهر العاصی Oront اوزر نده کائن انطاکیه شهرینک محاصردی ایله مشغول اولان فرانقلره وسائر اهل صلیبه یاردم ایتدی. کیلیوم دوغراف مه تیل ایله سائر فرانق کبراسی ایمپراطوری حرکتی تعجیله تشویق ایچون بوموقعه کلشلردی. ایران سلطانی طرفندن بوتون شرق قوتلریله سوق ایدیلن قوماندان کربوگا Kerboga نک ورودی حقنده اوزمان شایع اولان بر خبر اوزرینه ایمپراطوردها ایلری به کیتمه مکه قرار ویردی. خرسه تیانلری براقه رق استانبول یولنی طوتدی. اسماعیل نامنده برتورک امیرینک از عاجاتنه معروض قالدی. فقط او قدر احتیاط کارانه و متیقظانه حرکت ایتدی که ایمپراطور اردوسنه تجاوز فرصتی قاچیرمش اولان امیر تأثرندن کیده رک پایپه رت

آن قومنه ن

Paipert [بایبورد ؟] قلعه‌سنی محاصره ایتدی . غابراس
ته‌ئودور Gabras Theodore بو شهری بر آز اول ضبط
ایتمشدی .

سنه
۱۱۰۰
ابوالفدا

قیلیج آرسلانک حکومتک شرق ولایتلری ده بر طاقم
امرانک الیه کچوردی . تیلو Thilou نک اوغلی کشتکین
نامنده بر تورکمن — که پدری ارباب عامدن اولدیغی جهتلدها
زیاده ابن دانشمند [۱] نامیله معروفدر — معینه بر
مقدار آدم طویلادقندن صوکره ملاطیه شهری جوارنده اولدقجه
حائز اهمیت بر کوچوک حکومت تشکیلنه موفق اولمشدی .
او زمان بو شهرده غابریل نامنده بر ارمنی حاکم ایدی .
غابریل ، تورکلرک لاینقطع اجرا ایتمکده اولدقلری آقینلره
مقاومت کوستره مدیکی جهتله سوریه‌ده کی آنطاکیه شهرنده
یرلشمش اولان بوئه‌موند مر اجعتله ملاطیه‌ی اوکا تسلیم
ایتمک تکلیفنده بولوندی . بوئه‌موند در حال فراتی کچدی .
مزوپوتامیایه کیدی . فقط بوراده مقاومنه تصادف ایتدی [۲] .
دانشمندک اوغلی بوئه‌مونده قارشی یورودی . غافل باصدیریلان
فرانقلریشان اولدیلر . بوئه‌موند اسیر دوشدی . ابن دانشمند
کیدوب ملاطیه‌ی محاصره ایتدی . فرانقلر اورفه Edesse
شهرینه قاچهرق بو شهر قونتی اولان بودوانی بوئه‌موندک باشنه

کیلیوم دوتیر
فولق دوشارتر
آبرتوس

[۱] بو کله تورکمنجه‌ده معلم معناسنی افاده ایدر .

[۲] ۴۹۳ تاریخ هجریسنده .

كلن فلا كتدن خبردار ايتديلر . بودوان على العجله اوچ
كونلك مسافه ده بولونان ملاطيه قوشدى . دانشمندك اوغلنى
على العجله چكيلمكه مجبور ايتدى وملاطيه شهرينه صاحب اولدى .
ايشته بو امرا آناطوليناك شرقنده وعربنده يرلشمك
ايچون بويله غيرت صرف ايتدكلرى صيراده سلطان اوتده
بريده دولاشه رق آسيا حكمدارلىرى نزدنده معاونت رجا
ايدىوردى . كنديسى ايله ذى قدرت امراسى آراسنده كى
اختلافاتدن ، روملك ازنيق جهتندن ياپدقلىرى آقنلردن ،
غرب خرسىيانلرينك بويوك كتله لرله مملكتى داخلندن
مورلرندن دولايى قىليج آرسلانك دولتنك ايشلىرى پك برباد
بر حالده ايدى . ارتق اهل صليب بلاسندن قورتولديغنى ظن
ايتدىكى بر صيراده يكيدين ايكي يوز آلتش بيك آلمان ، فرانسىز
ولومباردك ورود ايتدىكى كوردى . لومباردلرك ريسلىرى
ميلان پسقپوسى ، آلبر قونت دو بلاندر ، برادرى ديدو ،
هو غ دو مون بهئل ، آلبرهرك يىكنى اوتون ، ويغبر قونت
دو پارم ايدى . پاسقاليه يورطيلرينه دوغرو ايزميتيه واصل
اولمشلردى . ايمپراطور اوچنچى هانرينك معيتى اكابرندن
قونرادده آلمانلرله بونلره التحاق ايتدى . آرقه لرندن آتيهن
قونت دو بلوا ، آتيهن دوق دو بورغونى ، هو غ لونغرآن
ودها سائر بر طاقم اكابر قومانداسنده فرانسىزلكديلر .
ايمپراطور آللكسى قومنه رهبلك ايتك اوزره بونلرك ياننه

سنه
۱۱۰۲
آلبرتوس

تورقوپاس عسکرلرندن ويرمىدى . قونت ردمون ايله اتيهن .
 دو بلوا ، غود فروا دو بويونك تعقيب ايتىش اولديغى طريقك
 اختيار ايديلهسي فكرنده ايديلير . كىرتلرينه يك كووه ن لومباردلر
 داغ يوللارنى ترجيح ايدىيورلردى . كيدوب بغدادى محاصره ايتىك ،
 اورادن خوراسانه قدر كيرمك ادعاسنده ايديلير . بونلرك
 فكرى قبول ايتىك مجبوريتنده قالديلير . مبدوليت وسفاهت
 ايچنده اوچ هفته يولدن صوكره داغلره كلديلير . بر كوچوك
 قلعه يى ضبط ايدىورك بوراده ايكى يوز تورك اولدىرديلير . فقط غارغاره
 Gargara حصارىنى ضبط ايدىمديلير . توركلر خرسىيانلرى
 ازعاج ايتىكه باشلاديلير . سالاكانك هديه ليله افساد ايدىلىش
 اولان ردمون ايله آل كسى قومنه نك عسكەرلى خرسىيان اردوسنى
 مدهش چوللردن كچىرديلير . بوراده صو هيچ يوقدر . توركلرده
 يوصولر قورمشلردى . بوخيانت نتيجه سنده يك چوق كشى
 تلف اولدى . يدى يوز فرانسز پيشدار اوله رق قونولدى .
 بر بوقدر لومباردده دمدار وظيفه سنى كورىيوردى . اردويى
 تعجيز ايتىمكدن خالى قالمايان توركلرك هجومه مانع اولمق ايچون
 بوتدىرى دوشوندىلير . بش يوز تورك هجوم ايدىورك دمدارده كى
 لومباردلرى مغلوب ايلدىلير . صوكره بونلر خرسىيان پياده سنه
 هجوم ايتدىلير ، بيك كشى اولدىرديلير . لومباردلر خيانتله
 اتهام اولوندىسه ده كيمسه اونلرك وظيفه سنى درعه ده ايتىكه
 جسارت كوسترمدى . الكنايت دوق دوبرغونى بش يوز

زړهلی عسکر ایله بوتهلکې کوزه آلدی . او قدر جسورانه حرکت ایتدی که اردو برتک ضایعات بيله ویرمدی . سائر اردو رؤسای کلدیلر . اون بش کون چوللر وداغلر آراسنده یورودیلر . خرسټیان اردوسنده قیطلق کنديسني حس ایتدیرمهک باشلامشدی . ییه جک بولمق امیدیه یوقدی . تورکلر ، اردونک قسم کایسندن ییه جک آرامق اوزره اوزاقلاشان عسکرلرک کافه سنی اسیر ایدیورلردی . خرسټیانلر بوتهلکلی کچیدلری کچدکن وپافلاغونی داغلرینک جنوبنده کی اووالره قرارگاه قوردقدن صوکره سلطان قیاج آرسلائی یاننده ابن دانشمند ، حلب ملک کی رضوان ۱۱۱ ودها سائر تورک حکمدارلری اولدینگی حالد یکر می بیك کشی ایله کلدیکنی کوردیلر . تورکلر درحال هجوم ایددرک ابتدا خرسټیانلرک اردوگاهلرینه قدر کیردیلر ، پک چوق کشی اولدیردیلر . فقط فرانسزلرله لومباردلر بویوک بر مقاومت کوسټردکلری جهته چکیلمکه مجبور اولدیلر .

قیطلغک و مشاق سفریه نک باعث اولدینگی وفيات دشمن بر مملکتده بولونان بو خرسټیانلر آراسنده کی عدم امتزاجک ، انضباطسزلغک ، احتیاطسزلغک تولید ایتدیکی فلاکتله نسبتله هیچ قالیر . بو محاربته نک ایرته سی کونی اهل صلیبدن اوچ

[۱] آلبرده بوکا « برودوآن » دیور . قاراجل اسمنده برامیر

دها بولوندینگی سویلیور . احتمالکه قاره جه در .

بيكى ، قونراد ايله يېڭى برونونك تحت قومانداسىندە
 اولدۇقلىرى خالده مرعشە دوغرو ايلريله مك ايستەدىلر .
 برحصارى ضبط ايدەرك ايجندەكى تورك قواى محافظەسىنى
 كاملاً قىلىجىدىن كچىردىلر . فقط آلدۇقلىرى غنائم ايله برلكدە
 احتياطسىزجه داغلر آراسىندىن يورودكلىرى صيراده توركار
 هرطرفدىن بونلرى قوشاتدىلر . اچلرندىن يدى يوز قدرىنى
 اولدىردىلر ، متباقيسىنى پریشان ايتدىلر . بونلر آلدۇقلىرى بوتون
 غنائمى الدن قاچىردىقدىن صوكرە اردونك قسم كلىسنە التحاق ايله دىلر .
 اهل صليب صوكرە يولنە دوام ايتدى . لومباردلىرى
 پىشدا قويدىلر . توركلرك اردوسى متصل بونلرى ازعاج
 ايتدى . بوباربارلر خرسەتيانلر اوزرىنە متصل برچوق
 اوق آتەرق اونلرە ضايعات وىردىرىيورلر ، صوكرە همان
 قاچىورلردى . توركلرك هجوملرىنە دها اوزون مدت مقاومت
 كوستىرمەين لومباردلر قوماندانى آلبر معيتيله برلكدە فرار
 ايتدى . آلمانلرك ، ساقسونياليلرك ، باويەرايليلرك ، لورنيليلرك
 رئىسى بولونان قونراد لومباردلرك يرينە كچدى . بر مدت
 مقاومت كوستىردىسەدە اودە توركلر قارشىسىندە فرارە مجبور
 اولدى . دوق دوبروغونى بورايە قوشىدى . بيهودە برطاقم
 مساعيدىن صوكرە چكىلدى . آتيەن دوق دوبرلوا بوقاريشقلىغى
 كورەرك فرانسىز عسكەرىلە ايلريله دى . آقشامە قدر حرب
 ايتدى . اردوكاهە قاچىدى . رەمون پروانس عساكرى

و تورقوپلس لر امداده قوشیدی ایسه ده بو اجنبی عسکر
 کندیسنی ترك ایتدیکی ایچون معیتندن اون کشی ایله یوکسک
 بر داغه بیک مشکلات ایچنده قاچه بیلدی . اوراده ده برخیلی
 مدت مبارزده بولوندی . قونت دوبلوا ایکی یوز زرهللی
 عسکر ایله کیدوب اونی قورتاردی و اردوگاهه کتیردی .
 بو مدهش کوندن صوکره تورکلر بر چوق غنائم ایله ایکی
 میل اوزاقده کی اردوگاهلرینه چکیدیلر . کیجه این قونت
 ردمون تورقوپلس عساکری ایله برلکده فرار ایدهرک
 ایمپراطور آلکسی قومنه نه عائد بولونان بر حصاره قایندی [۱] .
 خرسستیان اردوسنک قسم متباقیسی قوه معنویه سنی او قدر
 غائب ایتدی که ضابطلر وعسکرلر قرارگاهده قاریلرینی ،
 چوجوقلرینی ، اشیالرینی براقه رق دارمه داغینیق اولدیلر .
 تورکلر درحال قوشدیلر . قادیلرله تجاوز ایتدیلر ، کسیدیلر .
 صوکره خرسستیانلری تعقیبه باشلادیلر . بونلر او قدر
 قورقشلردی که بلا مقاومت قتل ایدیلیورلردی . او کون
 اهل صلیب یوز آلتش بیک ضایعات ویردی . متباقیسی پریشان
 برحاله استانبوله قاچه بیلدی .

سوریه محارباتنده اولن اهل صلیبک مقداری آناتولی نی
 کچرکن اوغرادقلری ضایعاته نسبتله یک آزدر . سلطان ،
 بو قدر عظیم مقدارده دشمن اولدیردکن یک آز بر مدت

[۱] آلبرده بوکا پولوه رال Pulveral دیور .

آن قومنه
آلبرتوس

صوکره ، فرانسه دن ، قادینلر حسابیه قاتلمه مق شرطیه ، اون
بش بیک کشی ایله حرکت ایتیش اولان کیلیوم قونت دو -
نه ودرک سیویتوته Civitot واصل اولدیغنی و آنسیر [۱]
Ancyre شهرینی ضبط ایتدیکنی خبر آلدی . بونلر صوکره
قزیل ایرمق Halis نه رینی کچمشلر ، روملر طرفندن مسکون
کوجوک بر قصبه یه یاقلاشمیشلردی . بو قصبه اهاالیسی اللرنده
انجیل و صلیب ایله بونلره قارشى کیتدکلری حالدده شهرلرینک
یغما ایدیللمه سنه مانع اولامامشلردی . بو اهل صلیب آماسیه یه
دوغرو یورودیله . قیلج آرسلان ایله ابن دانشمند بونلرک
ارزاقدن محروم قالمغه باشلامش اولدقلرینی خبر آنجه
عسکرلرینی اوچ قوله آیردیله ، اوزرلرینه صالیدیله .
فرانقلر بو هجومه مقاومت کوستردیله ، حتی ستانقون
Stancon ه قدر ایلریله دیلرسده ضبطه موفق اولامادیله .
صوکره ارکالی یه کیتدیله . اوراده اوچ کون صوسزلقله
جنکاشدیله . چونکه تورکار قویولری و صهرنجلری قاپامشلردی .
سلطان بونلرک مهم صورتده کسب ضعف ایتدکلرینی کورونجه هجوم
ایتدی . بوتون کون محاربه اولدی . آنجق یدی یوز قدر
اهل صلیب ، ژرمانیقوپولیس Germanicopolis قاچه بیلدیله .
متباقیسی یاتلف اولدی یا اسیر دوشدی . قونت دونه ودر یالکیز

[۱] آلبرده بورایه آنقراس Ancras نامنی ویریور . شیمدی

آنقره اسمنی طاشیمقده در .

باشنه آنطاکیه واصل اوله رق تانقرده طرفندن استقبال ایدیلدی .
 بو هزیمتدن سکیز کون صوکره قیلج آرسلان دور
 سلطنتک اکبویوک مظفریتنی خرسیتیانلر اوزرنده احراز ایتدی .
 کیلیوم قونت دوپواتو ایله وهلسون دوق دوباویره یوز آلتش
 بیك کشیلاک بر اوردو ایله قیلج آرسلانک الکاسنه کیردیلر .
 فینیمینیس ، سالامیه Salamia شهرلرینی تخریب ایتدکن
 صوکره ارکلییه واصل اولدیلر . بوراده بر نهره تصادف
 ایتدیلر . صویه بویوک احتیاجلری واردی . چونکه کچدکلری
 یوللرده نه بر قویویه نه بر صهرنجه تصادف ایتمه مشلردی .
 قیلج آرسلان ایله ابن دانشمند ودها سائر تورک امراسی ۱۱
 قارشى ساحلده اخذ موقع ایتدیلر . اورادن اهل صلیبک
 نهره تقرینه اوقلریله مانع اولدیلر . خرسیتیان اردوسنه
 قارشی قلق کلدی . فرار باشلادی . بیکلرجه فرانسز ، غاسقونیه لی
 و آلمان داغلرده تلف اولدیلر . قونت دوپواتو بر ساییسیه
 برلکده آنطاکیه قچه بیلدی .

اووقته قدر ابن دانشمند سلطان ایله متفقاً خرسیتیانلره
 قارشى حرب ایتمشدی . هرایکیسی ده بونلری دوردیرمق
 و سورییه دخوللرینه مانع اولمق اوزره صرف غیرت ایتمکدن
 کری قالماملردی . بوئوموند ملاطیه ده ابن دانشمندک النده

[۱] آلبرده بونلره قارمیه ت Caratiet و آغونیش

Agounisch دیور .

اسیر ایدی. ایمپراطور آلکسی قومنه بونک فدیة نجاتی اولمق اوزره تورکلره ایکی یوز آلتش بیک بزاق Bezans تکلیف ایتدی. قیلیچ آرسلان بونک یاریسینی کندیسینی آلمق ایسته دی. ایکی حکمدار آراسنه اختلاف دوشدی. آچیقدن آچیغه بربرلیله حربه کیریشدی. ابن دانشمند قوتلی اولمادیغی ایچون فرار ایتدی. بونموند اوکا بو یاردنک یاریسینی و خرسیتیان حکمدارلرینک و ستلمقارینی وعد ایتدی. اوده قبول ایتدی ۱۱۱. بونک اوزرینه قیلیچ آرسلان ایران سلطانه شکایتده بولوندی. ایران سلطانلرینک آلآن بورالرده بر درجه یه قدر حکم و نفوذی موجود ایدی. فقط قیلیچ آرسلان بو طرفدن برفائده کوردمه یجه ابن دانشمندی بر ملاقات بهانه سیله بونمونده برسوزاق قورمغه تشویق ایتدی. قیلیچ آرسلان بر خرسیتیانه قارشى بو اغفالک جائز اولدیغی فکرنده ایدی. فقط یمین ایله باغلی اولان ابن دانشمند معاهده یه صادقانه رعایت کوستردی.

آرتق حرب ایدیه جک خرسیتیان قالمادیغی ایچون قیلیچ آرسلان شرق ایشلرینه ده ازیاده مداخله ایتمکه باشلادی. میافارقین وزیرى (ضیاء الدین؟) غیاث الدین محمودک مراجعتی اوزرینه موصله کیده رک بو شهرى ضبط ایتدی. بر مدتدن برى جکر مش Djikramisch

[۱] کیلیوم دوتیرک روائتینه ۱۱۰۳ تاریخنده اسارتدن

خلاص اولشدر.

آلبرتوس
کیلیوم دوتیرک

سنه
۱۱۰۷
ابوالفدا
ابوالفرج

نامند برتورك اميرينك تحت تصرفنده بولونان بوشهر جاؤلى
 سقاوو نامنده ديكور بر اميرك نظر حرص و طمعنى تحريك
 ايدىوردى . بر محاربه وقوعه كمش ، بوند جكرمش اسير
 دوشمىدى . كنديسنه پك مربوط بولونان موصل سكهسى
 سلطان قيليچ آرسلاندى معاونت طلب ايتدكلى ايچون بو حاكمدار
 درحال نصيبين شهرينه كيتدى . جاؤلى موصلى ترك ايله رجبويه
 چكىلدى . سلطان ، موصله كيردى [۱] . اداره سنى هنوز
 اون ايكي ياسنده بولونان اوغلى ملك شاهه وىردى . صوكره
 كيدوب موغراقه Mograca ده قرارگاه قوردى . جكرمشك
 اوغلى ژنكى بوتون طرفدارلريله بوراده قيليچ آرسلان
 ايتدى . قيليچ آرسلان شرقيليرك عادتى موجبىجه او كابر خلعت
 كيدىردى . محاربات داخليه دن دولايى پك تذبذب ايچنده
 قلمش اولان بو حواليده تأسيس سكون و انضباطه اهميت وىردى .
 بومظفريت شو حرايص جاه سلمانى ، سايچوقيلرك اك
 باشلى قولى اولان ايران سلطانلرينه قارشى تماميله اظهار
 عصيان ايتكه سوق ايله دى . بومملكته اونلرك يكانه اثر
 حاكيتى اولان شىئى يعنى خطبه لرده اسملرينك اوقونماسنى
 منع ايتدى . خطبه ده سلطان محمدك يرينه كنديسنك اسمنى
 اوقوتدى . بوندن دولايى بوتون سوريه حاكمدارلرينك نفرتى
 قازاندى . قيليچ آرسلان موصله تأسيس سكون ايتدكن

ابوالفدا

صوکره جاوولی یه قارشی یورودی . حلب ملک کی رضوان ایله
دها سائر برطاقم امرا جاوولی طرفنی التزام ایتمش-لردی .
بونلره خابور نهری قییلرنده راست کلدی . هرایکی طرفدن ده
جسورانه حرب ایتمدیلر . عسکری طرفندن ترك ایدیلن قیلیج
آرسلان بونهره آتلدی . بارگیری اورولوب نهره دوشونجه یه
قدر کمال شجاعته مدافعه ده بولوندی . نهایت نهرد بوغولدی [۱] .
برقاچ کون صوکره نعشی بولونه رق خاربور قربنده شمسانیه
Schamsanie یه کوتورولدی . اورادن میافارقینه نقل ایدیلدی .
جاوولی سقاوو کیدوب موصلی آلدی . قیلیج آرسلانک اوغلی
ملك شاه ایران سلطان محمدك یاننه قاچدی .

قیلیج آرسلان مسلمانلر ایمپراطورلغی هرگزندن اوزاق
بریده حکمران اولدیغی ایچون عرب مورخلری بونك زمان
سلطنتنه و کندیسنه عائد يك آرمعلومات ویریورلر . قیلیج آرسلانی
يك ناقص اوله رق طانیورلر کیدر . اونی بزه دهایی طانیتدیران
محررلر بیزانس مورخلریله اهل صلیب مورخلریدر . بونلرک
ویردکاری معلوماته نظر آقیلیج آرسلان حقنده سردایدیله جک حکم
کندیمنك توسیع ممالکه حریص ، اکتساب ثروته میال ، محارباده
غایت جسور ، بصیرتکار ، دشمنی تعقیبده فعال بر حکمدار

[۱] ۵۰۰ سنه سی ذی القعدة سنك ۲۰ سنده . دربلو بریده

۱۸ سنه بریرده درت سنه سلطنت سوردیکی سویلیور .
حالبوکه اون بش اون آلتی سنه تختده قالمشدر .

اولدیغندن عبارتدر . پك چوق خرسیتیان اتلاف ایتدیکی
ایچون ظالم عد اولونمشدر . حالبوکه مملکتی استیلایه کان
ویك بویوك تخریباتده بولونان اجانبه قارشى مدافعهده
بولونمقدن باشقه بر شی یامامش اولدیغی اونوتولیور . بو
حکمدارلرک احوالندن ایجه خبردار اولمایان مورخلر منراونی پدری
سایمان ایله قاریشدرمشلردر . بعض مورخلر ایسه کنج سلیمان
دییهرك پدرندن آیرمشلردر .

اغلب احتماله کوره قیلیج آرسالانک ممالکی وفاتندن
صوکره بر طاقم امیرلر الده قالمشدر . چوجوقلری پدرلرینک
بوتون حکم ونفوذینه وارث اولامادیلر . اسم فرقلری
وتاریخده پك آز تفصیلاته تصادف ایدیلمهسی چوجوقلرینک
عاقبتی نه اولدیغی ، یرینه کیمک کچدیکنی بزه لایقیله آکلا -
تهمایور . هر حالده آن قومنه نه نظراً شاهنشاه Saisan
اسمندهکی بر اوغلی مؤخرأ هپسنه تفوق ایتش وسلطان
عنوائی آلمشدر . احتمالکه بو حکمدار ، ملک شاهدر .
تورکارله روملر آراسنده وقوعه کان یکی محاربهیه [۱] بونک
اشترک ایدوب ایتدیکی بللی دکادر .

ایمپراطور آلکسی قومنه ن آسیا شهرلرینی تعمیر ایتدیرمک
ایچون فیلولهس Philocales ی کوندرمشدی . آدرامیتوم
Atramyrium [ادرمید] ایله ده سائر بعض شهرلرک

[۱] بو محاربه بونمونک وفاتندن صوکرهدر .

آن قومنه

تعمیری بیتدیکی صیراده بوقوماندان توركلرك لامپ جوارلرنده قرارگاه قورمش اولدقلرینی خبر آلدی . کوندردیکی برمفرزه بو باربارلری مغلوب ایتدی . فقط روملرك ارتكاب ایتدكلری مظالم قالمادی . آن قومنهك كنزیسی بیله روملرك ، کوچوك چوجوقلری قازانلرده قایناته جق درجه ده وحشتی ایلری یه کوتورمش اولدقلرینی سویله یور . بوتون توركلر ماتم طوتدیله . شهردن شهره دولاشه رق هر کسی اخذ انتقامه تحريك ایتدیله . قاپادوس قطعه سنده حسن Asan نامنده برامیر یکر می بیك کشیلك بر اردو چیقاردق آلاشهره یاقلاشدی . سورلرده عسکر کورمدیکی ایچون شهرده قوه محافظه بولونمادیغنه احتمال ویردی . بر طاقم مفرزه لر آیرارق ازمیره ، بر غمه یه وسائر طرفلره کوندردی . بوندن دولایی ضعیف دوشدی . فیلو قالهس بومفرزه لردن ایکیسنی باصدیره رق مغلوب ایتدی . فقط چوق ایلریده بولونان اوچنجی مفرزه قورتولدی .

سنه

۱۱۵۱

آلرتوس
آن قومنه

روملر آنا طولیده توركلره فائق برحاله کله که باشلامشلردی . فقط ایران سلطانی بو الکایی کندی عائله سنده محافظه ایتك ایچون براردو ایله امیر مودودی [۱] بورایه کوندردی . [۲]
بوقوماندان روملره عائد بولونان ستامیریه Stamirie شهرینی محـا-

[۱] کیلیوم دوتیر بوکا مندوق Menduc دییور . آلبرده ایسه

ملدوق Melduc نامنی ویریور .

[۲] ۵۰۷ تاریخ هجریسنده .

صره ، ضبط ویغما ایتدی . برچوق خرسیتیان حجاجی واردی که
قدسی زیارت ایتدکن صو کرا آوروپایه دونیورلردی . بونلرک
همان هپسی اتلاف ویا اسیر ایدیلدی . یدی بیکی قبریس آطه سنه
قاچه بیلمک سعادتنه نائل اولدیلر . آلاشهر والیسی قونستانلین
غابراس C. Gabras تورکارک بویکی هجومندن خبردار اولونجه
عسکرلرینی طوپلادی ، سربیانوم Cerbianum قربنده

اونلری مغلوب ایتدی . بونک اوزرینه سلطان شاهنشاه صالح
طلب ایتمکه مجبور اولدی . قومنه نده بوصاحه رضا کوستردی .
بو معاهده دن صو کره استانبول ایمپراطوری کلیولی یه

آن قومنه ن

بر سیاحت یامشدر . فخط پایتختنه عودت ایدر ایتمز آسیاده کی
ممالکینک ایراندن و خوراساندن کلن الی بیک کشیلک برتورک
اوردوسی طرفندن تخریب ایدیلدیکنی خبر آلدی . درحال
سیویتوته کیتدی . اوراده تورکارک متعدد قوللره ایرلقلرینی ،

ازنیق جوارلرینی یغما ایلدکلرینی ، پروس Pruse [بروسه ؟]

زونار

و آپولونیادی یغمادن صو کره ضبط ایچون سیزیک اوزرینه
یورودکلرینی ، امیر قونتاغمن Contagmen ایله محمدک پویمانن
Poimanen طرفلرندن بویوک غنائم آلدقلرینی دویدی . بش

یوز کشی ایله بونلری تعقیب واثنای رجعتلرنده ازعاج ایتمه سی
فقط محاربه یه کیریشمه سی ایچون قامیچ Camitzes ه امر

ویردی . فقط بوامر اونوتولدی . قامیچ ازنیقدن چیقارکن
تورکاره راست کلدی ، بونلره هجوم ایله داغیتدی . بومظفریته

اك چوق يارديم ايدن شى توركلرك روم اوردوسنده ايمپراطور بولونديغنى ظن ايمه لرى ايدى . فقط بومفرزەنك قاميچ قومانداسى آلتندە اولديغنى خبر آلتنجە طوپلانديلر ، روم قومانداتى باصديلر ، اوردوسنك برقسمنى قيليجدن كچديلر ، متباقيسنى قاچيرديلر . قاميچ نوميدانه مدافعه ده بولوندى . آرتق مقاومت امكانى قالمانجه امير محمدك كنديسنه برشى يالمايه جنى حقنده كى وعدى اوزرينه تسليم اولدى .

سنه
۱۱۱۵
آن قومنه ن

بوصيراده آلکسی قومنه ن آناطولى ايجلرينه دوغرو متصل ايلريله يوردى . ازنيقدن صوكره ملاثرينلرى Mélangines و واسيليك basiliques تسميه ايديلن اولمپ داغلرى بوغازلرينى كچه شدى . قاميشلرله دولوبريرده اوردوگاه قوران و كنديلرينى تحت امنيتده عد ايدن توركلرك پيشدارلرينى باصمق فكرنده ايدى . فى الحقيقه بونلرى غفلة ياقه لادى ، برچوقلرينى اولديردى . قاميشلرى طوتوشديردي . توركلرك چوغى به قاميشلرك آراسنه قاچشيلردى . آتشى كورنجه چيقديلر . كيميسنى اتلاف ، كيميسنى اسير ايتديلر . بوهزيمتى خبر آلان امير محمد توركمنلريله على العجله قوشىدى . ديكر براميرده امداده شتابان اولدى . ايمپراطورك اطرافى احاطه ايديلدى . قوماندانلرى آمپهلوس Ampelos ايله چيپورولهس Tzipurules مغلوب اولديلر . اكر امداد فرقه سى تام وقتنده يتيشوب توركلرى فراره مجبور ايمسه ايدى بوتون روم اوردوسى محو اولاجتىدى .

آن قومنه

سنه

۱۱۱۶

سلطان ، شرق حکمدارلرینه مراجعت ایله روملره قارشی
 قویمق اوزره حلبدن ، خوراساندن عسکر کتیردی . دیگر
 طرفدن آلکسی قومنه ده ازنیقک روملر طرفدن استردادندن
 صوکره سلاجوقی ایمپراطورلغنگ پایتختی اولمش اولان قونیه
 شهرینی ضبطه کیتمه حاضرلانیوردی . فقط مبتلا اولدیغی دامله
 علتی نصوراتی تعقب ایتمسینه امکان براقمادی . بوتون آناتولییه
 یاییله رق ایسته دیکی کبی تخریب اتده بولونمغه سلطانی سربست
 براقدی . تورکلر خسته لغندن دولایی ایمپراطوره حقارت
 ایدیورلردی . فقط ایمپراطور اکتساب عافیت ایدر ایتمز
 استانبولدن چیقادی . سیویتوته اورادن لوپاد Lopade کیتدی .
 تورکلر ، مقدارلرینک چوق اولدیغی ظنی ویرمک ایچون برچوق
 آتش یاقدیله . مع مافیه بوتدیرلری ایمپراطورک کندیلرینی تعقیب
 ایتمه سنه وقاچیرماسینه مانع اولامادی . ایمپراطور پویمانده
 اوردوگاه قوردی . اورادن برطاق مفرزه لر کوندره رک تورکلرک
 الندن ، آلمش اولدقلری بوتون غنائمی استرداد ایتدیردی .
 آلکسی قومنه اوچ آی لوپادده قالدی ، ایمپراطور یچه نی ده
 اورایه کتیرتدی . مع مافیه ایمپراطورک اوراده وجودی تورکلرک
 شهر جوارینه قدر آقینلر یامالرینه و خلقی تدهیش ایتمه لرینه
 سد چکه مدی . ژرمیهن Gerמיens داغلری اوزرنده اخذ
 موقع ایتمش اولان بعض قرماندانلر اثنای رجعتلرنده تورکلری
 مغلوب ایتدیلر . تورکلر تکرار کلدیلر ، ازنیقه قدر صوقولدیله .

ایمپراطور ، آن قومنهك روايتنجه اونلری دها آشاغیلره دوغرو
 چككمك فكريله نیقومه دی یه نقل ایتدی .
 قونیه یی ضبط ایتك تصورندن واز كچمه مش اولان آلکسی
 قومنه ن بوتون اردولرینی طوپلادی ، یوله چیقدی . اسکیشهر
 Dorylée اوواسنه ، اورادن سانتاباریس Santabaris .
 کلدی . قامیچی بولوادین Polybot و سه دره Cédreé جهتلرینه
 یوللادی . اوراده امیر بوقا Puchéas قوماندا ایدیوردی .
 قوماندان ستیپه ئوتا Stypéota آموریوم Amorium جهتنه
 کیتك ایچون امر آلدی . امیر بوقا روملرك كله سنی بکله مه یه رك
 سه دره نی ترك ایتدی . بولوادینی ضبط ایتهلرینه
 مساعده کوستردی . ایمپراطورده یولده راست کلدیکی بوتون
 مفرزه لری مغلوب ایدیوردی . فیلومه ل [آقشهر] شهرینی ضبط
 ایدرك اورادن قونیه جوارلرینی تخریب ایتك اوزده متعدد
 مفرزه لر سوق ایلدی . بوتون سفر بوراده نهایت بولدی .
 ایمپراطورده استانبول یولنی طوتدی . پولیبوت = بولوادین
 جوارنده بر اوواده امیر مونولیق Monolyce ایمپراطوری
 غافل باصدی . برکون محاربه اولدی . فقط تورکلر چکیلماکه
 مجبوریت حس ایتدیلر . ایرته سی کونی سلطان ایله امیر تکرار
 هجوم ایتدیلر . روملرك دمدارلرینه صالیدیلر . نیسه فوردو .
 بریه ن جسارتی سایه سنده بونلری دوردیردی ، داغلره قاچغه
 مجبور ایتدی . اوچ اسکیت سلطانی او قدر یقیندن تعقیب

ایتدیلر که یاننده کی کیلارجی باشیسی اسیر دوشدی . بوتهاکه دن .
 قورتولان سلطانی براسکیت ملتجیسی کلوب بولدی . روملر .
 کیجه لین هجوم ایتمه سنی توصیه ایتدی . او قدن باشقه بر سلاحه لزوم
 یوقدی . چونکه روملر دار بریولده بولند قلمری جهتله ایچلرندن
 بر چوغنی اتلاف ایچون اوزر لرینه چوق مقدارده اوق یاغدی رومقدن
 باشقه بر شیئه حاجت کورولمزدی . سلطان بوسوزلره چار چابوق قانع
 اولدی . فقط تخمین ایتدیکندن زیاده مقاومته راست کلدی . ضایعات
 ایله چکیلمک مجبوریتنده قالدی . ایکنجی دفعه بردها هجوم
 ایتدیسده ینه بر موفقیت احراز ایدممدی . بوندن دولایی
 ایمپراطوردن صالح ایسته مکه قرار ویردی . بومقصدله کوندردیکی
 سفیرلرک آرقه سی صیرا کندیسیده کلدی . آوغوستوپولیس
 Augustopolis ایله آقرونیوم Acronium آراسنده اوردوگاه
 قورمش اولان ایمپراطور ایله بالذات کوروشدی . ایچلرنده
 مونولیکده داخل اولدیغی حالده کدیسنه رفاقت ایدن بوتون
 امرا یا شلری ، جسامرتلری ، تجربه لری ایله تمیز ایتمشلردی .
 ایمپراطوری کورونجه هپسی آتدن ایندی لر . آلکسی قومنه ن
 النی سلطانه اوز ایتدی . صوکره اونی غایت کوزل بر آتیه بندیردی .
 روم ایمپراطور لغیله حال صلحده یاشارلر سه تورکاره بر چوق
 ثروت وعدایتدی . تورکار صلحی جداً آرزو ایدیور کی
 کوروندی لر . صوکره کندیلرینی صورت مخصوصه ده حاضر لانش

چادیرلره کوتوردیلر. ایرته سی کونی سلطان شاهنشاه ایمپراطوری آن قومنه ن
زیارت ایتدی . معاهده عقد اولوندی .
زونار
غلیقاس

سلطان ایمپراطورک نزدنده بولوندیغی صیراده ، سرایده
برعصیان ترتیب ایدیلدیکی خبر آئندی . بونک رئیس سلطانک
برادری مسعود [۱] ایدی . برچوق امراده کندیسنه مظاهر
اولیورلردی . مسعود ، تخته چیقماق ایچون شاهنشاهی
اولدیرمک ایسته دی . آلتکی قومنهن سلطانی ایشدن خبردار
ایتدی . ارباب عصیان توقیف ایدیلنجه یه قدریاننده قالماسنی
توصیه ایلدی . شاهنشاه غیرقابل عفو بر احتیاط سزقله عودته
قرار ویردی . حتی ایمپراطورک ویرمک ایسته دیکی قوه محافظه یی
بیله قبول ایتمه دی . یالکیز ، جریان ایدن احوال دن خبردار
اولمق ایچون بعض ساعیلر کوندرمکه اکتفا ایله دی . ساعیلر
مسعوده اردوسنک باشنده اولدیغی حالده راست کلدیلر ،
اوکایعت ایلدیلر صوکره کلوب مسعوده هیچ برشی کورمه مش
اولدقلرینی سویله دیلر . بدبخت سلطان یولنده دوام ایتدی .
برآز صوکره دشمنلری درت طرفنی صاردیلر . مصادمه
وقوعه کلدی . وقتیلر اولدیرتمش اولدیغی امیرحسن قاتوس
Asancathus ک اوغلی غازی سلطانه مزراقله هجوم ایتدی .
سلطان بو حمله یی دفع ایده بیلدی . بویلاک تهلاکدن قورتولدیسه ده
دها اوزون مدت مقاومت ایدمه یه چکی جهتله ایمپراطور آلتکی

[۱] نیسه ت قونیاتک ماسوت Masut دیدیکی بودر .

تزدینه قاجق ایستهدی . هر طرفده برطاقم خائنه تصادف
ایدیوردی . امیربوقا ، آقشهر قربنده کوچوک بر قصبه
اولان تیغانیوم Tyganium . چکیلمه سنی اوکا توصیه ایتدی .
شاهنشاه بورایه کیتدی . عسکر طرفندن حسن قبول کوردی .
چوق کچمه دن مسعودک اردوسی بوراسنی صاردی . سلطان
سورک اوزرینه چیقدی . برادرینه خیانتندن دولای مؤاخذاته
بولوندی . روم عساکرینک ورودیله اونی تهدید ایتدی .
امیربوقا شهر اهالیسنی کیزلیجه عرض تسلیمیه تشویق ایدیور ،
ایراندن یکی عسکر لر کلدیکنی ، اوزون مدت مقاومت کوستره جک
اولور لر سه قیلیجدن کچریله جکلرینی سویله یوردی . اهالی شهرک
قایلارینی آچدی لر . شاهنشاه توقیف اولوندی . کوزلرینه میل چکیلدی .
قونییه سوق اولوندی . شاهنشاه سوت ننه سنه کوزلرینک
تامیله کور اولماش اولدیغنی ، اطراف کوره بیلدیکنی سویله دی .
زوجه سی سلطان بوندن خبردار اولدی . اوندن بوسر
هر کسه یاواش یاواش یایلدی . سلطان مسعودک [۱] قولاغنه
قدر کیتدی . اوده هر دورلو اندیشه دن آزاده قالمق ایچون
برادرینی اولدیرتدی .

سنه

۱۱۲۰

سیناموس

عینی زمانده استانبول ایمپراطورلغی آلکسی قومنه نک
وفاتیله اوغلی ژان قومنه نک انه کچیوردی . بو حکمدار
پایتختده ایشلری دوزلتیر دوزلتمز آسیایه کچهرک مندرسده

[۱] دربلو بو حکمدارک اسمنی ذکر ایتکی اونوتمشدر .

لاپراس Lapras جانيك منصبده كائن اولان و توركلر طرفندن نيسهت قونيات
ضبط ايديلمش بولونان لاؤديسه [دكزلی] Laodicé شهريني
استرداده قرار ویردی . ابتدا آلاشهری محاصره ایتدی .
بوراده امیر پيقاراس [۱] (بشاره ؟) Picharas قوماندا
ایدیوردی . شهر تسلیم اولدی . ایمپراطور استانبوله عودتله
یکیدن ذخائر و لوازم تدارك ایدنجه اورادن ، سوزوپولیس =
[اولوبورلو] Sozopolis شهرینی محاصره کیتدی . بو ، پامفیلی
Pamphylie قطعہ سی داخلنده ، غایت صرپ بر یزده کائن
بر قلعه ایدی . هر طرفدن یالچین قایالرله محاط ایدی . بورایه
حیقمق ایچون یالکیز دار بر یول واردی . آنجق تک برانسان
کجه بیلیردی . بو بوغازه کیرمکه جنسارت ایدهمه یین ژان قومنه
تورک قوای محافظه سنی اووایه چکه بیلیمک مهارتی کوستردی .
کچی ضبط ایتدی . حصارده تسلیم اولدی . اورادن صوکره
هیهر اقریفیت Hieracoryphite یاخود ایره ویه Eprevier
حصارینی و آنطالیه Attalie جوارنده بعض مواقعی آله
کچیردی . نهایت استانبوله دوندی .

سنه
۱۱۲۶
سیناموس
نيسهت

بو صیراده تورکلر روم ایمپراطورلغنه تابع اولان یرلرده
بویوک تخریبات ایقاع ایدیورلردی . ژان قومنه پافلاغونیا
قطعہ سنده قسطنمونی شهرینی محاصره کیتمکه مجبور اولدی .

[۱] نيسه فوتیات بوکا آلي قاراس دیور . ظن ایدرم که آن
قومنه نك پوکه آس دیدیکی امیر ایله عینی ذاتدر .

بو شهر توركلره التجا كاه خدمتي كوريوردی . توركلر
ایمپراطور اردوسنی كورنجه تسلیم اولدیلر . فقط ایمپراطور
استانبوله دوز دونمز قاپادوس قطعه سنده حکمران اولان
دانشمند اوغلی تکرار قسطمونی بی استرداد ایتدی .

اولجه ده سویله دیکم وجهله شرق مورخلری قونییه
سلجوقیلرینك تاریخی حقنده بزه پك آز تفصیلات ویریرلر .
بو حکمدارلرک اسملرینی هیچ ذکر ایتمهدن بر چوق بوش
زمان بر اقیرلر . بیزانس مورخلری ایله اهل صلیب مورخلری
ایسه یالکیز خرسیتیانلره عائد خصوصاً ده اولردن بحث ایدرلر .
بناءً علیه کره سوم [۱] Cressum شهرینی محاصره ایدنجه یه
قدر سلطان مسعودك دور سلطنتنده نلر وقوعه کلدیکنه دائر
هیچ بر معلوماًتمز یوقدر . بوشهر اورفه قونتی ژوسلنه تابعدی .
حلب محاصره سنده بر قلعه نك انقازی آلتنده قالمش اولان
واو زماندن بری خسته بولونان بوقونت مملکتینك امدادینه
قوشه میوردی . اوغلی ژوسلن لوژونی بوکا مأمور ایتدی .
ژوسلن سلطانه هجوم جسارتی کوسترمدیکی ایچون باباسی بر
تخت روان اوستنده حربه کیتمکه مجبور اولدی . قونتک
جسارتی بیلن مسعود در حال محاصره بی رفع ایدرک چکیلدی .
دانشمندك اوغلی ایسه سوریه خرسیتیانلرینه قارشى آچدیغی بر
سفرده سلطاندن دها بختیار چیقدی . بونلری مغلوب

سنه

۱۱۳۱

کیلیوم دوتیر
سانوت

۱۱۳۳

[۱] سانوت Sanute بوکا کره سون Croisson دیور .

ایده رک [۱] بر چوقلرینی اولدیردی . کندیسیده بر مدت
 صوکره وفات ایتدی . یرینه اوغلی محمد کچدی .
 سنه
 ۱۱۳۶ یکی قاپادوس ملکی موقع اقتداره کلیر کلز سلطان مسعود
 سیناموس ایله منازعاته کیریشدی . تورکلر آراسنده کی نفاقدن استفاده
 ایده رک فتوحاتده بولونمق ایسته یین ایمپراطور ژان قومنه ن ،
 سلطان ایله صالح یاپدی . محمد ایله حرب ایتمه سی ایچون سلطان
 اوکا عسکر ویردی . و Gangra [کنگری] یی محاصره
 ایتدی . ایکی حکمدارک متحد قوتلرینه قارشى مقاومت ایده -
 مه یین محمد سلطانی ایمپراطوردن آیرمق ایچون هر دورلوو سائطه
 مراجعت ایله دی و بوکا موفق اولدی . مسعود ، عودت
 ایتمه لری ایچون اردوسنه کیزلیجه امر ویردی . محاصره یه دوام
 ایده مه یین ایمپراطور رینداس Rhyndace ه چکیلدی . اوراده
 اوردوسنی قیشلامق اوراده براقدی . ایرته سی بهارده کلوب
 قسطمونی یی آلدی و کنگری یی محاصره ایتدی . تورک
 قوؤ محافظه سی ، سلطانک امداده کلمک اوزره رینه راس قربنده
 یویوک ر اردو طویلامقده اولدیغنی خبر آلمشدی . بو امید
 ایله شهرى تسلیم ایتدیله . فقط بر مدت صوکره قوؤ امدادیه نک
 ورود ایتدیکی کورونجه روملرک وقتيله ابن دانشمنددن آلمش
 اولدقلری بوتون اسیرلری تسلیم ایتمه لری شرطيله کنگری یی
 تخلیه ایتدیله . روملر بوراسنی اوزون مدت اللرنده طوتامادیلر

بیسه ت

روملر باشقه بر طرفده مشغول اولدقلری ائاده توركدوسى
بوراسنى استرداد ايتدى .

سنه

۱۱۳۸

برقاچ سنه صوكره سلطان مسعود ، ايمپراطور ژان قومنه
سوريه دهكى فرانقلرله محاربه ايتديكى ائاده [۱] روم ايمپراطور-

سيناموس

نيسهت

لغلك حدودلرينى كچهرك بر طاقم تخريب ائاده بولوندى . ايمپراطورك
قارداشى ايساق سه باستو قراتور Sebastocrator بعض

احوالدن ممنون اولماديغى جهتله قونيهيه سلطانك ياننه التجا
ايتمشدى . فقط بوراده چوق مدت قالمادى . سوريه يه سياحتدن

صوكره ژان قومنه ايله باريشدى . ژان قومنه اناتوليدن كچر كن
تورككرله حرب ايتك اوزره بر مفرزه كوندرمشدى . ايمپراطور

۱۱۳۹

بويله بر تدبير احتياطى اتخاذايتمش اولمقله برابر اناتوليدن كچديكى
مدتجه سلطان اوفى ازعاج ايتكدن كرى دورمادى . حتى

آندرونىق قومنه ايله ته ئودور داسيوت اسير دوشهرك قونيهيه
كوتورولديلر . تورككر سقاريه Sangar نهري بويندهكى

اراضى نى تخريبده دوام ايتديلر .

ايمپراطور ژان قومنه خسته اولمقله برابر بولايتلرك
امدادينه قوشمغه مجبور اولدى . تورككرى پوسكورتدى ،

۱۱۴۰

لوپاده عودت ايتدى . كلهجك ايلك بهاره قدر اوراده قالدى .
ارمنستانى استيلا ايتمش اولان تورككر واپى بر زماندن برى

طربزونى اله كچيرمش اولان قونستانتهن غابراس ايله حرب

ایتمکه حاضر لانیوردی . مقصدی هر آن امداد آلابیلمک
 و حین حاجتده بر رجعت یولی بولمق اوزره ساحل بحری
 تعقیب ایتمکدی . اوزمان قاپادوس ملکی بولونان محمد ،
 ایبه ریا Iberie قطعہ سنک بر قسمی و مزوپوتامیاده بر چوق
 مواقعی ضبط ایتمشدی . عسکرلری آسیانک اک جسور محارب لرندن
 معدود ایدی . ایمپراطور پونت Pont ولایتی داخلندہ قینتا
 Kinta شهرندہ بر قرارگاه تأسیس ایتدی . اورادن محمدک
 اراضیسنہ بر طاقم مفرزہ لر کوندردی . فقط ایمپراطور ،
 سواری ویوک حیوانلرینک تلف اولماسنی کبی بر فلاکتہ معروض
 قالدیغی ایچون ارزاق صقینتییی حس ایلمکک باشلادی .
 تورکلر لاینقطع کندیسنی از عاجدن خالی قالمایورلر ، صوکر
 همان فرار ایدیورلردی . ژان قومنه ن اونلره قارشى اک ای
 محارب لرنی سوق ایتمک مجبوریتندہ قالیوردی . ایشته بو حال
 ایله نیکساره قدر واصل اولدی . اوراده تورکلرک هجومه
 دها زیاده معروض قالدی . مع مافیہ ایساق سه باستوقرا تورک
 اوغلی اولوب محاربه یه کیریشیله چکی صیراده تورکلر طرفنه
 کچن یکنک عصیانى اولماسه ایدی بوشهری ضبط ایدہ بیله جکدی .
 تورکلر طرفنه کچن یکنی بر آرز صوکره اسلامیتی قبول ایدہ رک
 سلطان مسعودک کریمه سیله اولمشدر . بوفلاکت اوزرینه
 ایمپراطور ، اتناى رجعتده از عاج اید یلمک قورقوسیله علی العجله
 چکیشتی ، ساحل بحره ، صوکرده استانبوله کلدی .

بر مدت صو کره استانبولدن یکی بر اردو ایله رینداسه کیتدی .
ایرته سی بهارده ، پوسغوسا [ا کردیر] Pusgusa باتاققلغی جوارنده
برچوق . واقعی اله کچیرمش اولان تورکلرک حرکاتی نظر
ترصد آلتنده بولوندیرمق اوزره انطالیه یه کیتدی . بوباتاققلرک
تشکیل ایتدکلری آطه لرده سا کن اولان خرسیتیانلر تورکلره
التحاق ایتشلردی . بونلره هجوم ایتمکه قالقان ایمپراطور موفق
اولامادی . بوتون اشیایی صو ایچنده قالدی . تورکلری
سوزوپولیس محاصره سنی رفع ایتمکه زور لایه مادی .

سنه

۱۱۴۲

ابوالفدا
ابوالفرج

سلطان مسعود شرق طرفلرنده دها آزموفق اولمایوردی .
قاپادوس ملکی محمد وفات ایتشدی [۱] . برقاج چوجوق
براقش اولمقله برابر مسعود اونک ممالکنک قسم اعظمی
ضبط ایتدی . عینی تاریخه دوغرو ایمپراطور ژان قومنه ن
وفات ایتدی . مانوئل قومنه ن استانبولده ایمپراطورلق
تاجنی کیرکن مسعود ، روم ایمپراطورلغی ولایتلرینی تخریب
ایدیوردی . یکی ایمپراطور خسته اولمقله برابر آسیایه کچمک
مجبوریتنده قالدی . ملانثرینلرده تورکلری مغلوب ایتدی .
بوندن صو کره ایکی ملت صلح یامشلردر کبی کورونیور .
فقط تورکلر بر آز صو کره صلحی اخلاال ایدهرک پیته قا
Pithecay ی محاصره ، تراسه سیوم Tracesium ی یغما
ایتدیلر . بونلره قارشى ایلریله ین مانوئل قومنه ن لیدیا Lydie

۱۱۴۳

نیسه ت
سیناموس

قطعه سندن کچدی ، تورکاری قاجیردی . مندرسه قدر بوتون
 فریثیا شهرلرینی قورتاردی . فیلومل [آقشهر] قربنده مسعودی
 مغلوبیتیه اوغراته رق بو شهری اله کچیردی . چوقدن بری
 اوراده بولونان بر چوق روم اسراسنی تخلیص ایتدی . سلطان
 قاجمشدی . مانوئل قومنه ن اوکا مکتوب یازه رق جیانتندن
 دولای مؤاخذه ده بولوندی . بو حرکت مسعودک کری کله سنه
 سبب اولدی . آندراکما Andrachma نامنده بر یرده قرار .
 گاه قوردی . ایمپراطورده غره تا Græta ده اخذ موقع ایتدی .
 ایرته سی صباح ایکی اردو قانلی بر محاربه یه کیریشدی لر . مسعود
 مغلوب اولدی ، تا قونییه قدر قاجدی . حتی بو شهرده بیله
 توقفه جسارت ایده مدی . بورایه بر مقدار عسکر براقه رق
 داغله چکیلدی . عسکرینی ایکی یه آیردی . بر قسمی قونییه نك
 آرقه سنده بر یره یرلشدیردی . دیگر قسمی ایله قونییه وکاوله
 Cabala آراسنده بر موقع طوتدی . ایمپراطور بورایه
 قدر اونی تعقیب ایده رک ینه فراره مجبور ایتدی . مانوئل
 قومنه ن مسعودی تعقیب ایله مشغول اولدیغی صیراده روم
 اردوسنك قسم متباقیسی بر طاقم بوغازلره کیرمشلردی .
 قونییه قوای محافظه سی بوراده روملری باصدیلر . ایمپراطورک
 یتیشدیردیکی قوه امدادیه اولماسه ایدی روملرک درت طرفی
 قوشاتیله جقدی . مع مافیه تورکلر ینه غالب موقعده ایدیلر .
 ایمپراطور ، اردوسنك بو قسمی قورتارمق ایچون بالذات

اورایه کیتمکه مجبور اولدی . مع مافیہ ، ایمپراطورک وجودینه
 رغماً روملر مغلوب اولمق اوزره ایدیلر . مانوئل قومنه ن ،
 سلطانک اتلاف ایدلایکنه دائر بر شایعه نشر ایتدی . بوخبر
 یالان اولمقله برابر تورکلری تلاشه دوشوردی . روملرک قوه
 معنویه سنی آرتیردی . بو شوق ایله یکی غیرتدرده بولوندیلر ،
 نهایت تورکلری چکیلمکه مجبور ایتدیلر . ایمپراطور ، قونیه یی
 محاصره ایچون شهرک پیشگاهنه کیتدی . فقط سلطانک یکی
 قوه امدادیه آله رق کلکده اولدیغی خبری اوزرینه هر طرفی
 آتسه ویردکن صوکره اوزاقلاشدی . مسعود ، ایمپراطور
 اردوسنک تمامیه یاییلوب ایش کورده مهیه جکی قدر دار بریده
 اونلری باصدیردی . روملر تحسن ایتدیلر . ایمپراطورک فضله
 جرئتکارلغی آز قالدی بوتون اردونک محو اولماسنه سببیت
 ویردجکدی . ایمپراطور معیتنده او قدر آز بر عسکرله
 تورکلره یاقلاشمشدی که اسیر اولماسنه چوق بر شی قالمادی .
 روم اردوسنی صوکره یولنه دوام ایله استانبوله کلدی . بوتون
 یولده تورکلرک تجاوزاتنه معروض قالمشلردی .

مانوئل قومنه ن یکی بر سفره حاضر لانیوردی . رینداسه
 واصل اولمشدی . مقصدی کیدوب قونیه یی محاصره ایتمکدی .
 تام بو صیراده سلطان مسعود سلیمان نامنده بر امیرک ریاستی
 آئنده بر هیئت سفارت کوندردی . صالح طاب ایدیور ،
 پراقانه Pracana شهری ایله دهاسائر بعض محاملری تسلیح

سیناموس

اتمك تڪليفنده بولونيوردى . ايمپراطور بوکاراى اولدى .
ايکنجى برصلح امضا ايدیلدی .

برقاچ سنه دن برى آناطولى ، ارض مقدسى مدافعه اچون
شرقه کیدن اوبويوك خرستيان اردولرينك مرورينه معروض
قالمامشىدى . ممالكى ايجنده قايالى قالان مسعود يا استانبول
ايمپراطوريله ياخود فرات جوارنده كى مسلمان ملكلريله محاربه دن
باشقه برشيله مشغول اولمامشىدى . رهانام ديكر له ادهس [اورفه]
فرانقلرك شرقه مالك اولدقلى اك مستحكم موقعلر دن برى ايرى .
مهم ملاحقاتى واردى . بورايه قونت عنوانيله ژوسلن قوماندا
ايدىوردى . موصلده يرلشمش برتورك سلاله سنه منسوب
اولان عماد الدين زنكى نامنده بر ملك بو شهرى ضبط ايتمشدى [۱].
سوريه ده بولونان بوتون فرانقلر بوضياعدن متأثر اولديلر .
غرب خرستيانلرينك ده غيرتى تحريك ايدیلدی . بويوزدن يكي
براهل صليب سفرى وقوعه كلدى . سلطان مسعود ، ممالكى
داخلندن كچمه لرينه مانع اولق اچون فرانقلر اردوسيله محاربه
مجوريتنده قالدى . قله روو راهبى سن برنارك موعظه لريله
غليانه كلن ايمپراطور قونرادو فرانسه قرالى يدنجى لوي برلشهر ك
بيتينيا قطعه سنه كيتديلر . ايمپراطور قونرادك اردوسى يتمش
بيك زرهلى نفر ايله برچوق پياده دن ، خفيف سواريدن و برخيلي
قادين و جوجوقدن تركب ايدىوردى . فرانسه قرالنك

[۱] ۵۳۹ سنه سى جمادى الآخرنده .

سنه

۱۱۴۴

کيلیوم دوتیر
نیسه ت
سیناموس
۱۱۴۷

اردوسنده ده عینی مقدارده زرھلی افرادایله سائر صنفلردن
 برچوق عسکر واردی. بوخرستیانلرک ووردندن عین صورتله
 غیرممنون اولان ایمپراطور مانوئل قومنه ن ایله سلطان مسعود
 بونلری اتلاف ایچون اتفاق ایتدیلر. مسعود هرطرفدن
 امداد طوپلادی. قلعه لری تعمیر ایتدیردی. بوتون کچیدلری
 طوتدی. مانوئل قومنه ن بر خرستیان حکمداری اولمق صفتیه
 آچیقندن آچیغه خرستیانلر علیهنده حرکت ایده میوردی.
 مسلمانلری ایلری سوریه ، اونلرله اویوشیوردی. ابتدا
 حرکت ایدن قونزاد هیچ برمشکلاته معروض قالمقسزین دوریه یه
 [اسکی شهره] واصل اولدی. فقط روم ایمپراطورینک حیلہ کارلغی
 بوراده کندیسنی کوستیردی. مانوئل قومنونک قونزاده ویرمش
 اولدیغی قلاغوزلر اونیاک مشکل یوللردن کچیردیلر، صوکره
 ترک ایتدیلر. بوروملر اورادن فرانسلرک اردوگاهنه عزیمتله
 قونزاد تورکلری مغلوب ایدرک قونییه یی ضبط ایتمش اولدیغی
 ایچون امداده محتاج اولمادیغی سویله دیلر. بونک ایچون
 فرانسلر حرکت خصوصنده هیچ استعجال کوسترمیدیلر.
 آلمانلر یوللارینی بیلمدکلری برملکتده ایلریله مکده دوام
 ایدیورلردی، بارکیرولووازم خصوصنده صقینتی چکیورلردی.
 یورغونلقدن پک بونالمش اولدقلری برزمانده تورکلر میدانہ
 چیقیدیلر. بونلره سلطانک کوندرمش اولدیغی امیرپامپلان
 [بلبان؟] Pamplan قوماندا ایدیوردی. تورکلر آلمانلرله

متعدد محارباته کیریشدیله . او قدر چوق آلمان اتلاف
ایتدیله که ایچلرندن آنجق اونده بری قورتولدی . قونراد
معیتمدن برقاچ کشی ایله فرانسزلرک قرارگاهنه واصل
اولاییلدی . قونراد ایله فرانسز قرالی آلاشهره قدر برلکده
یورودیله . قونراد اورادن استانبوله دوندی . فرانسه قرالی
مدرس قییلرینه واصل اولدی . اوراده تورکلره تصادف ایتدی .
بونلر آلمانلردن آلدقلى غنائمی امین یرله یرلشدیردکن
صوکره فرانسزلرک نهری مرور ایتمه لرینه مانع اولمق ایچون
بورایه قوشمشلردی . یولی بر چوق تورک اتلاف ایددرک
دکیزلی یه کلدی . بو کبی حرکتلرده اردونک قسم کلیسندن
اول دشمنک حرکاتنی ترصد ایتک اوزره ایکی مفرزه یوروتمک
و هجوم تقدیرنده اونلر واسطه سیله دشمنی طردایتک اصولدن
ایدی . هانکی محله قرارگاه قوروله جنی یوله چیقلمه دن اول
قرارلاشدیریلردی . غودفروا دورانقون ک پیشدار قوتلرینه
قوماندا ایتدیکی کون یوکسک بر داغده قرارگاه قورولمه سی
تعین ایتشدی . رانقون ایرکندن بورایه واصل اولدی . فقط
دها اوزاقده دهه مناسب بر یرد یتیشمک ایچون وقت اولدیغنی
کوردک قسم کلی به خبر ویرمکسزین یولنه دوام ایتدی .
قرالده داغپک تقرب ایتمش اولدقلى کوردک عجله ایتیموردی .
بوصورتله ایکی قول بربرلرندن برخیلی آیریلدیله . تورکلر بونی
فرق ایتدیله . درحال کلوب قسم کلی اوزرینه صالیدیردیله .

سنه

۱۱۴۸

غایت قانلی بر محاربه جریان ایتدی . فرانسزلرک قسم اعظمی
بو مصادمه ده تلف اولدی . قرال، بوهزیمتدن خبردار اولمایان
پیشدار قوتلرینه چوق شکر التحاق ایده بیلهرک پک پریشان
بر حالده قرالیچه اله ئونورایله برلکده آنطاکیه یه واصل اولدی
سلطانی ثمره مظفریتندن مستفید اولمغه براقدی .

کیلیوم دوتیر
بولغدا

فرانسزلر و عمومیتله اهل صلیب اوزرنده بو قدر بویوک
بر غلبه احراز ایدن مسعود بونلره هجوم ایچون سوریه قدر
کیتدی . آنطاکیه پرئسی رهمونک نورالدین طرفندن
اولدیرلدیکنی [۱] خبر آلمشدی . بوقاریشقلقدن استفاده ایده رک
فرات جهتنده توسیع ممالک ایده بیله جکی امیدینه دوشدی .
بویوک بر اوردو ایله اورایه کیتدی . بر چوق مواقعی اله
کچیردی . اورفه قوتنک پایتختی اولان تل باشری محاصره یه
کلدی . قدس قرالی اوچنجی بودوان ، اعزاز [۲] Ezaz
تسمیه ایدیلن حصاری مدافعه ایچون قوماندانلرندن اونفروا
دوتورون Unfroy du Thoron ی کوندردی . صوکره
قونت ژوسان سلطان ایله صلح یاپه رق تبعه سندن اولان
بوتون تورک اسیرلرینی اعاده ایتدی . مسعودده کری دوندی .
فقط بر مدت صوکره ژوسان نورالدین طرفندن اسیر ایدیلدیکی

[۱] ۵۴۴ تاریخ مجریسنده .

[۲] بزم مورخلرمن بورایه هاسارت دیوزلر .

جهتله [۱] مسعود تکرار سوریه کچدی . باشقه ایشلردن
دولایي مملکتنه عودته مجبور اولماسه ایدی بوراده بر خیلی
فتوحاتده بولونه جقدی .

مورخلر بومحاربهرحقنده بزدهیچ تفصیلات ویرمیورلر .
مسعودك وفاتندن اول ممالکني اوغوللری آراسنده تقسیم
ایتدیکی زمانه قدر کچن مدته عائد وقایع مجهولزدر . مسعود ،
قونییه یی تکمیل ملحقاتیله اوغلی قیلیج آرسالانه ویردی .
آماسیه یی ، آنقره یی ، قاپادوسی و جوار محللری دامادی یاغی
آرسالانه [۲] yaghi - Arslan براقدی که بو ، یوقاریده ابن
دانشمند دیدیکمز ذاتک طورونیدر . محمدك اوغلی و بو قاپادوس
ملکنک طورونی اولان ذوالنون [۳] ك حصه سینه قیصری
و سیواس Sébaste شهرلری دوشدی . سلطان مسعود بو
تقسیمدن صوکره وفات ایتدی [۴] . اوغلی قیلیج آسلان [۵]
یرینه کچدی . کندیسنه عزالدین لقبی ویردیلر .

بوشهزاده لر درحال حکومتلرینی توسیع چاره لرینی آرادیلر .

[۱] ۵۴۶ تاریخ هجریسنده .

[۲] نیسه ت بوکا یعقوب آسلان دیور .

[۳] نیسه ت بوکا دادون Dadun دیور .

[۴] دربلو ۱۹ سینه سلطنت سوردیکنی تأمین ایدیور .

۵۵۰ تاریخنده وفات ایشدر .

[۵] زوم مورخلری بوکا قلیز آستان دیورلر . دربلو بونک

اسمی اونوتیور .

سنه

۱۱۵۱

کیلیوم دوتیر

۱۱۵۵

نیسه ت

ابوالفدا

سیناموس

ایمپراطور مانوئل قومنهن ایتالیاده مشغول اولدیغی صیراده قیلج آرسلان پونسورا Punsura وسیدولا Sibula شهرلرینی ضبط ایتدی. فیروز [۱] کیلیکیاده بر طاقم شهرلر آلدی. یاغی آرسلان پونت ولایتنده، أنه Ænée و پاوراس Pauraces شهرلرینه آقین یاپدی. فقط استانبول ایمپراطورینک سلطان نزدینه کوندردیکی آلکسی ژیفار Alexis Giphard واسطه سیله صلح عقد اولوندی. تورکلر آلدقلى شهرلری کری ویردیله. مع مافیله بو صلح، تورکلرک تجاوز ایچون دهه مساعد بر زمان بولمالرینه قدر امتداد ایتدی. بو فرصتده بر آرزو کره چیقدی. مانوئل قومنهن سوریه بر سفر یامشیدی. استانبوله دهه چابق کیتمک ایچون لیقائونی طریقنی اختیار ایتمشیدی. تورکلر، روملرک قونییه هجوم ایتهلرندن قورقه رق، بویله بر حرکتده بولونمایه جملرینه دائر روملرک ویردکاری تأمیناته رغماً، ایمپراطور کوتاهیله Cotyée یه واصل اولدیغی زمان اردونک قسم کلیسندن آیریش اولان عساکری اسیر ایتمکدن کری دورمادیله. استانبوله عودت ایدن مانوئل قومنهن بو حرکتک انتقامنی آلمغه عزم ایتدی. اوردوسیه سیپسه لیله Cypseliens حوالیسنه کیردی. هر طرفی تخریب ایچون مفرزه لر کوندردی.

سنه
۱۱۵۹
سیناموس
نیهت
کیلیوم دوتیر

[۱] اغلب احتماله کوره بو، مسعودک اوغلارندن بریدر. شرقی مورخلری بوندن هیچ بحث اینزلز.

بٹیس Bathis و تیاریس Thyaris نہر لری جوار لرنده کی بوتون
حوالی بی دولاشدی . برچوق غنائملہ استانبول یولنی طوتمغہ
حاضر لاندی .

سیناموس
یست

روم اردوسی دھا بونہر جوار لرندن آریلماش ایکن
بردن برہ تورک اردوسی یتیشدی . محاربہ یہ کیریشمک ایجاب
ایتدی . ایمپراطور تورکلری بوزدی . بیتینیا داخلندہ پیلسہ
Pyles واصل اولدیغی زمان سلیمان اسمندہ برامیر، سلطان
طرفندن کلہرک صالح تکلیفندہ بولوندی . مانوئل قومنہن
سفیرہ حسن قبول کوسترمدی . امرلری اجرا ایدیلہ یہ جک
اولورسہ تورکلرک اراضیسنہ کیرہ جکی تہدیدیلہ سفیری کری
کوندردی . بو تہدیدات پک جدی برشی ایدی . ایمپراطور
یولنہ دوام ایدہ جک یردہ کری دونہرک او قدر سرعتلہ تورکلرک
اراضیسنہ کیردی کہ تورکلر بونی آنجق برمدت صوکرہ خبر
آلابیلدی . فقط تورکلر بویکی - ربہ کیریشدکلرندن دولایی
ندامت دویمش لردر . اوزمان موسم قیش ایدی . ہر طرفدہ
برچوق قار واردی . کچیلمز یوللردہ پک چوق مشکلاتہ
معروض قالدقن صوکرہ ساراپاتہ Sarapata [اسپارطہ؟] یہ
واصل اولابیلدی . جواردہ کی داغلری طوتمش اولان تورکلر
کچیدلردن کچرکن بونلری ازعاج ایتکدن خالی قالما یورلردی .
فقط اورادہ عینی موفقیاتہ نائل اولامادیلر . روملر کندیلرینی
پوسکور تدیلر واستانبولہ دوندیلر . بواٹنادہ سلطان نورالدین

دیگر بر طرفدن قیلیج آرسلانک ممالکنه کیرمش ، برچوق
مواقعی ضبط ایتمش ایدی .

تورکلر ، ایمپراطورک اجرا ایتدیکی تخریباتک انتقامنی
آلق فکرینه دوشدیلر . فیله تاس Philetas ولائودیسه [۱]
شهرلرینی یغما ایتدیلر . بوسبیلله مانوئل قومنه فی آسیایه کلکه
مجبور براقدیلر . ایمپراطور ، سوریه ده بولونان بوتون خرسیتیانلردن ،
قدس قرالندن ، آنطاکیه پرئسندن امداد ایسته دی . حتی
برچوق تورک امیرلری ده اونک طرفنی التزام ایتدیلر . کنگری
و آنقره والیسی اولان سلطانک برادری شاهان شاه قاپادوس
والیسی یاغی آرسلان اونکا عسکر کوندردیلر . بو قدر چوق
دشمنندن اورکن قیلیج آرسلان صلحه طالب اولدی . صلح
تقرر ایده جکی صیراده ایمپراطورک سوریه خرسیتیان حکمدارلرینه
اعزام ایتمش اولدیغی ژان قونتوسته فانوس J. Contostephanus
معیتنده بر مقدار سوارلی ایله ، استانبوله کیتمک اوزره
سلطانک ممالکندن کچدی . قارشیسنه چیقان یکرمی ایکی
بیگ تورک بونی طوتمق ایسته دیلر . برتپه نک اوزرینه چکیلیدی .
اوراده عسکرینی تشویق وتشجیع ایتدکن صوکره دشمنک
اوزرینه صالدیردی واونلری فراره مجبور ایتدی . بووقعه
شرائط صاحبیه بی سلطان ایچون دها آغیر برشکه صوققدن
باشقه برشیئه خدمت ایتدی . روملر نه وقت ایسترسه اونلره

[۱] کوچوک فریثیه قطعہ سی داخلنده .

قوة امداديه كوندرمىكى ، تبعه سندن هيچ كيمسه يه روم
ايمپراطورلارغه آقن يامغه مساعده ائتمه مكي ، ضبط ايتديكي
بوتون شهرلري كرى ويرمكي تعهد ايدىيوردى .

حرب ايدمه مديكي اچون بو صاحى امضا ايتمش اولان
سلطان بوتون حدتى ايمپراطورك طرفنى التزام ايتمش اولان
تورك حكمدارلرينه چويردى . بربرلرله حربه كيريشديلر .
مانوئل قومنه ن بو نفاق كوروكله يوردى . ياغى آرسالانه
عسكر كوندردى . متعدد مصادماتده سلطان مغلوب اولدى .
نهايت بو حكمدارلر بربرلرني محوه اوغراشمقدن بيقه رق
هپسى كندى مملكتلرينه چكىلدیلر . قيليج آسلان ايمپراطوردن
صالح ايسته مك اوزره استانبوله كيتدى . مانوئل قومنه ن
سلطاني پك احتشام ايله قبول ايتدى ، بويوك شهر آينلر
ياپىردى . صاحى امضا ايتدك دن وبرچوق هديه لر ويردك دن
صوكره مملكتنه كوندردى . سلطانك استانبولدن كتيرديكي
آلتون و كوموش كندى ، ئله سنه منسوب حكمدارلرله محارب يه
كيريشمه سنه سبب اولدى . غالاتيه Galatie قطعه سنده كاش
كنغرى و آنقره شهرلرني برادري شاهان شاهك [۱] الندن ،
قيصريه ي ذوالنوندن آلدى . ياغى آسلانى اولديرتمك
ايسته دى . فقط بو ، قيليج آرسالانه مقاومته حاضرلاندیغى

سيناموس
نيسه ت
ابوالفدا

[۱] روملر بوكا سانيسان Sanisan ديرلر .

صیراده وفات ایتدی [۱]. یکنی ابراهیم بن محمد ملاطیهیه
اونک یرینه کچدی . زوجہ سی آماسیہ یی ذوالنونہ تسلیم
ایلهدی . فقط ذوالنون در عقب اهالی طرفندن طرد ایدیلدی .
یاغی آرسلانک زوجہ سی اولدیریلدی . بونک اوزرینه قیلیج
آرسلان آماسیہ یی و بوتون قبادوس قطعہ سنی اله کچوردی .
فقط صوکره ذوالنونی تکرار موقع اقتداره کتیرمک ایستہ یں
نورالدینہ قارشى دورمق اوزره قوتلرینی شرقہ چویرمکه
مجبور اولدی [۲].

سنه
۱۱۶۴

۱۱۷۲

بو ولایتلرک ضبطی نتیجہ سنده دها قوت بولان قیلیج
آرسلان ، ایمپراطورله عقد ایتش اولدیغی معاہدہ یی پک
چابق اونوتدی . بو سلطان ، کوتوروم ایدی . کندیسنى بر
آراہه اوزرنده چکدیرمکه مجبور ایدی . فقط فعالیت ، وبویوک
بر حرص جاهدن متولد غیرتی بو معلولیتنى تلافی ایدیوردی .
ملاطیهیه صاحب اولان ابراهیمی اورادن طرد ایتدی .
زمانہ ، احوال و شرائطه کوره روملرک کاه لهنده کاه علیهنده
بولونیوردی . فلاکت زماننده اکیلمه سنى بیلیور ؛ سعادت
دورده سنده دها جرئتکار بر وضع آلیوردی . اعاده ایتمکی
تعهد ایتش اولدیغی سیواسی تخریب ایتدی . وعد ایتدیکی
سائر شهرلری تسلیم ایتدی . باشقه طرفلرده مشغول اولان

نيسهت
سیناموس
۱۱۷۵

[۱] ۵۶۰ تاریخ هجریسنده .

[۲] ۵۶۸ تاریخ هجریسنده . آتابکلرک تاریخنه باقکوز .

ایمپراطور ایسه اونی اجبار ایدیه بیله جک بر حالدیه دکادی . فقط قیلیج
 آرسلان نهایت مانوئل قومنه نک هجوم ایدیه جکینی آ کلایه رق
 استاسبوله بر سفیر کوردردی . معاھدیه نامه موجبنجه اعاده ایدیه جکی
 شهر لره کلوب ایمپراطورک تسلیم ایتیه سنی ایستیه دی . آ لکسی بترالوئی فاس
 A.Betraloiphas در حال آلتی بیک نفر و بر مقدار پاره ایله
 اورایه کیتدی . فقط سلطان آرتق روملرله دوست دکادی .
 پترالوئی فاسک عسا کری کوزینه پک اهمیتسنز کوروندی .
 ایمپراطورله اکلندی . اوکا هیچ بر شهر تسلیم ایتیه دی . حتی
 کیدوب باشقه بر طاقم یرلری ضبط ایتدی .

بوصیراده آماسیه شهری روملرک طرفنی التزامه مهیا ایدی .
 میشل غابراس در حال پافلاغونیا یه کیتدی . ایمپراطورده اونی
 تعقیب ایتدی . ملاترینلره کلدی . اوراده بیتینیا ورینداس
 عسا کرینی ده اردوسنه الحاق ایتد کدن صو کره دوریله [اسکیشهر]
 صحرالرینه دوغرو یورودی . بوقلعه یی تکرار تأسیس ایتک ،
 جوارده کی حصارلرله امداد یتیشدیرمک ، سلطانک دشمنلرینک
 قوه معنویه لرینی آرتیرمق فکرنده ایدی . بوشهر آناطولینک
 اک بویوک واک مشهور مملکتلرندن بری ایدی . خوش ومنبت
 براوواده کائندی . فقط تورکلر مختلف آقینلری اشناسنده
 بوراسنی خراب ایتشلردی . بوبار بارلردن الآن جوارده ایکی
 بیک قدر قالمشدی . ایمپراطور اونلری طرد ایتدی . تورکلرک
 وقوع بولان ازعاجانه رغماً دوریله یی تکرار بنا ایتدیردی .

سلطانك برادری شاهان شاه ایمپراطور بورادہ اولدیغی صیرادہ
 کلوب اوکا دخالت ایتدی. مانوئل قومنه پافلاغونیاہ کیتمک
 اوزره اوکا عسکر ویردی ایسہدہ سلطانك اردوسی بونلری
 همان مغلوب ایتدیکندن شاهان شاه ینہ ایمپراطورک یانہ کلدی.
 دیگر طرفدن میشل غابراس آماسیہ قربندہ ایدی .
 فقط جوارده اردوگاه تأسیس ایتیش اولان قیلیج آرسلانك
 اردوسی ، شهر خلقنه قارشى اعتمادسزلغی، آماسیہ لیلرک تقدیم
 ایتدکلری رھینہ لرہ رغماً شھرہ کیرمہ سنہ مانع اولدی . بوندن
 دولایى ، آماسیہ شھری تورکلرک جبراً کیرمہ لرندن وروملرہ
 قارشى بسلہ دکلری طرفدارلق حسنك انتقامنى آلمہ لرندن
 قورقہرق سلطانہ عرض تسلیمیت ایتدی . میشل غابراسدہ
 چکیلمک مجبوریتندہ قالدی. ایمپراطور قیلیج آرسلانی بوشھری
 تسلیمہ دعوت ایچون برخادم آغاسی کوندردی. سوزندہ
 دورمادیغندن دولایى مؤاخذاتدہ بولوندى. بویہودہ برتشبت
 ایدی . آز قالدی مرخصك حیاتنہ نہایت ویریلہ جکدی .
 اسکیشھر حصارى تمامیاہ بنایدلدکن صوکرہ ایمپراطور اورادہ
 برقوؤ محافظہ براقدی . رینداسہ ، اورادن مندرس نہری
 منصبندہ کاشن سوبلہ Sublée یہ کیتدی. مندرس نہرینی کچہرک
 پایتختک یوانی طوتدی .

مانوئل قومنه کلہ جک بہار ایچون استانبولدہ حاضرلقلر

کوردیردی [۱]. مقصدی قونییه پی ضبط ایتک ، تورک
 کیلیوم دوتیر
 ایمپراطورلغنی تمامیه محوایله مکدی . سلطان بوتون مسلمان
 حکمدارلرندن قوای امدادیه آلدقندن سوکره ایمپراطوره
 صالح تکلیفاتنده بولوندی . ایمپراطورک معیتی ارکانندن
 عاقل و تجربه دیده ذوات بوتکلیفاتی قبول ایتک مطالعه سنده
 بولوندی . فقط ایمپراطور کندی تمایلاتنی اوقشایان کیسه لرک
 رایلرینه تبعیت ایدرک سفیره بوتکلیفک جوابنی قونییه ده
 ویره جکنی سویله دی . بونک اوزرینه قیلیج آرسلان روملرک
 کچه جکلری زیبریزا Zibryza کچیدلرینه عسکر یرلشدیردی .
 مانوئل قومنه ن بو حربه نه قدر خفته کیریشمشسه بوبوغازلرده
 اوقدر احتیاط سزجه دالدى . ایلول آیی ایدی . قونستانتینک
 اوعلی ژان ایله آندرونیک عسکرلریله اوردونک باشنده
 یوروپورلردی . آرقه لرندن ماقروودوقاس قونستانتین Macrod-
 ucas C. ایله لاپارداس آندرونیک کلیورلردی . صاغ جناحده
 ایمپراطورک انیشتیسی بودوان ، صولده موروزومس تهئودور
 Morozomes T. واردی . دها آرقه ده اشپالر ، آلات حربیه ،
 خدمتکارلر اخذ موقع ایتشلردی . آندرونیک قونستوسته -
 فانوس ایسه اوردوسیله اک آرقه ده ایدی . پیاده قوتی تورکلری
 موقعلرندن چیقارمغه موفق اولدیغنی ایچون اوردونک ایلك

[۱] کیلیوم دوتیر بوقعه نك قدس قرالی دردنجی بودوانک دردنجی

سنه حکومتنه مصادف اولدیغنی سویلیورک ۱۱۷۵ تاریخ میلادیسی دیمکدره

قسمی کچیدلری سلامتله کچه بیلدی. اکر اوردونک قسم متباقیسی ده
چابق داورامش اولسه ایدی عینی موفقیتله بورادن مرور
ایده بینه جکدی. حالبوکه تورکلره طویلانمق ایچون وقت
براقدیلر. قیلیج آرسلان بونلری دوردیردی. بودوانک قوماندا
ایتدیکی قوی پریشان ایتدی. تورکلرک ایچنه صالديرمش اولان
بوپرنس مقتول دوشدی. روملر هر طرفدن احاطه ایدیلشلردی.
نه ایلری یه نه آرقه یه بر آدیم آته مایورلردی. رجعتدن ده
امیدلرینی کسمش اولدقلری ایچون بلامقاومت قتل ایدیلورلردی.
آندرونیک باتازک باشنی تورکلرک بر صیریغه طاقه رق تشهر
ایتدکلرینی کورونجه قوه معنویه لری بوتون بوتون قیریلدی.
بویوک بر یأسه دوشن ایمپراطور هیچ برشی سویله یه میور،
نه قرار ویره جکنی بیلمه یوردی. بوتون مساعیسی عقیم
قالیوردی. هر آن تورکلرک مقداری آرتیوردی. هر کسه
باشنک چاره سنه باقمق ایچون مساعده ویردی. کندیسى الك
جسور والک صادق بر مقدار عسکر ایله دشمن صفلری آراسندن
بریول آچغه چالیشدی. فقط موفق اولامادی. وادیدن
وادی یه دائما یکی تهلاکله قارشیسنده قالیوردی. بو صیراده
مدهش بر قاصیرغه چیقدی. بوداغلرک آراسنده برتوز وقوم
بولوتلری اوچورمغه باشلادی. قاریشقلق بوتون بوتون
آرتدی. تورکلرله روملر فیرطنه نك آرتیردیغی ظلمت ایچنده
بربرلرینی بوغازلا یورلردی. بوتون وادی بربرلری اوزرینه

يېغىلان بار كير لاشه لرى و انسان نەشلىرىلە اور تولمشدى . قارا كلك
 زائل اولدقدن صوكره كوزه چارپان منظره دها مدهش اولدى .
 اولولرك آلتندە قالمش اولان ياره ليلر امداد ديه باغىر ياشيورلردى .
 حالبوكه كيمسەدە امدادە قوشه جق طاقت و آرزو يوقدى . قوۋ
 محافظه سز قالان ، يورغونلقدن حال سزدوشن ايمپراطور ، بر آغاجك
 آلتە چكىلمشدى . بر عسكر كلهرك باشنە مغفرىنى كيدىردى . بر تورك ،
 ايمپراطورى كورونجه اسير ايتك ايچون قوشدى . مانوئل قومەنەن الەندە
 طوتدىغى بر مزرارق پارچه سىلە خصمەنك باشنە اورەرق آياقلىرىنك
 آلتە دوشوردى . توركلر كىتلى مقدار دە ايمپراطورە دوغرو
 قوشيورلردى . فقط عسكر لرندن اون دانەسى يتيشەرك كەندىسىنى
 قورتاردىلر . نھايت بو بوغازلردن چىقمەغە موفق اولايلىدى .
 بو قدر قانلى بر مغلوبىت كونىك فرداسندە ايمپراطور اردوسىنى
 ترك ايدەرك قاچق ايسەتە يوردى . فقط معيتەندن بر چوغنىك
 مطالعەسىنى قبول ايدەرك قالغە قرار وىردى . طلوع شمس
 ايلە برابر توركلر تەكرار كورونەرك قونستانىن لائىك اوغلى
 ئرانى پوسكورتدىلر . قونستانىن ماقروودوقاس دە چكىلمەكە
 مجبور اولدى . توركلر ك دها باشقە شىلر يامەلرەن قورقولىغى
 وھىچ اميد ايدىلمەدىكى بر صيرادە سلطان ايمپراطورە امير غابرا
 Gabra نى كوندەرك صالح تەكلىفەندە بولوندى . اسكى
 معاهدەلرە مانوئل قومەنەنك دورىلە و سوبلە قلەلرىنى ھدم
 ايتدىرمەسى شرايطى علاوہ ايتدىرمەكە اكتفا ايلەدى .

هیچ امید ایدیه مین بو صالح ایمپراطوی یولنه دوام
ایدیه بیله جک بر حاله قویدی . مع مافیه بو قدر عجولانه بر
صاحبدن ممنون اولمایان بعض تورک مفرزه لری طرفندن از عاجاته
معروض قالدی . کندیسیده معاهده نامه نك تکمیل احکامنی
اجرا ایتهدی . یالکز سوبله قلعه سنی یقیدردی . سلطانك
اصرارلرینه رغماً دوريله حصارینی هدم ایتدیرمکدن امتناع
کوستردی . بو ، یکی بر محاربه یه سببیت ویردی . سلطان
کندی آتا بکنی یاخود والیسنی یکریمی درت بیک کشیلاک
بر اردو ایله حرکت ایدهرک ساحل بحره قدر تصادف ایده جکی
بوتون حوالی بی تخریب ایتمه مأمور ایله دی . فی الحقیقه آتابک
مدرس جوارنده کی بوتون قصبه لری یغما ایتدی . ترال
Thrales ، فریثیا داخلنده کی آنطاکیه شهرلرینی آلدی .
لوما Louma ، پنتیکیرا pentichira شهرلریله دهاسا سائر
قصبات ده تورکلرک تخریباته معروض قالدیلر . ایمپراطور ،
یکینی ژان باتاز ایله قونستانتین دوقاسی ، میشل اسپیه ته بی
وندردی . ژان باتاز ، مدرس اوزرنده هیه لیوم Hy elium
ولیموشیر Limmo chir طرفلرنده قرارگاه تأسیس ایتدی .
غنائم ایله عودت ایدن بر تورک مفرزه سنی نهره دوکدی .
آتابک ، مفرزه نك چکیله بیلمه سنه وقت تأمین ایتک ایچون
کلوب روملرده هجوم ایتدی . فقط محاربه اثناسنده نهرک اوته
طرفنده دیکر برروم قولنك تورکلری ازمکده اولدیغنی کورنجه

بر کجید بولمق امیدیه دها یوقاریلره دوغرو چیقدی . کجید
بولامانجه قالقاتی بر صاندال کی قوللاندی . صول الیه
بارکیرلرینی صاغ الیه قیلیجنی طوتدی . بوده دومن خدمتی
کوریه-وردی . نهری موفقینه کچه بیلدی . بر تپه اوزرنده
بولونان بر تورک مفرزه-سنه التحاق ایتدی . اوراده مقتول
دوشدی . بوتون عسا کری پزیشان اولدی . بونلرک قسم
اعظمی مندرس نهرنده بوغولدیلر .

سنه

۱۱۷۷

نیسه ت

تورکلر ایچون باعث حجالت اولان بو موفقیت اوزرینه
ایمپراطوریکیدن آسیایه کجی . پاناسیوم Panasium و لاسه ریوم
Lacerium قربنده ساکن اولان تورکلری مغلوب ایتدی .
دیزلیده کی تورکلر ایسه ایمپراطورک ورودندن خبردار
اولونجه کندیلاکلرندن چکیلدیلر . ایساق لائثر، قاراقس
Charax ده کی تورکاره قارشى یورودی . اوراده بر چوق
غنائم آلدقن صوکره تورکلر کلیور خبرینی آلیر آماز قاجدی .
دولو دیزکین لائودیسه یه قدر کلدی . رئیس-سز قالان اوزدوسی
تکمیل غنائمی براقه رق عینی وجهله فراده باشلادی . تورکلر
کله رک قلاودیوپولیس Claudiopolis شهرینی محاصره ایتدیلر .
ایمپراطور علی العجله امداده قوشماسه ایدی بوراسنی آله
کچیره جکلردی .

۱۱۷۹

ابوالفدا

مانوئل قومنه ن ، بوندن صوکره ، متباقی دورحکومتی
اشناسنده تورکلرله خوش کچینمشه بکیزدر . سلطان ده یالکیز

ابن شحنة شرق ايشلريله مشغول اولمش كيدر . رعبان Roban
 حصارى اوزمان شمس الدين [۱] نامنده براميره عاڭ ایدی .
 بواميرده صلاح الدينك تحت نفوذ و حمايه سنده ایدی . بورايى
 ضبط ايتمك آرزو سنده بولونان قیلیج آرسلان يكرمى بيك
 كشيلىك بروردو كوندردى [۲] . صلاح الدينك اقرباسندن
 تقي الدين عمرك [۳] قوماندا ايتديكى بيك سوارى بو اوردويى
 مغلوب ايتدی . ايرتهسى سنه [۴] صلاح الدين بالذات بورايه
 كلدى . قیلیج آرسلان بوكا مقاومت ايتمكى مناسب كورمدى .
 صالح طلبنده بولوندى . عینی زمانده ارمنستانده كيدوب
 محاربه ايتمك اوزره امداد ايستهدى . صلاح الدين، اوردوسيله
 قره حصاره قدر ايلريلهدى . ايكي حكمدار بهسنى Bahnas
 ايله حصن منصور آراسنده كوك صو قيسنده ملاقات ايتديلر .
 معاهده منعقد اولدقن صو كره صلاح الدين كوچوك ارمنستان
 اراضيسنه تجاوز ايتدی . بوراده قاجيىك اوغلى برنجى
 لهئون حكومت ايدىوردی . بو، آلکسى قومنهك زمان
 ادارسنده بوقراللى تاسيس ايتمش اولان پاقراتيد pacratide

ابوالفدا
 بهاء الدين

[۱] ابن مقدم .

[۲] ۵۷۵ تاريخ هجرى سنده .

[۳] ملك المظفر تقي الدين عمر لقبنى طاشيوردی . شاهان شان

ابن ايوبك اوغلى ایدی . ايوبده صلاح الدينك پدریدر .

[۴] ۵۷۶ تاريخ هجرى سنده .

سلاله سینه منسوب بر حکمداردی . صلاح الدین، باشلیجه
قلعه سنی بونک الندن آلدی . صوکره ارمنیلرله صلح یاپدی .
صلاح الدین عودت ایتدیکی صیراده [۱] قیلیج آرسلان سوریه
حکمدارلریله ده صلح عقد ایتک ایچون اوکا بر سفیر کوندردی .
بو مصالحه فراته منصب اولان سنجه Sendgiah چایی
کنارنده صلاح الدین ایله قیلیج آرسلان و موصل و دیاربکر
ملککری طرفندن عقد ایدیلدی [۲] .

بر آرزو کره ، استانبول ایمپراطوری مانوئل قومنه ن
وفات ایتدی . یرینه ایکنجی آلکسی قومنه ن کچدی . قیلیج
آرسلان بونی خبر آلیجه غرب طرفنه کله رک سوزوپولیس
[اولوبورلو] شهری ایله جوار سائر مواقعی ضبط ایتدی . انطالیه
شهرینی اوزون مدت محاصره آلتنده طوتدی . قوتیالیوم -
[کوتاهییه] Cotyalium ی تخریب ایله دی . بعض ولایتلری
اله کچردی . روملر هیچ امداده قوشماشلردر کبی کورونیور .
آلکسی ایله آندرونیق قومنه نک زمان حکومتلرنده بویوک
اغتشاشات ایله صارصیلمش اولان روم ایمپراطورلغی آرتق
تورکاره قارشى سلاحه صاریلمغی دوشونمز اولمشدی . واقعا
مورخلر بحث ایتمیورلر سده تورکارک برطاقم آقینلر یاممش
اوله جقلری شبهه سزدر . آندرونیقک وفاتنده یرینه ایساق

سینه

۱۱۸۵

نیسه ت

[۱] ۵۷۶ هـ تاریخ هجریسنده .

[۲] ۱۰ جاذی الاولی .

لانثر چيقدى . سلطان يتمشىن كچيكن اولمقله برابر بو حكمدار
تحوللرينك دائما برطاقم كورولتولرله مترافق بولونديغنه امين
اولديغى ايجون روم ايمپراطورلغنه بويوك براردو ايله اميرسام
Samas ى كوندردى . بوتوركلر سالبيانوم Selbianum
دنياىن قطعه يى مدافعه سز بوله رق باشدن آشاغى تخرىب ايتديلر .

ابوالفرج
ابوالفدا
ابن شحنة

اردولرينك باشنده غايت مدهش برجنكاور اولديغى
كورديكمز سلطان اختيارلغنده چوجوقلرينك اويونجاغى
اولدى . ممالكنى بونلره ويرمشدى . بقيه عمرينى افراد عائله سى
ايچنده سكونت ايله كچيرمك اميد ايدىوردى . كنديسى يالكىز
سلطان عنوانى محافظه ايدىوردى . فقط اولادلىرى بونى ده
چوق كوره رك سلطان اولمغى ايسستيورلر ، بابالرينك اولومنى
بكله يورلردى . بويوك اوغلى قطبالدين ملك شاهه سيواس
شهرى ويرمشدى . قيصرىه نورالدين سلطان شاهك ، برغلو

سنه
۱۱۸۷

Barglou غياثالدين كيخسروك ايدى . ايمپراطور ايساق
لانثره قارشى عصيان ايتمش اولان مانغافاس Mangaphas بو شهرادىك
ياننه التجا ايتمشدى . كيخسرو [۱] كندى ممالكى داخلنده عسكر
طوبلاماسى ايجون او كامساعده ويردى . بو عسكرى طوپلادقن
صوكره كيدوب ايمپراطور ايله حرب ايدىجكدى . فقط
ايساق لانثر برهيئت سفارت كوندردى . عاصى يه امداد ايتمك

[۱] پدرينه آزچوق تابع خصوصى برحكمدار ايدى . اصل

سلطان پدري ايدى .

شویله دورسون بونی روملره تسلیم ایتمکه بیله کندیسنی اقناع ایتدی . مع مافیله عاصی نی ایمپراطورک اعدام ایتدیرمه مسی ده مشروط ایدی . بونک اوزرینه مانغافاس استانبوله کوندرلدی . کندیسنی داربرمحبسه آتدیلر . کیخسروک قاردشلیری بوحرکتنی تقییح ایتدیلر . آزقالدی اوکا اعلاز، حرب ایده جکلردی . برمدت صوکره ، قیلیج آرسلانک دیکر براوغلی قطب الدین ارزنجان امیری ایله برلکده کلوب پدری سلطانه قونییه ده هجوم ایتدی . پدرینی طوتدی و کندیسنی ولی عهد اعلان ایتمکه اجبار ایله دی .

ابوالفدا
نیسه ت

قدس شهری صلاح الدین طرفندن ضبط اولونمشدی . آوروپا خرسیتیانلری هر طرفدن سورییه مدافعه یه قوشیورلردی . ایمپراطور فرهدریق بارباروس بویوک براردوايله آلمانیا یی ترک ایدهرک استانبوله کلدی . سلطان قیلیج آرسلان [۱] استانبوله بونک نزدینه برسفیر کوندره رک ممالکندن کچه جکی صیراده کندیسنه هر دورلومعاونتده بولونه جغی وعدایتدی . مورخلرک روایتنجه بو ، سلطان طرفندن قورولمش برطوزاق ایدی . فرددریق تورکلرک مملکتنه کیرنجه احتیاطکار بولوندی .

سنه
۱۱۹۰
بهاء الدین
نیسه ت

[۱] پرمنبورغ P.Maimbourg اهل صلیب تاریخنده ایمپراطورله مناسباتده بولونان سلطانک کیخسرو اولدیغنی سویله یورسه ده یا کاشدر . قیلیج آرسلان الآن حکمران ایدی . بحث ایتدیکی ملک - که اونک حکایه سنه نظراً کیخسرو اولق ایجاب ایدیور - قیلیج آرسلانک اوغلی قطب الدین ملک شاهدی .

فقط توركلرك لوازىم قوللرىنى ضبط ايتىكى اھمال ايتدى . بويلا
ياپىسا ايدى اردوسى يىھجك جھتندن صيقتى چكەمە يەجكدى .
فرەدرىقك اردوسى اوج قوله آيرىلشدى . برنجيسى دوق
دوسوآبك قومانداسىندە ايدى . ايكنجيسى باشليجە
قوماندانلرك معيتندە ايدى . اوچنجيسى ايسە بالذات ايمپراطورك
قومانداسى آلتندە بولونيوردى . ابتدا هيچ بردشمنە مصادف
اولمادىلر . سلطان دھا ايجريلرە دوغرو كيرمەلرني ، يىھجك
صيقتيسى حس ايتىكە باشلامەلرني بىكلە يوردى . بونلرى دھا
اىي آلداتىق ايجون اوج Aouadge توركمەنلرى سورولرلە
و بر طاقم امتعە ايلە خرسەتيانلرك قراركاهلرينە كيتدىلر .
فقط فرەدرىق فرىثريا قطعەسندە دكىزلى شھرىنى كچدكن
صوكرە بوتوركەنلرلە توركلر برلشدىلر . كاه پيشداردن كاه
دمداردن هجوم ايتىمكدن آرتق خالى قالمادىلر . داغلرى الە
كچيرمشلردى . اورالردن اھل صليب اوزرينە او قىلرياغدير يورلردى .
فرەدرىق بونلرى فيلومل وچىنغولارىوم Cingularium
قربىندە مغلوب ايتدى . فقط اوللا يىھجك قالمامشدى . آلمانلر
اولو بار كيرلرى بيلە يمك اضطرارندە بولوندىلر . دھا كچيلەجك
غايت تھلىكلى بربوغاز واردى . دوق دوسوآب ايكنجى
قول اردوايلە بوراسنى كچدى . توركلر ايمپراطورك بولوندىغى
صوك قولك بوغازە كيرمەسنى بىكلەدىلر . اوزمان اللرنده

مزراق و قیلیج ایله هر طرفدن صالديرديلر . دوق دوسوآب
امداده كلك ايچون ، قورتولمش اولديغی تهلكیه تکرار
کنديسنی آتمق مجبوریتنه قلدی . بومحاربده يارالاندى .
آلمانلر صوك درجهده عظیم مساعی صرف ایتدکن صوكره
بوقایالر آراسندن کنديلرینی قورتاره یلدير . قیلیج آرسلانك اوغلی
قطب الدين ملك شاه [۱] يوز بيك تورك ایله بونلرك اطرافنی
چویردی ایسهده مغلوب اولدی وقونییه کلدیلر . اوراده
کیجه لین شدتلی بر فرطنهیه طوتولديلر . قونییه ضبط
ویغما ایدیلدی . ایمپراطور فره دریق بوراده آیین روحانی
یاپیدردی وبش کون قلدی . قیلیج آرسلان فره دریقی تسکین
ایچون بوتون بواحوالك مسؤلیتنی اوغلی قطب الدينك اوستنه
آتدی . رهینه لر ویردی ، صلح یاپدی . ایمپراطوره طرسوس
ومسیس Masisa طریقنی اختیارایتمه سنی توصیه ایله دی . سلطانك
حکم ونفوذینه تابع اولمایان برطاقم تورك مفرزه لری خرسیتیانلری
ازعاج ایتمکدن کری دورمادیلر . ایمپراطور بونلردن یکر می ایکی بيك
کشی اولدیردی . یولنده دوام ایتدی . فقط معلوم اولدیغی
اوزره سالف [۲] Salef نهرنده بوغولمق فلا کتنه اوغرادى .
فرات ساحلنده کائن روم قلعه صاحبی اولان حاجيك [۳]

[۱] « قدس تاریخی » نك مشکوك محرری بوکاملکینوس نامی ویریور .

[۲] بو ، سیدنوس Cidnus هر بدر .

[۳] بهاء الدين بوکا ارمنیلر رئیسى عنوانی ویریور . حاجيك
کله سنك وکیل Vicaire معناسنه کلدیکنی ، بو حکمدارک اصل
اسمی بارغره غوریس بن واسیل Bar gregorios اولدیغی سویله یور .

کیفیتدن صلاح‌الدین خبردار ایتدی .

سنه

۱۱۹۰

ابولفدا

ابن شحنه

ابوالفرج

ابوالحسن

سلطان قلیج آرسلان، ایمپراطور فرهدریقه قارشی اوغلی قطب‌الدین ملک‌شاهک حرکتی تقییح ایتمه مجبور اولمشدی . قونیہ‌نک حاکم مطلق اوغلی قطب‌الدین ایدی . قلیج آرسلانی عادتاً محبوس کی بولوندریوردی . کنج شهراده آرتق آمانلرله محاربه‌نهایت بولونجه ، برادری قیصریه ملکی نورالدین شاه علیهنه آچدیغی حربه پدرینی ده برانکده سوروکله‌دی . مقصدی ، پدری ایله متفقاً حرکت ایتدیکنه هر کسی ایناندرمقدی . فقط ایکی اردو حربه طوتوش‌دقلری ائنده قلیج آرسلان اوغلی نورالدینک طرفنه کچمک فرصتی بولدی . نورالدین بر پدره قارشی لازم کلن حرمت وتعظیم ایله کندیسنی قارشیلادی . قطب‌الدین قونییه دوندی . اوراده نامنه خطبه او قوتدی و سلطانلغنی اعلان ایله‌دی . دیگر طرفدن قلیج آرسلانک اوغللارندن اولوب ملاطیه‌یه صاحب بولونان معزالدین قیصر شاهی برادرلرندن بری اورادن چیقاردی . معزالدین، صلاح‌الدینک یاننه التجا ایتدی [۱] . صلاح‌الدین اونی یکنی ایله [۲] اولندیرد کدن صوکرده ملاطیه‌یی استرداد ایچون لازم کلن معاوضتده بولوندی [۳] .

۱۱۹۱

[۱] ۵۸۵ تاریخ هجریسنه دوغرو بونک یاننه جکلمشدی .

[۲] برادری ملک‌العاذلک کریمه‌سی ایدی .

[۳] ابوالفدایه کوره ۵۸۷ ذی‌القعدة سنده ملاطیه‌یه کیرمشدی .

عینی تاریخده ، ایمپراطور مانوئل قومنه نك اوغلی اولدیغنی نیهت
ادعا ایدن وبو سببله ایمپراطورلق دعواسنده بولونان آلکسی
نامنده بر روم قونییه سلطانه یانه کلدی . سلطان بونک
یالانجی بری اولدیغنی بیلمکه برابر سکیز بیک عسکر
طوپلاماسنه مساعده ایتدی . آلکسی ، ارزن الروم
Arzenerroum [ارزروم] امیرندن ده آلدیغنی قوای معاونه ایله
کیدرک مندرس جوارنده کی شهرلری تخریب ایتدی .

بو آواده ، پدرینک حضورندن جانی صیقیلان و کندیسنی
قبول ایتدیکنه نادم اولان نورالدین سلطان شاه قیلیج آرسلائی
قیصریه نی ترکه مجبور ایله دی . اختیار سلطان برر برر
اوغللرینک حمایه سنی رجا ایچون دولاشدی . هیچ برشی
قالماشدی . کیمسه کندیسنی ایسته میوردی . یالکیز غیاث الدین
کیخسرو پدرینی تکرار قونییه یرلشدیرمک تشبشه قالقدی .
بر اردو ایله قونییه اوزرینه برلکده یورودیلر . قونییه نی ضبط
ایتدیلر . اورادن Aksar آقسرائه کیتدیلر . قیلیج آرسلان [۱]
یولده اولدی [۲] . اوغلی غیاث الدین قیلیج آرسلانک نعشنی
قونییه کوتوردرک اوراده دفن ایتدیردی . قیلیج آرسلان اون
اولاد براقشدی . هپسی بر طرفه صاحب ایدیلر . پدرلرینه فارشی
[۱] دربلو قیلیج آرسلانک ۱۰ یاخود ۲۰ سنه سلطنت
سوردیکنی سویله یور .

[۲] ابوالفدا ایله ابوالفرج ، بونک ۷۷۵ سنه سی شعبانی
اواسطنده وقوعه کلدیکنی سویله یورلر .

اونلری بویله جنایتکارانه حرکت سو قایدن حرص جاه پدرلرینک وفاتندن صو کرده ده بربرلرینه قارشى عینی حرکتی تعقیب ایتمه لرینه سبب اولدی . قونییه صاحباولان غیاث الدین کیخسرو [۱] ایقائونى وپامفیلى قطعهلرنده حکومت سوردی . رکن الدین سلیمان [۲] آمینسون Amynsum ، توقات Docea وسائر ساحل شهرلرینه مالک اولدی . اک بویوکلری قطب الدین ملک نیست شاه [۳] ملاطیه ، قیصریه و قولونیا [۴] Colonia شهرلرنده حاکم ایدی . مسعوده آماسیه ، آنقره ، دوریله وپونت قطعه سنک برطاق شهرلری دها اصابت ایتشدی . هپسی سلطان عنوانی آلیورلر وجوار حکمدارلرله بر سلطان صفتیله عقد معاهدات ایدیورلردی [۵] .

سنه

۱۱۹۶

نیست

ایمپراطور آلکسی لائز قومنه ن مسعود ایله مناسباتده بولونق و اوکا پاره ویرمک ایسته مه مشدی . بو سلطان بونی بهانه ایددرك ، روم ایمپراطورینه تابع اولان آناتولی ولایتلرینی

[۱] دربلو بو حکمدارک اسمنی ذکر ایکی اونوتور .

[۲] نیست قونیات بوکا روقراتین Rucratin دیور .

[۳] نیست قونیات بوکا قوپاتین Copatin دیور .

[۴] الآن بو شهره تکسار Taxara دیورلر .

[۵] سلطانک ممالکنک بو تقسیماتی دائما عینی حالده قالمامشدر .

بناءً علیه بعض مورخلرک بو شهزاده لره باشقه باشقه حوالی تخصیص ایتمه لرینه حیرت ایتمه لیدر . چونکه وقوعه کان محاربات نتیجه سنده بربرلرینک یرلرینی ضبط ایدیورلردی .

تخریب ایتدی . دادیبرا Dadibra شهرینی استحقاقاً رنماً
 اله کچیردی . بوشهرک ضبطی ایمپراطوری مسعودک ایسته دکلرینی
 قبولده مضطر براقدی . بوندن دهها اهمیتسن بر سبب قونیہ
 سلطانی غیاث الدین کیخسرو ایله آلکسی آراسندهده بر حرب
 تولید ایتدی . غیاث الدین کیخسرو ، مصر سلطانک استانبوله
 کوندرمکده اولدیغی ایکی آتی طوتمش ، بو آتلردن بری
 یارالانمشدی . غیاث الدین بوندن دولایی ایمپراطوره بیان
 تأسفانده بولوندی . فقط آلکسی حدتنه مغلوب اوله رق ،
 استانبوله بولنان بوتون قونیہ تجارلرینی توقیف و ماللرینی
 مصادره ایتدی . غیاث الدین در حال حربہ کیریشدی . مندرس
 جوارنده کی قاری Carie شهرلرینی تخریب ایتدی . فریثیاده کی
 آنطاکیه شهرینه یاقلاشدیغی صیراده بر چوق انسان و آلات
 کورولتوسی ایشیتدی . بو بر دوکون اکلنجه سی ایدی .
 حالبوکه روم اوردوسنک سسلری ظن ایدهرک در حال
 لامپ Lampes چکیلدی . اوراده بوتون اسرانی
 کوزدن کچیردی . بونلره غایت انسانیت کارانه معاملہ کوستردی .
 بویله بر حرکت تورکلرجه او آنه قدر مجهول بر شیددی .
 اسرادن آلنان شیلرک کافه سنی اونلره اعاده ایتدیردی . احتیاء
 جلرینی تأمین ایله دی . حتی کندیلرینی ایصیتیق ایچون اودون
 کسیدردی و خاکی تشویق ایچون کندیسیده کسیدی .
 فیلومهله راصل اولدیغی وقت اسرایه اراضی تخصیص ایتدی .

سنه

۱۱۹۹

یست

صلح انعقاد ایدر ایتمز کندیلرینی حر براقه جغنی ، صلح اولمازسه
 بش سنه اولردن بر شی ایسته مه یه جگنی ، صو کره خفیف
 بر ویر کو آله جغنی وعدایله دی . بو صیراده ایمپراطور آلکسی
 کنج اندرونیق دوقاسی بر اردو ایله کوندرمشدی . فقط بو
 اردو ارزن الروم امیرینک عسا کرینه هجوم ایله اکتفا ایتدی .
 استانبول ایمپراطوری کندیسنی صارصان داخلی کورولتو-
 لردن دولایی ، تورکلره قارشى محاربه یه کمال فعالیتله دوام
 ایدم بیله جک بر حالدہ دکلدی . قیلیج آرسلانک اوغوللرینک
 بر برلریله محاربه لری یوزندن روملردن ده اضعیف بر حاله
 دوشمش اولان تورکلرده روملره القای خوف و حرمت ایتمه
 قادر اولما یورلردی . بر برلریله بوغوشتمقدن باشقه بر شی
 دوشونم یورلردی . قطب الدین ملک شاه وفات ایتمشدی . رکن الدین
 سلیمان ایله مسعود اونک ممالکی ایچون غوغا ایتدکن صو کره
 نهایت پایلاشمش لردی . رکن الدین سلیمان غیاث الدین کیخسروه
 هجوم ایتدی . بو ایکی قارداش آراسنده کی خصومتک سببی
 غیاث الدینک خرسیتیان بر والده دن دوغمش اولماسی ایدی .
 اسکی اراضیسنه مالک اولمق ایسترسه قونییه یی ویرمه سنی رکن الدین
 طلب ایتدی . برادرینه مقاومت ایدمه یین غیاث الدین ، سوریه یه
 حلبده حکمران اولان صلاح الدینک اوغلی ظاهر Dhaher
 یانسه چکیلدی . فقط اوراده امید ایتدیکی معاونته نائل اولما نیجه
 استانبوله کیتدی . ممالکنه عودت ایچون اوراده اوزون مدت

سنه

۱۲۰۰

ابوالفدا

نیست

عسکر بکله دی . رجاری بیهوده اولدی . آناتولییه دوندی .
 اوراده برادری رکن الدینک کندیسنی قتل ایتدیرمک اوزره
 آرامقده اولدیغنی خبر آلدی . بونک اوزرینه ارمنستانه لوبون
 Leboun یاخود لیوون Livon ک یاننه التجا ایتدی .
 رکن الدین ایله تعهداتی ومعاهداتی موجود اولان بو قرال
 غیاث الدینک دخالتنی قبول ایتدیسده هیچ بر یاردمده بولونمادی .
 بونک اوزرینه تکرار استانبوله کیده رک اوراده عادی بر فرد
 صفتیله یاشادی .

سنه

۱۲۰۱

ابوالفرج
 ابوالفدا

غیاث الدینک مغلوبیتی رکن الدینی ده قوی ، ده حریص
 یاپدی . سلاحرینی ، برادری معزالدین قیصر شاهه تابع اولان
 ملاطیه طرفلرینه چویردی ، بو شهری ضبط ایتدی [۱] .
 صوکره ارزن الروم [ارضروم] اوزرینه یورودی . بو شهر
 چوقدن بری خصوصی بر عائله انده ایدی . او زمان
 اوراده محمد بن صلیق Saïq حکمران اولمقده ایدی .
 سلطانک علو جنبانه اعتماد ایدهرک صلح عقد ایتک اوزره
 استقباله کیتدی . فقط توقیف اولوندی . ارزن الروم سلجوقیلرک
 تحت تابعیتنه کچدی . صوکره رکن الدین پایتختنه دوندی .
 ایمپراطور آلکسی بودایه برباطنی کوندرمشدی . اهل صلیب
 زماننده شیخ الجبلک تبعه سی اولان و ممنون اولمادقلری حکمدار .
 لری یاخود پاره مقابلنده اولدیرتک ایسته نیلن کیمسه لری قتل

نيسهت ايدن كيمسهلره بونامي ويريرلردى. سلطاني اولديرمك امرينى
 آلمش اولان باطنى تشببشده موفق اولامادى. بونى كيمك
 كوندردىكى آكلاشلايدىغى جهته ركن الدين درحال روملرك
 اراضيسنه كيردى ، شرق ولايتلرينى تخریب ايتدى. حكمدار
 برمدت صوكره ، بش كون دوام ايدن برصانجى نتيجه سنده
 وفات ايدرك [۱] ممالكى هنوز چوجوق بولونان اوغلى قيليج
 آرسالنه براقدى .

سنه

۱۲۰۳

۱۲۰۴

ابوالفدا

ابوالفرج

استانبولده بولونان غياث الدين كيخسرو بوخبرى آلىر
 آلماز آسيابه عودتله قونيه يى ضبط ايتدى [۲]. كنيج قيليج
 آرسالنى اورادن قوغدى . فقط برآز كچمه دن يكي برحربه
 آتلىدى. ماوروزوم Mauvrozomes ك قزيله اولمشدى. بوده
 نيسهت استانبول ايمپراطورى بودوان دوفلاندره قارشى عصيان ايتمشدى.
 هر ايكيسى ده مندرس جوارنده كى بوتون شهرلرى تخریب
 ايتدىلر . فرانكلرك الندن ايمپراطورلغى استرداد ايتك فكرنده
 بولونان ته ئودور لاسقاريس ، ماوروزومى مغلوب ايتدى .
 صوكره ، سلطان غياث الدين ايله صلح ايدرك ازنيق وبرو-ه يى
 اله كچيردى . ازنيقده ايمپراطورلغى اعلان ايتدى . سلطان ده
 ديكر طرفدن استانبولده كى فرانكلره قارشى حربده دوام ايله

۱۲۰۵

ابوالفدا

[۱] ۶۰۰ تاريخ هجرىسى ذى القعدة سنده .

[۲] ۶۰۱ تاريخ هجرىسنده

آلدوبراندین Aldobrandin ك شدتلى مقاومتنه رغباً آنطاليه يي
 ضبط الله دى [۱].
 نيسهت ۱۲۰۶

استانبول ايمپراطورلغى فرانقلرك اله كچد كدن صوكره
 سلطانك آرتق بوجهتدن قورقوسى قالمامش كييدى . چونكه
 استانبول ايمپراطورلغنده اغتشاشات حكمفرما اوليوردي .
 ۱۲۰۸
 ابوالفدا
 عسكرلرني ارمنيلىر عليه چويردي ۱۲۱۰ . بونلرلى وون
 نامنده برقرالك اداره سنده ايديلر . حلب ملكى وصلاح الدينك
 اوغلى ظاهر بوسلطانه عسكر ووردى . سلطان ، ارمنستانك باشليجه
 قلعه لرندن برى اولان فرفوس PharPhous شهريني ضبط
 نيسهت
 ايتدى غياث الدين اورادن آنطاليه يه كچدى . فرانقلر طرفندن
 ژورژ آقروپول
 استانبولدن طردايدلمش اولان ايمپراطور آلکسى ده اورايه كيتدى .
 ايمپراطور ، تكرار حكومت الدهايتك اوزره كنديسنه عسكر
 ويرمه سنى سلطاندىن رجا ايتدى . بالخاصه ، دامادى ته ئودور
 لاسقاريسك ازنيقده تأسيس ايتديكى ايمپراطورلغى اله كچيرمك
 ايسته يوردى . غياث الدين اوكا بر چوق پاره وعد ايتدى .
 عسكر طويلادى . ايمپراطورلغى آلکسى به براقماسى ايچون
 لاسقاريسه خبر كوندردي . لاسقاريس جواب ويره جك يرده
 حرب به باشلادى . درحال ، سلطان مندرس اوزرنده كاشن
 آنطاكيه شهرينه ياقلاشدى ، بو شهر ك ضبط ايمپراطورلغك

[۱] ۶۰۳ تاريخ هجري سنده

[۲] ۶۰۵ » »

استیلاسی قولایلاشدیره جغنی امید ایدیوردی . لاسقاریس
 سکز یوزی لاتینلردن مرکب بیک سواری ایله اولمپ داغنی
 آشدی ، قایستره Caystre دن کچدی . بردن بره تورک اردو .
 سنک قارشیسینه چیقدی . ایکی طرف صف حرب ترتیب ایتدیله .
 سلطانک معیتندە یکر می بیک کشیک بر اردو واردی . فقط
 او قدر دار بر یرده ایدی که عسکری یایله مایه جغنی ایچون
 بونلردن استفاده ایدە میوردی . کزیده عسکردن عبارت اولان
 سکز یوز لاتین تورکلره صالدردیله . دمدار قطعاته قدر نفوذ
 ایتدیله . بو ایلاک مغلوبیتدن نومید اولمایان سلطان ، عسکرلرینی
 طویلادی . هر طرفدن لاتینلری صاردی . پک چوغنی
 تلف ایدە رک بوتون روم اردوسنی فراره مجبور ایتدی .
 هر طرفده لاسقاریسی آرایوردی . کورور کورمز
 اوزرینه برضربه ایندیرە رک آتدن آشاغنی دوشوردی . لاسقاریس
 قیلیجنی چکدی . یایان اوله رق حرب ایتدی . بالخاصه دشمنک
 بارکیرینک باجاقلرینه هجوم ایدە رک سلطان ایله برابر حیوانی
 دوشوردی . صوکره درحل سلطانک اوستنه آتیه رق باشنی
 کسیدی [۱] . بر مزراغک اوجنه طاقدیردی . غالب گلش
 اولان تورکلر فرار ایتدیله . لاسقاریس آنطاکیه یه کیردی .
 تورکلرله صالح یاپدی . قاین پدری آلکسی یی ازنیقه کوتوردی

ابوالفدا
 ابن شحنة
 نيسه فور
 ژورژ

[۱] ۶۰۷ نارنج هجریسنده . دربلو بونک آلتی سنه سلطنت

سورمش اولدیغنی سویله یور .

غیاث الدینک وفاتندن صو کره اوغلی عزالدین کیکاوس [۱]
 یرینه کچدی. ارزن الرومده حکمران اولان عموجه سی طوغرول
 شاه [۲] کلوب عزالدینی سیواسده محاصره ایتدی [۳]. فقط
 عزالدین حران ورها ملکی اشرف [۴] مراجعت ایتدیکی ایچون
 طوغرول شاه درحال محاصره یی قالدیردی. عینی زمانده،
 عزالدینک برادری علاءالدین کیقباد کلوب آنقره یی ضبط
 ایتدی. فقط سلطان بو شهری استرداد ایله برادرینی اسیر
 آلدی. اونک طرفنی التزام ایتمش اولان امیرلرک صاچلری
 صاقللری تراش ایدیلهرک بر بار کیره بیندیریلدیله. اطرافلرینی بر
 طاقم فنا قادینلر صاردی. اوکلرنده برمنادی یورویره رک حکمدارینه
 خیانت ایدنلرک جزاسی بودر دییه تشهیر ایتدی. طوغرول
 شاه علیهنده حرب دوام ایدیوردی. کیکاوس بونک الندن
 مملکتینی آلدی [۵]. عموجه سینی بر چوق امرا ایله برابر
 اولدیرتدی. برادری علاءالدین کیقباده قارشیده بویله یایمق
 فکرنده ایدی. فقط سرای ارکانک رجالرندن متأثر اوله رق
 اونی یالکز حبس ایتدیرمکله اکتفا ایلهدی. ازنیق ایمپراطوری
 ته ئودور لاسقاریسه قارشیده عینی مساعده کارلقده بولوندی.

[۱] دربلو بونک اسمنی ذکر ایتیمور.

[۲] قیلیج آرسلانک اوغلیدر.

[۳] ۶۰۹ تاریخ هجریسنده.

[۴] صلاح الدینک برادری ملک عادلک اوغلی.

[۵] ۶۱۰ تاریخ هجریسنده.

لاسقاریس تورکمنلر طرفندن طوتولمش [۱] و سلطانه کوتو -
 رولمشدی . سلطان بونک و قتیله پدرینی اولدیرمش اولدیغنی
 دوشونهرک بردن بره همان اعدام ایدیله سنی امر ایتدی .
 لاسقاریس مهم بر پاره ایله برابر بر چوق شهرلر و حصارلر
 تکلیف ایتدیکی جهته سربست براقدی . فقط سلطانک الندن
 قورتولور قورتولماز تعهداتندن هیچ برینی طوتمادی .

سنه

۱۲۱۸

ابوالفدا
 ابن شجنه

سلطان کیکاوس بو دساسلقدن انتقام آلمغه اوغراشمادی .
 حلبک فتحی اونی دها چوق ممنون ایده جکدی . بوشهرده
 حکمران اولان صلاح الدین زاده ظاهر [۲] وفات ایتمشدی .
 عزیز [۳] اسمنده کوچوک یاشده بر چوجوق براقمشدی .
 کیکاوس ، صمصات Samosath ملکی افضل [۴] ایله بر
 معاهده یاپدی . بو معاهده نامه موجبجه ایکی حکمدار حلبی
 صوکره ، اشرف [۵] ک تحت حکمنده بولونان یرلری فتح
 ایتک اوزره قوتلرینی برلشدرمکی تعهد ایدیورلردی . حلب ،

[۱] ۶۱۱ تاریخ هجریسنده

[۲] ملک الظاهر غیاث الدین غازی بن صلاح الدین . ۶۱۳ تاریخ

هجریسنده وفات ایتشدر .

[۳] ملک العزیز محمد .

[۴] ملک الافضل نورالدین علی . ۶۲۱ تاریخنده وفات ایتشدر .

[۵] ملک الاشرف موسی . رهبا یاخود اورفه و حران ،

صوکرده ده شام ملکیدر . صلاح الدینک برادرلی ملک العادل سیف الدین

ابوبکرک اوغلی ایدی .

افضلك انه دوشه جكدى . اشرفك النده بولونان اورفه ايله
 حران كيكوسك اولاجكدى . كيكوس رعبان Roban شهرينى
 ضبط ايله درحال افضله تسليم ايتدى . فقط دها مهم بر موقع
 اولان تل باشر حقنده بويله داورانمادى . اونى كنديسنده
 آليقويدى . افضل مرلدا نغنه باشلادى . مقاولاته رغباً منبج
 شهرينى ده كندى ممالكنه ضم ايتدى . فقط بو شهرده بولونديغى
 صيراده ، حلب اوزرينه يوردين پيشدارلرينك اورفه ايله
 بزاعه Bouzaa واديسنده عربلر اميرى مانع Mani طرفندن
 مغلوب ايديلديكى خبرينى آلدى . درحال قاچدى . اشرف تل-
 باشره ، رعبانه ودها سائر مواقععه كيردى . يالكز قالان افضل
 صمصاته دوندى .

سنه
 ۱۲۱۹
 ابوالفدا
 ابوالفرج
 ابوالحاسن

كيكوس [۱] كندى مملكتنه عودتله ايرته سى سنه ورمدين
 وفات ايتدى [۲] . چوجوقلرى يك كوچوك اولدقلرى ايچون
 رينه كچه مزلردى . عسكرلر ، فرات ساحلنده المنشار [۳] - Almins
 char محبسندن برادري علاءالدين كيقبادى چيقارهرق اونى
 سلطان اعلان ايتديلر . اقربالرندن برى ، كيكوسك قتل

[۱] ابوالفدا بوتك لقبى الملك الغالب اولديغى سويليور . دربلو
 آنحق برسنه سلطنت سورديكنى يازبيور .
 [۲] ابوالحاسن ۶۱۵ تاريخنده وفات ايتديكى سويليور .
 بن ابوالفدا و ابوالفرج ايله براكده ۶۱۶ تاريخنى ترجيح ايد-ورم .
 [۳] ملاطيه قرينده .

ایتدیرمش اولدیغی ارزن الروم ملکى طوغرول شاه [۱]ك اوغلى ده
 بر آرزو کره ۱۲۱ کورجستان ملکى اولدی . کورجستان قرالى
 مپ لاشا جورجى Mepe Lacha Giorgi هیچ چوجوق
 براقمادن وفات ایتشدی . قرال عائله سندن یالکیز لاشا جورجینک
 سافى مپ تمارك قیزی قرالیچه روسودان Rousoudan
 قالیوردی . کورجیلر بونی قرالیچه اوله رق طانیدیلر . ارزن-
 الروم ملکى ده اوکا زوج اوله رق انتخاب ایتدیلر . کورجستان
 من القدم بر خرسیان حکمدارینک تحت اداره سنده بر قراللق
 اولدیغی جهتله ارزن الروم ملکى اسلامیتی ترك ایتدی . کیدوب
 روسودان ایله اولندی ایسه ده چوق زمان امتزاج ایدهمدی .
 بو پرنسس کوله لرندن بریله علناً مناسباتده بولونیوردی . ارزن-
 الروم ملکى اونى براقدی . کیتدکجه رزیلانه سفاهتله بوتون
 بوتون حیثیتی قیران قرالیچه اك عادى طبقه دن خلق آراسنده
 اك ایری یاری کوزل آدماری انتخاب ایتدی . اوصاندکجه
 بونلری فدا ایتدی . هیچ کیمسه آرتق قرالیچه نك قوجه سی
 اولمق ایسته مدی . اولنمک ایچون اسلامیتدن واز کچمه سنی
 آرزو ایتدیکی کنجه لی بر مسلمان بوتکلیفی ردایتمک جرئتکارلغنده
 بولوندی . بو قرالیچه نك شهرت و حیثیتی لکله ین سفاهتله

سنه
 ۱۲۲۳
 ابوالفدا

[۵] مغیث الدین بن قلیچ آرسلان بن مسعود بن قلیچ آرسلان

دییه معروفدر .

[۵] ۶۲۰ تاریخ عجریسنده .

کورجیلرک حریتلرینک محافظه سنه خدمت ایتدی . کورجستان
سلاجوقیلرک تحت حکمنه دوشمک اوزره ایدی . سلاجوقیلر
روملر طرفندن تهیداته معروض بولونمادقلرندن ، اهل
صلیبک کچمه سی یوزندن غائله لره دوچار اولمادقلرندن حکم
و نفوذلرینی فرات طرفلرینه دوغرو کیتدکجه توسیعه امکان
بولیورلردی . کورجستانک جنوبنده کائن اولان مملکتلر
اوزمان ارتق Ortokides غائله لری حکمدارلرینه تابع ایدی .
بونلردن بری اولان مسعود امد شهرنده حکمران اولیوردی .
علاءالدین کیقباد ، حصن منصوری و کاخته Kakhta یی
بونک الندن ضبط ایتدی .

ارتقیلرده سلاجوقیلر کبی تورک نسلندن اولوب بومملکتده
یرلشمشلردی . بو مهاجرت اقوام دوشونولونجه حیرتله
دوشمه مک قابل دکدر . تاتارستانک اعماقندن حرکت ایدن
بو تورکلرک نه قدر چوق یرلره یایلدقلرینی کوردک . خلیفه لر
ایمپراطورلغنی شدتله صارصدیلر . ارض مقدسی تحت حکملرینه
آلدیلر . بونک اوزرینه آوروپانک اوازاق یرلرندن بوباربارلری
طررد ایتک اوزره بیکلرجه آدملر کلدی . فرانقلر و سائر اهل
صلیب تورک ایمپراطورلغنی تزلزله اوغراتدیلر ، انقاضنک
برقیمی اوزرنده یرلشدیلر . عینی زمانده آسیا یکیدن چین

[۶] ۶۲۳ تاریخ هجریسنده . پک موثوق بر محرر اولمایان

دیاربکری بوقعه نک ۶۲۲ تاریخنده جریان ایتدیکنی سویلر .

سنه
۱۲۲۲
ابوالفدا
دیاربکری

حدود لرندن يکي بر سورو قوم دها يوللايور . بوندر تورك
عائله لرینی محو ایدیورلر و چوق کره فرانقلر لهنده حربه
کیریشیورلر . آسیا ایله آوروپانک ایکی اوجنده کی اقوام سوریهدده
تلاق ایدیورلر .

سنه
۱۲۲۹

خوارزم سلطانلرینک قوتی اوزمانه قدر تاتار قوملرینک
آسیانک غرب ولایتلرینه آقین یامالرینه مانع اولمشدی .
بو ایمپراطورلغک صوک سلطانی اولان جلال الدین منکبرنی
Mankberni — که اسلامیتدن صو کره شرقده یتیشن حکمدارلرک
اک بویوکلرندن بریدر — بودشمنلری دایما پوسکورتمشدی .
فقط جلال الدین ، ایرانک غربنده کائن اولان بوتون ممالکی
ضبط ایتک تهلیکه سنی ارائه ایدیوردی . بو تهلیکه شام ملکی
شرف ایله کیقبادی برلشدیردی . ارمنستانده خلاط شهرینی
محاصره ایله مشغول اولان جلال الدینه کیدوب برلکده هجوم
و اونی چکیلمکه مجبور ایتدیله . دفعات ایله بو شهر پیشگاهنه
کان خوارزم سلطانی فرارده مضطر قالدی . فقط بوغلبه [۱]
خوارزم سلطاننه اولدینی قدر اشرف ایله کیقباد حقندهده
مشوم اولدی . خوارزم سلطاننک ضیاعی بوتون آسیانک
انقراضنی انتاج ایتدی . مسلمانلر آرتق موغوللره قارشى
قویه جق برسد بولامادیلر .

موغول ملتی جنکیز خانک تحت حکمنده ، ایلریدم

[۱] خوارزم سلطانی ۶۲۶ سنه سی رمضانک ۲۹ نده مغلوب اولدی .

کوروله جکی اوزره ، بوتون تاتارستانی وچینک بر قسمی ضبط
ایتمش ، خوارزم جهتند ایلرله مش ، متعدد مصادماتده سلطان
جلال الدینی مغلوب ایتمشدی . جلال الدین ، قونیہ سلطاننک
و شام ملکی اشرفک معاونتنی طلب ایتدی و کنندیسی مغلوب
اوله جق اولورسه موغوللارک بوتون آسیایی استیلالرینه یول
آچلمش اوله جغنی آ کلاتدی . خوارزم سلطاننک شان و شرفنه
حسد ایدن بوایکی حکمدار لازم اولان قوهٔ معاونه بی اسیر که دیلر .
سلطان تمامیه مغلوب اولدی . خوارزم ایمپراطورلغی انقراض
بولدی . خوارزم امراسندن بر چوغی بر مقدار عسکرله سوریه یه
قاچدیله و اوراده بویوک تخریباتده بولوندیله . بو امیرلرک
باشلیجه لری برکت خان Barkab ، کشلوخان Keschlou ،
صارو خان ، فرخان Far ، بوری خان Bouri ایدیله .
بونلر کلوب کیقباده عرض خدمت ایتدیله . کیقباد بونلری
قبول ایتدی ، اوردوسنده قولالاندی [۱] .

ابوالفدا
ابوالفرج

سنه
۱۲۳۲
ابوالفرج

جلال الدینک مغلوبیتندن صوکره ارمنستانه قدر نفوذ
ایتمش اولان موغوللری خوش طوتمق کنندی منفعتی اقتضاسندن
اولدیغنی کیقباد چوق کچمه دن تقدیر ایتدی . بونلرک تاتارستانده
حکمران اولان اوقتای Oktai نامنده کی بویوک خانلرینه بر
سفیر بوللادی [۲] . غربی آسیانک اکی ذی قدرت حکمدارلرندن

[۱] مؤخرأ عثمانلی ایمپراطورلغنی تأسیس ایدن تورک رؤسای
احتمالکه بوخوارزمی تورکلری آراسنده ایدیله .

[۲] ۶۳۰ تاریخ هجریسنده .

بری اولان کیقباد ، کندی سفیرینک نه قدر متعظمانه قبول ایدیلدیکنی ایشیدنجه ، هله قاره قورومه کله جک اولورسه کندیسنه مهم عنوانلر توجیه ایدیله جکنه دائر وعدلر [۱] ایله برابر برده دعوتنامه آنجه صوک درجه ده حیرته دوشدی. مغوللارک بو عظمتنه آیشقین دکلدی . بناءً علیه ، محقرانه داورانهرق ارمنستانده حربه کیتدی . اشرفک تحت حکمنده بولونان خللاط و سرما نرای شهرلرینی ضبط ایتدی . بو حکمدارک ، مصرده حکومت ایدن برادری کامل [۲] ، صلاح الدین عائله سینه منسوب حکمدار و شهرزاده لرله [۳] درحال کلدی . ارزق یاخود کوک صو قییسنده اوردوگاه قوردی .

سنه
۱۲۳۴

[۱] « اختاجی » Ikhtadgi عنوانی وعد ایدلشدی. در بلویه کوره ماشقه بر حکمدار طرفندن عهده سینه بر مملکت توجیه ایدلش تابع بر حکمدار معناسنه ایدی .

[۲] ملک الکامل ابوالفتح ناصر بن محمد ابن ملک العادل نصیر الدین ابوبکر .

[۳] باشلیجه لری شونلردی: شام حکمداری ملک اشرف موسی؛ میافارین حکمداری ملک مظفر غازی؛ جعبر قلعه سی حکمداری الحافظ آرسلان شاه؛ ملک العادلک اوغللاری صالح و اسماعیل؛ ملک المعظم توران شاه ابن صلاح الدین؛ بیر حکمداری ملک الزاهر؛ داود ابن صلاح الدین؛ صمصات حکمداری ملک الافضل موسی بن صلاح الدین؛ ملک الافضل علی؛ حما حکمداری ملک المظفر محمود؛ عینتاب حکمداری ملک الصالح احمد؛ کرک Krac حکمداری ملک الناصر داود؛ حمص حکمداری ملک المجاهد شیرکوه .

اورادن بعض مفرز دلر کوندردی . بونلر حصن منصورى خراب
 ایتدیلر ، فقطدها ایلری کیده مدیلر . چونکه علاء الدین داغلر ده کی
 کچیلر ده عسکر اقامه ایتشدی . کامل ، امد [دیار بکر] جوارنده سویدا
 Souaïda یه دوغرو یورو مک فکريله فراتی کچدی . اوکی
 صیرا حما ملکى مظفر محمود قومانداسنده ایکی بیك بش یوز
 عسکر کوندرمشدی . کیتباد بو قولی تامیله مغلوب ایتدی .
 حما ملکى خرتبرت [خرپوت] Khortobret . قاچدی . اوراده
 برآز صوکره محاصره آلتنه آلتدی . مصر سلطانی ، سویداده
 ایدی . عائله سنه منسوب حکمدارلردن ممنون دکلدی . خرپوتک
 امدادینه کیتمه جسارت ایدمدی . محمود عرض تسلییه
 مجبور اولدی [۱] . کامل تکرار مملکتک یولنی طوتدی .
 کیتباد کیدوب رها شهرتی ضبط واوچ کون یغما ایتدی . بونده
 مسلمان خرستیان هیچ کیمسه استثنا ایدیله مشدر . عینی
 معاملیه معروض قالمقدن قورقان حران سکنه سی شهرک
 آناختارلرینی کتیردیلر . رقه ایله باصره Basira ده تحت
 انقیاده آلتدی . بوتون بو یرلر مصر سلطانه عائددی .
 کیتباد کندی مملکتنه دوزدو نمز اونلری استرداد ایتدی [۲] .
 کیتباد نائل اولدیغی فتوحات عظیمه دن دولایى امراسنه ضیافت
 ویردیکی برصیراده هجوم دمدن خسته لانه رق ایکی کونده وفات

[۱] ۶۳۱ سنه سی ذی القعدة سنده .

[۲] ۶۳۳ تاریخ هجری سنده .

ابوالفرج ایتدی [۱] . اون ایکی سنه سلطنت سورمشدی [۲] .

کیقباده، عائله سنک ابویوک حکمداری نظریله باقیلا بیلیر [۳] .
تخته چیقدیغی وقت قانونلر وضع ایتدی . ایمپراطورلغنک
حدودینی توسییع ایله دی . قومشولرینه قورقو و حرمت ،
تبعه سنه ده محبت حسلری ویردی . جسور ، احتراصاتنده
اعتدالپور ، معیتنده کیلره قارشى شدید ایدی . امراسنک
قصورلرینی هیچ عفو ایتمز دی . قانونه غایت رعایت ایدر، حتی بو
خصر صده کی افراطنی بعضاً ظالملاک درجه سنه وارد یرردی .

[۱] ۶۳۴ سنه سی شوالنده .

[۲] دربلو یا کلش اوله رق ۲۶ سنه ساطن . سورمش اولدیغنی
سویله یور . تورک مورخلری ، تورک ایمپراطورلغنک مؤسسلی ارطغرل
ایله عثمانک بونک دور سلطنتنده ظهور ایتدکلرینی سویله یورلر .
علاءالدینی دها چوق یاشاتهرق عثمانه ۶۸۰ تاریخنده طیل و علم
ویردیکنی ، ۶۹۹ تاریخنده موغولار طرفندن مغلوب ایدیلدیکنی ،
میشل پاله تولوغ نزدینه چکیلهرک اوراده ۷۰۳ تاریخنده وفات ایتدیکنی
ادعا ایدیورلر . بونک ، حکمدارلرینه دها پارلاق بر منشا تعین
ایتمک ایچون تورکار طرفندن ایجاد ایدیلش اولدیغنی آشکاردر .
علاءالدین ۶۳۴ تاریخنده وفات ایتشدر . میشل پاله تولوغ نزدینه
التجا ایدمه مشدر . چونکه اودها اوزمان تخته چیقمامشدی .
اونک یاننه قاچان حکمدار عزالدیندر . بونکله قاریشدر ییلیور .
عزالدینده عثمانه ۶۸۰ تاریخنده علم ویرمه مشدر . چونکه ۶۷۷ ده
اولشدر . عثمان سادهجه عاصی برامیردر . مورخلر تغلبنی ستر ایتمه
چالیشمشلردر . فقط مختلف وقایع تاریخیه نک بر برینه ارتباط ایتمه سی
لازم کله جکنی دوشونمه مشلردر .

[۳] ابوالفدایه نظراً کندیسنه سلطان عالم لقبی ویریلیور .

ابن شیحنه
ابوالحسن

سلجوقی ایمپراطورلغنىك پارچه لائىسى نتيجه سنده تشكىل ايتمش
اولان كوچوك حكومتلىرى ھې كىندى تحت حكمنده برلشديردى .
فقط اونك زمان اداره سنده غايت يوكسك بر درجه شوكته
واصل اولان بو ایمپراطورلق وفاتى متعاقب سقوط
ايتدى . بر مدت بويلا انحطاط ايچنده قالدقن صوكره نهايت
منقرض اولدى .

سنه
۱۲۳۶
ابوالفرج

بوتون امرا ، اوغلى غياث الدين [۱] كي خسرو به بيعت
ايتديلر . بو حكمدار ابتدا ، معيتمده كي خوارزمى رؤساسنى
كىندى عليهنه تحريك ايتدى . بونلردن قير خان Gaïr
نامنده برىنى قتل ايتديردى [۲] . بوندن دولايى بواجنبى
عساكرى او قدر حدت ايتديلر كه ملاطيه يى ، كاختي Kakhtin
خرپوتى ، صمصات ، سويدا جوارلرىنى تخریب ايدىرك
اونك ممالك كندن چيقديلر . حلب ملكى ناصر بواىراى كىندى
زدينه دعوتله رها و حران جهتلرينه يرلشديردى .

سوريه ايله مصره صاحب اولان صلاح الدين عائله سى غايت
تكثير ايتمشدى . عائله افرادىنك هر برى بر مقدار اراضى يه
مالك ايدى . بر برلرىنك ضررينه اوله رق توسيع ملك ايتمكدن
باشقه برشى دوشونميوراردى . بويوزدن ھې محاربات ايله

[۱] بزم مورخلر مزدن بعضيلرى كىنديسنه غويات Goviathe

ديورلر .

[۲] ۶۳۴ تاريخ هجرى سنده .

مشغول ایدیلر . اوزمان بونلر ایچون اك قورقوله جق قومشو
قونییه سلطانیلری ایدیلر . هر بری بونلری کندی طرفنه جالبه
چالیشیوردی . شام حکمداری اشرف ، کیخسروی مصر
سلطانی کماله قارشی حرب ایچون يك چوق تشویق ایتدی .
فقط کیخسرو حلب حکمداری ناصر ایله اتفاق ایتکی ترجیح
ایدرك اوکا همشیردسی . لکه خاتونی [۱] ویری . کندیسیده
عینی زمانده ناصرك همشیردسی غازیه خاتون [۲] ایله اولندی [۳] .
بوجیفته صهریت نتیجه سنده حامیده خطبه کیخسرو نامنه
اوقوندی . یعنی کیخسرو اوراده سلطان طانمش اولدی .

ابوالفدا

سنه

۱۲۳۷

موغوللر غرب طرفنی کیتدکجه تهدید ایدیورلردی . قونییه
سلطانی آسیانك الك قوی بر حکمداری کی تلقی ایدن بویوك خان
اوقتای بوايمپراطورلغی محوایتمك فکریله ارمنستانه دوغرو
بویوك براردو کوندرمشدی . کیخسرو بونلرك ورودندن
خیدار اولونجه عسکرلرینی طوپلادی . بونلرك آراسنده
قیریسلی لیمیناتا Liminata ایله وندیكلی بونیفاس دومولینی
قومانداسنده ایکی بيك لاتین ده واردی . بر محاربیه کیریشمهك
اوزره امرالمش اولان موغول قوماندانی دهالیلری یورومکی

۱۲۳۹

ابوالفرج
هایتون
سانوت

[۱] کیقبادك قیزی اولان بوپرنسس هنوز يك کنج اولدیغی
ایچون قوجه سنك یانه ۶۵۲ تاریخنده کیتمشدر .

[۲] حلب حکمداری عزیز محمدك کریه سی .

[۳] ۶۳۵ تاریخنده .

[۴] ۶۳۷ تاریخ هجریسنده .

مناسب كورمه يهرك چكىلدى . كيخسرو اونلرك رجعتندن
استفاده ايله يالانچى بر پيغمبرك چيقارديغى قاريشقلىقلرى
تسكىنه كيتدى .

سنه

۱۲۴۰

ابوالفرج
ابوالحسن

باباسمنده بر توركن آماسيه جوارنده يكي بر مذهب نشر
ايدىوردى . كنديسنك پيغمبر اولديغى ادعا ايدرك بر چوق
كشى يى آلداتىوردى . تليزلرندن اسحق نامنده بر ينى صمصات
توركنلرينه كوندردى . اسحق اوراده استادينك مذهبنى نشر
ايتدى . چوق كچمه دن بابانك اطرافنه آلتى بيك سوارى
طوپلاندى . بر چوق ده پياده سى واردى . للهدن باشقه الله
بولماديغنه و بانك اللهك رسولى اولمايغنه شهادت ايتمينلرى
بوقوء عسكريه ايله تاديب ايدىوردى . بويالانچى پيغمبرك
دستور ايمانى بوسوزلردى . حصن منصورده ، كاخته ده ، كر كرده ،
صمصاتده ، ملاطيه ده بر چوق مسلمان و خرستيان قتل
ايتدى . متعدد مصادماتده سلطانك عساكرينه غلبه چالدى .
آماسيه ده بولونديغى صيراده كيخسرو يكي بر اردو طوپلادى .
بونلرك آردسنده بر چوق ده فرائق واردى . مسلمانلر بويكى
مذهب طرفدارلريله حربه كيريشمكه جسارت ايدمه ديلىر .
فرائق عسكرى اولماسه ايدى محو اولاجقلردى . فرائقلر كمال
جسارتله دشمنه صالديرديلر و هپسنى قيليچدن كچيرديلر . بابا
ايله اسحق اسير ايدىلدى . باشلرى كسىلدى .

موغول اردوسى نهايت ارمنستانه كيرمشدى . بو اردويه

۱۲۴۲

قوماندا ایدن جرماغون نوپان jarmaghounNovian
 ارضروم [۱] شهرینی هجوم ایله ضبط ایتشدی . کیخسرو
 نوملردن ، فرانقلردن ، کورجیلردن ، عربلردن ، ارمنیلردن ،
 تورکلردن مرکب بویوک بر اردو ایله حدودلرینک مدافعه سنه
 قوشدی [۱۲] . ارزنجان جوارنده کوسه داغ Kousadagh
 دنیلن بر موقعده موغوللره راست کلدی . متعدد کوچوک
 مصادماتده موفقیت سلطان طرفنده قالدی . بدی یوز
 فرانقک [۱۳] آلتش بیک موغولی پوسکورتوب تعقیب ایتدکارینی
 کوردی . فقط ایکی اردو عمومی بر محاربهیه کیریشدکاری
 وقت کیخسروک اردوسی درحال فرار ایتدی [۱۴] . سلطان

ابوالفرج
 ابوالفدا
 ابوالحسن
 هایتون
 برژرون

[۱] سائوت بوکا آرسورون Arsorsn دیر .

[۲] ۶۴۰ تاریخ هجریسنده .

[۳] برژرون Bergeron ک روایتجه بو عسکر ایچنده

ردمون دوبر ندوز Brunduze ایله ردمون دوغاسغونی Gascogne
 نامنده ایکی کشی واردی و موغولار طرفندن اسیر ایدلشلردی .
 تابارلر فرانقلرک ناصل حرب ایتدکارینی کورمکی مصراق ایدهرک قابالی
 برده بونلری اوروشد سرق ایسته دیلر . بویکی فرانق ایسه موغوللارک
 اوزرینه هجوم ایله کندیلری اتلاف ایدیلنجیه قدر اونلردن
 اوتوزینی اولدیردیلر . کرک بو حرکت کرک بدی یوز فرانقک آلتش
 بیک موغولی قوغلامه سی اونلره فرانقلر حقنده غایت بویوک
 بر فکر ویرمیشدر .

[۴] سائوت بو هزیمتک ۱۲۴۴ تاریخنده وقوعه کلدیکینی

سویله یورسده یا کیندر .

قیصریه قوشدی . اورادن زوجه لرینی وچو جوقلرینی آلهرق
 آنقره شهرینه قاپاندی . بو قدر چابق بر فراردن حیرتده
 قالان موغوللار بوتون کون میدان حربده دورهرق تورکاری
 تعقیبه جسارت ایده مدیلر . چونکه بو قدر غلبه لاق براردونک
 قاچاسنی ایجاب ایده جک درجه ده شدید بر محاربه جوبان
 ایتمه مشدی . هر آن تورکلرک کری کله رک هجومه قالمه جقدرینه
 انتظار ایدیورلردی . ایشته کیخسرو اردوسی بو سایه ده
 قورتولمشدر . چونکه بر التجا کاه آرامغه وقت بولمشدر .
 موغوللار سلطانک ممالکنه یاییلدیلر . سیواس بونلرد تسلیم
 اولدی . شهر اهالیسی حریتلرینی محافظه ایتک شرطیه بوتون
 ثروتی غالبله ویردی . مدافعه یه جسارت کوسترن قیصریه
 شهری یغما ، سورلری خاک ايله یکسان ایدیلدی . قادینلر
 وچو جوقلر اسیر کوتورولدی . سائر اهالی ده هپ اولدیرلدی .
 ملاطیه سکنه سنک بر قسمی حلبه قاچدی . دیگر قسمی باشلرنده
 باش یسقیوس ده نیس اولدیغی حالد مدافعه یه عزم ایتدیلر .
 فقط موغوللار بورایه یاقلاشما دیلر . یالکیز فرار ایتمش اولانلر
 موغوللرک انه دوشه دیلر و بو باربارلرک تجاوزاتنه معروض
 قالدیلر . موغوللار ارزنجان شهرینی ده بالهجوم اله کچیردیلر
 و شهری عادتاً انقاضی آلتنه کومدیلر .

کیخسرو هیچ بر زمان بو قدر امداد احتیاجنده قالمامشدی .
 فقط قومشولرندن بویله بر معاونه انتظار ایده مزدی . استانبول

ایمپراطوری ایکنجی یوردان ، روم ایمپراطوری ژان دوقاس باتاز طرفدن تضییق ایدیللمکده اولدیغندن کیخسروه امداد کوندرمک شویله دورسون فرانقلرک استانبولده کی منزل حکومتلری ادا مه ایچون بالعکس کیخسرو دن استمداده مجبور اولدی . کیخسروک ژان دوقاس باتازه عائد ممالکه تجاوز ایده جگنی امید ایدیوردی . طرفیندن هیئت سفارتلر ارسال ایدیلدی . کیخسرو کندیسنه فرانق نسلندن برپرنسس ویریلیمک شرطیله تدافعی و تجاوزی براتفاق تسکلیف ایتدی . بو پرنسسک کندی دیننده قالماسنه ، بعض شهرئرده کلیسالر بنا ایدیللماسنه مساعدده کوستریوردی . حتی کندیسنک خریستانلغی قبول ایده جگنه دائر برامید ویریوردی . بودوان فرانسه دن ، موته کو Montaigu سنیوری اود Eudes ک کریمه سی اولان یکنی و همشیره سی الیزابتی چاغیرتدی . فقط ژان دوقاسک انترقه لری نتیجه سی اوله رق بومعه اده نامه عقد ایدیللمدی . ژان دوقاس تورکلره دها جوار اولدیغی جهتله بودواندن زیاده اونلری ازعاج ایده بیلیردی . کیخسرو اونک اتفاقنی دها مرجح کوردی . کرک کندیسنک کرک اونک منفعتی موغوللری آنا تولیدن اوزاقلاشد ر مقده اولدیغنی اوکا آ کلاتدی . ایکی حکمدار مدرس اوزرنده تریپولی Tripoli شهرنده ملاقات ایتدیلر . فقط ژان دوقاس باتازک اردوسی سلطانی موغوللرک استیلاسنه قارشی مدافعه ایده بیله جک برحاله دکلدی . کیخسرو ،

معروض اولدیغی تهاکهکی صاووشدیرمق ایچون موغوللار دسفیئرلر
کوندیرهك صلحه طالب اولدی. هر سنه بر مقدار پاره ویرمه سی،
بار کیر، اثواب، آو کوپکی دها سائر بوکا بکزر شیلر کوندیرمه سی
شرطیله موغوللار بو صلحه رضا کوستردیلر [۱]. بونک اوزرینه
سلطان اردوسنی طرسوس شهری علیهنه چویردی. بورایه
بویوک بر قوه سفریه کوندردی [۲]. عسکرلری طرسوسی
محاصره آلتنه آلدیلر. شهر ضبط اولونه جنی صیراده کیخسروک
وفاتی خبری کلدی [۳]. اردو در حال طرسوس اوکنندن
حرکت ایتدی. دائمی صورتده یاغان صوک بهار
یاغمورلری مناسبتیله کچیلمز برحاله کلش اولان یوللرده
ارمنیلر بواردوی تعقیب ایله برچوق عسکر اولدیردیلر.
کیخسرو جسور بر حکمداردی. فقط ایچکییه وسفاهته پک
دوشکونلک کوستریوردی. کورجستان قرالنک قیزیله
اولمشدی و بونی او قدر چوق سویوردی که پاره لک اوزرینه
رسمنی باصدیرمق ایسته یوردی. فقط اوزرنده بر کونش بولونان

[۱] ۶۴۱ تاریخ هجریسنده.

[۲] ۶۴۲ » »

[۳] ابن شحنه بونک ۶۵۴ هجری و ۱۲۵۶ میلادی تاریخنده
وفات ایتدیکنی سویلیور سهده یا کاشدر. بو ادعای عیناً ابوالفدادن آلتشد.
او زمان معمر اولان ابوالفرج کیخسروک ۶۴۲ تاریخنده وفات
ایتدیکنی یازیور. بن اونک سوزلرینی ترجیح ایتدم.

بر آرسلان رسمی ضرب ایتدیرمکه اکتفا ایتشدی [۱] .
 اوچ چو جوق براقدی [۲] . که بونلر عزالدین کیکاوس ،
 رکن الدین قیلیج آرسلان ، علاءالدین کیقباد ایدیلر . ایکی
 اولکیلرک والدلری روم ایدی . اوچنجیسی کورجستان قرالنک
 قیزندن تولد ایتشدی .

ابن شحنة
 ابوالفرج
 ابوالقد

اک بویوکلری اولان عزالدین کیکاوس تختہ چیقیدی .
 امرا بوکا بیعت ایتدیلر . نامنه خطبه او قوندی . عن اصل روم
 اولوب امور اداره ده کی کیاست و مهارتندن دولای خلیجه
 پک سویلن وزیر جلال الدین قراطای [۳] Cortai بو اوچ
 شهراده آراسنه نفاق دوشمه سنه وایمپراطورلغک محو اولماسنه
 مانع اولامادی .

سنه

۱۲۴۵

ابوالفرج

موغول سراینده کیخسروک وفاتی خبر آلنیر آلتماز
 بویوک خان اوقتای خلقی کیکاوسی تاتارستانه کیدوب کندیسنه

[۱] بو مدالیه قرالک قوللقسیونلری آراسنده موجوددر .
 آرسلانک باجقلری آراسنده قویروغنه دوغرو اوچ ییلدیز کورولبور .
 مدالیه نک اطرافنده شو کله لر او قونیور : الامام المستنصر بالله
 امیر المؤمنین . آکلاشیلیور که او تاریخده مستنصر بغداد خلیفه سی ایدی .
 دیگر طرفده ده شو یازی وارددر : السلطان الاعظم غیاث الدیناوالدین
 کیخسرو بن کیقباد . بومدالیه قونییه ده ضرب ایدیلشدر .

[۲] دربلو بونک یرینه رکن الدین ساینک تختہ کچدیکنی
 وکندیسنک اوغلی اولدیغنی سویلیور . مدت سلطنتی یکرمی سنه
 کوستریور . فقط دربلونک بوتون بوتفصیلاتی یا کلشدر .

[۳] سلطان علاءالدینک اسیری ایدی . بونی او بویوتشدی .

عرض اعظیات ایتمکه دعوت ایلهدی [۱]. سلطان موغول
 سفیرلرینه برچوق هدیلهر ویرهرك اونلره مملکتندن اوزاقلا -
 شه مایه جغنی، چونکه روملرک وارمنیلرک همان تجاوز ایده جکلرینی
 سویلهدی. فقط سوزلرینه هیچ قولاق اصلمادیغنی ایچون
 برادری رکن الدینی وزیرى بهاء الدین ایله برلکده اعزامه
 مجبور اولدی. فقط بونک اک فنا بر تدبیر اولدیغنی صوکره
 آکلاشلدى. رکن الدین تاتارستانه واصل اولدیغنی زمان اوقتاى
 وفات ایتمشدى. موغوللارک مجلس عمومیسنده حاضر بولوندى.
 بو اجتماعده کیوک Gaïouk بویوک خان اعلان ایدیلدی.
 تاتارستانک بویکی حکمداری کیکاوسی سلطانلقدن عزل
 ایدهرک [۲] بو عنوانی رکن الدین قیلیج آرسالانه ویردی.
 سلطان کیکاوسک وزیر اعظمی اولوب کنديسنک والده سیله
 اولنمش بولونان وعلم وکمالی حسیله تقدیر اولوندیغنی قدر نفوذ
 واقیدارینی سوء استعمال ایتمه سی یوزندن ده نفرت ایدیلن
 شمس الدین اصفهانی، قیلیج آسالانک ایکی بیك موغول
 سواریسى ایله تاتارستاندن عودت ایتمکه اولدیغنی خبر
 آنجه [۳] کیکاوسی آلهرق اونلکه برلکده دکنر کنارنده
 برقلعهیه قایانمق ویکی سلطانک ورودی اوزرینه جریان ایدهرک

سنه

۱۲۴۷

۱۴۲۸

[۱] ۶۴۳ تاریخ هجریسنده .

[۲] ۶۴۵ « «

[۳] ۶۴۶ تاریخ هجریسنده .

وقایعه اوراده منتظر اولمق ایسته‌دی . فقط جلال‌الدین قراطای اونى درحال توقیف ایتدی . قیلیج آرسلانک وزیرى بهاء‌الدینی قونیه‌ده کچن احوال‌دن خبردار ایتک اوزره علی‌العجله بر ساعی کوندردی . بهاء‌الدین بر مقدار موغول عسکری سوق ایدرک وزیر اعظمی توقیف ایتدیردی . خزینهلرینک زرده اولدیغنی او کرئمک ایچون اشکنجه‌یادیلر ، صوکره اولدیردیلر . افندیسی عزالدین کیکاوسک منفعتنی مدافعه ایله مشغول اولان جلال‌الدین قراطای بهاء‌الدین ایله کوروشدی . موغوللره مقاومت امکانی اولمادیغنی ایچون ، نتیجه‌سی دائماً مشکوک اولان بر حربه کیریشمکدن ایسه حکومتی ایکی شهزاده آراسنده تقسیم ایتکی ترجیح ایله‌دی . کیکاوسه قونیه ، آنقره ، آقسرای ، آنطالیه و او زمان تورکیه نامنی طاشیان حوالینک غرب قسمی اصابت ایتدی . قیصریه ، سیواس ، ملاطیه ، ارزنجان ، ارضروم و بوتون شرق طرفلری قیلیج آرسلان عائد اولدی . اک کوچوکلری علاء‌الدین کیتباده برطاق خصوصی املاک ویردیلر و سکه‌لرک اوزرینه اوچ شهزاده‌نک اسمنی ضرب ایتدیردیلر [۱] .

موغوللر کیکاوسدن غیر ممنون ایدیلر . بویوک خانه صداقت یمینی ایتک اوزره بالذات تاتارستانه کیتمه‌سی ایچون اصرار ایدیورلردی . او زمان بویوک خان اولان منکو خان [۱] سکه‌لرده شوپازی واردر : السلاطین العظام عزورکن وعلا .

سنه

۱۲۵۴

ابوالفرج

Mangou كندیسنه يکيدن سفیرلر يوللامشدى [۱] . ياپدیغى
 اك بويوك خطانك برادرینی تاتارستانه كوندرمسندن عبارت
 اولدیغنى آجى بر تجربه ايله آكلامش اولان کیکاوس بو دفعه
 بويوك خانك اوامرينه اطاعت ایتمهك قرار ویردی . فقط
 سیواسه واصل اولور اولماز ، قیلیج آرسلا نه مربوط اولان
 تورك امراسنك اونك جهتنی التزام ایتهلری قورقوسيله کری
 دوندى . قونییه کلدی . برادرى علاءالدین تاتارستانه
 يوللادی . بويوك خانه یازدیغى بر نامه ده وزیرى جلال الدین
 قراطایك وفاتى و غرب طرفدن ممالکنى تهدید ایدن دشمنلرک
 موجودیتی یوزندن تور کیه دن اوزاقلاشه مادیغنى
 سویله یور و سـکون تأسس ایدر ایتمز بالذات کله جکنى
 تأمین ايله یوردی . فقط بو مکتوبى حامل اولان علاءالدین
 مع التأسف یولده وفات ایتدی . کیکاوس ، موغوللرک
 کندیسندن برخبر آلمانجه کلوب هجوم ایتهلرندن یا خود
 تختدن ایندیرمهلرندن قورقدی . ذاتاً تاتارستانه کیتمه مک
 عزم ایتمشدى . اندیشه دن آزاده قالمق ایچـون
 برادرینی اولدیتمک فکرىنه دوشدى . ایشن خبردار اولان
 بعض امرا قیلیج آرسلا نی قاچیردیلر . بوشه زاده قلعه دن
 بر آجى قیافتنده ، باشنده بر تپسى ايله چیقدى . خدمتچیلری ده
 آرقه سندن عینی قیافتده کندیسنی تعقیب ایتدیلر . قیلیج آرسلان

قیصریه به کیده رک اوراده براردو طوپلادی. قونییه یاقلاشدی.
فقط اوزمانه قدر کندیسنه مساعد کیدن طالع آرتق
یاراولمادی. مغلوبیته اوغرادى، برادرینک تحت اسارتنه
دوشدی. برادری اونى Daulaou دوه لو قلعه سنه قاپتدی.

سنه

۱۲۵۵

بومظفریت اوزرینه کیکاوس بوتون تورکیه به صاحب
اولمقله برابرینه مستریح دکلدی. بايجونویان [۱۱] BaijouNovian
نامنده برموغول قوماندانی هلاکوخان اردوسنک برمفرزه سیله
سامانک ممالکینه یاقلاشدی، قیشلایه جق یرایسته دی [۱۲]. کیکاوس
بونى هلاکودن قاچان برعاصی اولدیغنى ظن ایدهرک طرده
حاضرلاندی. سلطان اردوسنده بولونان برروم مفرزه سنه
قوماندا ایدن میشل پاله ثلوع ايله برلکده بوموغول قوماندانه
قارشى یورودی. میشل پاله ثلوع برمسئله ده عدم ممنونیتدن
دولایى ایمپراطور ته ئودورلاسقاریسک سرانى ترک ايله سلطانک
زردینه التجا ایتمش، کمال اعزاز ايله قبول ایدیلشدی. یولده
تورکمنلرک الندن آلدقلى شیلری ده سلطان اوکا اعاده
ایتد برمشدی. میشل پاله ثلوع کمال شجاعتله حرب ایتدی.
موغوللر مغلوب اولمق اوزره ایدیالر. فقط برکره ده هجوم
ایتمه لری اوزرینه سلطانک عسا کری فراره باشلادیلر. بايجو

نيسه فور
ژورژ
ابوالفرج
باهیمه ره

[۱] نویان موغولجه برکله در که رئیس، قوماندان معناسنه کلیر. عربجه
امیر کله سنک مقابلیدر.

[۲] ۶۵۳ تاریخ هجریسنده.

[۳] ۶۵۵ تاریخ هجریسنده.

نویان کیدوب رکن الدین قیلیچ آرسلائی قورتاردی واونی
 آناتولی سلاجوقیلرینه تابع اولان بوتون ممالکک سلطانی
 اعلان ایتدی. کیکاوس سارد Sardes ده بولونان ایمپراطور
 ته ئودور لاسقاریسک یاننه قاچدی. ایمپراطور اوکابویوک هدیه لر
 ویردی. موغوللار قیلیچ آرسلائی مدافعه بهانه سیله کیکاوسک
 متفق اولدیغندن دولائی کندیسنه هجوم ایتمه لرندن قورقه رق
 ایمپراطورلق داخلنده دورماغه اونی تشویق ایتدی. ایساق
 دوقاس مورشوفل Mursuphle قومانداسنده درت یوز عسکر
 ایله کری یوللادی. کیکاوس دکیزی شهرینی اوکا تسلیم
 ایتدی. تورکیه یه کیردی. اورادن هلاکویه عرض اطاعت
 ایچون برهیئت سفارت کوندره رک [۱] بايجو نویانک حرکتندن
 دولائی شکایتده بولوندی. هلاکو ایکی شهزاددنک مملکتی
 آرالرنده پایلاشمه لرینی امرایتدی. کیکاوس قونییه یه کیردی.
 قیلیچ آرسلان بايجو نویانک اردوگاهنه چکیلدی.

موغوللار پک اعتماد ایده مه یں ودائمی صورتده برادرینک
 هجومنه معروض قالمقندن قورقان سلطان کیکاوس کوردلردن،
 تورکمنلردن، عربلردن مرکب بویوک بر اردو طوپلادی.
 شرف الدین احمد و شرف الدین محمد اسمنده ایکی کورد رئیس
 کلوب کندیسنه عرض خدمت ایتدیله. سلطان شرف الدین
 احمده مکافاة ملاطیه یی، شرف الدین محمدده خرپوتی ویردی.
 بوعلو جناب موغوللار وبوایکی شهر خلقنک خوشنه کیتمدی.

[۱] ۶۵۵ تاریخ هجریسنده.

ملاطیه اهالی می شهر قاپیلرینی شرف الدین احمد قارشی قاپادیلر.
شرف الدین احمد اوچ یوز کشی ضایع ایتدکن صو کره
کیدوب قالوندا طر فلرنده تخریبات یاپدی. صو کره میافارقین ملکی،
داخل اولدیغی امد الکاسنده اونى مغلوب ایدهرک تکمیل
معیتمده کیلرله برابر اتلاف ایله دی. شرف الدین محمدده خرپوت
جوارنده آنقورای نویان طرفندن اولدیلمشدر .

کیکاوس ملاطیه نك اداره سنی علی بهادره ویردی. علی بهادر
اهالی بی کندیسنی قبوله مجبور ایتدی . رئیس لری ژوتی Jouti
بکک قومانداسی آلتند بوتون جوارلری تخریب ایدن اغاجری
Ajaziens تورکمنلرینی مغلوب ایله دی . سلطان ایشلرینی
دوزلتمک، ممالکی داخلنده هر کسه تلتین حرمت ایتمک باشلامشدی.
تام بواشاده باججو نویان یکی براس تیلایه قیام ایتدی . بض
مواقعی ضبط ایدهرک قیلیج آرسالانه ویردی . موغول قوماندانی
البستان Ablestain شهرینی آلدی ، بوراده آتی
بیك کشی قتل ایتدی . قادینلری ، چوجوقلری اسیر یاپدی.
ملاطیه بی ده اله کچیردی . قیلیج آرسالان بورانک اداره سنی
فخرالدین ایاز اسمنده مملوکلرندن برینه ویردی . نویان
کیدر کیتمز علی بهادر ملاطیه بی استرداده تشبث ایتدیسده
اهالی طرفندن پوسکور تولدیکی جهتله شهرى محاصره ایتدی
وصوک درجه صیقیشدیردی . مدهش برقی طلق خلقی عرض
تسلیمته مجبور ایتدی . فقط جوارلر کاملاً تخریب ایدیلش

اولدیغی ایچون قیطلق زائل اولمادی . کوپکالر ، کدیلر ،
اسکی مشینلر ، نعللر غرادییه قایدیشیلماغه باشلاندى . بوقیطلق
اثناسنده بروالدەنك چوجوقلرینی يمك اوزره فرونه صالدىغی
کورولمشدر . ایکی قارداشك اوقدر زماندن بری برلریله کیریشدکلری
محاربەنك نتیجەسى ایشته بوکوارمشدر .

سنه

۱۲۵۸

ابوالفدا

ابوالفرج

موغوللرک دشمنلغنی قازانمش اولان کیکاوس اولری
تسکین ایچون هر واسطه یی دوشوندی . کندیسنی قارداشی
ایله برابر چاغیرمش اولان هلاکونک یاننه کیتدی [۱] . سلچوقیلرک
ممالیکی یکیدن بوایکی قارداش آراسنده تقسیم اولوندی . بیکاوس
قیصریه ایله برابر بویوک ارمنستان حدودینه قدر اولان ممالکه
صاحب اولدی . قیلیج آرسلان آقسرائ ایله برابر روم حدودینه
قدر اولان حوالیده حاکم قالدی . ایکی سلطان صوکره هلاکو
خانی فرات ساحلرینه قدر تعقیب ایتدیلر . برلریله باریشمش
برحالدە ممالکترلرینه دوندیلر . فقط کیکاوسك اوزمان نائل پاهیمه ره
اولدیغی صلح کندیسنك انقراضنی تعجیل ایتمکدن باشقه
برشیده یارامادی . تمامیه عطالته وتذللکه اوردی . اوزمان
سلچوقی ایمپراطورلغنك حاکمی اولان موغوللره قارشى دشمن
کسیلمش اسرانك نفرتی قازاندی . بونلرک برچووغی
میشل پاله ثولوغك یاننه چکیدیلر . پایتختی موغوللره
تابع بولونان و اسارت ایچنده معذب اولان کیکاوس ده یاننده

سنه

۱۲۶۱

والدهسى ، زوجه لرى و چوجه قلىرى اولدينى حالده مملكتنى ترك ايدەرك مىشل پالەئولوغك يانە كادى [۱۱] . يا مملكتنه دونمەسى ايچون عسكر و یرمه سنى ياخود ايمپراطورلق داخلندە اوتورمق اوزره اراضى تخصیص ايله مسنى طلب ایتدی . ايمپراطور ، ايمپراطورلغه نائل اولمادن اول قونیه يه التجا ایتدیكى تاريخدن برى سلطان ايله آرالى غایت اى ایدی . فقط مىشل پالەئولوغ سلطانى بهوده وعدلرله اويالامقله ده اکتفا ایتمه يەرك قورقدينى هلا کوايله کيزليجه مذا کراته کيريشدى . موغول حکمدارى ، کیکاوسى تبعه سنك اونو تماسى ايچون اونك اسارتده قالماسنى ايسته يوردى . بو صورتله کیکاوسه تابع ممالكى قولايجه ضبط ايدە بيله جکدى . بوندن دولاي مىشل پالەئولوغ سلطانى اينوز Aenus حصارينه کوندردى . اطرافنه محافظلر تعيين ایتدی . بو اوکا قارشى بر اثر احترام

باهيمه ره
يسه فور
ژروژ
ابوالفدا

[۱] ابوالفدا بوقعه نك ۶۶۲ و ۱۲۶۳ تاريخنده جريان ايتديكنى سويليور و لاسقاريسه عطف ايديور . ايمپراطور اوزمان ژان لاسقاريس اولق لازم كليور . فقط بو حکمدار ۱۲۶۲ تاريخنده قتل ايديلش اولدينى ايچون بو وقعه يى ۱۲۶۱ تاريخنده جريان ايتديرييورم اوزمان ژان لاسقاريس ايله مىشل پالوئولوغ حکمران اوليورلردى . روم مورخلرينه نظراً ، سلطان ، مىشل پالەئولوغه مراجعت ايتشدرد . به راده اونلرك روايتنى تعقيب ايديورم . ابوالفدا ، کیکاوسك استانبولى ضبط ايتك ، لاسقاريسى ده اولديرمك ايتديكنى ، فقط ايمپراطورك بونى خبر آلەرق سلطانى بر قلعه يه حبس ايله معيتنده كيلرك كوزلرني چيقارتديغنى يازيور .

اولمقدن زیاده فرارینه مانع اولمق فکریله اتخاذا ایدیلش بر تدبیر ایدی. آناطولیده قالمش اولان رکن الدین قیلیج آرسلان یالکیز باشنه سلطان عنوانی طاشیدیسه ده هیچ حکم و نفوذی یوقدی. بر موغول والیسنک تحت حکمنده ایدی.

کیکاوس اولا استانبولده صوکره اینور قلعه سنده یالکیز ذوقیله مشغول اولمش، میشل پاله تولوغک ویردیکی وعدلرک اجرا ایدلمه سنه منتظر بولونمشدی. فقط ایمپراطورک کندی دشمنلریله مذاکراتده بولوندیغنی، کندیسنه خیانت ایتدیکنی خبر آلیجه بولغارستان قرالی قونستانن ایله اتفاق یاپدی. اوده روم ایمپراطورندن غیر ممنون ایدی. وولغا ساحلارنده

ابوالفدا
پاهیمه ره

سرای Seraia شهرنده حکمران اولان قاپچاق خانی منکو تیمور ایلده عقد اتفاق ایتدی. میشل پاله تولوغک خیانتی بونلره آکلاته رق امداد ایسته دی، ایمپراطورک آله کچیریلمه سنی تسهیل ایده جکنی وعد ایلهدی. فی الحقیقه، غرب طرفنده بولونان ایمپراطوردن یاننه کیتمک مساعدده سنی رجا ایله موافق بر جواب آلدی. بو صیراده منکو تیمور، قوماندان ناغایا ۱۱ Nagaia بی طونه ساحلارنده مقیم یکرمی بیک قاپچاق تاتاری ایله بولغارستان قرالنه کوندرمشدی. بونلر هپ بوردن هه موس Hoemus داغی کچیدلرندن ایچری کیرمشلردی. ایمپراطور ایله سلطان کیکاوس ده استانبول یولنی طوتمشلردی. تاتارلر ایله

بولغارلر آزوقت ايچنده هر طرفه ياييلديلر. اوردوسنى ترخص ايتمش
اولان ايمپراطورك اطرافنى صارديلر. ايمپراطور قاچه قاچه
ده كيز كنارينه كلدى. اوراده برسفينه بوله رق كنديسنى
استانبوله آتدى. معيتمده كيلرك بر قسمى اسير دوشدى.
ديكرلرى ايمپراطورك اشيالرىنى و خزينه لرىنى نقله مأمور
خدمتكار ايله برلكده تراكيابه داغيلديلر. ايمپراطور، سلطان
ايله برلكده اينوز قلعه سنه كيتدى. روملر اوراده كنديلرىنى
تحت امنيتده ظن ايتديسر. دشمنلر درحال كلوب قلعه يى محاصره
آلته آلديلر. فقط محصورينك شدتلى مدافعه سى اوزرينه
محاصره يى رفع ايتكى دوشونمكه مجبور اولدیلر. روملرك
سلطانى و ايمپراطوره عائد خزينه لرى كنديلرىنه ويرمه لرىنى
طلب ايدىورلردى. روم اكابرندن برچوغى بو طلبلرك قبول
ايديله سنه ممانعت كوسترديلر. حتى سلطانك باشنى كسديروب
تاتارلره آتمق وبوصورتله اونلرك اميدلرىنى قيرمق مناسب اولوب
اولمايه جغنى بيله مذاكره يه قويديلر. نهايت سلطانى و خزينه يى
ويرمكه راضى اولدیلر. محاصره قالدیریلدى. تاتارلر سلطان
كيكائوسى اوغلى مسعود [۱] ايله برلكده سرايه منكوتيمورك
ياننه كوتوردیلر. ميشل پاله ئولوغ استانبوله عودت ايدنجه
سلطانك بوتون عائله سنى توقيف ايتدیردى. مالارىنى اللرندن

پاهيمه ره
نيسه فور
ابوالفرج

[۱] نيسه فور غره غوراس ايله سائر بعض مورخلر بوكا ساده جه

ملك دييورلر.

آلدى . توركارك قسم متباقيسنى اردوسنه ادخال ايتدى .
بونلرك قسم اعظمى خرستيانلغى قبول ايله ديلر .

سنه
۱۲۶۷
ابوالفدا
دياربكرى
ابوالمحسن

كيكائوس ايله مسعود قاپچاق سراينده بولوندىلرى زمان
موغوللار توركيه نك ياخود آناطوليناك اداره سنى معين الدين
سليمان پروانه [۱] يه ويرمشدى . سليمان ، سلطان قيليچ آرسلانى
بوغديره رق [۲] بو عنوانى قيليچ آرسلانك اوغلى دوت ياشنده
غياث الدين كيخسروه ويردى .

قونيه سلطانلرى موغوللرك تحت اطاعتنه كيردكن
صوكره برچوق تورك عائله لرى اسارتدن خلاص اولمق اچون
بر طاقم امرا ايله داغلره حكيمشلىردى . بو امرا فتح
ايدى بيله جكلرى ممالكلىرى آرا لرندى تقسيم ايتديلر . داغلردن
اينورلر ، روملره ياپدقلىرى كى موغوللره ده آقن ياپيورلردى .
بوندن دولايى ايمپراطور ميشل پاله ئولوغ اونلره قارشى اوغلى
آندرونيق كوندركه مجبور اولدى . توركلر مندرس جوارنده كى

۱۲۶۹

بوتون حوالى يه يايلىمشلىردى . آندرونيق اسكى ترال Tralls
شهرنى تعمير ايتديره رك بوكا آندرونيق پوليس ياخود پاله ئولو -
غوپوليس نامنى ويردى . فوكه Phoukeh الكاسى اميرى
منتشا بوراسنى درحال ضبط ايتدى . بوتوركلكر صوكره سقاريه

باهيمه ره
مراكشى

[۱] هایتون بوكا پاروانا ديور .

[۲] ۶۶۶ تاريخ هجرىسنده . دياربكرينك افاده سنه نظراً اوتوز

ياشنده ايدى .

نهرینه دوغرو کلدیلر . بوده میشل پاله ئولوغی او جهته دوغرو
یورومکه مجبور براقدی . سنه ۱۲۷۰

شرق طرفنده ایشلردها آزار قاریشیق دکدی . ایرانده
موغوللر ایمپراطوری آباخان Abaka ه قارشى عصیان ایتمش
اولان پروانه Perouana اتلاف ایدیلشدی . سالتان
غیاث الدین کیخسروه او قدر آز اهمیت ویریلدی که خان [۱] ،
سلجوقیلرک الکاسنی هایتون Haiton ه تکلیف ایتدی .
فقط ارمنستان حکومتده کنديسنى زور طوته بیان بو حکمدار
موغول خانه تشکر ایله بو تکلیفی رد ایله دی [۲] . کیکاوس
هپ قاپچاق الکاسنده ایدی . اوراده یکیدن اولمشدی .
وفات ایتدیکی زمان [۳] قاپچاق خانى ، بو سالتانک اوغلی
غیاث الدین مسعودی اوکی والدسی سالتان ایله ازدواجه
اجبار ایتک ایستدی . مسعود قاجدی ، پونت اوکسین
Pont Euxin ده کمی به بیدی . قسطمونی به کیتدی . اورادن
موغوللار خانى ، آباخاننه کچدی . بو حکمداردن سیواس ،
ارزنجان وارضروم شهرلرینی استیصال ایتدی . آباخانک
وفاتنه قدر احوال بو مرکزده قلدی . خانى آرغون خان

[۱] ۶۷۸ تاریخ میلادیسنده .

[۲] ابن شحنة بو ایمپراطورلک بو تاریخده نهایت بولدیغی

کوستیر .

[۳] ۶۷۷ تاریخنده .

سنه
۱۲۸۳

غیاث الدین کیخسروی اولدیرتدی [۱] . بو عنوانی کیکاوسک
اوغلی غیاث الدین مسعوده ویردی . مسعود ، داغلرده
امرانک بر قسمی تحت اطاعتی آلدی . ساجوقی ایمپراطورلغی
تکرار تأسس ایدجک کبی کورونیوردی . پونت اوکسین
ساحلارنده یرلشمش اولان وممالکینه مرمره حکومتی دنیان

۱۲۹۲
دربلو

عمر خان Amerkhan نامنده برامیر یکی سلطانک موفقیاتندن
تلاشه دوشهرک موغولارک معاونتنی رجا ایتدی [۲] .
ساجوقیلرک تکرار کسب قوت ایتمه لری بونلرکده منفعتلری
اقتضاسندن ایدی . موغولار ایمپراطوری کنجاتو خان
Kandgiatou بالذات تورکیه یه کلدی . مسعودی مغلوب
ایتدی . اونی بوتون ممالکندن محروم براقدی . بو سلطان

پاهییمه ره
نیمه فور

زوجیه سی و چوجوقلریله برلیکده استانبوله التجا ایتدی .
اورادن پونت قطعیه سی شهرلرندن ارکلی یه عزیمتله نیمفه
Nymphe ده ایمپراطوره ملاقی اولدی . فقط روملره اعتماد
ایده مدیکی جهتله بردن بره تبدیل فکر ایددرک مملکتیه
دوندی ، اوراده یکیدن عسکر طوپلادی . بو حاضرلقلردن
قورقان عمر خان سلطانک وعدلرینه ده مجلوب اوله رقیدی
اوغلی ایله برلیکده کندیسنه عرض تسلیمیت ایتدی . مسعود

۱۲۹۳

[۱] دربلو ۱۸ سنه سلطنت سوردیکی سوبله یور . ۶۸۲

تاریخ هجریسنده .

[۲] ۶۹۱ تاریخ هجریسنده .

بوتون معیتله برابر اونی بوغدیردی. یالکیز اوغلی علی قورتولاییلی . بوده باشنه بر چوق طرفدارطوپلادی . سلطان ایله بر محاربهیه کیریشدی . مسعود بو محاربهده مقتول دوشدی [۱] . اونکله برلیکده قونییه سلاجوقیلری ایمپراطورلغی ده منقرض اولدی [۲] .

پاهییمه ره

مع مافییه بو عائله دن هنوز بر شهزاده قالمشدی . مسعود استانبولدن کچرکن زوجه سنی ، همشیره سنی ، برادرینی اورادم براقشدی . زوجه سی صوکره اونک یاننه دوندیسه ده دیکرلری استانبولده قالدیلر و خرسیتیانلغی قبول ایتدیلر . سلطانک برادری قسطنطین ملک نامنی آلدی . اوزمان ایمپراطورلقد

[۱] دربلو غازان خانک صوک سلاجوقی حکمدارینی ۱۲۹۴ میلادی و ۶۹۴ هجری تاریخنده اولدیرتمش اولدیغنی سویلیور . فقط بن روم مورخلرینک افاده لرینی ترجیح ایدیورم . مکرکه عمرخانک غازان خانک امریله حرکت ایتمش اولدیغنی قبول ایدیله . ابوالفدا مسعودک زهراتدیریش اولدیغنی یازیور . دربلو بوتک یرینه کیقباد فرامرزک کچدیکنی سویله یورسده باشقه هیچ بر طرفده بویله بر قیده تصادف ایده مدم .

[۲] بوسلله یی ۴۸۰ هجری و ۱۰۸۷ میلادی تاریخنده باشلاتدیران دربلو ۷۰۰ هجری و ۱۳۰۰ میلادی تاریخنده نهایته ایردیریور . قونییه سلاجوقیلرینک اون بش سلطان اداره سنده ایکی یوز یکرمی سنه سلطنت سوردکارینی یازیور . تقویم التواریخی ذکر ایدیررکه بوکا نظراً بوسلله ۴۷۷ تاریخنده باشلامش و ۲۲۳ سنه حکومت ایتشدر . بواختلاف مبداء وانها تاریخلرینک تعینندن انشت ایدیور .

بر آلموگاوار [۱] Almogavare و قاتالونلر مفرزده سی واردی .
 بونلر سیجیلیاویس آمیرالی روثه دو فلورایله دهاسا اربعض رؤسنک
 ادارده سی آلتنده اسپانیادن آسیایه کچمشیدی . استانبول
 ایمپراطوری علیهنده سلاحه صاریلدیلر . اسحق ملک نامنده
 برتورک امیری بونلرک باسنه کچدی . کندیسنه کیکاوسک
 قیزی وقسطنطین ملکه سلطان عنوانی ویریله جک اولورسه
 عاصیلرک طرفی ترک ایده جکنی ایمپراطوره بیلدیردی . ایمپراطور
 آندرونیک یالکیز برنجی شرطه موافقت کوستردی . اسحق
 آسیایه کچمک حاضر لغندن فراغت ایتدی . فقط کمی یه بینه جکی
 صیراده ، تصوراتندن خبر آلان قاتالونلر هجوم ایتدیلر .
 یاننده کی تورکلری کرک اسحق کرک قسطنطین ملکی تسلیمه
 مجبور براقدیلر . بونلری آلتجه باشلرینی کسیدیلر .

بوتورک ایمپراطورلغی تمامیه محو اولدقن صوکره ، داغلرده
 قالمش اولان امیرلر آشانی ایندیلر . جوارده کی بوتون مملکتلری
 ضبط ایتدیلر . آناطولیده اون بر کوچوک حکومت وجوده
 کتیردیلر . موغوللار عائد اولان حکومت بو حسابده داخل دکادر .
 بو حکمدارلردن اک مهملری بروجه آتیدر :

۱ — قره مان . بواک قوتلیلری ایدی . درت بیک عسکر صراکشی

[۱] بواک . عربجه در . المغیر یا حود المغور دییه یازیلق اقتضا
 ایدر . معنای یغما انچون دشمن اوزرینه صالیران عسکر دیمکدر .

نیسه فور چیقارابیلردی . آلاشهر دن کیلیکیایه قدر اولان ممالک
قالقوندیل بوکا تابع ایدی [۱] .

۲ — صارو خان [۲] . بو، مغنیسا حکومتیه یعنی لیدیا قطعه سنک
بر قسمی ایله د کیز کنارینه قدر ایونیا Ionie قطعه سنه مالک ایدی .
۳ — قلم Calam ایله اوغلی قراسی^۱ Carasch اتولیه Etolie
قطعه سیله میسیه Misie قطعه سنک وهلمسپونتک بر قسمه
صاحب ایدیلر .

۴ — پافلاغونیا قطعه سی پونت اوکسین ساحله قدر
عمرخان اولادلرینک حصه سنه دوشدی .

۵ — عثمان ایله اوغلی اورخان بیتینیا قطعه سنه مالک
اولدیلر . بروسه ده یاتخت تأسیس ایتدیلر . بو حکمدارلر
مؤخرأ هپسینک اک قوتلیسی اولمشلردر . سائرلری تحت
اطاعتلرینه آلهرق ذی قدرت عثمانلی ایمپراطورلغنی وجوده
کتیردیلر که بونلره استانبول سلچوقیلری نامی ویریه بیلیر . اوزمان
یکرمی بش بیک عسکر چیقارابیلیورلردی .

۶ — قسطنطونی حکومتی سلیمان پاشایله اوغلی ابراهیمک
تحت حکمنه کیردی .

۷ — قونییه ، کر میانک النده ایدی . بالنسبه اهمیتسز

[۱] ابوالمحاسنه نظراً بو حکمدارلر ، ۶۳۴ تاریخ هجریسنده وفات
ابدن کیقباد نسلدن اولدقلربی ادعا ایدیورلردی .
[۲] سلچوقی ایمپراطورلغنه کچن خوارزم قوماندانلری آراسنده
بونامده برامیر واردر .

اولان و طائمه لرنده مشكلات بولونان سائر اميرلردن بحث ايتيورم .
 ذالاً بونلر اوزون مدت پايدار اولما مشلردر [۱] .

[۱] اوتارنخده معمر اولان صراکشی بوتون بو حکومتلری
 تعداد ايدر . فقط اوقودينغ ال يازيسي عرب آثارنده موقع اسملری
 اوقدر دكيشدير اشدركه بحث ايتديكي يرلرك نرهلری اولدقلىنى تعيين
 ايتك مشكادر . اللرند، دها دوغرو يازيلش اثرلر موجود اولانلرك
 تصحيح ايتهلری اچون اونلری بورايه نقل ايديورم .

۱ — آناتولى حكومتى كه حضر ايله دندار Dandar ه
 ياخود يونسه تابعدر . بوراده آفساكا Afsaka شهرى موجوددر .
 حميد ابلى حكومتك شمالنده ، ده كيز كنارنده كائندر . بو حكومتك
 قرق بيك عسكرى وارددر .

۲ — راملاس [ملاس] Ramlas ياخود فوكه Foukeh
 حكومتى كه منتشازاده اورخانه تابعدر . پايتختى فوكه در . اوچ بيك
 عسكر چيقارابيلير .

۳ — بركى Barki وياخود ترقى Troki حكومتى كه آيدين
 زاده شمه تابعدر . تقريباً اون بيك عسكر چيقارابيلير . دربلو آيدين
 -قنده بونك برتورك قوماندانك اسمى اولديغنى ، قاريه Carie
 قطعه سيله ليديا قطعه سنى احتوا ايدن يرلرك واليسى بولونديغنى سويله يور .
 بوالكا آيدين ابلى اسمنى محافظه ايتشدردر . بزم جغرافيا منتسب بلرمن
 تحريفاً بورايه آلدنللى Aldinelli دييورلر . آيدنجق دن ده بحث ايديلكده در .
 بو ، قديم تروآده Troa de داخنده برسنجاندر .

۴ — قاسبارديل Casbardil ياخود مغنيسا حكومتى كه
 صارو خانك تحت حكمنده در . سكر بيك عسكر چيقارابيلير . صارو-
 خانك برادري على پاشانك تحت حكمنده نيق (ايزنيق) نامنده
 ديكر كوچوك بر حكومتدن ده بحث اولونيور .

۵ — قاسرا Casra - باليكسر ياخود آق تارا Aktara

حکومتی که قراسینک اوغلی عمرخانک تحت اداره سنده در . بو حکمدار قاردامه Kardama شهرینه صاحبدر و اورخانک الکاسیه هم حدوددر . عسکری آزددر . قاراسینک اوغلی و عمر خانک برادری یخشی Yahsi نک تحت حکمنده بر صمره حکومتندن ده بحث ایدیلیور . بوراده ساحل بخرده کی داغلا اوزرنده بر طاقم حصارلر وارددر .

۶ — عثمانک اوغلی اورخانک حکومتی که پایتختی بروسه شهریدر . استانبول بوغازینه قدر اینمکده در . یکریمی بش بیک عسکر چیقارابیلیر .

۷ — کرمان حکومتی که پایتختی کوتاهییه (Cotyoum) شهریدر . بو الکادن مندرس نهری کچر . اک قوتلیلری بودر . قرق بیک سواری چیقارابیلیر .

۸ — کردله kardela حکومتی یاخود شاهین الکاسی که بش بیک عسکر چیقارابیلیر .

۹ — کوبک حصار koubek حکومتی که اوچ بیک عسکر چیقارابیلیر .

۱۰ — قسطمونی حکومتی که سلیمان پاشانک اوغلی ابراهیمه تابعدر .

۱۱ — ارمناک حکومتی که قره مان اوغلی امیرک تحت حکمنده در . ده کیز کنارنده در . حکمداری غایت ذی قدرتدر . قرق بیک عسکر چیقارابیلیر . بوراسی قره مان الکاسیدر .

بو اون براهیتلی حکومتدن باشقه قره حصار یاخود ابن طور غود حکومتندن ده بحث ایدیلیور که آناتولی حکمداری یونسک کوله سی ذکریایه تابعدر . یونس یاخود دندارک وفاتندن سوکره بوراسنی ضبط ایتشددر . سلیمان پاشانک حکومتنه هم جوار برده قاویه Caouia حکومتی واردی که مرادالدین حمزه یه تابعدی . پایتختی یکیشهر قصبه سی اولان بن شرف Benscharf حکومتی یتش بیک عسکر چیقارابیلیدی .

هونلرك تاريخ عمومىسى

اون ايكنىجى كىتاب

حلب سلاجوقلىرى

توركلرك فطرى اولان ثباتسزلىقلىرى ورؤسانك حرص
جاهلىرى يوزندن او واسع سلاجوقى ايمپراطورلىنى آز وقت
ظرفىندە پارچه پارچه اولدى . بو ايمپراطورلىنى يىكى فتوحات
ايله نه قدر توسيع ايدىرلىرى اسباب انقراضىندە عىنى زمانىدە
او قدر تزييد ايتىش اوليورلردى . بو مىلتك اكابرى ادارهسى
كنديلىرىنه مودوع اولان توركىستان الكاسنىدە بر نوع استقلال
ايچىندە ياشامىغە آليشقىن اولدىقلىرى ، اورادە بويوك خانلار
دليل تاييىت اولمىقدىن زياده اثر حرمت عىد ايدىلەبىلەجك بر
ويركو تاديەسىلە اكتفا ايتدىكارى جهتله خليفه لر ايمپراطورلىنى
داخلىندە يرلەشنىجە چوق كچمەدن بولوندىقلىرى ولايتلارە صاحب
كسىلدىلر . بورالردە بر حاكميت مطلقه طاقتدىلر . بوتون

ملتك بويوك خانى كې تاقى ايديله بيله جك اولان ايران سلطانك
اسمنى خطبه لرده اماملره اوقوتمغه باشلاديلر .
ابوالفدا
اين الاثير

سلطان آلپ آرسلانك كنديسنه خلف اولان ملك
شاهدن باشقه توتوش [۱] ياخود تانش Tansch اسمنده بر
اوغلى دها واردى كه ملك شاه كنديسنه مصر خليفه لرينه
عائد اولان سوريه ايله جوارلرني ويرمشدى . توتوش بوراده
يرلشه بيلمك ايچون اول امرده اوراسنى ضبط ايتك مجبوريتنده
ايدى . ايران سلطانلرى ايمپراطورلارينك حدودلرينه بويله
والى صفتيله شهزاده لر كوندري لر ، هم جوارلريله حرب
ايد بيلمك ، الكالرينى ضبط ايد بيلمك صلاحيتنى اونلره
ويريرلردى . تاج الدوله لقبيله ياد ايديلن توتوش درحال حالى
محاصره ايتدى [۲] . بو شهر پيشكاهنده مشغول اولديغى
صيراده مصر خليفه سى مستنصر بالله قوماندانى بدرالجمالى نى
شام شهرينى ضبطه كوندرمىشى . اووقت شامه آتسز صاحب
بولونيوردى . آتسز توتوشك معاونتنى رجا ايتدى . توتوش
درحال حاب محاصره سنى ترك ايله شامه دوغرو يورودى .
آتسز بو خلاصكارى كمال مسارعته استقبال ايله دى . حكم

سنه

۱۰۷۸

[۱] بو شهزاده نك اسمى حقنده عرب مورخلرينك روايتى چوق
تخلف ايدىيور . ابوالمحاسن توتوشى ؛ ابوالفدا تانش ياخود تونش ؛
ابن شحنه تبس ؛ المكين تبس ياخود تبس ؛ آن قومنه ن
توتوش دىيور .

[۲] ۴۷۱ تاريخ هجرىسنده .

ونفوذینی توسیعیدن باشقه برشی دوشونمهین وشامه آنجق
اوراسنی اله کچیرمک مقصدیله قوشمش اولان توتوش آتسزی
یاقه لادی ، لازم اولان زمانده استقباله کلدیکی بهانه سیله
اولدیرتدی . دها صدوکره [۱] مصرلیلره تابع بولونان
بعلبک شهری ، والیسی بن صقیل Ben sokail ک
موافقتیله توتوشه قاپیلرینی آچدی . بو شهرزاده نیک
ترقیاتی دوردیرمق ایستهین وشامی استرداد امیدنده بولونان
مصرلیلر برمدت صدوکره بورایه بدرالجمالی بی سوق ایله دیلر [۲] .
شهر صیقی بر صورتده محاصره ایدیلدی . فقط هیچ بر وقت
تسلیم اولمادی .

توتوش بو حربدن قورتولونجه جوار حکمدارلر ضررینه
اوله رق کندیسنه دها واسع بر دولت تأسیس ایتمک آرزوسنه
دوشدی . مع مافیه بوجوار حکمدارلر سلطان ملک شاهه تابع
ایدیلر . بوندن دولایی کندیسنک متفقلری اولمالری ایجاب
ایدردی . اولا ابن الحتینی بی حلب [۳] شهرینی تسلیم ایتمکه
دعوت ایله دی . بوامیرک جواب رد ویرمه سی ارزرینه توتوش
کیدرک حلب قلعه سنی محاصره و ضبط ایتدی . ابن الحتینی

[۱] ۴۷۶ تاریخ هجریسنده .

[۲] ۴۷۵ « «

[۳] المکینه کوره ۴۷۸ تاریخنده . باشقه مورخلر بو وقعه نیک

۴۷۹ تاریخنده جریان ایتدیکنی سویلیورلر .

سنه
۱۰۸۳
ابوالحسن
۱۰۸۵
ابولفدا
ابن حنه

امیر ارتقون استمداد ایتدیکی کبی عین زمانده توتوشك
تجاوزاتندن دولایی سلطان ملك شاهه شکایتده بولوندى .
ملك شاه اصفهاندن حرکت ایتدی [۱] . یولده ، حران
شهرینی و ملاحقاتی ضبطایلیدی . بونلر محمد [۲] نامنده برامیره
عائد ایدیلر . رها یاخود ادهس شهرینی ده تحت اطاعته آلدیغی
کبی جعبر [۳] قلعه سنه ده صاحب اولدی . سابق الدین جعبر
نامنده بری بورایه حاکم اولدیغی جهتله جعبر قلعه سی دنیلیوردی .
بوکوزلری کور بر اختیار ایدی . ایکی اوغلی جوارده ستقاوت
ایدرلردی . هپسی اله کچیریلدی . منبجده ایران سلطانك
تحت حکمنه کچدی . ملك شاه حلبه واصل اولدیغی زمان ،
بو شهرده اوکا انتظار ایتکی مناسب کورمه مش اولان توتوش
درحال اوزاقلاشدی . سلطان ، حلبی امیر اقسنقره ویردی .
توتوش درحال سلطان ایله عقد صالح ایتکه مجبور اولدی .
مصر ایلر سوریه نك ساحل تسمیه ایدیلن طرفلرینی کاملاً ضبط
ایتمشوردی . شامی صیقی بر محاصره آلتده بولوندریوردی ۴۱۰
شام ایسه توتوشك حکومتك پایتختی ایدی . شامك ضبط
ایدیله سی قورقوسی سلطاننه مراجعت ایدهرک رها امیری

[۳] ۴۷۹ سنه سی جاذی الاخرنده .

[۴] بن شرف الدوله بن مسلم بن قریش .

[۵] اليوم دوسوریا Dousouria تسمیه اولونیور .

[۶] ۴۸۰ تاریخ هجرینده .

سنه
۱۰۸۹

بز ان ايله حلب امیری آقسنقری [۱] امدادینه کوندومه سنی
رجایه کندیسینی مجبور براقدی . بوقوماندانلر کافی درجه ده
سرعتله کلدیلر . مصر عساکری قوماندانی بدرالجمالی صور
شهرینی محاصره و ضبط ایتدی [۲] . دیگر مصر
قوماندانی ناصرالدوله صیدا و عکا شهرلرینی اله کچیردی .
عکاده توتوشک عظیم خزائی واردی . بونلری مصرلیلر
ضبط ایتدیلر . ناصرالدوله اورادن حرکته بعلبکی محاصره
آلته آلدی . بعلبک والیسی خلف ابن ملاعب مصرلیلره
عرض تابعیت ایلهدی . شهرده خطبه بی خلیفه مستنصر بامنه
اوقوتدی . بوتون ممالکنک مصر اردوسی طرفدن ضبط
ایدیله جگنی کورن توتوش آقسنقر ايله بزانی بران اول
یتشمه لری ایچون صیقشدیردی . ققط بوامیرلر اوکا بر مقدار
عسکر کوندورمکه اکتفا ایتدیلر . کندیلری ده بر آرزو کره
کلدیلر . اوچی بردن بعلبک قلعه سنی محاصره ایدهرک ضبطه
موفق اولدیلر [۳] . خلف مصره چکیلدی . صوکره
اورادن سوریه عودتله بعلبکی برخدعه نتیجه سنده اله کچیرمک
یولنی بولدی [۴] . آقسنقر تکرار اوکا قارشی یورومک
مجبوریتنده قالدی . فامیه Phamia یا خود أفامیه Apamée

۱۰۹۰

۱۰۹۱
ابوالحسن

[۱] لقبی قاسم الدوله در . مشهور عمادالدین زنکینک پدریدر .

[۲] ۴۸۲ تاریخ هجریسنده .

[۳] ۴۸۳ » »

[۴] ۴۸۴ » »

بولفدا شهرى ، حمى وعرقه Arca نى ده ضبط ايلهدى . صوكره
توتوش ياننده اقسنقر و بزى اولديغى حالده طرابلس شامى
محاصره كىتى . اوزمان بوراسى جلال الملك ابن عمار
نامنده بر قاضىنىك يد حكمنده ايدى . سورلره قارشى تخريب
آلاتى قوردىلر . جلال الملك بوشهر سلطان ملك شاه طرفندن
توجيه ايدىلش اولديغى جهتله كندىسنه دشمن معاملهسى
ايمهملرى لازم كله جكنى اونلره بىلدىردى . توسيع ممالك
ايتىمكدن باشقه برشى دوشونمەين توتوش قاضىنىك سوزلرينه
اهميت وىرمك ايسهتمدى . بونك اوزرينه اقسنقر حقسز
بر حربه كىرىشه جكنى ، بو حربك سلطانك بر واليسى علپنده
اولديغى جهتله قىقنده فنا بر نتيجه وىره جكنى آكلاتدى .
توتوش اقسنقر كندىسنك معيتنده بولونديغى ، امرلرينه
اطاعت ايمهسى لازم كله جكنى مغرورانە سويلهدى . اقسنقر
بوسوزلره قىزدى . اراده نفاق يوز كوستردى . توتوش
شامە ، اقسنقر حلبە ، بزى ده رهايه چكىلدى . سوريه ده
اوزمان شدتلى حركت ارضلر وقوعه كلدى [۱] . انطاكيە
سوزلرندن بويوك بر قسمى خراب اولدى .

طرابلس شامك ضبطنه مانع اولان اقسنقر ك حركتىدن
منفعل اولان توتوش اوغانى سلطان ملك شاهه كوندردى [۲] .

سنه

۱۰۹۲

[۱] تشرىن الاول آينده

[۲] ۴۸۵ تاريخ هجرىسنده .

فقط سلطان اونك شكائتلىرىنه هيچ اهميت وىرمىدى. توتوشك
 اوغلى بىرمدت سىرايدە قالدقدن صوكره شامە عودتەمجبور
 اولدى. چوق كچمەدن سلطان ملك شاهك وفاتى خبرى
 كلىدى. بونك اوزرىنه اميدى آرتدى. سلطانلغنى اعلان
 ايتك فكرىنه دوشدى. شامده نامنه خطبه اوقوتدى [۱].
 كندىسنىك سلطانلغنى طانمق وبغداد جامعلرنده خطبه لردە
 اسمى ذكر اولونمق اوزرە خليفه مقتدى يە بر سفير
 يوللاى. خليفه، بهوقت كندىسنى اصفهانه، خوراسانه
 و عموميتله شرقه صاحب كوزورسه و ملك شاه يرينه خلف
 اوله جق بر ارلاد براقازسه اوزمان سلطانلغنى طانيه جغنه
 دائر جواب وىردى. بو جواب ممنونيت بخش برشى دكل
 ايدى. فقط سوريه اميرلىرى عىنى صورتلە مقابلهده بولونمادىلر.
 حلب اميرى اقسنقر، آنطاكيه اميرى ياغى سيان - Yaghi
 Sian، حران اميرى نورالدين، رها اميرى قازان ياخود
 بزان كندىسنى سلطان اوله رق طانيديلر و حكومتلى داخلىده
 خطبه يي اونك نامنه اوقوتدىلر. بغدادده سلطان اعلان ايدملك
 اوزرە مهم بر اردو ايله على العجله اورايه كيتمك پك لازم
 اولديغندن توتوش بغداد اوزرىنه يورودى. يولده رحبه
 شىرىنى ضبط ايتدى. اورادن اقسنقر ايله برلكده تصيبينه
 كيدەرك بوراسنى ده اله كچىردى. موصل ملكى ناصرالدوله

ابراهیمدن [۱] کندیسی سلطان اوله رق طانیه سی و بغداده
 کیتمک اوزره کچید ویرمه سی طلب ایتدی . ناصرالدوله
 توتوشه اطاعت ایتدی . محاربه یه حاضرلاندی . ایکی اردو
 موصل قریبنده قارشیلانیدیلر . آقسنقر توتوش اردوسنک
 صاغ جناحنده ایدی . زان صول جناحه قوماندا ایدیوردی .
 عربلر بزانی مغلوب ایتدیلر . فقط آقسنقر امداده قوشونجه
 موصل اردوسی فرار ایتدی . ناصرالدوله برچوق عرب
 امیرلریله برلکده اسپردوشدی . توتوش بونلری قتل ایتدیردی .
 موصله صاحب اوله رق محافظه سی برادر زاده سی علی یه [۲]
 ویردی . بومظفریت خلیفه یی قورقوتدی . توتوشک امرلرینه
 تعیت ایتدی . بغدادده خطبه یی بو حکمدار نامنه اوقوتدی .
 میافارقین شهری [۳] تحت اطاعته آلدی . صوکره بوتون
 دیاربکر ضبط ایدلدی . توتوش اردوسی ایله برلکده
 آذربایجان کچدی . ری و همدان شهرلرینه صاحب اولدی .
 بوصیراده آقسنقر کندیسنک طرفنی ترک ایله ملک شاهک
 اوغلی اولوب توتوشه قارشی یورون بر قیاروق طرفنه
 کچدی . آقسنقرک چکیلمه سی اوزرینه پک ضعیف دوشن
 توتوش علی العجله سوریه یه عودته مجبور اولدی . مصر اردوسی

[۱] ابن قریش ابن بدران که عقیل قبیله سنه منسوبدر .

[۲] بن مسلم بن قریش .

[۳] ربیع الآخر آینده .

بوراده صور جوارلرنده برچوق تخریبات یاپیوردی . اغلب
احتماله کوره اولجه توتوشك تحت حکمنه کیرمش اولان بو
شهر مصرلیلر طرفندن استرداد ایدلدی .

سنه
۱۰۹۴
ابوالفدا
ابن الاثیر
ابوالحسن
المکین
ابن شحنه
آن قومنه

توتوش ممالکنه عودت ایدنجه یکی اردو طوپلادی [۱] .
سلطان بر قیاروقك امیر کربوغا قومانداسنده ایراندن
کوندردیکی اردو ایله آقسنقرک حلبدن چیقاردیغی عسا کره
قارشی دورمق مجبوریتی واردی . بوتون بو عسا کر حلبدن
آله، پرسنك مسافه ده تل سلطان قربنده سباین Sebain نهری
ساحللارنده قرارگاه قوردیلر . بر محاربه وقوعه کلدی . محاربه
اثناسنده آقسنقرک اردوسندن بر قسمی فرار ایدهرک توتوشه
التحاق ایتدی . بوندن دولای آقسنقرک دیگر عسا کری
کریله مکه مجبور اولدیلر . بونلری طوپلامغه تثبث ایدن آقسنقر
اسیر دوشدی . توتوش اونی اعدام ایتدیردی [۲] . كذلك
بزانی ده قتل ایتدیرهرك [۳] مملکتلرینی اله کچیردی . بوصورته
حلب ، حران ، رها الکالری توتوشه تابع اولدیلر . اسیر
ایدیش اولان کربوغاده حمصده حبس ایدیلدی . بونک
اوزرینه بوتون مزوبوتامیا ، دیاربکر ، خلاط ، همدان

[۱] ۴۸۷ تاریخ هجریسنده .

[۲] آقسنقر جاذی الاول آئنده اولدیرلشدر .

[۳] بو وقعهدن بحث ایدن آن قومنه بو امیره پوزان نانی

ویریور . مع مافیه تفرعات حقنده معلومات یوق کبیدر .

توتوشك تحت حكمنه كيردى . خليفه مستظهر بالله اسلاميت
مر كيزى اولان بغداد شهرنده توتوش نامنه خطبه اوقوتغه
راضى اولدى .

بركياروق عموجهسى توتوشك آذربيجانى ضبط ايتمش
اولديغنى خبر آنجه اربيله متوجهاً حر كته اورادن دشمنه
قارشى يورودى . معيتنده آنجق بيك عسكر واردى . توتوش
اردوسى بونلرى قولايجه پريشان ايتدى . توتوشك قوتى ده
بيك نفره بالغ اوليوردى . بركياروق اصفهانه قاچدى .
عموجهسى آذربيجانه صاحب براقدى . توتوش اورالرى تخریب
ايدرك رى شهرى اوزرينه يورودى . يكي عسكر طوپلامش
اولان بركياروق بو شهر قربنده توتوشه هجوم ايتدى .
وقوعه كلن محاربه ده توتوش مقتول دوشدى [۱] . بو حربدن
اول توتوش اميرلرندن يوسف [۲] نامنده برينى خطبه يي
كندى نامنه اوقوتمق اوزره بغداده كوندرمشدى . يوسف
جوازلىرى تخریب ايتدى . بغداده كيره چكى صيراده افنديسك
خبر وفاتى دويونجه حابه چكىلدى .

توتوشك ايكي اوغلى قالمشدى . برى رضوان ديكرى
دقاق [۳] Dekak ايدى . دقاق پدريه برلكده آذربيجانه

[۱] ۴۸۸ سنهسى صفرنده .

[۲] بن ارتق الترمك .

[۳] بعض عرب مورخلىرى بوكا طوقاق ديورلر . ابوالنصر
شمس الملوك لقبى حائزدى .

کیتمشدی . رضوان شامده ایدی . عراقده حربه کیتمه
 حاضر لانیوردی . علی العجله حلبه کیتدی . بوراده ابوالقاسم
 حسن نامنده خوارزمی برامیر قوماندا ایدیوردی . توتوشك
 بوتون امیرلری حتی دقاق بیله رضوانك یانه کلدیله . اوزمان
 بو شهرده ابو طالب ایله بهرامده واردی . بونلرده توتوشك
 چوجوقلری ایدیلر . رضوان حلبك حاکمی اولان امیره
 برچوق التفانلرده بولوندی . بوصورتله سلطان اوله رق طانمه یی
 و شهرده نامنه خطبه اوقونماسنی تأمین ایله دی .
 فخر الملك لقبیه یاد ایدیلن رضوان حلبی بوصورتله تأمین
 ایتدکن صوکره دیاربکر داخلنده آنطاکیه امیری یاغی
 سیان Baghi-sian یاننده اولدیغی حالد یوله چیقدی . کیدوب
 سروج Sarouge شهرینی ضبط ایتک فکرنده ایدی . فقط
 ارتقك اوغلی سقمان Sokman ده ا اولجه بوراسنی ضبط
 ایتمشدی . بونك اوزرینه رهایی ضبط ایدرك اوکی پدری یاغی-
 سیانه ویردی . رضوان برآز صوکره بوامیر ایله داریلدی .
 اوده امیر ابوالقاسم حسن ایله برلکده کندی مملکتی اولان
 آنطاکیه چکیلدی . رضوان حلبه کیردی . او صیراده ده
 مدھش یکی بردشمن ظهور ایتدی . رضوانك مملکتلرینك
 یاریسنی الندن آلدی . شامده حکم سورن ساوتکین Saoutghin
 نامنده برملوک رضوانك قاردشی دقاقی کلوب شامی ضبط ایتمه
 کیزایجه تشویق ایله دی . دقاق درحال حلبدن قاچدی .

کندیسنی تعقیب ایدن عسکرلردن قورتولدی . شامه واردی .
شهری تحت تصرفه کچیردی . کندیسنه شمس الملوك لقبی
ویردی . بو کوچوک دولتک ادارهسنی مننداری اولدیغی مملوکه
براقدی . فقط بر مدت صوکره اونى اولدیرتدی ، مقامی
طغتکین Thoghteghin نامنده دیگر بر مملوکه ویردی . بو ،
وقتیه توتوشك خدمتده ایدی . مقتول دوشدیکى محاربهده
اونک معیتده بولونمشدی . آنطاکیه امیری تورکمن یاغی سیان
ایله ابوالقاسم حسن ، دقاق طرفی التزام ایدرک شامه کیتدی .
ابوالقاسم وزیر اعظم اولدی .

مصرلیلر رضوانه مستعلی بی خلیفه اوله رق طانیمهسنی
وختیه لرده عباسی خلیفه لرینک یرینه اونک اسمنی ذکر ایتمهسنی
تکلیف ایدیورلردی . رضوان بوکا موافقت ایتدی . خلیفه ،
برادری دقاقک دگیر قییرینه آقین یامق اوزره عسکرلریله
شامی ترک ایتیش اولماسندن بالاستفاده بوشهری ضبط ایتمهسی
ایچون رضوانه عسکر وعد ایدیوردی . رضوان ، کلوب
کندیسنه دخالت ایتیش اولان آنطاکیه امیری یاغی سیان ایله
برلکده حرکت ایدرک شامی محاصره ایتدی . فقط اهالی
جسورانه مدافعهده بولوندی . بر ماکنهک آدیغی برطاش ،
رضوان اردوسنک اکابرندن برینه اصابت ایتدیکی جهته
بوفلاکت عسکرک قوه معنویهسنی قیردی . دقاق امداده قوشمه
وقت بولدی . رضوان ، مصر خلیفه سنک وعد ایتدیکی عسکری

یوللاماسنه فنا حالدہ قیزارق محاصره دن واز کچدی . مصر
خلیفه سی نامنه او قوت مقده اولدیغی خطبه یه نهایت ویردی . تکرار
عباسی خلیفه لرینه خطبه او قوتدی . صو کره ، ارتقیلره عائد
اولان قدسی ضبط ایتک ایستهدی . فقط بونده ده موفق
اولامایه رق حلبه عودت مجبوریتنه قالدی [۱] . یاغی سیان
ینه کندیسنی ترک ایدرک دقاق ایله رضوان علیهنده بر معاهده
یایدی . بوا یکی حکمدار بر آاز صو کره کلوب رضوانه هجوم
ایتدیله . قنسرین قربنده اوکا ملاقی اولدیله . فقط دقاق مغلوب
اولدیغی جهتله شامده خطبه نک برادری نامنه او قوماسنی قبول
مجبوریتنه قالدی .

بوتار یخده ، فرانقلرک قدسی ضبط ایتک اوزره ایلریله مکده
اولدقلرینه دائر بوتون شرقده بر شایعه چیقدی [۲] . بوشهری
بر سنه اول مصر لیلر ارتقیلردن ضبط ایتشلردی . ارتقک اوغلی
سقمان رهایه ، برادری ایلغازی ده بغداده چکیلمشیدی .
خرستیانلر ازنیقی آلدقن و آنا طولیدن کچدکن صو کره
آنطا کیه اراضیسنه کیردیله . غود فروا دوبویون ، بوئه موند ،
ره مون ، روبرقونت دوفلاندر مرعش یا خود ماره سی Marésie یه
کلدیله . تورکلر بوراسنی در حال تخلیه ایتدیله . روبرقونت
دوفلاندر در حال ارتاح [۳] Artesie شهری پیشگاهنه دایاندی .

[۱] ۴۸۹ تاریخ هجر یسنده .

[۲] ۴۹۰ تاریخ هجر یسنده .

[۳] کیلیوم دوتیر بوشهره قالدیس Calquis نامی ویریلدیکنی ،

ماره سیه شهری کی بونکده آنطاکیه یه تابع اولدیغی سویلیور .

سنه

۱۰۹۶

۱۰۹۷

زونار

ژاق دو ویتری

کیلیوم دوتیر

فولق دوشارتر

آلبرتوس

بو ، غایت مستحکم برشهردی . هر دورلو ارزاق و لوازمی
 مبدول ایدی . فرانقلر یاقلاشنجه ارمنی اولان شهر اهاایسی
 تورك قوهٔ محافظه سنك قسم اعظمی اولدیردیلر ، قاپیلری
 آچدیلر . ارتاح شهرینك ضبطی خبری آنطاکیه واصل
 اولونجه بوراده بولونان توركلر قلعه یی استردادده کیتمك اوزره
 سلاحلاندیلر . شهری برکون محاصره ایتدیلر . فقط خرسستیانلره
 قوردقلری بر پوصوده پوسکورتولدکلری جهتله آنطاکیه
 دوندیلر . بوتون اهل صلیب پرنسلی برلشهرک بو شهری
 محاصره یه حاضرلاندیلر . روبر قونت دونورماندی یول آچق
 والعاصی Oronte نهری اوزرنده کی بر کوپرونی ضبط ایتمك
 اوزره بر مقدار عسکرله سوق ایدیلدی . نه رکنارنده یدی یوز
 عسکر واردی که یاغی سیان ۱۱۱ بونلری کوپرونك قلعه سنده کی
 قوهٔ محافظه یه مظاهرت ایتمك اوزره کوندرمشدی . قونت
 دونورماندی بونلرله محاربه یه کیریشمکه مجبور اولدی .
 او بویولی هنوز آچمادن بوتون خرسستیان اردوسی یتیشدی .
 توركلر قاچدیلر . اهل صلیب هپ بردن نهری کچدیلر .
 کیمیسی کوپرونی ترجیح ایتمش کیمیسی بولدقلری کچیدیوللرندن
 مرور ایتمشدی . بوتون بو عظیم اردو آنطاکیه دن بش ،
 آلتی میل مسافه ده قرارگاه قوردی . یاغی سیان هر طرفدن

بالدریقوس
 ره مون
 سانون
 ابوالحسن
 ابوالقد
 المکین

[۱] کیلیوم دوتیر بوکا آفسیان Acxian ؛ آلبرده ایسه
 دارسیان ، فولق دوشارترده غراسیان دیور .

خرستیانلرک هجومه معروض قالدیغنی کورونجه بغداد خلیفه سندن
 وایران سلطانندن همان استمداد ایتدی . لازم اولان ارزاقی
 شهره دولدیردی . جوارلری تخریب ایلهدی . بر محاصره یه
 مقاومت ایتمه حاضر لاندی . قلعه ده آتی یدی بیک سواری
 ایله اون بش یکرمی بیک پیاده واردی . بوتون جوار حکمدارلر ،
 بویوک بر اردوسی بولونان حاب ملکی رضوان ایله برادری
 شام ملکی دقاق ، فرات قربنده ساکن اولان پولاید [۱]
 Pulaït اسمنده غایت صاحب قوت برتورک ، عن اصل خوراسانی
 اولوب کزیده تیر اندازلرله دائماً اردونک اوکنده یوروین
 آمازا Amaza [حمزه ؟] نامنده برامیر ، کورجستانک دیگر
 بر آمازاسی بوئه زاس Boezas ، امدو سروج امیری بلک
 Balak ، سمیساط [صمصات] امیری بلدوق Balduc ، حران
 امیری قراجه Karageth آنطاکیه نک امدادینه کلکه حاضر -
 لانیورلری . اردولری اوچ یوز بیک عسکر دن ترکب ایدن خرستیانلر
 تشرین اولک اون برنده محاصره یه باشلادیلر . فقط مقدار -
 لرینک کثرتنه رغماً شهرک بش قاپی سندن آنجق اوچنی محاصره
 ایده بیلدیلر . بوئه موند بر قاپی یی طوتمشدی . روبرقونت
 دونورماندی ، دیگر بر روبرقونت دوفلاندر ، آتیه ن قونت
 دوبلوا ، هوغ لوغران نورمانلر ، فرانسزلر وبره تونلرله بوئه -
 موندک قرارگاهندن باب الکلبه قدر یایلمشلردی . بورادن دوق

[۱] کرک بواسم کرک بوندن صوکره کی اسملر محرفدر .

Duc قاپیسنه قدر رهمون قونت دوتولوز ایله پویی پسقپوسی،
غاسقونلر، پروانسالیلر و بورغینیوتلرله برلکده اخذ موقع
ایتمشلردی. دوق غودفروا برادری اوستاش، قونت بودوان،
ره نار دوتول، قونون دومونته کو ایسه لوره نلر، فریزونلر،
سوئه ولر، ساقسونلر، فرانقونییه نلر، باویه رالیلرله بو صوک
قاییدن باب الجسره قدر اولان یری طوتمشلردی.

خرستیانلر ییه جک بولمق ایچون جوارده کی نه ری،
کوپرونک فقدانندن دولایی، یوزه یوزه قارشیه کچمک
مجبوریتنده ایدیلر. شهر ایچنده بولونان کوپروندن کچن
آنطاکیه عسکرلری بونلره هجوم ایله ازعاجاتده بولونیورلردی.
خرستیانلر بو کوچوک مصادمه لردن پک نادر اوله رق تخلص
حیات ایده ییلدکلری جهته اهل صلیب رؤسائی سفائنندن
مرکب بر کوپرو قوردیرمغه قرار ویردیلر. دیگر طرفدن
شهر سکنه سنک قونت دوتولوز عسا کرینه قارشیه خروج
حرکتی یایمق اوزده قوللاندقلری بر کوپرونی ده ییتمغه
تشیث ایله دیلر. فقط کوپرو غایت متین اولدیغی جهته وقوع
بولان هجوملره مقاومت کوستردی. خروج حرکتلرینه
مانع اولمق ایچون یالکیز بر چاره بولدیلر. اوده قله بیچمنده
بویوک بر ماکنه یاپدیرمقدن عبارت اولدی. ایچنه عسکر
دولدیردیلر. بو قله سورلره یاقلاشدیریلدی. فقط محاصرین
قله نی محافظه ایدن عسا کرک کافه سنی عظیم مقدارده آتدقلری

اوقلرله قاچيرتديلر . جوار قاپيدن بر خروج حرکتي ياپه رق .
 قلعه يي طوتوشد يرديلر ، کوله چو يرديلر . ايرته سي کوني
 خريستيانلر اوچ منجنيق بنا ايدهرک بونلرله قلعه يه قايا پارچه
 لري آتديلر . بو سربست قاپي يه مالک اولان تورکلر بوتون
 بو ماکنه لري آز وقت ايچنده تخريب ايد يورلردى . بوده
 خريستيانلري عظيم قايلري قول ايله سوروكله يهرک قاپينک اوکنه
 ييغمه مجبور ايتدى . آرتق قاپيدن چيغه ماز اولديلر .
 تورکلر اوته کي قاپيلردن صيق صيق خروج حرکتلري
 ياپيورلردى . محاصره باشلايه لي اوچ اي اولمشدى . ييه -
 جکلريني ابتدا اداره ايله صرف ايتمين خريستيانلر ارزاق
 صقنتيسي چکمه که باشلامشلردى . بو قىطلق محصورينک
 جسارتى آرتد يريوردى . مبذول صورتده ياغان دائمي ياغمورلر
 خريستيانلرک اردو قوردقلى يري برکول حاله کتيرمشدى .
 چاديرلر ، اثوابلر عادتاً چوريمشدى . آچلق وخسته لق يوزندن
 بر چوق اهل صليب عسکرى تلف اوليوردى . برآز قوتى
 قالانلر ايسه بوندن بالاستفاده باشقه طرفلره چکيليورلردى .
 خريستيان اردوسي يارى يه تنزل ايتمشدى . ايشته بونک اوزرينه
 اهل صليب رؤسايي بونه موند ايله قونت دوفلاندرى برمقدار
 عسکرله جوارلره کوندره رک ييه جک تدارک ايتمکي ، قونت
 دوتولوز ايله پوتى پسقپوسنه اردوگاهک محافظه سنى تودييع
 ايلکي مناسب کورديلر . قونت دونورماندى حاضر دکلدى .

غودوفروا دوق دولورەن خستە ایدی . خرستیانلرک بوتون مشکلاتنەن استفادە ایتک یولنی بیلن محصورین دشمندن بر قسمنک غیبوتی اثناسندە بر خروج حرکتی یابدیلر سەدە پوسکورتولدیلر . بو محاربەدن صوکرە عسکرلردن بعضیلری صاحبی اورولش بر بارکیری تعقیبە باشلادیلر . سائر خرستیان عسکرلری بونلرک قاچدقلرینە احتمال ویرەرک اونلردە فرار ایتدیلر . تورکلر درحال یکی بر خروج حرکتی یاپەرق بونلری سفاۋندن یاپلش کوپرویه قدر قوغالادیلر . ایلک مصادمەدە احراز غلبە ایتش اولان خرستیانلر بوایکنجی مصادمەدە اوموفقیاتی تمامیلە الدن قاچیردیلر .

بو صیرادە بوۋە موند ایلە قونت درفلاندر بر چوق ارزاق ایلە قرارکاھە دوندیلر . تورکلرلە محاربە ایتک مجبوریتندە قالمشلردی . فقط خرستیانلرک مقداری چوق اولدیغی ایچون بوتون ییەجکلر آز وقتدە توکندی . دشمن اراضیسەنە یاپیلان آقینلر ایکنجی دفعە اوله رق قیطاق صقینتییسی حس ایدیلەسنە مانع اولامایوردی . بوندن باشقە روملرک ، سوریه لیلرک ، ارمنیلرک سربستجە کچمەلرینە مساعده کوستریلەسی نتیجەسی اوله رق بر چوق تورکلر خرستیان صفتندە قرارکاھە کیرەرک اورادە بچن احوالدن خبردار اولیورلر ، یاغی سیانە آکلاتیورلردی . بو قاریشقلقلرە نہایت ویرمک ایچون بوۋە موند اسیر بولونان بر مقدار تورکی قتل

ايتىردى . صوكره كباب ياپىردى . هر طرفده بونلرى
سفره سنده پيه جگنه دائر شايعه لرنشرايتدى . توركلر قورقديلر .
خرستيانلر ك انسان يدكلرينه ذاهب اوله رق اردوگاهه كلك
خصوصنده جرأت كوستره مديلر .

دين اعتباريله توركلره وبغداد خليفه سنه دشمن
اولان وسوريه ده منتشر توركلر ك كسب قوت ايمه لرندن
قورقان مصر خليفه سى مستعلى فرانكلر ك توركلرى ضعيفلاقمه -
لرندن پك ممنون اوليوردي . بناءً عليه كنديلرني آنطاكيه
محاصره سنده دوامه تشويق ايتمك حتى يارديم تكليفنده بولونمق
اوزره سفيرلر يوللادى . فيرطنه نك اصل بويوكى دها صوكره
كندى ممالكى اوزرنده قوپاجغنى او زمان عقلى كسميوردي .
ديكر طرفدن ياغى سيان ده آچلغك ، صوغوغك ويورغونلغك
اهل صليبي نوميد ايتديكنى كوره رك جوار حكمدارلردن
استمداد ايتدى . فرانكلر ك سوريه يه كيرمه لرينه مانع اولمق
اونلر ك ده منفعتى اقتضاسندن ايدى . درحال حلبدن ، قيسا -
ريه دن ، حمادن ، حمصدن ، هيه راپوليس يعنى منبج دن يكرمى
بيك عسكردن مركب بر اردو حركت ايتدى . بونلر
محصورينك يابه جقلرى بر خروج حركتندن بالاستفاده
آنطاكيه يه كيره جكلردى . كيزليجه يوروديلر . آنطاكيه دن
دورت ميل مسافه ده حارم موقعنده اردو قورديلر . بونلر ك
مواصلتندن خبردار اولان قرانقلر يدى يوز كشيالك بر مفرزه

کوندردیلر . بونلر طلوع شمس ایله تورکاری باصدیلر .
 تورکار صف حرب اوزره دیزیلهرک خرسیتیانلر دصالدیردیلر .
 خرسیتیانلر اونلری مزدراق الده قارشیلادیلر ، برکول ایله برنهر
 طرفندن تشکیل ایدیلش بر زاویه قدر اونلری تعقیب
 ایله دیلر . تورکار راست کله قاچهرق قورتولدیلر . فرانقلر
 ایچلرندن بر چوغنی اولدیردیلر . میدان محاربه دن اون میل
 مسافه ده حارم موقعنه قدر قوغالادیلر . حارم اهالیسی فرانقلری
 کورونجه شهری طوتوشدیردیلر ، قاچدیلر . ارمنیلرله سائر
 خرسیتیانلر شهری ضبط ایدهرک اهل صلیبه تسلیم ایلدیلر .
 تورکار بو محاربه ده [۱] تقریباً ایکی بیك کشی غائب ایتدیلر .
 فرانقلر غنائم ایله برلکده آنطاکیه اوکنه کلدیلر . بیك
 بارکیر کتیردیلر . بوکا پک احتیاجلری واردی .

محصورین حالا حارم دن کله جک قوه امدادی نی بکلیورلردی .
 فرانقلر بو تورکلردن ایکی یوزینک باشنی اونلره آتهرق
 بوامیدلرینی قیردیلر . دیگر اوچ یوز باشی ده سورلرک آلتده
 صریقلره طاقدیلر . صوکره ، محاصره ده قطعیتله دوام
 ایده بیلمک ایچون جوارده کی تپه لردن برینک اوزرند بر استحکام
 یاپدیردیلر . قلعه یی بش آیدن بری محاصره ایدیورلردی .
 بوصیراده ، اورونت [العاصی] نهری منصبنه بر طاقم جینویر
 کیلرینک مواصلت ایتدیکنی خبر آلدیلر . بوقوه معاونه یه

[۱] بوقعه ۱۰۹۷ سنه سی شباطنک ۷ سنده جریان ایتشدیر .

رفاقت ایتک اوزره بر مقدار عسکر کوندردیلر . فقط دشمن
 کندیلرینی از عاج ایتمکدن خالی قالمایوردی . بالذات عزیزمته
 مجبور اولان بونه موند ایله قونت دوتولوز برکچیدده اخذ موقع
 ایتمش اولان درت بیک تورک طرفندن غفله هجومه معروض
 قالدیلر . یانلرنده بر جوق اشیا بولونان خرسه تیانلر بر مدت
 مقاومت ایتدیلر سه ده بوزولدیلر ، پریشان برحاله قاچدیلر .
 بوتون قافله خرسه تیانلر ایچون بویوک بر ضرر تشکیل ایتک
 اوزره دارمه داغنیق اولدی . غود فروا ، روبرقونت دونورماندی ،
 قونت دوفلاندر ، هوغ اوغراف و سائر رؤسا بو پریشان
 خرسه تیانلرک امدادینه قوشدیلر . بونک اوزرینه یاغی سیان
 بوتون عسکرینی سلاحلاندیردی . بوتورکلری قارشیشیلامق
 اوزره باب الجسرده اردوگاه قوردی . فقط محاربه اشناده
 جوارده کی برته پی ضبط ایتمش اولان دوقدو لورده میداه
 چیقانلرک کافه سنی اولدیریور ، یاخود کری چکیلمکه مجبور
 براقیوردی . یاغی سیان امداده کلنلره احراز غلبه دن باشقه
 بر چاره اولمادیغی قناعتی ویرمک ایچون قاپیلری قایتمق طریقنی
 اختیار ایتدی . فقط تورکلر مقاومت ایده مدیلر . همان کافه
 قیلیجدن کچیریلدیلر . محصورین سورلرک اوزرندن بومنظرده
 سیر ایدیورلردی . یاغی سیان خطاسنی آکلادی . قالانلری
 قورتارمق اوزره قاپیلری آچدیردی . تورکلر قارمه قاریشیق
 برحاله بوقاپیلره آتدیلر . چوغی ازدحامدن بوغولدی ،

یاخود نهره دوشیدی . بو محاربه ده دوق دولورن برقیلیج
ضربه سیله برسواری نی یاری بلندن کسمشدر . بدنک معدیه
قدر اولان یوفاری قسمی یره دوشدیکی حالدده کوکدنک قسم
متباقیسی ، قالچهلر و آیاقلر بارکیر اوزرنده قالدی . حیوان
بو حالدده شهردن ایچرییه کیردی . اطرافه یأس ودهشت
صالدی . تورکلر ایکی بیک ضایعات ویردیله . اکر کیجه
حلول ایدوبده محاربه دورماسه ایدی آنطاکیه اوکون
ضبط ایدیلیدی .

اهل صلیب رؤسای مساعیلرینه دوام ایتدیله . برکوپرونک
یاننده براستحکام یاپدیردیله . بوراده برجامع ایله برده مزارلق
واردی . تورکلر اولولرینی کوممک ایچون کیجه لین اورایه
کمشلردی . خرسیتیان اوردوسنده بولونان عادی خلق برلیکده
دفن ایدیلن قیمتی اشیایی ضبط ایچون مزارلری آچمشلردی .
قونت دوتولوز بش یوز کشی ایله بو استحکامک مدافعه سینه
مأمور اولدی . تورکلر آرتق یالکیز غرب قاپیسندن سربستهجه
چیقاییلورلردی . بو فانی داغلر ایله العاصی نهری آراسنده
ایدی . قافلهلرینی بو طریق ایله شهره ادخال ایدیورلردی .
بوراده برقله بنا اتمک قرار ویردیله . تانقره د بونی درعهده
ایدروک موفقیتله نهایته ایردیردی . هر طرفدن قوشادلمش
اولان شهر قیلاق حس اتمک باشلادی . خرسیتیانلر ایسه
ده کیز طریقله مبدول ارزاق آلیورلردی . بوصیراده ایران

سلطانك آنطا كيه امداد ايچون مدهش براردو كوندرمكده
اولديغي خبرى شايىع اولدى . بوحوادث فراقلرك قوه
معنويه سنى قيردى . اتيهن قونت دوشار ترمبتلا اولديغي برخسته لغى
بهانه ايدرك كيليكيايه چكىلدى . معيتنده كيلردن دوت بيك
كشى ده آرقه سندن كيتديلر . بويوك برامداد احتياجنده
بولونه جق اولان اهل صليب رؤساسى كيم اولورسه اولسون
بلا مساعده قرارگاهدن مفارقت ايدمه يه جكنه قراز ويرديلر .
محاصر دك ابتداسندن اعباراً پرنس بوئه موند ياغى سيانك
فيروز نامنده بر قوماندانى ايله كيزلى مناسباته كيريشمشدى .
فيروز عن اصل ارمنى ايدى . مدافعه سنه مأمور اولديغي برقله يي
اهل صليبه تسليم تكليفنده بولوندى بوئه موند بونى اهل صليب
رؤساسنه خبر ويردى . فقط آنطا كيه نك كنديسنه ويريلمه سنى
ايسته دى . قونت دوتولوزدن ماعدا بوتون اهل صليب
رؤساسى راضى اولديلر . قونت دولوتوز ايسه قلعه يي كنديسى
آلمق فكرنده ايدى . بواختلافات اثناسنده موصل اميرى ابوالفدا
اولوب مذسوب اولديغي ملت آراسنده اك جسور قوماندانلردن ابوالمحاسن
برى اولمق اوزره معروف بولونان كربوغا [۱] نك ايران
سلطانندن آلدیغى امر اوزرينه ايكي يوز بيك كشيلا براردو
ايلاه آنطا كيه نك امدادينه كلكده اولديغى خبر آلدى [۱۲] . ياننده
[۱] كيليوم دوتير بوكا قارباغات دير . قوام الدوله لغبى حائز
ايدى . توتوشك وفانندن صوكره سربست براقلمشدى .
[۲] ۴۹۱ تاريخ هجريسنده .

كيليوم دوتير
آن قومنه ن

شام ملکی دقاق ایله طغتكین ، حمص ملکی جناح الدوله ،
 ماردين ملکی سقمان بن ارتق ، سنجار ملکی آرسلان شاه
 ودها سائر بر چوق تورك اميرلری واردی . بومسلمان
 اردوسی اوزمان فرانقلره عائد اولان ادس یاخود رها
 اراضیسینده قرارگاه قوردی . بو شهری محاصره ایتدی
 ایسه ده اوچ هفته محاربه دن صوکره بودون اونلری چکیلمکه
 مجبور ایتدی . کربوغا حس ایتدیکی محجوبیتی ستر ایچون
 علی السجله آنطاکیه یی تخلص ایتک لزومندن بحث ایله رهای
 عودتده ضبط ایده جکارینی سویله دی . بو صیراده فرانق
 برنسلری هر طرفه جاسوسلر کوندره رک بوذی قدرت اردونک
 حرکتی حقه ده معلومات آلمغه چالیش یورلردی . آنطاکیه
 محاصره سیله مشغول اولان عسا کردن دشمنک تقریبی
 صاقلایورلردی . کربوغایه قارشى یورو مک اوزره محاصره یی
 رفع ایتیه یی مجلس ده تکلیف ایدنلر اولدی . بر قسمی ده شهر
 اوکنده بر مقدار عسکر بر اقیلماسی فکرنده ایدیلر . بونه موند
 اردو رؤساسنک دوچار اولدقلری مشکلاتدن استفاده ایده رک
 شهرده تأسیس ایتش اولدیغی کیزلی مناسبتدن بحث ایتدی
 و فیروزک تکلیفاتنک قبول ایدیله سی لزومنی ایلری یه سوردی .
 یالکنز قونت دو تولوز آنطاکیه اوزرنده ادعا ایتدیکی حقوقدن
 بردورلو واز کچمک ایسته مدی . فقط بوکا اهمیت ویرمدیلر .
 بونه موند تصوراتی ایرته سی آقشام موقع تطبیقه قویمغه

حاضر لاندی . ساعت دو قوزده اهل صایب رؤسائینک
گربو غایه قارشى کیتىمک بهانه سیله عسکرلریله برلکده قرارگاهدن
چیقمالری ، صوکره ، هیچ سسزجه ینه قرارگاهه عودت
ایتمه لری تقرر ایله دی .

بو تصور موقع اجرایه قونوله جنى صیراده ، آنطاکیه ده
بولونان تورکلر بر خیانت حاضر لاندیغندن شهه له نه رك بوندن
خرستیانلری مسئول طوتدیلر . یاغی سیان هیسنی استجواب
ایتدی . فیروزده دیکرلری کبی بو استجوابه معروض قالدی .
فقط بو قوماندان او قدر اعتماد ایله مقابله ایتدی ، قلعه لری
و سورلری مدافعه یه مأمور اولانلرک کافه سنی دکیشدیرمه یی
اوله قوتله تکلیف ایله دی که بونک معصومیتنه ذاهب اولدیله .
فیروزک توصیه سنی اجرایه قرار ویردیله . فقط یک چابق
یا په مادیلر . فیروزه قلعه یی بوئه موندن تسلیم ایتمه که وقت براقدیله .
سورک اوزرندن بوئه موند ایله قونوشدیغی صیراده یاغی سیانک
اک یاشلی قوماندانلرندن بری برچوق عسکرله و مشعله لرله
نوبتچیلری تفتیش ایچون اورادن کچدی . خرستیانلرک حرکاتنه
قارشى غایت متیقظ بولونماسنی فیروزه تنبیه ایتدی . فقط او
کیدر کیتمز بوئه موند ایله سائر رؤسا قلعه یه عسکرلریله برلکده
ساگتانه یاقلاشدیلر . فیروز بونلره پاروله یی بیلدیردکن صوکره
ایپ مردیون اوزاتدی . فقط هیچ بر عسکر بوکا چیقماغه
جسارت ایده مدی . بوئه موند بونلرک جبانلندن متنفر اوله رق

امثالسز بر جسارت ايله يوقارى چيقدى. فيروز ايله قونوشدى. آرقه سندن كيمسه اونی تعقيب ايتك جسارتى گوستردمدى. فيروز اونلرى تشجيع ايچون تكرار آشانغى اينمكه ومستهغرق اولدقلرى حيرتى ازاله ايتمكه مجبور اولدى. بونك اوزرينه هپسى مرد يودنه قوشديلر. بر جملر اوزرينه چيقديلر. دېكر اون قلهك نوبتچيلرى كسديلر، برقاپى آچديلر. فرانقلر غلبه لق بر حالده شهره كيرديلر. محصورين اوياندى. هر طرفده فرانقلرى، روملرى، سوريه ليلرى، ارمنيلىرى كورديلر. بوشهر خرستيانلرى ده اهل صليبه التحاق ايتمشلردى. توركلرى بولدقلرى يرده قتل ايتديلر. بونلر راست كله قاچيورلردى. اون بيك كشيدين زياده قتل اولوندى. ياغى سيان فرار ايدرك يغمايه معروض قالان شهردن اوزاقلاشدى. فقط بر طرفندن يارالانمشدى. بونك آجيسى، عائله سنى وبوتون مسلمانلرى ترك ايتمكدن متولد تاثر باشنى دونديردى، آتندن دوشدى. ياننده كى برقاق سوارى كنديسىنى تكرار آتە بينديرمكه چاليشديلر. سه ده ضعفندن آت اوزرنده دورمغه قادر اولامادى. بونك اوزرينه سواريلر ياغى سيانى براقه رق كندى حياتلرىنى قورتارمق چاره سنى اراديلر. اودون كسمكه مشغول بر ارمنى حالت نزعده ياغى سيانه تصادف ايتدى. باشنى كسهرك فرانق رؤساسنه كتيردى. انطاكيه محاصره سى دوقوز آي دوام ايتمشدى ۱۱۱.

ابوالحسن
كيليوم دوتير
ابوالفدا

[۱] ۱۰۹۸ سنه سى حزينانك ۳ نده ضبط ايديلدى. ابوالفدا
جاذى الاول آينده اولديغنى سويليور.

فرانقلر بوراده عظیم خزان بولدیلر . شرق مورخلری بو
 شهرک اثنای ضبطنده یوزبیک کشینک قتل ایدیلدیکنی سویلیورلر .
 شمس الدینک ویانغی سیانک اوغلی بولداغ Budag ک اوچ
 بیک کشی ایله قاپانمش اولدقلری ایچ قلعه بی ده ضبط ایتک
 لازم کایوردی . ایچ قلعه بر تپه اوزرنده کائن اولوب ارزاق
 ومههاتی مدبول ایدی . فرانقلر بونی بیهوده یرده محاصره ایتدیلر .
 کربوغا ایله سائر تورک حکمدارلرینک تقربی اهل صلیبی
 مدافعه نفس چارملرینی دوشونمکه مجبور ایدیوردی . محتاج
 اولدقلری ارزاق علی العجله طویلامق ایسته یورلردی .
 فقط جوارلر اردونک اوزون مدت اقامتندن دولایی خراب
 اولمشدی . آنطاکیه نک ضبطنک ایکنجی کونی کربوغانک
 عسکرلری کورونمکه باشلادی . ای مسلح اوچ یوز سواری
 شهرک قاپیلرینه قدر ایلریله دیلر . ایرته سی کون بوتون اردو
 کوروندی . شهری صاردی . اهل صلیب رؤسای مختلف
 قاپیلرک مدافعه سنی آرالرنده پایلاشدیلر . فقط تورکلرک ایچ
 قلعه یه عسکرادخال ایتمه لرینه مانع اولامادیلر . هجوملر باشلادی .
 بونلرده موفقیت فرانقلر طرفنده قالمادی . تورکلر ایچ قلعه
 قاپیسندن تا شهره قدر کیریپورلردی . کنیش بر هندک قازمغه
 وبر چوق تحکیم ایتمکه مجبور اولدیلر . تورکلرک بو انشاآته
 مانع اولمق ایچون صرف ایتدکاری غیرتلر طرفیندن برچوق
 قان دوکوله سنه سبیت ویردی . بعضی اهل صلیب رؤسای

آن قومنه
 ابوالحسن
 ابوالفرج

شهری ترك ايتديلر . محاربه نك نهايته قدر اوراده قاله جقلرينه
داثر هپسنى تحليف ايتك مجبورتي حس اولوندى . هر طرفن
قوشاتلش اولان فرانقلر اك مردار شيلرى يمك اضطرارنده
قالشلردى . اك كوربوزلرى بيله يورغونلغه و آچلغه آرتق
طاقت كتيړه مز بر حاله كلشلردى . سورلك محافظه سى او قدر
اهال اولونيوردى كه توركلر آز قالدى بر قله يي باسقين ايله اله
كچيره جكلردى . قىطلق كيتدكه آرتيوردى . عسكرك بر
چوغنى فراره ياخود دشمنك ضربه لرينه معروض بر حالده
دكيز كنارنده ييه جك تحريسته مجبور ايدييوردى . ساحلده
بر قاچ روم ولاتين سفينه سى وارى . فقط توركلر بونى فرق
ايدەرك كميلره كيدن عسكرلردن بر چوقلرينى طوتديلر .
ساحله ايكي بيك كشى سوق ايدەرك كمى طائفه لريني قتل
وسفائندن بر چوغنى احراق ايتديلر . قورتولا بيلنلر انكينه
آچلديلر . فرانقلر فلاكتنى هر طرفه حكايه ايدەرك بوتون
ساحلده كى خرسنيانلر ك قوه مغنويه سنى قيرديلر . هيچ بر كمى
آنطاكيه يه امداد كتيړمكه جسارت ايدەمدى .

شهر مدەش بر قىطلق ايچنده اضطراب چكديكي صيراده
استانبول ايپراطورينك مهم بر اردو ايله امداده كلكده اولديغى
خبرى آلندى . استانبول ايپراطورى فينيميس شهرنده
قرارگاه قورمشدى . آنا كيهنك پريشان حالى آكلاته رق
حركتنى تعجيل ايتەسنى رجا ايدييوردى . فقط قطعياً

فرانقلردن نفرت ایدن وتوركلارك بوتون قوتى كندى اوزرينه
 جلب ايتمكدن ، بوصورتله آناطوليدىكى فتوحاتى الدن قاجير-
 مقدن قورقان ايمپراطور ازنيق يولنى طوتدى . كنديسىنى
 تعقيب قالدقچى توركلارك ييه جك برشى بولاماملىرى ايچون
 كچدىكى يرلىرى كاملا تخریب ايتدى . بو رجعت اهل صليب
 رؤساىنى پك مأيوسىته دوشوردى . كربوغا ايمپراطورك
 ورودندن انديشناك ايدى . خرىستان عسكرلىرى امداد اميدىنى
 غائب ايدىنجه آرتق قوماندانلىرىنه اطاعتدن استىكاف ايتدىكلرى
 كى كندىلىرىنه امر ايدىلن يرلرده كىتمدىلر . بوئەموند
 عسكرلىرى قاپاندقلىرى اولردن چىقارمق ايچون شهرك بعض
 طرفلىرىنه آتش ويرمكه مجبور اولدى . بو عمومى يأس وفتور
 ايچىندە بر راءب ، قونت دوسن ژيله رؤيادە عيسىانى كوردىكىنى ،
 كندىسنىك قبورغەسىنى دلن مزراق دميرىنىك شەردە بر طرفدە
 طوپراق آلەندە كومولى بولوندىغى ، اكر خرىستانلر بونى
 بولەجق اولورلرسە مظفريتدن امين اولايىلە جكارىنى ، فقط
 دها اول اوچ كون اوروج طوتهرق دعا ايله مشغول اولمق
 احباب ايتدىكىنى عيسىانىك كندىسە سويلەدىكىنى آكلاتدى .
 ابوالحسن ايله سائر بعض شرق مورخلىرىنىك آكلاتقلىرى
 بو حكايە بزددە اهل صليب تارىخنى يازان مورخلىك قسم
 اعظمندە تصادف ايدىلن روايت ايله توافق ايدىيور . ابوالفرج
 بونك سەن پيەرك طاشيدىغى بر مزراقك دميرى اولدىغى

ابوالحسن
 ابوالفرج
 كىليوم دوتير

سویله یور . هر حالده ، او چ کون اوروجدن صو کره دردنجی
کونی کلیسایه کیدیلدی . طوپراغك آلتنده مزراق بولوندی .
بوتون اردو بو معجزه نك محنتنه اینانه رق جسارت بولدیله ،
کمال شوق ایله ، حربه طرفدار اولدیله .

اهل صلیب رؤسایه طوپلانه رق محاصره نی قالدیرماسنی ،
شهری فرانقلره براقماسنی ، یاخود خرسه تیان رؤسایه ایله
یالکیز باشنه یاخود کزیده بر مقدار عسکر ایله محاربه نی
قبول ایتمه سنی تکلیف اینچون پهرلرمیتی دشمن قوماندانه
کوندرمکه قرار ویردیله . پهرلرمیت کیتدی . کربوغا بو
تکلیفاتی رد ایدهرک اونی متعظمانه کری کوندردی . بونك
اوزرینه اهل صلیب رؤسایه ایرته سی کون بر محاربه یایمغی
قرارلاشدیردیله . طلوع شمس ایله ، پاپاسلر آیین روحانی
اجرا ایتدکدن ، خرسه تیانلر عبادتلرینی یاپدقن صو کره
بوتون اردو سالا حالندی . پاپاسلر آیین اثوابلرینی کیهرک
اللرنده صلیب ایله صفلر آراسنده دولاشیورلر ، عسکرک
قوه معنویه سنی یوکسالتمهک چالیشیورلردی . ابتدا فرانسز
عسا کری شهردن چیقمغه باشلادی . سورلرک آلتنده صف
حرب اوزره دیزیلدی . دشمن ابتدا ، فرانسزلرک کوپرونی
کچمه لرینه مانع اولمق اوزره ایکی بیك کشی سوق ایتدی .
هوغ لوغران بونلره شدتله هجوم ایدهرک چکیلیمکه مجبور
ایله دی . قرارگاهلرینه قدر آرقه لرندن قوغالادی . بو کوچوک

مصادمه بوتون خرسستيان اردوسنه کوپرونی کچهرک اووایه
 یاییلمق اوزره وقت براقندی . خرسستیان اردوسی منتظم بر
 حالدہ ، یاواش یاواش ، تپہ لره دوغرو یورودی . شہر دہ براقیلان
 بر مقدار عسکرلہ مواصلہ نك منقطع اولماماسی ایچون بوتپہ لری
 آلہ کچیرمک انزم ایدی . کربوغانک امدادینہ کلش ولان
 قونیہ سلطانی [۱] ، فرانقار بو حرکتی یامہ دن اول ، اووادن
 کچمش ، دہ کیز طرفندہ اخذ موقع ایتشدی . بوجہتدن
 فرار ایدہ جک اولانلرک یولنی کسمک مقصدینی تعقیب
 ایدیوردی . ایلک اوچ فرانسنز طاہوری دشمنہ قارشى قیلیج
 و مزراقلہ ایلریلہ دیلر . بوتون عسا کر آرقہ لرندن یورودی .
 محاربه عمومیت کسب ایتدی . دشمن کریلہ دیکہ باشلامشدی .
 قونیہ سلطانی غایت عظیم مقدارده اوق آتدیردقدن صوکرہ
 آرقہ دن قیلیج و کرز ایلہ بوئہ موند اوزرینہ بر هجوم یاپدی .
 بوئہ موند قاقچق اوزره ایدی . دوق ایلہ تانقرہ د امدادینہ
 قوشدیلر ، اردوسنی دوزلتدیلر . مہزم اولق اوزره بولونان
 تورکار قیرلردہ حاضرلامش اولدقلری قورو اوتلرہ وسائر مواد
 مشتعلہ یہ آتش ویردیلر . درحال اورتہلق دومان ایچندہ قالدی .
 رچوق خرسستیان پیادہ سنی قتل ایتدیلر . فقط سواری قوتی
 دوماندن کندیسنی صییرارق هجوم ایتدی . تورکلری پوسکورتدی .

[۱] کیلیوم دوتیر بوکا سانیان دیورسہ دہ یا کیلیور . قیلیج

بوتون دشمن اردوسی برسیلک او بر طرفنه چکیلمشیدی .
 فرانقلر اوزر لرینه صالدر دیلر . ایکنجی دفعه اوله رق دشمنی
 فراده مجبور ایتدیلر . کربوغا حربک غائب اولدیغنی کورونجه [۱]
 غایت سرعتله فراتک او بر طرفنه قدر قاچدی . بوتون
 اردوسی داغیلدی . اردوگاهنی فرانسزلر طرفندن یغما ایدیلدی .
 فرانقلر بوراده هر درلو لوازم بولدیلر . بوغنائم ایله شهره
 دوندیلر . ایچ قلعه تسلیم اولدی . بوئه موند آنطاکیه پرنسلیکنی آلدی .
 آنطاکیه شهرینک ضبطی فرانقلره بوتون سوریه قطعه سنی
 کشاده براقدی . هجومه الکچوق معروض قاله جق ایکی سلاجوقی
 حکمداری ، رضوان ایله دقاق ، بغداد خلیفه سی مستظهره مراجعتله
 بوفلا کتلی آکلاتدیلر و معاونت رجا ایتدیلر . سوریه ده
 هیچ بر حکم و نفوزده مالک اولمایان و کندیلکندن برشی
 پایه مایان خلیفه کیفیت برکیاروقه بیلدیردی . فقط مسلمانلرک
 آوازده استمدادینه قولاق ویریلهدی . فرانسز اردوسی
 آنطاکیه دن حرکت حاضراندیغنی صیراده [۲] اعزاز [۳]
 Ezaz نامنده جوار بر قلعه نیک ادیری رضوانه قارشنی اهل صلیک
 معاونتنی رجا ایتدی . بوامیر چوقدن بری حلب اراضیسنه
 آقین یاپیوردی . فرانقلرک وروودندن سوکره برچوق خرسقیان

ابوالحسن

۱۰۹۹

[۱] بومحاربه ۱۰۹۸ سنه سی جزیرانک ۲۸ نده جریان ایتشدور .

[۲] ابوالحسن ۴۹۲ سنه سی شعبانک ۲۳ نجی جمعه کونی دیور .

[۳] بزم مورخلرمز بوکا هاسارت Hasart دیورلر .

فادینلری بوامیرك الیه دوشمیشدی . بومیانده ، قتل ایدلمش
اولان فولق نامنده برینك قاریسی ده داخلدی . امیرك ضابطلرندن
بری قادینك كوزلاكنه مفتون اوله رق ، خدمتترینك مكافاتی
اولق اوزره بوقادینه نائل اولق املیه کیدوب حلب ملکینك
ممالکینی تخریب ایتدی . کیتدکجه صیقلاشان بو آقینلر رضوانی
بوتون عسا کرینی طویلایوب اعزاز امیرینه هجوم ایتکه مجبور
ایله دی . اعزاز امیری ایسه رضوانه قارش قویه جق حالد
اولمادیغندن فرانقلره مراجعتله اوغلی محمدی رهینه اوله رق
کوندردی و اونلرله بر معاهده یاپدی . دوق دولورهن
ایله دهاساثر بعض رؤسانك تحت قومانداسند بولونان اوتوز بیك
کشیلک بر اردو قرق بیك کشیلک بر اردو طرفندن محاصره
آلتنده بولوندی ریلان اعزازه یاقلاشدی . رضوان در حال محاصره یی
رفع ایله حلب یولنی طوتدی . اونك بو عجولانه رجعتی خرسیتیانلرجه
مجهول ایدی . اونك ایچون خرسیتیان عسا کردند بر قسمی
آنط کیه دن چیتمنجه رضوانك الیه دوشدیلر . دوق دولورهن
بونلری تخلص ایتك اوزره توقفه مجبور اولدی . بر چوق
خرسیتیان اسراسنی کوتورن رضوان عسا کرینه هجوم ایدهرک
بو حکمداری فراره مجبور براقدی . اسرای قورتاردقن
صو کره اعزازه کیتدی . اوراده امیر طرفن اعزاز و احترام
ایله قبول اولوندی . ایشته بو قلعه بو صورتله عادتاً فرانقلرک
تحت حکمنه کچمیشدر . فقط فرانقلر بونی سوء استعمال ایتدیلر .

آلبرتوس
کیلیوم دوتیر

اورایه صو کره او قدر چوق مقدارده دولدیله که تورکلر
راحتسز اولدیله . امیر اونلری چاغیردیغنه ندامت ایتدی .
شهر اهالیسی جوارده کی تورکلرله کیزلی بر ترتیبات یایدیلر .
بودوانی اولدیلمکه یاخود هیچ دکلسه اورادن چیقارمغه قرار
ویردیله . فقط بو ترتیبات خبر آلدیغی جهتله رؤسا توقیف
اولونه رق کوزلری کور ایدیلدی . دها آز قباحتلیلردن ده بر
چوق جزای نقدی آلدی .

آلبرتوس
کیلیوم دوتیر

فرانسزاردوسی قدسه کیتمک اوزره حاضر لاندیغی صیراده
قونت دوتولوز بیره [۱] Bira شهرینی محاصره ایتشدی . بو،
آپاله [افامیه] اراضیسی داخلنده آنطاکیه دن ایکی کون مسافه ده
مستحکم بر مملکت ایدی . صو کره بوتون اهل صلیب بر لاشه رک
بیرده دن سکزمیل مسافه ده معرة النعمان شهرینه هجوم ایتدیله [۲] .
بو شهر ، ایپ مردیونلرک نقصانندن دولایی ایکنجی کوز،
ضبط ایدیلهمدی . فقط بوئه موندک یکی قوه امدادیه ایله مواصلتی
اهل صلیبی دها شدتله هجوم ایده بیله جک بر حاله کتیری .
هرایکی طرفدن ده غره ژوا آتشاری ، طاشلر ، قایالر ایتیلدی .
اهالینک مقاومتنه رغماً شهر ضبط ایدیلدی . فرانقلر قیلیج
الده ایچری کیردیله [۳] . شهر عسکرک یغماسنه وجوشغونلغنه

[۱] اهل صلیب مورخلری بوکا البیرا دیورلر .

[۲] ۴۹۲ تاریخ هجریسنده .

[۳] ۱۱ کانون اولده . ابوالحساسنه کوره ۴۹۲ سنه سی رجبینک

هایتنده بورادن آیریلدیله .

معروض قالدی . خرستیان مورخلری فرانقلره ، نعلشلی
 پاره آرامق ایچون آچدقلرندن وانسان آتی یدکلرندن دولایی
 مؤاخذاتده بولونیورلر . عرب مورخلری شهر سکینه سی ایله
 یابدقلری معاہدہ یعنی شهره کیرمه مک ، یالکز بر قوہ محافظه صومق
 یولنده کی تعہد لرینه رعایت ایتدکلری ایچون تعیب ایدیورلر .
 بو مناسبتله شهرده بر عربده چیقمشدی . فرانقلر بوندن
 بالاستفاده شهری ضبط ایتشلر ، صوکره ایکی طرفی ده قتل
 ایله مستلردی . قتل عمومیدن پک آز کشی قاچه بیلدی .
 بوئموند بر سرایه التجا ایتهلرینی بونلره سویلتمشدی . اوراده
 بونلری اسیر آلدیلر . صوکره قیساریه ، حما ، حمص ، رمله
 شهرلری ایله سوریه نك دها بر چوق مواقعی فرانقلره کچید
 ویردیلر . اهل صلیب هیچ دشمنه تصادف ایتیورلردی .
 بوتون شهرلر یغمادن مصون قالمق ایچون خرستیان اردوسنه
 بیه جک کتیریورلردی . مقاومتہ جسارت کوسترن بعض شهرلر
 هجوم ایله ضبط ایدیلدی . ایشته اهل صلیب بو صورتله سلچوقیلرک
 وار تقیلرک اراضی سندن کچدیلر . مصر خلیفه سنک الکاسنه
 کیردیلر ، بیت المقدس نام دیکرله قدس شریفه قدر کلدیلر .
 بوراسی او زمان مصر خلیفه لرینه عابد ایدی .

ژستافرانقو
 ابوالمحاسن

ابوالمحاسن
 ابوالفرج
 ابوالمکین

ابوالمحاسن

بو محاصرہ نك تفصیلاتی و فرانقلرک سوریه نك بوقسمنده کی
 فتوحاتی سلچوقیلرک تاریخنه عائد اولما مقله برابر یری مورخلرک
 یوبابده ویردکلری تفصیلاتی مختصراً شوراده حکایه ایتمک لکمه

مساعده بيورولمه سنى رجا ايدەرم . بو مشهور شهرده او زمان
مصر خليفه سى مستعلى طرفندن منصوب افتخارالدوله نامنده
بر امير والى ايدى . شهرى قرق كون محاصره ايدن فرانقلر
ايكى قله انشا ايتديرەرك سورلرە ياقلاشدىلر . برنجى قله صهيون
قايسىنە ، ايكنجيسى عمود Amoud ايله اسباط Asbath
قايللىرى آراسىنە يرلشدىرىلدى . مسلمانلر برنجى قله يى ياقدىلر .
فقط ايكنجى قله سايه سنده خرستيانلر سورلرك اوزرينە قدر
كردىلر ، شهرى ضبط ايتدىلر . بونك اوزرينە مسلمانلر صخره
واقصى تعمير اولونان ايكى جامعە چكىلدىلر . بو جامعلارده يوز
بيك مسلمان قتل ايدلدى . فرانقلر يوز بيك اسير آلدىلر .
بوتون اختيارلىرى وعليللىرى اولدىردىلر . قادينلىرى محافظه
ايتدىلر . او نفيس صخره واقصى جامعلارنى يغمالادىلر . بوراده
يتمش بويوك شمعدان بولدىلر كه يكرميسى آلتوندىن ايدى .
بيك مثقال آغيرلغندە ايدىلر . ديكر اللى شامدان كوموشدى .
اوچ بيك آلتى يوز سوريه درهمى ثقلتندە ايدىلر . غنائم آراسنده
قرق سوريه رطلى ثقلتندە بر كوموش لىكن دە واردى .
بو قدر شهرلرك و خزينه لرك ضياعى مسلمانلر آراسنده
بويوك بر يأس و كدر توليد ايتدى . پریشان اولان خلق نرد ، بر
ماجاء بولاجقلارنى بيله مه يورلردى . بويوك بر قسم خلق
باشلرندە زين الدين نامنده بر قاضى اولديغى حالده بغدادە متوجهاً
شامدن مفارقت ايتدى . خليفه نك ديوانه ادخال ايدلدىلر .

وقت باغريشه رق صاحيلريني صاقاللريني يولديلر . قاضي نك سوزلري حاضر بولونانلرك كافه سني آغلالتدي . فقط بونلره فرانقلري سوريه دن قوغمق ايجون امداد ويرمديلر ، يالكنز كوز ياشي ويرديلر .

خليفه لردن ابتدا بعض عرب اميرلري طرفدن ضبط ايديلن ، صوكره توركلر طرفدن اله كچريلن بو الكا و زمان متعدد حكومتلره آيريلشدي . مصر خليفه لري بر قسمي اشغال ايديو رلردى . سلاجوقيلر شام و حلب حكومتلرينه مالك بولونيورلردى . ارتقىلر شمال قسمنه وارمنستانه هم جوار اولان طرفلرينه حاكم ايديلر . فرانقلر قسده بر حكومت تأسيس اتمشلردى . آنطا كيه ايله ادهس يا خود رها ودها صوكره لري طرابلس شام قدس قراللرينه تابع اولمق اوزره خصوصى پرنسلكلر وجوده كتيرمشلردى . عيني تاريخده [۱] ارمنستانك سوريه يه هم جوار اولان قسمنده يعنى خلاطده ده يكي بر حكومت تأسيس ايتدى . بوشهر اوزون مدت روملرك اداره سنده ايدى . صوكره مردانييلر بوراسنى ضبط اتمشلردى . مردانييلرك حكم و نفوذى ديار بكره قدر امتداد ايديو ردى . بو حكمدار ظالملاك لرندن دولايي خلقجه منفور اولديغندن دولايي خلاط سسكنه سى سكممان نامنده بر توركه مراجعته مجبور اولديلر . سكممان ، آذربايجانده يرلشمش اولان سلاجوق عائله سى حكمدارلرندن

سنه

۱۱۰۰

ابوالفدا

قطب الدين اسماعيلك كوله سی اولدیغی جهتله القطبی لقبیه یاد
ایدیلیوردی . خلاط اهالیسی طرفندن دعوت ایدیلن سکمان
بورایه کیتدی ، مردانیلری قوغدی . حکمداراعلان ایدیلدی .
شاه ارمن یعنی ارمنستان حکمداری [۱] عنوانی آلدی .
موصل حکومتنده ذی قدرت بعض تورك امیرلری واردی .
باطنیلرده سوریهده تأسس ایتمهک باشلامشلردی .

ابوالحسن

ایشته فرانقلر سوریهیه کیردکاری زمانده بو قطعهنک
وضعیتی بو مرکزده ایدی . فرانقلر سوریهده هر طرفه
فتوحاتلری تشمیل ایتدیله . بر مدت اول ، ابو محمد
عبیده [۲] نامنده بر قاضینک تحت ادارهسنده بولونان جبلة
Dgiabala شهرینی ضبطه تشبث ایتشلردی . قاضی بوشهرک
مسلمانلار الندن چیقماسنه مانع اوق ایچون اونی شام
حکمداری دقاقک آتا بکی یاخود ناظری طغتنکینه تکلیف
ایتدی . طغتنکین درحال اوغلی تاجالملوک بوری ن بورایه
کوندره رک شهری تسلیم ایتدی . فقط بو قوماندانک فنا
حرکاتی یوزندن شهر اهالیسی ، مصر خلیفه لری طرفندن
طرابلس والیسی بولونان ابو علی [۳] یه کلوب جبلة یی ضبط

ابوالفدا

ابوالحسن

[۱] دربلو بو وقعهنک ۵۷۸ هجری و ۱۱۸۲ میلادی تاریخنده

جریان ایتدیکنی یازیورسهده یاکاشدر .

[۲] ابن منصور . دهها زیاده ابن صلیحه Ben soulaïhah

نامی آلتنده معروف ایدی .

[۳] ابن محمد ابن عمار . فخرالملک لقبی حائزدی .

کیلیوم دوتیر

ایتمه سنی تکلیف ایله دیلر . ابو علی نك اردوسی بوری نی مغلوب
ایتدی . بوری طرابلسه کوتورولدی . اورادن پدرینه اعاده
اولوندی . جبله مصر لیلرک تحت تابعیتنه کچدی . چوق کچمه دن
فرانقلر بوراسنی ضبط ایتدیلر . ارسوف و قیساریه شهرلری ده
کذلك فرانقلر طرفندن ضبط اولوندی .

قدس قرالی غودفروا دوبویون اوتارینخده وفات ایتدی .
برادری ادهس قوتی بودوان قرالغه صاحب اولمق اوزره یوله
چیقمشدی . بونک حرکتندن خبردار اولان شام حکمداری
دفاق بر پوصو قورمق واسیر اتمک فکریله عسکرلرینی
طوپلادی . کوپک چانی [۱] قربنده تهلیکلی و غایت دار بر
کچیدی طوتدی . بو ، ساحل بحرده داغلر ویالچین قایالر
آراسنده کائن بر نقطه ایدی . یکی قدس قرالی ساعیلری
واسطه سیله تورکلرک مقصدینی و وضعیتینی خبر آلنجه کیدوب
اوزرلرینه هجوم ایتدی . فقط کچید او قدر دار ایدی که
کیجه لین توقفه مجبور اولدی . هر طرفدن دشمنک اوقلرینه
معروض قالیوردی . طلوع شمس ایله حرکتنه دوام ایتدی .
تورکلر متصل کنیدیسنی ازعاج ایدیورلردی . شدتله
مصادمه لردن صوکره اللرندن قورتولمغه موفق اولاییلدی .
دفاق بو صورتله خرسه تیانلری مغلوب ایتکه اوغراشدیغی
صیراده سوریه نك معروض اولدیغی اغتشاشاته پک آز اهمیت

[۱] عربجه ده نهر کلب .

ویرن برادری رضوان مسلمانلرک مدافعه سی اوغورنده مجاهده
ایتمش اولانلری قتل ایتدیریوردی [۱] . قونت دوتولوز [۲]
یاخود سن ژیل ، امیر ابه علی ابن عمارک حاکم اولدیغی
طرابلس شهرینی محاصره یه کلمشدی . بو والی ، شام ملک ایله
حمص امیری جناح الدوله دن استمداد ایتدی . بر محاربه
وقوعه کلدی . مسلمانلر مغلوب اولدیلر . ابوعلی شهری
مصر لیلر النده محافظه ایتک ایچون فرانقلره پاره ویرمکدن
باشقه برچاره کوردهمدی . قونت کیدوب انطرسوس Antarados
شهرینی ضبط ایله ایچنده کی بوتون مسلمانلری اولدیردی .
اورادن حصن الا کراد اوزرینه یورودی . مسلمانلرک اک
جسور قوماندانلرندن بری اولان حمص امیری جناح الدوله
حسین [۳] فرانقلرک تصور اتندن خبردار اولونجه اونلره قارشى
یورومک اوزره عسکرلرینی طویلادی . سوریه نك مدافعه سی
ایچون یوله حقیقه جنی صیراده سوریه ده ایلك نمایان اولان بر
باطنی منجمی رضوانی حسین قتل ایتدیرمه اقناع ایتدی .
اوندن بو مساعده پی آلدی . عسکر یله بو امیری قتل ایتمه
کیتدی . جنایت ارتکاب ایدیلر ایدیلر رضوان بوکا پشیان
اولدی . بر آرز صو کره باطنی پی اولدیرتدی [۴] . مسلمانلرک

سنه
۱۱۰۱
ابن شجنه
ابوالفدا
ابوالحسن
المکین

[۱] ۴۹۵ تاریخ عجمی بنده .

[۲] عربلر بوکا دائما صنجیل Sandgil اسمنی ویریورلر .

[۳] ابن ملاءب .

[۴] اون درت کون صو کره .

هر حرکتی کمال دقتله کوز اوکنده طوتان و خطالرندن
استفاده ایدن قونت دو تولوز در حال حصن الا کراد محاصره سنی
رفع ایله اطرافى ضبط ایتد کدن صوکره حصن شهرینی
محاصره یه کیتدی .

سنه
۱۱۰۲

این الاثر
ابوالفدا

عین زمانده سوریه بویوک بر قوماندان دها غائب ایتدی .
بو، انطاکیه نك امدادینه گلش اولان موصل ملکى مشهور
کربوغا ایدی . سلطان برکیاروق کربوغازی آذربایجان
کوندرمشدی . خویده وفات ایتدی [۱] . بو امیر نامنه
حصن کیف Kipha ده قوماندانیدن موسا اسمنده بر تورکمن
همان موصلی ضبط ایله دی . فقط جزیره ابن عمر والیسی
شمس الدوله جکرمش نامنده بر تورک بو بویوک شهرى اونک
الندن آلمق اوزره بر اردو ایله یورودی . یولده نصیبینی
ضبط ایتدی . موسا محاربه یه کیریشمک ایسته دیسه ده عسکری
کندیسنی ترک ایدهرک جکرمش طرفنى التزام ایتدکلرندن
علی العجله موصله قاچدی . اوراده محاصره آلتنه آلتدی .
دیاربکرده حکمران اولان سقمان ابن ارتقه امداد مقابلنده
حصن کیفایى ترک ایتمک چاره سنی دوشوندی . سقمانک
تقریبی اوزرینه جکرمش موصل محاصره سنی رفع ایتدی .
فقط موسا ، سقمانک استقباله کیتدیکی صیراده معیتندن
بعض کیمسه لر کراثا Koutha دنیلن بر کوی قریبنده

کندیسنی قتل ایتدیله ، اوراده بر تپیه کومدیله . اوتارنخندن
بری بورایه تل موسا نامی ویریلکده در . بو وقعه دن سوکره
سقمان حصن کیفایه چکیله رک اورایه صاحب اولدی . اخلافی
بوراسنی محافظه ایتدیله . جکر مشده موصلی ضبط ایله دی .

ابوالفدا

مسلمانلر آراسنده حکم سورن و خرسیتیانلره قارش
قوللانه بیله جکلی قوتک آزالماسنه سبب اولان نفاق و شقاق
متصل دوام ایدیوردی . شام ملکی دقاق کیدوب رحبه
شهرینی محاصره [۱] و ضبط ایتدی . بغداد خلیفه سنی (حضرت)
محمدک مشروع خلفی اولق اوزره طانیان بوتون مسلمانلرک
مصر خلیفه سنه قارش بسله دکلی خصومت بو نفاقک دوامنه
سبب اولیوردی . حتی بو خصومت او درجه یه واریوردی که
فرانقلرک بوتون قوتلریله هجوم ایتدکلی مصر خلیفه سنی
خرسیتیانلر طرفندن ازیلمه سنه هیچ اهمیت ویرمیلریدی .
بو سایه ده فرانقلر راحت رقه و جعبر قلعه سی قریبنده
بویوک تخریبات یاپه بیلدیله [۲] ، جیل Dgiabil ایله عکائی
آلدیلر . بوراده یک چوق مظلومه بولوندیله . حتی طرابلسی
بیله ضبط ایتک تهدیدنی کوستریوردی .

۱۱۰۳

نهایت عکائک ضبطی و سوریه نک معروض بولوندیغی
تهلکه بعض جوار حکمدارلری سلاحه صاریلغه سوق ایتدی [۳] .

آلبرتوس

[۱] ۱۹۶۱ تاریخ هجریسنده .

[۲] ۱۹۷۴ تاریخ هجریسنده .

[۳] ۱۹۷۴ تاریخ هجریسنده .

موصل حکمداری جکرمش [۱] ایله امیر سقمان آلتش
 بیک تورک طوپلادیلر . بودوان دوبورغک صاحب اولدیغی
 رها یاخود ادهس قلعه-نی محاصره ایتک فیکریله یورودیله .
 بودوان درحال آنطاکیه پرنسی بوئه موند ایله تانقره ددن
 استمداد ایتدی . بونلر اوچ بیک سواری ویدی بیک
 پیاده دن مرکب براردو ایله همان یوله چیقیدیلر . حران
 جوارنده بودوانه ملاقی اولدیله . اوراده بر عرب بونلره
 تورکلرک دوغروجه رها اوزرینه یورودکلرینی خبر ویردی .
 بو خبر اونلری اورادن حرکت و خابور نهری قربنده بر
 موقع طوتمغه مجبور ایتدی . اورادن ایرته سی صباح طلوع
 شمس ایله رقه اووه سنه اینه رک صف حرب اوزره دیزیلدیله .
 بونلر هنوز صفلرینی تنظیم ایتدکلری صیراده سقمان اوتوز
 بیک تورک ایله خرس تیانلرک صاغ جناحی اوزرینه صالیدیدی .
 بورایه بوئه موند ایله تانقره د قومانداییدیلریدی . بوا یکی
 فرانق رئیس تورکلری پوسکورتیدیلر . تورکلر بش یوز
 ضایعات ویردیله . بوئه موندن برمیلدن زیاده اوزاقده بولونان
 بودوان دوبورغ ایله ژوسلن دوقورتنه مصادمه باشلادیغنی
 خبر آنجه امداده قوشمق ایسته دیله . فقط پوصویه یاتمش
 اولان اون بیک تورک طرفندن باصلدقلری جهتله قاچمغه

[۱] آلبه رده بوکا ژغره میش Geigremisch دیور .
 کر بوغانک اقرباسندن و ستمانک برادرلرندن اولدیغنی سویلیور .

محبور اولدىلار . ادهسه پرنسى بودوان اسير دوشدى . بونلرى
تخليص ايچون شتابان اولان تانقرەد كيجهنك حلولى حسبيلا
موفق اولامادى . ايرتەسى كوني فر نكلرك عسا كرى بودوانك
اسارتى خبر آلنجه على العجله رهايه چكىلدىلار . بو شهر ك
خرستيانلارالندن كىتمەسنە مانع اولمق ايستەيورلردى . شهرى
مدافعه يە صالح بر حاله قويماق صيراسى ايدى . بو مصادمه دن
سكز كون صوكره جكرمش بويوك بر قوت ايله كلەرك
قلعه يى محاصره ايتدى . بو شهر ك محافظه سى كنديسنه توديع
ايدىلش اولان تانقرەد اهالىنى تطمين ايتدى . يقينده
كىدوب توركلره هجوم ايدەجكنى سويلەدى . وضعيتدن
آ نطاگيه پرنسى بوئەموندى خبردار ايتدى . بوئەموند اوچ
يوز سوارى وبش يوز پياده ايله يوله چىقدى . فقط
يولده مصادف اولدىغى مشكلات اونى ىدى كون اويالا-
دىلار . محصورينه بو مدت پك اوزون كلدى . اونك
مواصلاتدن اميدىنى كسن تانقرەد بر خروج حركتى
ياغمە عزم ايتدى . صباحلين ايركندن توركلرى هنوز اويقوده
ايكن باصدىردى . بونلر دها ايشك نه اولدىغنى آ كلامغه وقت
بولامادن اچلارندن بر چوغنى اولدىردى . حيرتده قالان جكرمش
ايله سقمان پریشان بر حاله قاچدىلار . چادىرلرىنى ، اشبالرىنى
براقدىلار . تانقرەد بونلرى تعقيب ايله مشغول اولدىغى صيراده
بوئەموند يتيشدى . بو قوۋە امداديه توركلرى بوتون بوتون

بیتیردی . جکر مش ایله سقمان پک زحمتله قاچه بیلدیلر .
فرانقلرک آلدقلری اسرا ایچنده موقعی یوکسک بر قادین ده
واردی . بونی بودوان دوبورغ ایله مبادله ایتک فکرنده
ایدیلر . فقط بومبادله وقوعه کلدی . بودوان تورکلرک
نزدنده اسیر قالدی .

سنه
۱۱۰۴
ابوالفدا
ابوالحسن

شام شهری جکر مشک فرانقلر علیهنده کی املاکینه مظاهرت
ایده بیله جک بو حالده دکلدی . پک چوق تذبذبات ایچنده ایدی .
دقاق [۱] اولمشدی . حکومت حاکم اولان طغتکین دقاقک
اوغلانی ملک اعلان ایتدیردی . بر آرزو کره بونی خلع
ایدهرک [۲] تاجی توتوشک اوغلی بک تاش Yaltasch ک
باشنه کیدیردی . فقط بردن بره تبدیل فکر ایله تخته دقاقک
اوغلانی چیقاردی که آنجق بر یاسنده ایدی . بوتون حکم
ونفوذ بوناظرک النده ایدی . شام شهری کندی کورولتولریله
مشغول اولدیغی صیراده حلب ملک روضوان [۳] اوزمان
آنطاکیه ورها قلعه لرینک محاصره سنه حصر اشتغال ایتمش
اولان تانقره د ایله ماسبات دوستانه سنی قیردی . اون بیک
سواری ویکرمی بیک پیاده ایله بوشهرلره تابع اراضیه
کیردی . مقصدی آنطاکیه شهرینی محاصره ایتکدی .

۱۱۰۵

[۲] ۴۹۷ سنه سی محرمنده

[۲] ۴۹۷ سنه سی ذی الحجه سنده .

[۳] ۴۹۸ سنه سنده .

تأقره دجوار لرنده کی خرسټیان حکمدار لرندن استمداد ایدهرک
 بیک سواری و او تو بیک پیاده ایله آنطاکیه کیتدی. فارفار
 Farfar نهرینی کچدی، ارتاح Artésie یه دوغرو یورودی.
 رضوان بوتون قوتلریله بوراده اردوگاه قورمشدی. رضوانی
 فراره مجبور ایدهرک بایراغنی آله کچیردی. ارتاحه صاحب
 اولدی. برچوق مسلمان اولدیردی. پک چوق اسیر
 آلدی. غنائم ایله دولو اولدیغی حالدده عودت ایتدی. بومیانده
 برچوق بار کیرده واردی که بوکا پک محتاجدی. فرانقلر شام
 حکومتیه قارشی آچدقلری برسفرده بو قدر بختیار اولمادیلر.
 کنج شام حکمدارینک ضعفندن و بو شهری قاریشیدیران
 اختلال لرندن استفاده ایتک ایسته مشلردی [۱۱] هوغ دو تیبه ریاد
 ایکی یوز سواری و درت یوز پیاده ایله شام اوواسنه بر آقین
 یاپدی [۱۲]. برچوق غنائم آله رق بلیناس Belinas ه یاخود
 فیلیپک قیصریه سی Césarée de Philippe نه کوندزدی.
 اونک مواصلتندن زیاده رجعتندن خبردار اولان طغسکین
 عسکرلرینی طوبیلادی. هوغ دو تیبه ریادک کچه جکی داغلره
 دوغرو یورودی. بوراده بر محاربه وقوعه کله رک فرانقلر
 مغلوب اولدیلر. هوغ میدان محاربه ده مقتول دوشدی.
 معیتی طرفندن ناصریه کوتورولدی. طغسکین ده فرانسزلرک

ابوالفدا
 کیلیوم دو تیر
 آلبرتوس
 فولق دوشارتر

۱۱۰۶
 ابوالمحاسن
 آلبرتوس

[۱] ۴۹۹ سنه سنده .

[۲] آلبرده بورابه غروسوس روستیقوس یاخود سوئت Suet دیور.

آلش اولدقلری بوتون غنائمی شامه اعاده ایتدی .

ابوالفدا
ابوالمحاسن
آلبرتوس

او تاریخده سوریهده کرک خرسیانلر کرک مسلمانلر
ایچون عینی صورتده تهلیکلی یکی دشمنلر ظهور ایتمه
باشلادی . بونلر باطنیه ایدیلر . رضوان طرفندن افامیه والیسی
تعیین ایدیلش اولان ذات کزلیجه مصر لیلرله مناسباتده
بولونیوردی . بوشهر ایله قلعه یی اونلره تسلیم تکلیفنده بولوندی .
مصر خلیفه سی درحال بورایه کلاب Kelabites قبیله سندن
برعرب اولان خلف Khalaf ی کوندردی . وقتیلر بو آدم حص
جوارلرنده شقاوت ایدردی . خلف قلعه یه صاحب اولور
اولماز اسکی صنعتنه باشلادی . قدس شریفه حجه کیدن
خرستیانلرله فرانقلره بالخاصه اثر خیانت کوستریوردی .
افامیهده اوتوران واجرا ایتدیکی سفرلرده خلفه رفاقت ایدن
باطنیه رئیس ی ابو طاهر ابن الصایغ [۱] Aboutaher-es-saigh
خلفی بر ضیافته دعوت ایله اتلاف ایتدیردی . قسم اعظمی
خرستیان اولان شهر سکنه سی خلفک انتقامنی آلمق ایسته دیلر .
ابوطاهر بر قلعه یه قاپاندی . رضوانی شهری ضبطه دعوت
ایچون کزلیجه بر ساعی کوندردی . رضوانک تکرار تحت
تابعیتنه دوشمکدن قورقان سوریه لیلرله ارمنیلر شهرلرینی
تانقردهده تسلیم ایتک تکلیفنده بولوندیلر . تانقرده آذطا کیه دن
یدی یوز سواری و بیک پیاده ایله قوشدی . فقط ابو طاهر

[۱] آلهرده بوکا بوتهر Bother دیور .

شهر خلقنی کندیسنه جنب ایتک یولنی بولش اولدیغی ایچون
 تانقرده قاپیلری قاپادیلر . تانقرده اوچ هفته قدر بیهوده
 بر محاصره دن سو کره لاذقیه یه، اورادن ده آنطاکیه یه دوندی .
 اوزمان پرهیز زمانی ایدی . پاسقالیه یورطیلرندن سو کره
 ایکنجی دفعه اوله رق افامیه پیشگاهنه کلدی . بوتون آلات حربیه یی
 قوردی . فقط شهر سکنه سی طرفندن او قدر مقاومتیه مصادف
 اولدی که هیچ بکله مدیکی بریاردیم اولماسه ایدی قلعه یی ضبط
 ایتمه سینه امکان یوقدی . پدرلرینک وفاتندن سو کره شامه
 التجا ایتش اولان خلفک ایکی اوغلی تانقرده عرض خدمت
 ایتدیلر . یوز عسکرله فرانقلرک اردوگاهنه کلدیلر . بو عسکرلر
 قسماً عربلردن قسماً تورکلردن ترکیب ایدیوردی . اوزون
 بر محاصره دن سو کره شهر تسلیم اولدی . تانقرده اهالی یی
 عفوایدنک ابوطاهر ی آنطاکیه یه کوتوردی . خلفک اوغلارینی
 افامیه ده براقدی . تانقرده ک عزیمتندن سو کره بونلر ابوطاهرک
 بوتون طرفدارلرینی اولدیردیلر . باطنیلرک سوریه ده ضبطه
 تشبث ایتدکلری ایلک شهر بودر .

طغتکین هوغ دوتیه ریادک شام جوارلرینه یامش اولدیغی
 آقینی اونو تمام . انتقام آلمق ایچون کیدوب طبریه یی
 محاصره ایتکه عزم ایلدی . اوراده هوغک پرینه زروهر
 کچمشدی . قلعه ده اوچ بیک عسکر واردی . بر مدت اول
 بورایه کلمش اولان قدس قرالی بودوان درت یوز عسکر ایله

آلبرتوس

سفره چیقمشدی . بر آز ایلریلر ایلریله مز قرارگاهنه بش .
 تورك كلهرك طغتكين طرفندن صالح تكلیفنده بولوندىلر .
 قرال بونلری حسن صورتله قبول ایتدی . سفیرلر اردوگاهلرینه
 عودت ایتدکاری زمان بو حکمدارایله اردوسی لهنده او قدر حسن
 شهادتده بولوندىلر که تورکلر بو محاربه یه کیریشمک ایسته مه یهرك
 کیجه لین کمال استعجال ایله چکیلدیلر ، شامه کیتدیلر . بونلره
 یتیشه مه یین بودوان ده قدسه دوندی [۱] . تورکلر ایکنجی
 دفعه اوله رق شامدن چیقدیلر . صیدا جوارلرینه
 دوغرو بر آقین یاپدیلر . طغتكين بو شهرى اون کون محاصره
 ایتدی . سکنه سندن اوتوز بيك بز ان Bezans ایسته دی .
 فقط شهر اهالیسی آنجق دوقوز بيك بز ان تكلیف ایتدیلر .
 قدس قرالنك هجومه کله سندن قورقه رق بونی قبول ایتدی .
 بو محاصره دن بر آز اول [۲] عینی حکمدارک اردو سندن
 درت بيك تورك شامدن چیقهرق طبریه اراضیسنه یایلمشلردی .
 قوه محافظه یی بر پوصویه چکمک املیه اوچ یوز کشیلک
 بر سواری مفرزه سی آیرمشلردی . بو شهرک حاکی بولونان
 ژرودز سکز یوز سواری وایکی یوز پیاده ایله چیقدی .
 تورکلر قاچار کی کوروندىلر . ژرودز ایلریله دی ، پوصویه
 دوشدی . هر طرفدن صاریلدیغی جهتله اسیر اولدی . بو

[۱] شباط آینده .

[۲] عروج عیسا یوزطیلری ائناسنده .

مصادمه دن يالکيز ايکي فرائق قاچه بيلدي . بونلر هزيمت خبريني طبريه کوتورديلر . ژروه ز شامه کوتورولدي . اوراده عمومي ميدانده اوق ايله وجودي دايندي . قدس قرالي بونک اچون بر فديه نجات تکليف ايتمشده تورکلر مقابلنده بعض شهرلر ايسته يورلردی . قدس قرالي ده رضا کوستر مه مشدی . بوتاريخده طغتكين عرقه Archas قلعه سني غائب ايتدی . وقتيله دوق غودفروا دوبويون بوراسني ضبطه موفق اولامامشدي . قونت دوسارتانر ، حاجيلر داغي قلعه - سنک قربنده کي اوواده طغتكينی مغلوب ايتد کدن صوکره ۱۱ عرقه قلعه سني محاصره ايتدی . قوه محافظه قلعه يي ترك ايتديلر . اورادن بوقونت شام شهريني پک ازعاج ايتمشدر .

فرانقلرک بوموفقيتلري نهايت بوتون مسلمانلري اويانديردي . ايران سلطاني بوتون سوريه عسا کريني طوپلاتدی . تورکلر هر طرفدن بر دين محاربه سي کي تالق ايتدکلري بو حربه قوشديلر . بوبويوک سفره مودود [۲] قوماندان تعيين اولوندي . مودود موصل حکمداري اولوب قتل ايديش

ابوالمحسن
ابن الاثير

[۱] آلهرده بو موقعده کنديسنه هرتولدين ديور . لقبی اولان ظهيرالدين کله سندن محرف اوله جقدر . بزم مورخلر من دها نديسنه بوله کين Boldechixn ، دوله کين ، ده کين ، دوئوده کين ده ديرلر . لقبی ظهيرالدين ابو منصور ابن عبده ایدی .

[۲] آلهرده بوکا مالدوق ديور . لقبی شرف الدوله ایدی .

ابوالفدا
کیلیوم دوتیر
آلبرتوس

اولان جکر مشه [۱] خلف اولمشدی . مودودك آرقه سی
صیرا ماردین ملکي امیر ایلغازی [۲] ؛ ارمنستان
و خلاط ملکي امیر سکمان [۳] ؛ سنجار ملکي
تمیرك Tamirak ودها سائر تورك حکمدارلری کلیورلردی .
مودودك معیتده ایکی یوز بیک کشیک بر اردو واردی . بو
تورکار مزو پوتامیایه کیردیله . ادهس شهرى سورلرینه قدر
تخریباتده بولوندیله . یوله کچرکن ، فرانقلره عائد بر طاقم
قلعه لری ضبط ایدهرک بر چوق خرسیان اولدیردیله . مودود
ادهس قلعه سی پیشگاهنه کلدی . بونک محافظه سی بودوانک
اسارتی اثناسنده تانقرده تودیعی اولونمشدی . تانقرده علی العجله
عسکرلرینی طویلادی . قدس قرالنی امداده چاغیردی . بو
ایکی حکمدار اردولرینی برلشدیردیله . ژوسلنه عائد بولونان
تل باشر محاصره سیله مشغول تورکاره قارشى یورودیله ۱۴۱۰ .
تورکار عمومی بر محاربه یه کیریشمک ایسته مدکاری جهتله

سنه
۱۱۱۱

[۱] ایران سلجوقیدری فصلنده صورت وفاتی حکایه ایدیلشدر .
[۲] آلبرده آرمی غازی دیور . آرون غالدوس ایله سامار .
قادن ده بحث ایدیور . بوصو کنجیسی تامیراقدر . دیکربنک کیم
اولدیغنی بیلمیورم .

[۳] ابوالحسن سکمان بن آرتق دیور . فقط بو امیر ۴۹۸
تاریخنده وفات ایتمش اولدیغی جهتله بو ، ارمنستان حکمداری سکمان
اولاق لازم کلیر .

[۴] آلبرده بوکا توربیسل Turbaïsel دیور .

دشمنلرینی یورمق ایچون وقت قازانمق فیکرنده ایدیلر .
 فقط مقصدلرینی آکلایان فرانقلر جوارده کی قلعه لرك
 هپسینه ، بالخاصه ره‌ایه بر مقدار قوه امدادیه کوندردیلر ،
 فرات نه‌رینه یاقلاشدیلر . بو نه‌ری کچمکه مشغول
 اولدقلری واردونك بر قسمی قارشى ساحله آياق باصمش
 بولندیغی صیراده تورکار کندیلرینی باصدیلر ، بر خیلی اسیر
 آلدیلر . قدس قرالی ایله تانقرده بردورلو معاونتده بولونه‌مادیلر .
 مودود تل باشر قاعه‌سنی قرق بش کون محاصره‌دن سوکره
 چکیلدی . ژوسان دشمنی تعقیب ایتدی . دشمن اردوسی بر
 قاچ قوله انقسام ایتدی . یوز بیك کشیدن سرکب بر قسم
 شرق یولنی طوتدی . دیکرلری حلبه کیده‌رك سفرک نه‌ایتنه
 قدر چوجوقلری وقادینلری محافظه ایتمه‌سنی و کندیلرینه قوه
 امدادیه ویرمه‌سنی رضواندن رجا ایتدیلر . فقط تانقرده ایله
 حال صاحده بولونان رضوان تعهداتی بوزمق ایسته‌مدی .
 یالکزیب طرفلغنی محافظه ایده‌جک‌نی وعد ایله ره‌ینه اولمق اوزره
 اوغانی ویردی . بونك اوزرینه تورکار ایسته‌دکاری یا پلایه‌جق
 اولورسه کنج شهزاده‌نك باشنی کسه‌جکلرینی س‌ویلیه‌رك
 تهدیداتده بولوندیلر . رضوان ، مسلمانلغیله برابر تانقرده ایله
 وخرستیانلرا یاپدیغی معاهده‌لره صادق قالدی ، چوجوغنك
 اولدیرلمه‌سنه مانع اولمادی . سوکره مودود آنطاکیه‌دن بر
 کونلك مسافه‌ده بولونان فیلیپك قیصریه‌سنه یاخود بانیاس

Paneas شهرینه یورودی . معرة النعمانی محاصره ایتدی .
 بوتون فرانقلر مودودك آنطاکیه هجوم ایتمه سندن قورقه رق
 قوتلرینی طوپلادیلر . تل باشر حاکمی ژوسلن علی العجله یوز
 سواری و بش یوز پیاده ایله تانقرده التحاق ایتدی . صوکره
 بودوان دوبورغ ایکی یوز سواری ، بش یوز پیاده ، پابه
 دو ساروج الی سواری ، اوتوز پیاده ، هوغ دوقانتالار ،
 مرعش والیسی ریشار ، کوی دو قره سالت ، کیلیوم والبهن ،
 کوی پرنس دو طرس نه دو مامیسترا ، قدس قرالی ودها
 سائر بر چوق فرانق رؤسای کلدیلر . یکر می بیك نفره بالغ
 اولان بوار دو ، تورکلرک بولوندیغی بانیاس شهرینه دوغرو یورودی .
 تورکلر چکیلدیلر ، عمومی بر محاربه یه کیریشمکدن اجتناب ایدهرک بر
 مدت فرانقلری ازعاج ایله اکتفا ایتدیلر . صوکره آنطاکیه
 الکاسندن چیقدیلر [۱۸] .

بو تورکلرله شام و حلب تورکلری آراسنده حکم سورن ابن الاثیر
 نفاق بو بویوک سفرك عقامتله نتیجه لئه سینه سببیت ویردی .
 بو بویوک اردولردن قورقان طغتکین ، حکومتک الندن
 آلتامسی اندیشه سینه قاپیله رق فرانقلرله کیزلیجه صالح یاپدی .
 رضوان تانقرده ایله اولان اسکی تعهداتی اخلال ایتک
 ایسینه مدی ، اعتماد ایتدیکی بویکی حکمدارک عسکرلرندن
 محروم قالان مودود کندیسنی فرانقلره مقاومت ایددمیه جک

برحاله كوردەرك بوتون اردوسنى ترخيىس ايتدى . تانقرەدە ،
 توركلرك عزمىتىدىن استفادە ايدەرك حلب قىرىندەكى اتارب [۱]
 Athareb حصارىنى محاصىرەيە [۲] عزم ايتدى . بو شەھرى
 هجوم ايله اله كچىردەرك ايكى بىك كىشىنى اولدىردى .
 متباقىسىنى اسىر آلدى . اورادن كىدوب منبجى [۳] و بالىس
 Balias ضبط ايتدى . بوفنوحات بوتون جوار حكمدارلىرىنى
 قورقوتدى . رضوان صالح ايچون كىندىسنە اوتوز بىك آلتون
 سكه ايله باركىر وىردى . صور شىرى ىدى بىك آلتون سكه ؛
 منقەدىلر Moncadites ك حكمران اولدقلىرى شىزر Schizour
 شەھرى دىت بىك ؛ على اسمندە بر كوردك تحت حكمنده
 بولونان هما شەھرى ايكى بىك آلتون سكه تقدىم ايتدىلر . فقط
 آنطا كىه پرنسى تانقرەد ايله عقد ايدىلان بو صالح قدس قرالى
 بودوانك ياپەبىلەجكى تجاوزاتدن صور شەھرىنى مصون بولوندىر-
 مايوردى . صورلىلر خرسەتيان صاحبلرىنە بجرأ و برأ پك
 چوق خىرروىرىيورلردى . ايشته بوندن دولانى قدس حكمدارى
 صورى ضبط ايتك فكىرىنە دوشدى . شەھر اھالىسى اونك
 بونىتىدىن خېردار اولور اولماز طغتكىندن امداد اىستەدىلر ا .

ابوالفدا
 سىيوسى
 ابوالمحاسن
 آلبرتوس
 ابن شحنه

فواف دوشارتر

[۱] آلبەردە بوك ژدەز Gerez دىيور .

[۲] ۵۰۴ تاريخ هجرىسنده .

[۳] ابوالفدا زردنا Zaredna نامنده دىكر بر شەرك دها

ضبط ايدىلدىكىندن تحت ايدىيور .

[۴] ۵۰۵ تاريخ هجرىسنده .

قیمتدار شیلرینی شامه کوندرمک مساعده سنی ده رجا ایتدیله .
 آبرئوس ابوالحسن طغتكین ایله بونی قرارلاشدیردقدن صوکره ، رنفروا
 Rinfroy نامنده بر فرانقه ، شامه سوق ایتدکلری اشیلرینک
 سربستهجه موری نی تأمین ایتمه سی ایچون ایکی بیک بزانتکیلیم
 ایتدیله . رنفروا پاره لری آلدی . فقط مسلمانلره قارشى وقوع
 بولان تعهدك هیچ حکمی اولامایه جنی مطالعه سیله بونلرک
 حرکتندن قرال بودوانی خبردار ایتدی . اشیلرک هانکی
 کون نره دن کچه جکنی تمامیه اوکا بیلدی . قدس
 قرالی ایکی یوز کیشی یی پوصویه یاتیدی . صورلیلرک
 بوتون اشیلری ضبط ایدیلدی . بو ضیاعدن خبردار اولان
 طغتكین صوز شهرینک تهدکيه معروض قالماسندن قورقه رق
 درحال بش یوز عسکر کوندردی . بودوان بو شهری
 محاصره یه کیتمکده کچیکمه دی [۱] . بوتون جوارلری تخریب
 ایتدکن صوکره برقاق کون قلعه یه هجوم ایتدی . طغتكین
 یکیدن عسکر کوندردیسه ده بونلر قلعه یه کیرمکه موفق اولما
 دیله . فقط خلقتک شدتلی مدافعه سی بودوانی هجوملردن وازکچیدی .
 حیس Hanasch تعبیر ایدیلن دیگر بر بویوک قلعه یه هجوم
 ایله بونی ضبط ایتدی . صوکره تکرار صورپیشگاهنه کلدی .
 قلعه لر یایدیدی ، محاصره یه باشلادی . طغتكین کندیسنی
 ازعاجدن خالی قالمادی . آقینلردن تحفظ ایچون بویوک بره ندک

[۱] بودوان بورایه ۵۰۵ سنه سی جاذی الاولنک ۲۵ نده یتمشدره .

قازمغه اونی مجبور ایتدی. فقط فرانقلری بحرأ صیدا طرفندن
 دائمی صورتده آلدقلری امداددن دولای محاصره بی رفعه اجبار
 ایتک قابل اولمادیغی ایچون طغتكین کملرینی تسلیح ایتدی .
 صیدا جوارنده دولاشدیردی . برفرانق مفرزه سنی باصه رق
 پریشان ایتدی ، کملرینی باتیردی . بوموفقیت صورسکنه .
 سنک قوه معنویه سنی جانلاندیردی . فرانقلر یکیدن ایکی قلعه
 یایدیردی . بونلرک اک بویوکی یکرمی بش مترو دیکرلری
 یکرمی مترو ارتفاعده ایدیلر . فقط بوتون بوغیرتلر بیهوده
 اولدی . فرانقلر کملرینی و بوتون ارزاقلرینی یاقدقن صوکره
 چکیلمک مجبور قالدی . خلاط ملکی سکمان القطبی بوتاریخلرده
 وفات ایتمشدر [۱] . یرینه اوغلی ظهیرالدین ابراهیم کچدی .
 کوچوک ارمنستان یعنی سیس الکاسی قرالی واسیلده اولدی .
 آنطاکیه پرنسی تانقرده بوالکای ضبط ایچون یوله چیقدی .
 یولده کندیسنی اولوم یاقه لادی . سیسه سرجال Sirjal صاحب
 اولدی . مورخلر قراجه نامنده کی حمض امیرینکده بوتاریخلده
 وفاتندن بحث ایدیورلر . بونک یرینه اوغلی خیرخان khir کچمشدر .
 بوصیراده [۲] بربرلریله باریشمش اولان طغتكین ایله
 امیرمودود فرانقلره قارشى حرب ایتک اوزره عسکرلرینی
 برلشدیردی . اوتوز بیک کشیک براردولری واردی . بونکله

سنه
 ۱۱۱۲
 ابولفدا

۱۱۱۳
 ابوالفدا
 ابن الاثیر

[۱] ۵۰۶ تاریخ هجریسنده .

[۲] ۵۰۷ « «

کیلیوم دوتیر
آلبرتوس
ابن شحنه

طبریہ یه یاقلاشمغه قرار ویردیله . مقصدلری قدسی بیله ضبط
ایتمکدی . ارمنستان قرالی بونلرک موصلتندن بودوانی خبردار
ایتدی . بوحکمدار آنطاکیه پرنسی روژه ایله طرابلس قونتندن
امداد ایسته دی . نهرالشریعه ساحلنده قرارگاه قورمش اولان
تورکار تابور Thabor ی ضبط ایتدیله . طبریہ یی اوچ آی
محاصره آلتنده بولوندیله . بوتون جوارلری تخریب
ایله دیله . بومحاربه اثناسنده درکه بودوان پاسقالیه یورطیلرینی
قدسده کچوروبده صورجوارلرندن عودت مجبوریتنده بولونان
بیك بش یوز حاجیه اوچ یوز عسکر ایله بالذات رفاقت
ایتمشدر . بودوان برپوصی قوردی . حاجیلره هجوم ایتمک
اوزره صورت چیقمش اولان بش یوز عسکره بوراده صالدیله .
بونلری چکیلمکه مجبور ایتدی . جوارده بولونان تورکاردن
دولایی ایرتهسی کون عکایه کلدی . اوراده یدی یوز
سواری ایله درت بیك پیاده طوپلادی . یاننده ادهس وتل
باشر قوتی ژوسلن اولدیغی حالده ، یدی یوز پیاده و بش
یوز پیاده ایله امداده کلکده اولان آنطاکیه پرنسی روژه یی
بکله مکسزین عکادن چیقدی ، نهرالشریعه نك اوته طرفنده ،
تورکلرک بولوندیغی یره جوار بر نقطه ده قرارگاه قوردی .
تورکلر درحال ایکی بیك کشیلک برمفرزه آیردیله . بونلرک
بیك بش یوزینی پوصویه یاتیردیله . دیگر بش یوزی فرانقلری
بورایه جلب ایتمک املیه اولنره یاقلاشدیلر . تابوره قدر بونلری

تعقيب ايتمك احتياطسىزلىغى كوسترن قرال پوصويه دوشدى .
 هرطرفدن احاطه ايدىلدى . بر چوق ضايعات وىردككن ،
 بايراغنى براقىدقن صوكره قاقچغه مجبور اولدى [۱] .

بو هزىمتك ايرتهسى كونى آنطاكيه پرنسى روژه ايله
 طرابلس قوتى عسكەرلر بىله كلدىلر . بو قوه امداديه و دها
 سار بعض قوتلر اون آلتى بىك كشيلاك براردو تشكىل ايتدى .
 قس قرالى بو اردو ايله داغك تپه سنده اخذ موقع ايتدى .
 مسلمانلر وادیده ايدىلر . يكرمى آلتى كون طرفين بو وضعيته
 قالدى . توركلر مفرزدر كوندرهرك بوتون جوارلرى تخریب
 ايتدىلر . فرانكلره تابع اولان سوريه لىلر بيله عصيان ايدىرك
 قدسى محاصره ايتمك تهديدىنى كوستردىلر . صوك بهار ابتدالرى
 ايدى . حاجىلرك قسم اعظمى بو موسمه كلرلردى . توركلر
 بولوندىقلرى وادیده پك شدتله حس ايتمكده اولدىقلرى حرارتدن
 بوكالمش اولدىقلرى كى يكي حاجىلرك بر قوه امداديه گتىرمه لرندن
 قورقه رق شام قربنده مرج الصفر Saphar د چكىلمك طريقتى
 اختيار ايتدىلر . اورادن آناطولى يه كچدىلر . روملرله محاربه
 ايدن قونيه سلطاننه معاونت ايتمك ايسته يورلردى . مودود
 آناطولىدن عودت ايتدككن صوكره شامه كيتدى . بواميرك
 شان و شهرتى قيصقانان طغتكين . اونى اولدىرتمكه كيزليجه

[۱] بن الاثيره كوره بو محاربه ۵۰۷ سنه سى محرمك اوچنده ،
 ابوالفدايه كوره ۱۳ نده وقوعه كلشدر .

تشیث ایتدی . برابر جامعه بولونقلری برجه کونی نمازدن
 صوکره گزیندکلری صیراده برباطنی مودوده بر خنچر
 ضربسی ایندیردی . قاتل درحال اتلاف اولوندی .
 امیر، طغتكينك سراينه نقل ایدیلدی . بر رمضان کونی ایدی .
 مودود یارده لی اولمقله برابر آغزینه برشی قویمقدن امتناع ایتدی .
 او کون وفات ایلهدی . سوریه ده کی باطنیلرک بو امیردن پک
 قورقدقلری جهته قتل ایتدکلری سویله نیور . مورخلرک
 قسم اعظمی بونک قتلنی طغتكينه عطف ایتدیلر . طغتكين
 کوز یاشلری دو گدیسه ده تورکار اونک معصومیتته اینامادیلر .
 مودود شامده دقاقک تره سینه دفن ، صوکره اورادن
 بغدادده مشهور ابو حنیفه نك تره سینه ، اورادن ده اصفهانه
 نقل اولوندی .

ابوالمحسن
 ابوالفدا
 ابن شحنة

بحی چوق کچن مشهور حلب مالکی رضوان ده عینی
 تاریخده وفات ایتدی [۱] . خستی و ارتکاب ایتدیکی
 مظالم حسبیله بوتون مسلمانلرک منفوری ایدی . تخته جیقدیغی
 ائنده قاردشلری ابوطالب ایله بهرامی و پدرینک اسکی
 خدمتجیلرینک بر چوغینی اولدیرتمشدی . هر وقت باطنیلر
 طرفنی التزام ایتمشدی . کندیسنه فنا بر مسلمان نظریله باقیلیوردی .
 چوق کره فرانقلر حلب قاپیرینه قدر کلدکلری حالده اونلره
 هجوم جسارتی کوسترمه مشدی . ایلاک دفعه اوله رق حلبده

[۱] ۵۰۸ سنه سی جاذی الاخرینک ۱۴ نده .

بر محكمه تأسيس ايتدى. بومحكمه رضوانك امرى اوزرينه
تبعه سنه دورلو تعدياتده بولونيوردى . وفاتندن صوكره تخنه
آلپ آرسلان الاخرسى [۱] چيقدى. اون آلتى ياشنده ايدى.
اسكى آنطاكيه اميرى ياغى سيانك قيزينك اوغلى ايدى .
لؤلؤ نامنده بر كوله اداره دولته مأمور اولدى . حلبده
بولونان بوتون باطنيلر قتل ايديلهرك ماللىرى مصادره اولوندى.
بو كنج حكمدار اوزون مدت حكممران اولمادى . ايرتهسى
سنه قوماندانلىرى كينديسنى اولديرديلر . لؤلؤ اونك يرينه
رضوانك ديكر اوغلى سلطان شاهى تحته چيقاردى .

سنه

۱۱۱۵

مودودك خبر قتلى اصفهانه واصل اولونجه سلطان محمد
موصل شهرينى اقسنقرالبرسقى [۲] يه ويردى . وعينى زمانده
بوتون سوريه حكمدارلرينه اردوئرينى بوقوماندانك اردوسنه
الحاق ايله فرانقلره قارشى حرب ايمهلىرى ايچون امر كوندردى.
تشرين اول وتشرين ثانى آيلرنده وقوعه كلن برچوق حركت
ارضلرده فرانقاراك الكاسى خراب اولمشدى. بوتزلزلات ارضيه
كيليكياده، ايساورى Isaurie قطعه سنده سهله سيرييه Celsyrie ده
يك چوق تخريبات ياممشدى . اك چوق مرعش شهرى خساره

ابوالمحاسن

۱۱ | لقبى تاج الدوله ايدى .

۱۲ | كيلبوم دوتير بوكا بورسقين ؛ سالتوت بورژ ؛ آلبرده

بورغولدوس دييور. ديكر بر محرر بورسو نامنى ويرييور. عمادالدين
زنكينك پدرى آقسنقر ايله بونى قاريشدير ماماليدر.

او غرامشیدی . واروشلرندن هان هیچ اثر قالمامشیدی .
 سورلری ، قلعهلری ، اک بویوک مبانسی ییقلامشیدی . حرکت
 ارض شرقده دها ایلرلره قدر تاثیرینی کوسترمشیدی [۱] .
 اک بویوک شهرلر آرتق برطاش ییغینندن باشقه برشی دکادیلر .
 بوتون اهالی قیرلره داغلامشیدی و یک چوغی انقاز آلتنده
 ازیلمشیدی . بوامیرک ورودی سوریهده کی تورکلری ده فرانقلر
 قدر قورقوتدی . برسقی ابتدا ماردین امیری ایلغازی ایله
 مصادمهیه مجبور اولدی . فقط غلبه ایلغازیده قالدی . سلطان
 محموددن قورقان ایلغازی اوکا قارشى اوزون مدت دایانه مایه جغنی
 بیلدیکی ایچون شام حکمداری طغتكین ایله اتفاق ایتدی .
 ایکسی ده فرانقلره مراجعت ایله صلح و امداد ایسته دیلر .
 طغتكین ، مودودک قتلندن دولای اتهم ایدیلکده اولدیغی
 جهتله فرانقلره برلشمکه یک میال ایدی . برسقی بوجنایتدن
 دولای اونى تأدیه کلیور کبی کورونمکده ایدی . طغتكین
 قدس قرالی بودوان و آنطاکیه پرنسی ایله صلح عقدایتدی .
 طغتكین ایله ایلغازینک بو مخالفتلری سلطانی او قدر
 قیزدیردی که ایرتهسی سنه ۱۲۱ برسقی بی مشهور عمادالدین
 زنکی ایله برلکده قرق بیک کشیک بر اردو باشنده تکرار

[۱] بالخاصه سن لوران وسنت آندره یورطیلرنده یک شدتله

حسن اولونمشد .

[۲] ۵۰۹ تاریخ هجریسنده .

ابوالفدا
 ابن الاثیر
 کیلیوم دوتیر
 سانت
 فواق دوشارتیر

سنه
 ۱۱۱۵

کوندردی . بو قوماندان رقه موقعنده فرات نه‌رینی کچدی ،
 آنطا کیه اراضیسنه کیردی . رهایی محاصره‌یه آلدی . بوراده
 برچوق فرانق وارمنی اولدیردی . صمصات [سمیسات]
 وسروج ۱۱ شهرلرینک ودها فرانقلره عائد اولان برچوق
 شهرلرک تکمیل جوارلرینی تخریب ایتدی . بو الکاده والی
 بولونان کیلیوم دو پرسی اسیر آلدی . حلب ، قاپیلرینی
 آچقدن امتناع کوستردی . فقط طغتکینه عائد بولونان حما
 شهری محاصره ایدیلهرک هجوم ایله آلدی ، اوچ کون یغمایه
 معروض براقلدی . سلطان حمای حمص امیری خیر خانه
 ویردی . قدسی قرالی بودوان بیك بش یوز سوارى و بیك
 پیاده ایله ؛ پرنس دوتریپولی ایکی یوز سوارى وایکی بیك
 پیاده ایله ؛ شام حکمداری طغتکین اردوسیله علی‌العجله
 کله‌رک کفرطاب [۲] Kafertab دن اوچ فرسخ مسافه‌ده
 اردوکاه قوردیلر . آنطاکیه پرنسی روژه ایله ادهس قوتی
 بودوان‌ده بوراده اونلره التحاق ایتدی . سکیز کون بو
 نقطه‌ده قالدیلر . بو غلبه‌لق اردو قارشیسنده حربه کیریشمه‌که
 جسارت ایدمه‌ین تورکلر قیشلامق بهانه‌سیله حمایه چکیلدیلر .
 بر مدت حما جوارنده دوردیلر . بونلری مملکتلرینه دوندی
 ظن ایتمش اولان قدس رالی بودوان قدس یولنی طوتمشدی .

[۱] بزم مورخلرمز بوکا روژیا Rugia دیورلر .

[۲] بزم مورخلرمز قافاردا Cafarda دیورلر .

آنطاکیه پرنسی روژه ادهس قوتی بودوان ایله یالکز
 قالمشردی . تورکلر درحال حمادن چیقیدیلر . کیدوب
 فرانقلره تابع بولونان کفرطابی آلدیلر . اوزادن معریه ،
 صوکره حلب اوزرینه یورودیلر . آنطاکیه وادهس حکمدارلری
 علی العجله اردولرینی طویلادیلر . مقدارلری فرانقلر
 وارمنیلرله برلکده اون بش بیکه بالغ اولیوردی . اوچ قوله
 آیریش اولان تورکلرک اوزرینه هجوم ایتدیلر . تورکلر
 فارفار نهری بوینده قیساریه یاخودشیزر [۱] ایله ستراتون
 Straton ، افامیه phamia یاخود آیامه آراسنده ایدیلر .
 تورکلر کایتلی ضایعات ایله پوسکورتولدیلر . ایملک قولی فرانقلر
 محو ایتدی . ایکنجی قول نهردده بوغولدی . حمایه چکیلمش
 اولان اوچنچی قوله ایسه طغتکین هجوم ایددرک اوچ بیک
 کشی اولدیردی ، بیک اسیر آلدی .

طغتکینک فرانقلرله یاپدیغی صالح آجق برمتارکدن
 عبارتدی . اغلب احتماله کوره غایه سی برسقی نی پوسکورتتمکدن
 عبارتدی . فی الحقیقه فرانقلر همان درحال کیدوب طغتکینه
 عائد بولونان رفنیه Raphnia شهری ضبط ایتدیلر .
 فقط طغتکین همان شهری استرداد ایتدی . ایچنده بولدیغی
 بوتون فرانقلری قیایجدن کچیردی . طغتکین اوزمان سوریه ده

[۱] شانسلیه غوتیه بورایه سیزهرا Sizera ؛ باشقهلری ایسه

بولونان حکمدارلرک اک قوتلیسی ایدی . شام ملکی دقاقک وفاتندن سوکره حکومتہ او قدر صاحب اولمشدی کہ دقاقک اولادلرندہ آرتق هیچ بر حکم ونفوذ قالمادی . طغتکین ملک اولمشدی . حلب حکومتی ده هان هان عینی عاقبتہ اوغرامشدی [۱] . بورایہ لوء لوء اسمندہ بر مملوک تصرف ایدیوردی . فقط دائماً تختدہ رضوان عائله سندن بر حکمدار بولونیوردی . اوزمان حکمدار سلطان شاه ایدی . فقط حکمدارلق نامنه مالک اولدیغی شی ساده جه بر عنواندن عبارتدی . لوء لوء ، سالم اسمندہ عقیل قبیله سندن بر عربک تحت حکمندہ بولونان جعبر قلعه سنه کیتدیکی صیراده یولده کندی خدمتکارلری طرفندن قتل ایدیلدی . بوزلر لوء لوءک بوتون اشیاسنی یغما ایتدکدن سوکره حلبه دوندیله . سلطان شاه فرصتدن استفاده ایله حریتنی استرداد ایدهمدی . اهالی کندیسنه آتاک یاخود والی اولق اوزره یارققاش [۲] Yarcatasch ی انتخاب ایتدیله . بر آی احوال بو مرکزده قالدی . اقسنقرالبرسقی حلبی ضبط ایچون بو تذبذباتدن استفاده ایتک ایستهدی . کلوب شهری محاصره آلتنه آلدی ایسه ده موصله چکیلمکه مجبور اولدی . سوکره یارققاش عزل ایدیله رک یرینه ابوالمعالی

سنه

۱۱۱۷

۱ ابن شجنه

ابوالمحاسن

[۱] ۵۱۱ تاریخ هجریسنده .

[۲] شمس الخواص Khouas لقبیله یاد اولونور . ابوالمحاسن

بوکا بر قیاش دییور .

کټیریلدی . چوق کچمه دن بوده عینی عاقبتہ اوغرا دی .
 بونک اوزرینه ، حلب سکنه سی فرانقلرک کلوب شهری ضبط
 ایتمه لرندن قورقه رق ارتقک اوغلی ایلغازی یه عرض تبعیت
 ایتدیلر . انقراض بولان حلب حکومتی ارتقیلره تابع برولایت
 حاله دوشدی .

سنه

۱۱۱۸
 کیلیوم دوتیر

دیگر طرفدن فرانقلر یکی بر محاربه تهدیدی آلتنده
 قالمشاردی . مصر خلیفه سی هر طرفدن عسکر طویلا دقندن
 صوکره کلوب عسقلان قلعه سی اوکنده اردو قوردی . اونک
 حرکتندن خبردار اولان طغتنکین نهر الشریعه یی کچدی .
 مصر لیلره التحاق ایتدی . فقط کرک بو عسکر لر کرک فرانقلرک
 اردوسی مصادمه یه کیریشمکدن قورقدقلری جهتله طرفیندن ده
 هیچ برشی یاپلمه دن بربرلرندن آیریلدیلر . تل باشر حاکمی
 ژوسلن بنی ربیعه دنیلن بر عرب قبیله سنه قارشیر عینی تاریخده
 آچدیغی بر سفرده [۱] دها بختیار اولامادی . بو عربلرک
 اطرافنی صازمق ایسته دی . فقط رئیس لری عزرا Maza
 کندیسنی مغلوب ایتدی . بر چوق کشی اولدیردی ، بر مقدار
 اسیر آلدی . بر عرب مورخی بودوره یه عائد اولمق اوزره
 غریب بر حکایه نقل ایدیورکه بنجه محقق کورونمه مکله برابر
 شایان حفظدر . اوتاریخده قدس شریف اراضیسندہ بر مغاردده
 [حضرت] ابراهیمک ، اسحقک ، اسماعیلک و یعقوبک نعلشیری

۱۱۱۹

ابوالحسن

کشف ایدیلدیکنی ، آلتون و کوموش لامبالر بولوندیغنی ،
فقط بومغارەنک قاپسی سد ایدیلدیکنی سویلیور .

سنه

۱۱۲۲

فولق دوشارتیر
کیلوم دوتیر

حلبی اله کچیرد کدن صو کره دها زیاده کسب قدرت ایتمش
اولان ارتقی حکمدارلری بوقلعهنی فرانقلره قارشى دها زیاده
امید موفقیتله حربه دوام ایده بیله جک برحاله قویتمشلردی .
قدس قرالی اوزمان سائر خرستیان پرنسلیله اوغراشیور ،
اونلری آنطاکیه اراضیسندن چیقارمغه چالیشیوردی . طغتكین
بواحوالدن استفاده ایدهرک عربلرله اتفاق ایتدی . اونلرله
برلکده طبریة جوارلرینی تخریب ایله دی . قرال ایکنجی بودوان
بوولایتک امدادینه قوشدی . ده قاپول Décapol ولایتی داخلنده
نهرال سریعه ایله غلعد Gulaad داغی قربنده جراسه Gérasa
شهرینی محاصره یه آلدی . طغتكین بوراسنی بر سنه اول تحکیم
ایتدیرمشدی . طغتكین مغلوب اولدی . قلعه ضبط ایدیلدی .
قدس قرالی ، قلعه ده بولونان قرق تورکی سربست براققدن
صو کره تملندن ییقدیردی .

۱۱۲۳

ابوالحسن
کیلوم دوتیر

فرانقلرک اوزمان آوروپادن آلدقلری بویوک برقوه امدادیه
کندیلرینی سوریه ده مهم بر سفره چبقابیله جک برحاله کتیردی .
تورکلرک ومصرلیلرک قدس قرالغی داخلنه آقین یاپمه لری
قولایاغنی ازاله ایچون کیدوب صور شهرینی محاصره ایتک
فکرینه دوشدیلر . اسکیلیکی ، تجارتی ، اهالیسنک کثرتی ،
اراضیسنک مبتلکی ایله مشهور اولان صور شهری اصل فنیکه

قطعه سنك پايختی ایدی. د کیز کنارنده ، بریاریم آطه اوزرنده کائندر. اطرافنده کی ده کیز پک دالغلی اولدینی ایچون یاناشلمه سی مشکدر. پورفیریا porphyria یاخود حیفا ، پتوله مائیس Ptolemaïs یاخود عکا ، پانقاس Pancas یاخود فیلیک قیصریه سی ، ساره پتا Sarepta ، صیدا ، بیلوس ، بورتیوم، طرابلس ، آرته سیه [ارتاح]، آرقاس [عرقه] آرادوس [ارواد] آنتارادوس [انطرسوس] ارکلی [۱] شهرلری بورایه تابع ایدیلر. قط برزماندن بری بواراضیه فرانقلر ، سوریه ساجوقیلری ودها سائر جوار حکمدار هجوم ایتشلردی. وقتیه تمامیه مصر لیلره عائد ایدی. اوتارینجده مصر لیلر صور شهرینه آلان حاکم بولونیورلردی. یالکیز شهرک ثلاثی طغتکینه ترک ایدیلمشدی. بوده شهرک سائر اقسامی ضبط ایتمه سینه مانع اولق فکریله یاپلدیغی قدر فرانقلره قارشى مدافعه ایچون قوه امدادیه ویرمه سی مقصدیله یاپلشدی. فرانقلر شهرى محاصره ایتشلردی. هر طرفدن قلعه یی قوشا تدیلر. شهرک ده کیز جهتندن ایکی قات سورى واردی. بوراده بویوک قله لرده انشا ایدیلمشدی. قره طرفنده ایسه سور اوچ قات ایدی قلعه لر بربرلرینه دوقونوجق درجه ده یقیندیله شمال جهتنده بولونان لیان مدخلی ایکی بویوک قوله طرفندن مدافعه ایدیلیوردی. بوتون بحر سفید حوضه سی ایله اولان

[۱] بوراده بوکا مارد قله Mareclea دیورلر.

مناسبات تجاریه سندن دولاتی ئك چوق تكتك ايتمش سکنه احولیه دن
 ماعدا قیساریه، عکا، صیدا، طرابلس بیبلوس، شام و سائره کی
 ساحلده کائن شهر اهالیسی ده بورایه چکیلمشاردی .
 استحکاماتك متانتندن دولایي اوراده کندیلرینی تحت امنیتده
 کوریه-ورلردی . فرانقلر لیمانك مدخلنی ضبط ایدهرک
 کیلرینی قارهیه چکدکن صوکره جوار بر یرده یرلشدیلر .
 ماکنه لرینی قوردیلر . ارتقیلر طرفندن اسیر بولوندیریلان
 قرالک غیوبتتده قوماندا ایدن بطریق غورمونداک امری آلتنده
 سورلری دوومکه باشلادیلر . صورلیلر فرانقلرک ماکنه لرینه
 مقابل ماکنه لر یاپدیلر . خروج حرکتی اجرا ایتدیلر .
 انشائاتی بوزدیلر . اوزون مدت طرفیندن ده مساوی بر
 موافقتله حرب ایدیلدی . حکومتک بارونلری طرفندن دعوت
 ایدیان طرابلس قوتی پونسک ورودی فتوره دوشمن اولان
 فرانقلری جانلاندیردی . محصورینی مأیوس ایتدی . سوزلری
 و حرکتلری ایله اهالییه مدافعهیه تشویق ایدن یدی یوز
 شام عسکرینک وجودینه رغماً خلقک قوه معنویه سی پک
 کسب ضعف ایدیوردی .

فرانقلر صوگ درجه ده غیرتله محاصرهیه دوام ایتدکلری
 صیراده عسقلان عساکری قدس قرالغنگ قوه مدافعه دن
 تماماً خالی قالدیغنی کوره رک قدسک کائن بولوندیغنی داغله
 دوغرو ایلریله دیلر . شهر جوارینه یایلمش اولان اهالیدن

بعضیاری اولدیردیلر . فقط سورلری مدافعه ایچون بوتون فرانقلر طویلاندقلری جهته طرفیندن ده محاربهیه کیریشمکه جسارت ایدیهمدی . ایکی طرف اوچ ساعت بربرلینه باقیشدقن صوکره عسقلان عسکرلری کری دوندیلر . قدس فرانقلری بونلری تعقیب ایله برقاق عسکر اسیر ایتدیلر . قدس بویه تهلهکویه معروض اولدیخی صیراده صور اهالیسی فرانقلرک تعرضاتی قارشیدسند زبون قالمقدن قورقهرق مصر خلیفهسنی و طغتنکینی وضعیتدن خبردار ایتدیلر . طغتنکین درحال بویوک براردونک باشنه کچهرک بانیاس شهرینه کلدی . اورادن ، عسکر و ارزاق ایستهمک ایچون مصر خلیفهسنه مکتوب مکتوب اوستنه یازدی . بو صیراده فرانق اردوسنده مصر لیمانلرندن مهم بر دونانمانک حرکت ایتدیکنه دائر بر خبر شایع اولدی . فرانقلر بوتون بو قوتلرک عینی زمانده کلوب کندیلرینه هجوم ایتمه لرندن قورقهرق کیدوب طغتنکین ایله حرب ایتمه قرار ویردیلر . طرابلس قوتی ایله قدس قراللیی اکا برندن کیلیومدوبوریس دشمنه قارشى یوروومکه مأمور اولدیلر . بر طاقم سفائن ایله ارض مقدسه کلش اولان ونديک دوری ده مصر دونانماسنه قارشى یوروویه جکدی . عسکرک قسم متباقیسی بر مقدار ونديک عسکرى ایله محاصرهیه دوام ایچون قرارگاهده قالدی . فقط خلیفه امداد کوندرمدیکی جهته طغتنکین

فرانقلرک حرکتی خبر آلیز آماز کیندی ممالکنه چکیلدی .
فرانقلر تکرار محاصرهیه دوندیله ، هجوملری تضعیف
ایتدیله . طرفیندن ده اینانلایه جق درجه ده اثر شجاعت
کوستریلدی . شهر اهالیسندن یعضیلری وطنلرینی قورتارمق
حسنک تاثیریله کیزلیجه قلعه دن چیقارق سورلری دوکن
ما کنه لره آتش ویردیله . سائرلرندن ده جصور اولان کینج
برفرانق دشمنک اوقلرینه ومنجینق مرمیلرینه اهمیت
ویرمه دن ، آتش ایچنده قالمش بو ما کنه لرک اوستنه
آتشی سوندیرمک ایچون چیقادی . بو شدتلی
مدافعهیه رغماً صورلیر نهایت تسلیم اولغی دوشونمکه
مجبور اولدیله . شام حکمداری ایکنجی دفعه اوله رق بانیاس
جوارلرینه کلدی . اورادن صلح عقدی وقلعه نک تسلیمی
مذاکرانه کیریشمک اوزره فرانقلر سفیرلر یوللادی . قلعه دن
مسلمانلرک قادینلری ، چوجوقلری واشیالریله برابکده سربستجه
چیقه مالری قرازلاشدی . فرانقلر شهره کیردیله [۱] . بورایه
متصرف اولدیله . ثلاثی قدس قرالنه ، قسم متباقیسی ده
وندیکلیره ویریلدی .

فرانقلر صور محاصره سیله مشغول اولدقلری صیراده [۲]

کیایوم دونیر

[۱] ۱۱۲۴ تاریخ میلادیسی تموزینک ۱۳ نده و ۵۱۸ تاریخ

هجریسنده .

[۲] ۵۱۷ تاریخ هجریسنده .

طغتكين قوتلرينك بر قسمنى مسلمانلر عليهنده قوللانمشدى. ^{نويرى}
 كيدوب فرانقلره هجوم ايده جك يرده او زمان قراجهنك اوغلى ^{ابن الاثير}
 خيرخانه عائد بولونان حمص الكاسنى تخريبه كىتمشىدى. عيى
 اميرك اوغلى محمود عائد بولونان حمايى ده ضبط ايتدى. افاميه يه
 هجومه كيدر كن محمود الندى يارالانمشدى. آلدينى ياره دن
 حماده وفات اىتمشىدى. كنديسندن نفرت ايدن تبعه سى شام
 ملكنه تابع اولديلر.

۹۱۲۴ صور شهرينك ضبطى بر سقىنى تكرر بوتون شرق
 قوتلرينك باشنده اولدينى حالد فرانقلر الكاسنه كلكه مجبور
 ايتدى [۱]. سلطان، موصل، سنجار، واسط و مزوپوتاميا
 شهرلرني اوكا ويرمىشىدى [۲]. فراقى كچدى. آنطاكيه
 الكاسنه كيردى. عسكردن محروم اولان بو حوالى يى آتش
 وقان ايجنده براقدى. او تارنخده بو الكاده حكمدار يوقدى.
 قدس قرالى ايكنجى بودوان بوراسنى اداره ايدىوردى. اهالى
 دشمنك ورودىنى اوكا بيلديريلر. فقط قرال كلنجه يه قدر برسقى
 ايله طغتكين كفرطاب قلعه سنى عرض تسليميته اجبار ايتمىلردى.
 اورادن كيدوب ساردان قلعه سنى محاصره ايتديلر سده هپ
 بردن ضبطه موفق اولاماديلر. صوكره، آز مستحكم اولان
 اعزاز شهرى محاصره ايدىلدى. فقط بونلر ماكنه لرني قوردقلىرى

[۱] ۵۱۸

[۲] ۵۱۵ واسط شهرى ۵۱۶ تاريخنده.

صیراده قدس قرالی یاننده طرابلس واده سه قونتلی اولدیغی
 حالدده عسکرلریله برلکده یتیشدیله. در حال صف حرب اوزره
 دیزیلدیله. مقدارلری تقریباً بیک یوز سواری ایله ایکی بیک
 پیادهیه بالغ اولیوردی. برستی نك اردوسی اون بش بیک
 کشیدن ترکیب ایدیوردی. عددلرینك آزلغنه رغماً مظفریتی
 فرانقلر قازاندیلر. آنجق یکریمی دوت کشی غائب ایتدیله.
 تورکلردن ایکی بیک کشی اولدی. برستی فرات نه رینی او بر
 طرفه کجیدی، موصله دوندی. بو سفره چیقارکن ضبط ایتمش
 اولدیغی حلب شهرنده اوغلی عزالدین مسعودی براقیدی.

۱۱۲۶

ایکینجی بودوان قدسه عودت ایدنجه شام حکومتنه
 تجاوز ایتکه حاضرلاندی. طغتكین ایله عقد ایتدیکی متارکه
 ختامه ایرمشدی. فقط بو شام سفری ساده جه بر آقیندن
 عبارت قالدی. فرانقلر یالکیز بر چوق غنائم الده ایتدیله.
 مصر لیلرک محاربهیه حاضرلاندقلرینه دائر آلدقلری بر
 خبر فرانقلری کندی مملکتلرینی محافظه چاره لرینی دوشونمک
 اوزره چکیلمکه مجبور ایتدی. صوکره بودوان طغتكینک
 ممالکنه تکرار کلدی. هیچ بر وقت فراتق اردوسی شام
 حکومتنده بوقدر داخله نفوذ ایتمه مشدی. بودوان طبریه
 شهرنده برتون اردوسی تحشیدایتدکن صوکره [۱] ده قاپولدن
 کجیدی، طغتكینک اراضینه کیردی. وادی رعب Roob

کیلوم دونیر
 ابوالفدا

دنیلن بر وادیدن کچد کدن صو کره مدان Medan صحراسنه ابن شحنه
 کلدی . بوراسنی دان Dan نهری اسقا ایدر . صو کره ،
 سالومه Salomé دنیلن بر یردن کچهرک شام جوارنده مرج-
 الصفر [۱] ه واصل اولدی . طغتکین علی العجله تورکمنلری
 و عسکرلرینی طوپلادی . فرانقلره قارشى یورودی . بر آز
 صو کره اونلرله قارشىلاشدی [۲] . ایکی اردو صف حرب
 ترتیب ایتدیلر . مصادمه باشلادی . مظفریت اوزون مدت
 هیچ بر طرفه تجلی اتمدی . بودوان تورکلرک آراسنه
 صوقولدی . طغتکین سوارى قوتيله فرار ایتدی . فرانقلر
 اونی تعقیبه اهمیت ویردکلری صیراده تورکمن پیادهسى فرانقلرک
 قرارگاهنه کیره رک یغما ایتدیلر . عودتلرنده بونی کوروب
 حیرتله دوشن فرانقلر پریشان برحاله چکیلماکه مجبورقالدیلر .
 مع مافیه جوارده بولونان کوچوک بر حصاری ضبط ایتدیلر .
 کیلیوم دوتیر فرانقلرک تام بر مظفریته نائل اولدقلرینی سویله یور .
 ابوالفدا ایسه بالعکس تورکمن پیاده سنک اونلری فراره مجبور
 ایتدیکنی یازیور . بو ایکی مورخ آراسنده کی اختلافی حل
 ایچون المزدده وثائق یوقدر . مع مافیه ، فرانقلر مغلوب

[۱] کیلیوم دوتیر بورایه مرج صفر دییور . عرب مورخلری
 صروج صفر نامنی ویریورلر . یودوان بورایه ۵۲۰ تاریخ
 هجریسنده کلشدر .

[۲] ابوالفدایه کوره ذی الحجه آینک نهایتلرینه دوغرو .

اولسەلر ایدی بو کوچوک حصاره هجومه جسارت ایدە مزلردی
کی کورونیور .

یایوم روتیر
بوانفدا
بوسفر نهایته ایرر ایرمز طرابلس قوتی پونس قدس
قرالی کنديسیله برلکده افامیه الکاسی داخلنده رفنيه Rafania
یاخود رفانه Rafanee شهرینی محاصره دیه کلمکه دعوت ایتدی.
بو قلعه اون سکز کونلک بر محاصره دن صو کره ضبط ایدیلدی.
فرانقلر بورایه صاحب اولور اولماز برستی سهله سیریه قطه سنه
کیردرک تمامیه تخریب ایتدی. فقط اثارب Athareb محاصره سیله
مشغول اولدیغی صیراده ، قدس قرالی همان قوشوب اورایه
یتیشجه چکیلدی، مملکتنه دوندی. بر مدت صو کره اوراده، جامعده
نماز قیلدیغی صیراده باطنیلر طرفندن قتل اولوندی ۱۱۱. اوغلی مسعود
در حال حای ترک ایله کیدوب موصله وضع ید ایتدی . فقط بو
شهری اوزون مدت محافظه ایدەمدی . محاصره سیله مشغول
اولدیغی رها شهری او کندە خسته لاندی . شهرک ضبطی کونی
وفات ایتدی. برستی نک کوله سی جاولی موصل تخته مسعودک
هنوز چوجوق بولونان بر قاردشینی چیقاردی . سلطان
محمود دن توجیه فرمانی ایسته تدی. سلطان محمود بوکا موافقت
ایتمه یدرک بو شهری عمادالدین زنکی یه ویددی .

۱۱۲۷

فرانقلر ایچون مدەش بر دشمن اولان طغتكین عینی

۱۱۲۸

ابوالفدا
ابوالمحسن
ابن شحنة

تاریخده شامده وفات ایتدی [۱]. بویوک اوغلی تاجالملوک
بوری ۱۲۱ اوکا خلف اولدی. برسنه اول [۳] خلاطملکی
ظهیرالدین ابراهیم اولمش، یرینه برادری احمد کچمشدی.
فقط بو حکمدار اون آی صوکرده وفات ایتدیکی جهتله ابراهیمک
اینانج خاتون Anianedge نامنده کی زوجہ سی هنوز آلتی
یاشنده بولونان اوغلی سکمان نامنه نائبه حکومت صفتیله
اداره امور ایتکه باشلادی.

۱۱۲۹
کیلیوم دوتیر
ابوالفدا

شامی ضبط ایتک املنده اصرار ایدن فرانقلر تامیل
شوالیهلری رئیس هوغ دوپاغانیسی امداد طویلامق اوزره
غربه کوندرمشلردی. بکله دکلری عسکر ورود ایدنجه کیدوب
محاصره ایده جکلردی. هوغ برچوق خرسیان اکابری ایله
عودت ایتدی. قرال بودوان، فولق قونت دانثرو،
طرابلس قوتی پونس، آنطاکیه پرنسی کنج بونه موند،
ادهس قوتی اختیار ژوسلن بر مجلس مشورت عقد ایتدیلر.
صوکره شام حکومتنه متوجهاً یوله چیقیدیلر. مرج الصفر
دنیلن صحراده اردو قوردیلر [۴]. شامده بویوک بر حکم

[۱] ۵۲۲ سنه سی صفرنده.

[۲] کیلیوم دوتیر اسمک ایلک قسمنی تجمالملوک دییه یازدقن
صوکره ایکنجی قسمنه بزوح دییور. سانوت بنزور دییه قیدایدیور.
بوکا باقرق ظن ایدیورم «بوری» یرینه «بوزی» دیمک
دها دوغرو اولاجقدر.

[۳] ۵۲۱ تاریخ هجریسنده.

[۴] ۵۲۳ » »

ونفوذہ مالک اولان ابوالوفا Abouloufa نامندہ بر باطنی
ایله اولدن کیزلی مناسباته کیرمشلردی . ایجه وقتدن بری
باطنیلرک شامده اقامتترینه مسامحه ایدیایوردی . اوزمان بهرام
نامندہ بر رئیسـلری واردی که بغدادده اولدیریلن ابراهیم
الاسـد ابادی el Asabadi نک یکفی ایدی . بهرام شامه
کلرک یکی مذهبی نشر ایدیور، بر چوق طرفدار طویلایوردی .
بونی حمایه ایدن وزیر اعظم طاهر المزدغانی el mazdгани
اوکا بانیاس یاخود فیلیپک قیصریه سی حصارینی ویرمشدی .
بوتار یخدن صو کره باطنیلر سوریه ده پک قوت کسب ایتمشلردی .
بانیاس جوارنده متعدد حصارلری اله کچیرمشلردی . بهرام
وادی التیم اهلایسی ایله وقوعه کان بر مصادره ده مغلوب ومقتول
اولدی . بانیاسده یرینه اسماعیل نامندہ بری کچدی . وزیر اعظم
طاهر المزدغانی بن امک شامده مالک اولدیغی محله نی ابوالوفا
نامندہ دیگر بر باطنییه ویردی . ایشته فرانقلری شام شهرینی
محاصره ده تشویق ودعوت ایدن بودر . صور شهری کندیسنه
ترک ایدیلک شرطیله شام قلعه سنی فرانقلره تسلیم ایتکی تعهد
ایتشدی . فرانقلر بر جمعه کونی شام پیشگاهنه کیده جمکلردی .
مسلمانلر بوصیراده جامعده بولونه جمکلردی . فقط بوتریبات
خبر آلدیغی جهتله بوری وزیر اعظمی اولدیرتدی . شامده کی
بوتون باطنیلری قتل ایتدیردی . تقریباً آتی بیک باطنی
اتلاف ایدیلشدر . ابوالوفانک وعدی اوزرینه ، قرارلاشان

زمانده شامه قدر صوقولش اولان فرانقلر باطنيلرك محو ايديلديكني كورمكدن حيرتله دوشديلر . صوغوغك شدي، عسكره ييه جك صاتان كيمسه لرك احتياطسزجه اطرافه داغيلمه لري فرانقلر اردوسني محوه كافي كلدي . بوري شامدن چيقه رق بونلري تعقيب ايتدي . فرانقلر قاچه بيلمكي بويوك بر سعادت عدايتديلر . بانياس باطنيلري [۱] قلعه لريني فرانقلره ويردرك اونلرله برابر قاچديلر . فرانقلر قدموس Cadmous قلعه سني ده اله كچرديلر .

سنه
۱۱۳۰

ابوالفدا

اوتارنخده سوريه ده اولدجه قوتلي بر عرب قبيله سي واردی که دبیس نامنده براميرك تحت اداره سنده ایدی . صرخد Sarkhad امیری وفات ایدنجه بونك مستفرشه لرندن بری، كلوب شهرى ضبط ایتسی ایچون دبیسى دعوت ایتدی . فقط دبیس شام جوارلرندن كچر كن باشقه بر قبیله یه منسوب عربلر کندیسنى طوته رق بوری یه کوتوردیلر [۲] . اوده دبیسى حبس ایتدیردی . عمادالدین زنكى بوری یه اسیر اوله رق طوتدیغی اوغلی سونج Sounedge ایله حما امیرلرینه مقابل دبیسى کندیسنه ویرمه سنى تکلیف ایله دی . بومبادله وقوعه کلدی . بر آز صوكره باطنيلر طرفندن ایکی خنجر ضربه سنه معروض قالمش [۳]

۱۱۲۳

[۱] کیلیوم دوتیر بونلرك رئیس لرینه امیر علی؛ ابوالفدا ایسه اسماعیل دیور .

[۲] ۵۲۵ سنه سی شعباننده .

[۳] ۵۲۵ تاریخ عجر یسنده .

اولان بوری ضعفدن وفات ایتدی ۱۱۱. درت سنه بش آی
و برقاچ کون حکومت سورمشدی. اوغلی شمس الملوك لقبيله
یادایدیلن اسماعیل شامده اونك یرینه کچدی. بوری بعلبک
شهريله توابعنی دیگر اوغلی محمد [۲] براقدی. محمد راس
Ras ولبوه Leboua قلعه لرینی ضبط ایتدی. بوده ایکی
قاردش آراسنده برحربه سبیت ویردی. اسماعیل بوقلعه لری
استرداد ایتدکن صوکره کلوب بعلبکی محاصره ایتدی. فقط
محمدك ندامتدن متأثر اوله رق بوشهری مذحقاتيله برابر قاردشنه
براقدی و شامه دوندی.

یکی شام حکمداری [۳] کیدوب بانیاس قلعه سنی محاصره
ایتدی ۱۴۱. فولق یافه یا خود ژوپه Joppé پیشگاهنده مشغول
ایدی. بانیاس شهری ده ایچنده برخیلی فرانق ایله برابر ضبط
اولوندی. فقط همان عقبنده شام ملکی برمتارکه عقدینی
تکلیف ایدرک بوتون اسرانی اعاده ایتدی. بو طرفده عقد
ایتدیکی صلح دیگر جهتلرده فرانقلرله حرب ایتمه سنه مانع
اولمایوردی. طرابلس قوتی پونسک اراضیسنه کیردی.
حاجیار داغی دنیلن قلعه اوکنده اونکله حربه کیریشدی.

سنه

۱۱۳۳

ابوالمحسن

ابوالفدا

کیلیوم دوتیر

[۱] ۵۲۶ سنه سی رجبک ۲۱ نده.

[۲] شمس الدوله لقبی حائر در.

[۳] کیلیوم دوتیر بوکاینه بزور دیورسه ده یا کلشدر. بو حکمدار

وفات ایتشدی.

[۴] ۵۲۷ تاریخ عجر ایتدنه.

پوئسی اسیر آلدی وأولدیردی . قرال فولق مون فرران
 Mon - ferrand قلعه سنه قاپانمشدی . عمادالدین زنکی اونی
 بوراده محصور بولوندییریوردی . بوتون فرانق عساکری
 قرالارینی قورتارمغه قوشدقلری صیراده اسماعیل کیدوب
 نابلس شهرینی یغما ایتدی . صوکره ، بر مدت اول عمادالدین
 زنکینک غفلة کندیسنندن آلمش اولدیغی حما شهرینه
 سلاحرینی چویردی [۱] . شهری وقلعه یی هجوم ایله ضبط
 ایتدی [۲] . اورادن ، منقد عائله سنه عائد بولونان شیزوری
 یغمایه کیتدی . نهایت شامه دوندی [۳] . عینی تاریخده ،
 اسماعیلیه نامیده ویریلن باطنیلر ابن عمروندن Ben amroun
 قدموس قلعه سنی صاتون آلدیلر . بوراسی اونلرک سوریه ده اک
 مستحکم موقعلرندن بری اولمشدر .

ابوالفدا
 ابوالحسن

معیتمده کی مستخدمین اسماعیلدن او قدر نفرت ایدیور -
 لردی که بر قاجی حیاته سوء قصد ایتدیلر ، قیلیج ایله
 اوردیلر . فقط اسماعیل یارالانمادی . قاتلر توقیف واستجواب
 اولوندیلر . بونلر جوابلرنده مسلمانلری کندیسنک ظلم
 واعتسافندن قورتارمق فکریله حرکت ایتمش اولدقلرینی
 سویله دیلر . اسماعیلک برادری سونج ده بونلرک آراسنده

[۱] ۵۲۷ سنه سی رمضانی نهایتنده .

[۲] شوال آینده .

[۳] ذی القعدة آینده .

حياتی غائب ایتدی . بو حرکت اسماعیلی تبعه‌سی نظرنده
برقات دها منفور بر حاله کتیردی . اسماعیل صوکره
اردوسنی ، وادی التیم رؤساسندن بری اولان ضحاک
Dhohak . عائد شقیف Schokaif قلعه‌سنه سوق
ایتدی [۱] . بو موقعی آلدی . فقط فرانقلر بوندن هیچ
ممنون اولمادقلری ایچون قوتلرینی طویلادیلر ، حوران
Houran دوغرو کلدیلر . اسماعیلده طبریہ الکاسنه
تجاوزده بولوندی . فقط طرفین بر متارکه عقد ایدهرک
آریلدیلر . اسماعیل شامه عودت ایتدی . اوراده کندی
خدمتجیلری طرفندن والده‌سنک موافقتیه قتل اولوندی [۲] .
وفاتی اوزرینه بوتون تبعه‌سی شنلکلر یاپدیلر . برادری
شهاب‌الدین محمود یرینه کچدی . الدین‌الانز یاخود انز [۳]
نائب حکومت اولدی .

۱۱۳۵

سوریہ آتابکلری سلاله‌سنک مؤسسسی اولان عمادالدین
زنکی بو تحولاتدن خبردار اولونجه شام حکومتی ضبط ایتک
فکريله حدودی کچدی . انز بو خبری قدس قرالی فولوقه
بیلدیره‌رک اوندن قوت ایسته‌دی . هر آی یکر می بیگ آلتون

ابوالفدا
کیلیوم دوتیر

[۱] ۵۲۸ سنه‌سی محرمنده .

[۲] ۵۲۹ سنه‌سی ربیع‌الآخرینک ۱۴ نده . ۵۰۶ سنه‌سی

جاذی‌الاولانک ۷ سنده دوغمشدی .

[۳] کیلیوم دوتیر بوکا آینارد Ainard نامنی ویریور .

لقبی محی‌الدین Mehenedin اولدیغنی سویلیور .

سکه تأدیہ ایتک تکلیفنده بولوندی . عمادالدین زنکی طرد
ایدیلدکن صوکرده برمدت اول فرانقلردن آلمش اولان
بانیاس قلعه سنی کندیلرینه اعاده ایده جگنی و عدایله دی .
قدس قرالغی اکابرینک کافه سی بوشرائطی قبول ایتدکاری
جهتله طبریہ اراضیسندہ اردولرینی تحشید ایتدیلر . عمادالدین
زنکی اوزمان رأس العینده [۱] اردو قورمشدی . فرانقلرک
ورودندن شبهه نیور ، اونلرک ایشنه قاریشمه لری بوتون
تصوراتی برباد ایده جگنی دوش-ونیوردی . فرانقلرله شام
عسا کری نوآره Nuara دنیلن بر نقطه ده یراشدیلر . بوقدر
چوق قوته قارشی بر حربہ کیریشمک ایسته مه ین زنکی بکار Baccar
وادیسنه چکیلدی . صوکره ایکی اردوده عمادالدین زنکی یه
عرض انقیاد ایتمش اولان بانیاس قلعه سنی محاصره یه کیتدیلر .
فرانقلر غرب طرفنده ، شام عسا کری ده شرق طرفنده اردو
قوردیلر . محاصره اثناسنده انطاکیه پرنسی ایله طرابلس
قوتی ده کندیلرینه التحاق ایتدی . پک اوزون مساعیدن ،
غایت شدید وقائی بر محاصره دن صوکره بانیاس ضبط و فرانقلره
ترک اولوندی . ایسته شام تورکلرینک عمادالدین زنکی یه قارشی
بسله دکلری کین ونفرتک نتیجه سی بواولمشدر .

شام حکمداری بوسفری بیتردکن صوکره کیدوب ابوالفدا

[۱] بزم مورخلرمز بوکا راسالین Rasaline دییورلر .

حصص قلعە سەنە وضع ید ایتدی [۱]. بوراسی چوقدن بری
خیرخان عائە سەنە عائە بولونیوردی. اوزمان حصە حکمران
اولان امیر، عمادالدین زنکینک تجاوزاتندن اوصانەرق حصی
محمودە تسلیم ایتدی. مقابلندە تدمر شەریخی ایستەدی. حمادە
وحلبەدە بولونان زنکینک عساکری حصک تسلیم اولدیغنی
خبرالنجە مخلصاتە باشلادیلر. فقط محمود، زنکی یە صالح
تکلیفندە بولوندیغنی جەتلە ایکی حکمدار آراسندە برمعاهدە
نامە امضالاندی. حصص انزە ویریلدی. برآز صوکرە [۲]

۱۱۳۸

محمود یاتاغندە مقتول برحالدە بولوندی. بوجنایتک فاعللری
اولان برقچ خدمتچی یاقەلانەرق اصلدی. دیکرلری قاجدیلر.
انز بەلبکدن، محمودک برادری جمالالدین محمدی کتیرتە رک
اونی شام ملککی اعلان ایتدیردی. بویکی ملک ایکنجی دفعە

اولەرق شامی محاصرە یە کلش اولان [۳] عمادالدین زنکینک
هجوملرینە قارشى پاتختی مدافعە مجبوریتندە بولوندی. بو حکمدارک

۱۱۳۹

ابوالفدا

زمان ادارە سندنە باطیلر سوریه دە اسکینسندن دهازیادە قوت
کسب ایتدیلر. مشهور مصیات Masiat قلعە سنی الکچیردیلر [۴].

۱۱۴۰

بو، طرابلس قریبندە سکین یاخود قوستو Cousteau
داغی اوزرندە کائن ایدی. بو آرادە محمد وفات ایتدی.

۱۱۴۳

[۱] ۵۳۰ سنە سی ربیع الاولندە .

[۲] ۵۳۳ تاریخ هجری سندنە .

[۳] ۵۳۴ » »

[۴] ۵۳۵ » »

انز تختہ محمدك اوغلی مجیرالدین ابقی چیقاردی [۱] . زنکی
 شام محاصرہ سنی رفع ایله عودتہ مجبور اولدی . بو حکمدار
 شام حکومتہ عائد اراضی بی یاواش یاواش الہ کچیریوردی [۲] .
 شام حکمدارینک تبعہ سی اولان تورکلر او زمان فرانقلری
 ازعاج ایدہ بیله جک بر حالده دکلدیلر . مع مافیہ مون روایال
 MonRoyal اراضیسندہ وادی موسا تعبیر اولونان بر حصارہ
 دوغرو آقینلر یاقمقدن کری دورمادیلر . کندیلرینی بوکا
 اہالی دعوت ایتمشدی . فقط فرانقلر همان درحال بونلری
 اورادن چیقاردیلر . ایرتہ سی سنہ عن اصل ارمنی اولوب
 شام ملکینک باشلیجہ قوماندانلرندن بری اولان تانتائیس
 Tantaïs، عائلہ سنک بر قسملہ قدسہ کیتدی . ایلاک عربستانک
 وسلقط Celcath ک پایتختی اولان بصری Bosra شہرینی
 فرانقلرہ تسلیم ایتک تکلیفندہ بولوندی . کندیسینی بو ایکی
 موقعک والیسی ایدی . درحال فرانقلر طبریہ طرفلرینہ
 دوغرو یورودیلر . فقط شام حکومتینک نائی بولونان انز
 ایله بر متارکہ عقد ایتمش اولدقلری جہتلہ اول امرده اوکا
 مدافعہ یہ وقت بولماسی ایچون خبر ویرمہدن اراضیسنہ کیرہ .
 مزلردی . انز بوتون قوتلرینی طوپلاینجہ یہ قدر فرانقلرک
 مرخصلرینی آلیقویدی . صوکرہ حضورینہ کتیرتہ رک قدس

۱۱۴۳
 کیلیوم دوتیر

[۱] کیلیوم دوتیر بوکا میرہدن Meiereden دیور .

[۲] ۵۳۸ تاریخ ہجریسندہ .

قرالنىڭ صداقتىنىڭ كىلىدىن دولايى مۇئاخىزاتىدە بولۇندى .
فقط صاحى آرزو ايتدىكى و آتاكىڭىزنىڭ كىلىدىن مۇئاخىزاتىدە
مىرۇس قالان شام كىلىدىن مۇئاخىزاتىدە بولۇندى .
بولۇندىغى اچى-ون فراتلىرى بولۇن شو حرب حاضرلىرىنىڭ
بدانى تسويه ايتىدىكى تىكلىف ايتىدى . قرال اوچىنى بولۇن
اصلا صاحى اخلاص ايتىدىكى نىتىدە اولمايدىغى ، فراتلىرى
تولۇنلارنىڭ مقصد باشلىغى قوماندانلارنىڭ بىرى تىكلىف
مقصدىدە مېنى اولوب كىلىدىن كىلىدە بولۇن دولايى مىرۇس
رجا ايتىدىكى بىلىدى . انى فراتلىرى سويۇردى .
كىلىدىن دامادى و عمادالدين زىكىنىڭ اوغلى نورالدين
يك قورقۇدىغى جەھەتلى فراتلىرى خوش كىلىدىن ايتىدى .
فراتلىرى مىسوب عوام خلق بويۇك بىر غنىمەت بىلەن
بىر سفرە قرالنىڭ دوام ايتىدە مىسوب مىسوب اوغلىنىڭ
حرەكت ايله قرالنى بىر قدر حقىنىڭ بىر حربە كىرىشىمكە
مىسوب ايتىدى . فراتلىرى اردوسى مىسوب مىسوب بىر مىسوب
ايتىدە . فقط اورادە او قدر چوق مىسوب مىسوب
كوردى كە او قدر استىعجال ايله حرەكت ايتىدىن دولايى
ندامت ايتىدە . كرى دونىڭ مىسوب ايتىدى . توركلەر
طرفە يايلىمىشلىرىدى . فراتلىرى يوللىرىدە دوام ايتىدى
اختيار ايتىدىلر . عقل و خيالە صىغماز زىمىنلارنىڭ
دىمىڭ دائىمى ازىجاتىدە مىرۇس بىر خالە بولۇن تراقونىتىد

Traconitide حوالىسىنى كچىدىلر ؛ قديمًا ادرعات Adrat
 دىيىلن يره كىلىدىلر . بو محله او زمان برنارد تامپ
 Bernard D'Estampes شەرى نامى وىرىلىوردى . بصرى يە
 ملىق بر كوچىوك شەرى ايدى . نەھىت بو شەرى جىوارىنە
 واصل اولدىلر . فقط درحال ، شەرىك تانتائىسك قارىسى
 طرفدن توركلەرە تسلىم ايدىلىدىكى خەرىنى آلدىلر . فرانىقلر
 نە قرار وىرە جىكلرىنى بىلەمدىكلرى كى بوقدر بويوك برتەلكەدن
 قورتولمق چارەسى دە كورەمدىكلرىدن كائىن بار كىرى آلەرق
 اونك ايله قاچاسىنى قرال بودوانە توصىيە ايتدىلر . قرال بوكا
 موافقت ايتدىكى جەھتلە تىكرار يولە دوامە باشلادىلر . نورالدىن
 براردو ايله عىسكرىك امدادىنە كلىشىدى . فرانىقلر دشمن آراسىندە
 كىندىلرىنە برىول آچىق مجبوريتىندە قالدىلر . بودوان بوتون
 نەشلىرى دودەلرك وسائىر يول حيوانلرىنىك اوزرىنە يوكلىتمىكى
 امر ايتىشىدى . مقصدى ضايعاتلرىنى توركلەرە بللى ايتەمەكدى .
 فى الحقيقە توركلر آتدقلىرى برچوق اوقلەرە رغماً ىردە ھىچ
 بر اولو كورەمدىكلرى جەھتلە فرانىقلەرە اوق كچىز ظن ايتدىلر .
 بونك اوزرىنە اويلە برتەدىرە مراحعت ايتدىلر كە فرانىقلر صوك
 درجە دە تەلەكە اچىندە قالدىلر . چاليلر ، قورو اوتلر ودها
 سائىر قابل اشتعال مادەلر ايله دولو اولان صحرايە آتش وىردىلر .
 بويلە مشكل موقعەدە قالىجە بودوان انزە برمرخص كوندەرك
 صالح تەكلىفندە بولۇندى . فقط مرخصلر تورك رؤساسىنىك

يانه مواصلت ايتمه دن اوق اصابتيه مقتول دوشديلر . دشمن اردوسنده بولونان عربلر فرانقلري متصل ازعاج ايدىيورلردى . بونلر بويوك برتهلكهيه معروض قالمادن صفلرينى ترك ايدمهز حاله ككشيلردى . بودوان دشمنلر آراسنده برقاق كونلك يول قطع ايتدكدن صوكره نهايت رعب Roob مغاردهسنة واصل اولدى . بويول دار وتهلكهلى اولديغى اچون باشقه بريولى ترجيحه مجبوريت حس ايتديلر . فرانق اردوسنك ييه جكي اولماديغنى بيان انزبوموقعده بودوانه برخيافت تكليف ايتدى . فقط بودوان مسلمانلره اعتماده جسارت ايدمهديكندن يولنه دوام ايله طبريهيه واصل اولدى . فرانقلري بو قدر مشكل برموقعه صوقش اولان بصرى اميرى صوكره سامه دوندى . انز اونك كوزلرينى چيقارتدى .

آرتق سلاجوق ايمپراطورلغى سوريه ده كيتدكجه ضعيفلايوردى . اساساً ايران سلاجوقيلرينك خدمتلىرینه مربوط برر قوماندان اولان آتابكلر هر كون عمادالدين زنكينك ادارهسى آلتنده كرك شام سلاجوقيلرينك ممالكينده كرك فرانقلرك اراضيسينده يكي يكي فتوحاتلره نائل اوليورلردى . عمادالدين فرانقلردن مشهور رها ياخود ادهس قلعه سنى ضبط ايتمشدى [۱] . آنطاكيه نك ده بويله برعاقبتة اوغراماسندن ، بناء عليه بوتون سوريه نك الدن كيتمه سندن قورقان فرانقلر بوتون آوروپا

۱۱۵۵

كيليو م دوتير

حکمدارلارندن استمداد ايتديلر . قلهروو راهبي سن برنار
 غربده يكي براهل صليب تشکيلي لهنده تشويقاتده بولوندى .
 فرانسه قرالى يدنجى لويى برچوق فرانسز پرنسلىله وه زدهلهده
 طوپلانديلر . ايمپراطور اوچنجى قونراد و آلمانيانك برقىسى
 ارض مقدسى تخليصه کيتمك قرارىنى ويرديلر . بوتون بو حکمدارلر
 مملکتلرينى ترك ايله سوريه کيديلر . عكاده طوپلانديلر .
 اوزمان فرانقلرك اقدرتلى دشمنلرى اولان آتابكلرك باشنده
 طوپلانمش کي کورونن بوفيرطنه بردن بره شام حکومتك
 باشنده پاتلادى [۱] . حالبو که عمادالدين زنکينك تجاوزاتندن
 قورقان شام نائب حکومتى هر وقت فرانقلرك دوستاغنى جلبه
 اهتمام کوسترمشدى . قدس قرالى بودوان حکومتك بوتون
 بارونلريله برلکده عسکرلرينى آورو يادن کلن اهل صليبيه الحاق
 ايتدى . هپسى بردن شامى محاصره ايتمك عزيميله
 حرکت ايتديلر [۲] . فرانقلر داريا Daria دنيان وشامدن
 درت بش ميل اوزاقده بولونان برموقعه واصل اولدقلرى
 زمان اردولرينى اوچ قوله آييرديلر . برنجى قول سوريه ده کي
 فرانقلردن ترکب ايديوردى . احوال محليه ده واقف
 اولماسى اعتباريله بوقول اك اوکده يورويه جکدى . قدس
 قرالنك تحت قومانداسنده ايدى . برنجى لويينك قوماندا

۱۱۴۸

کيليوم دوتير
 ابوالفدا
 ابن الاثير
 سيوطى

[۱] ۵۴۳ تاريخ هجرى سنده

[۲] ۱۱۴۷ سنه ميلاديسى مایسنىك ۲۵ نده .

ایتدیکی فرانسزلر ایکنجی قولی تشکیل ایدیورلردی . برنجی به
مظاہرت ایدہ جکلردی . ایمپراطور قونراد معیتندہ کی آلمانلرله
دشمنک آرقہ دن بردن برہ کلہ رک فرانقلرہ هجوم ایتہ سنہ مانع
اولہ جقدی . اوچنجی قولی دہ او تشکیل ایدیورلردی . شامک
غربندہ و شمالنہ تقریباً بش میل وسعتندہ بویوک براووا
واردر . بوراسی تکمیل باغچہ لک ایدی . واسع بر اورمانہ
بیک زیورلردی . چامور ییغینلرندن یالیش عادی دیوارلر ہر کسک
اراضیسنی بر بردن تفریق خدمتی کوریورلردی . آرادہ یالکیز
کوچوک ، دار یوللر بر اقلمشدی . بو آغاچلق شامک اک ای
استحکامی دیہہ تلقی اولونیورلردی . مع مافیہ فرانقلر شامہ بورادن
هجوم ایتکہ قرار ویردیلر . بوصورتلہ ہم اورادہ کی میوہلر
فرانقلرک الہ کچہ جک ہم دہ شہر خلقی بونلردن محروم
قلہ جقدی . قدس قرالی بو اورمانہ کیرمک ایچون بویوک
مشکلاتہ معروض قالدی [۱] . بورالرہ داغلمش اولان تورکلر
ہریولاک مدخلنی مدافعہ ایدیورلردی . دیوارلر آرقہ سنہ
کیزلہ نیورلردی . فقط مدافعہ لرینہ رغماً بوتون بو باغچہلر ضبط
اولوندی . بونک اوزرینہ تورکلر نہر ساحلنہ چکیلدیلر .
فرانقلرک صوالمہ لرینہ مانع اولمق ایچون اورادہ ماکنہ لرینی قوردیلر .
دمدار فرقہ سنہ قوماندایدن ایمپراطور قونراد اردونک

[۱] بن الاثیر ایلہ ابوالفدایہ کوزہ فرانقلر شامہ ۶ ربیع الاولہ

یاقلاشدیلر و میدان الاخضر دہ اردو قوردیلر .

کافی درجه ده سرعتله ایلر یله مه مسنه صیقلار ق او که کچدی .
النده قیلیج ایله تور کلرک اوزرینه صالدیردی . تور کلر هر طرفدن
پوسکور تولدیلر ، شهره قاپاندیلر .

فرانقلر بونهرک ساحلنجه یرلشدکلری صیراده انز موصل
ملکی سیف الدین غازی دن استمداد ایتمشدی . سیف الدین

براردو ایله علی العجله حمصه کلدی . شام سکنه سی شهرلرینی
ترکه میال ایدیلر اثنای رجعتده فرانقلر طرفدن ازعاجاته

او غرامامق ایچون لازم کلن حاضرقلری یاپیورلردی . فقط
ابن الاثیر
ابوالفدا

سیف الدینک ورودی وانزک تدابیری شهری قورتاردی .
انز سوریه فرانقلریه یکی موصلت ایدن فرانسلرله

آلمانرک پک کسب قوت ایتهلری حقلرنده ایی اولمایه جغنی
آ کلاتدیغی کی حمصده بولونان موصل ملکی سیف الدینک شامه

کیروب شهری اله کچیرمه سی ده سوریه فرانقلری ایچون فنا نتیجه لر
ویره جکنی ، چونکه صوکره شامه استناد ایدهرک قدس اوزرینه

تجاوزاته قالقه بیله جکنی سویله دی . انزک مطالعاتی حقلی بولان
فرانقلر ایمپراطور ایله فرانسلر قرالنی بوباغچه لرلی ترک ایدهرک

باشقه بر طرفدن هجوم اجرا ایتکه تشویق ایلدیلر . او
طرفلرده استحكامات دها ضعیف اولدیغی ایچون قلعه دها

قولایتمله ضبط اولونه جغنی ادعا ایدیپورلردی . عینی زمانده
ارزاق صفتیسی حسن ایتدیرمک چاره سنی ده بولدیلر . فرانسه

قرالى ايله ايمپراطور محاصره يي رفع ايتمكدن باشقه چاره كوردنمديلر .
بر آز صوكره انز وفات ايتدى [۱] .

۱۱۴۹

صوكره لرى فرانقلىنه شام اوزرىنه يورومك املنى
اظهار ايدر كى كوروندىكلرىدن نورالدين [۲] كلوب قلعه يي
محاصره يه آلدى . سفاهته دوشكون اولان ملكلرىنىك
حر كاتىندن ممنون اولمايان اهالى بوكا قاپىلرى آچدىلر .
مجيرالدين ابق قلعه يي تسليم ايتدى . نورالدين بوكا ابتدا
حص ولايتنى ويردىسه ده هان بر آز صوكره عزل ايتدى .
بالس قوماندانلارغنه كوندردى . فقط نورالدينك حر كاتنه پك
قىزان بوشام ملكى تكرر شامه كلدى . اوراده اسكى
تبعه سىيله برلكده نورالدينك تبعه سى اوله رق ياشادى .
آرالرنده كى نفاق اولماسه ايدى اهل صلييك ضبط ايدى بيله جىكلرى شام
حكومتى تماميله سوريه آتابىكلرىنىك تحت حكمنه كچدى . مجيرالدين
۱۱۶۸ تاريخنده وفات ايتدى .

۱۱۵۴

ابوالفدا
ابن شحنة
ابوالفرج

ابوالمحسن

ابوالفدا

۱۱۸۵

[۱] ۵۴۴ تاريخ هجرىسنده .

[۲] ۵۴۹ « «

سکمانك ۱۱۱۲ تاريخ ميلاديسنه قدر حكومت سوردیكى ،
 يرينه اوغلى ظهيرالدين ابراهيمك كچدىكى يوقارىده كورولمشدى .
 بو حكمدار ۱۱۲۷ تاريخنده وفات ايتمشدر . يرينه برادري
 احمد كچدى . فقط اون آى صوگره وفات ايتدى . بونك
 اوزرينه ابراهيمك زوجيهسى اينانچ خاتون ، آنجق آلتى
 ياشنده بولونان اوغلى سكمان نامنه مملكتى اداره ايلهدى .
 سكمان آلتى دوت سنه معمر اولدى [۱] . وفاتنده حكومتى
 پدرينك كولهسى بكتمر Baktimour كالنده براقدى . [۲]
 بكتمر او زمان مياقارقينده ايدى . على العجله خلاطه
 كلدى . سكمانك بوتون قوماندانلرى وخلق كنديسنى ملك
 اوله رق طانيديلر . بو كنديسنك عادلانه حركاتنك ودها
 سائر مزيتلرينك مكافاتى ايدى . غايت ذى قدرت برچوق
 حكمدارلر آراسنده كوچوك حكومتى محافظه ايدى بيلدى .
 ايلد كزك اوغلى پهلوان ، خلاطى ضبطه كلدىكى زمان
 صلاح الدينك تحت حمايه سنه كيردى . بو فاتحك نامى پهلوانى
 قورقوتدى . بكتمر ايله صلاح ياپدى وقيزنى اوكا ويردى .
 بو شهرى تسليم ايتك اوزره قوماندانلردن برينى كوندرمىش
 اولان صلاح الدين اميدلرينك بوشه چيقديغنى كوردى . بو
 شهرى ضبط ايدمه دن وفات ايتدى . صلاح الدينك وفاتى

[۱] سيف الدين لقبنى حائزدى .

[۲] . ۵۸۱ تاريخ هجرىسى ربيع الاولنده .

بکتمره بویوک دلیملر یاپدیردی . دشمنلرینک اک مدهشندن قورتولدیغنی ظن ایتدیکی جهتله ممالیکی داخلنده شهر آیدیلر یاپدیردی . برتخت یاپهرق اوزرینه قورولدی . مطنطن عنوانلر آلدی . از جمله سلطان عنوانی طاقندی . فقط ایکی آی صوکره ۱۱۱ دامادی اقسنقر هزار دیناری [۲] hazardinari طرفندن قتل ایدیلدی . بکتمرک یدی یاشنده کی اوغلی بر حصاره قاپاتلدی .

اقسنقر هزار دینارینک وفاتندن صوکره [۳] عن اصل ۱۱۹۷ ارمنی اولان قتلغ Catlagh نامنده بر قوماندانی خلاطی ضبط ایتدیسه ده آنجق یدی کون حکومت سوره بیلدی . اها لیدن بعضیلری بونی قتل ایده رک بکتمرک اوغلی محمدی حبسیدن چیقاردیلر ، اوکا ملک المنصور عنوانی ویردیلر . قاپچاقده دو غمش اولان شجاع الدین قتلغ نامنده بروالی تعیین ایتدیلر . صوکره محمد بو والی بی اولدیرتدیکی [۴] جهتله عزالدین بابان نامنده دیکر بر قوماندان کندیسنی توقیف ایتدیردی [۵] . محمدی بوغدی لر ، نعلشی قلعه نک سورندن آشاغی آتدیلر . ۱۲۰۶

[۱] ۵۸۹ تاریخ عجزیسنده .

[۲] بدرالدین لقبی حائز دی .

[۳] ۵۹۴ تاریخ عجزیسنده .

[۴] ۶۰۲ تاریخ عجزیسنده .

[۵] ۶۰۳ « «

۱۳۰۷

بلیان خلاط ملکی اعلان اولوندی . صلاح الدین عاتله سینه
منسوب اوحد [۱] اسمنده بر شهزاده میافارقیندن حرکتله
موش شهرینی ضبط ایتدی . بلیانی مغلوب ایلهدی . بلیان
ایسه ارزن الروم یاخود ارضروم حکمداری طوغرول
شاهک [۲] معاونتنی رجا ایتدی . بو ایکی حکمدار قوتلرینی
برلشدیره رک اوحد غلبه چالدیلر . خلاطده کوزی اولان
طوغرول شاه بو مظفریتدن صوکره بلیانی قتل ایتدیردی .
شهرک پیشگاهنه کلدی . اهالی اوکا قاپیلری آچقدن امتناع
ایتدیلر . طوغرول شاه اورادن ملاز کرده کیتدیسه ده اوراده ده
دها ایی برقبول کورمدی . صوکره خلاط اهالیسی اوحدی
چاغیره رق اوکا تابع اولدیلر .

[۱] ملك الاوحد ایوب بن ملك العادل . ۶۰۴ تاریخ هجریسنده

حرکت ایتشدر .

[۲] مفیث الدین السلیچوقی لقبی حائزدی .

ارتقیه تورکمنلری

دربلو
ژاق دوویتی

سلجوقی تورکلری ایرانی ، سوریه یی و آناتولی یی استیلا
ایتدکلری صیراده قاجاقدن نشئت ایدوب قومانلر Komans
نامیله یاد ایدیلن - که بوندن تورقومان [تورکمن] [۱] کله سی
تشکیل ایدلمشده - دیگر بر طاقم تورکلر بو صحرا لردن چیقارق
ایکی قسمه آیریلدیلر . بر قسمی خلیفه لک ایمپراطورلغنه وبالخاصه
ارمنستان ایله خوراسان ولایتی حدودلرنده ماوراءالنهره یاییلدیلر .
دیگر قسمی اوزلرنامی آلتنده آوروپایه قدر کیردیلر . بونلری
ابن الاثیر عرب مورخلری غزلر [۲] نامیله یاد ایدرلر . اوزلرک سفر -

[۱] دربلو بو تورکمنلری اوغوزخاندن ایندیریور . خوراسان
جوارلرینه کلرک اورانک قادینلریله اولندکلرینی ، بونلردن دوغان
چوجوقلرک دیلنده پدرلرینک خوشونتندن بر اثر قالدیغنی ، بوندن دولایی
خوراسانلرک کندیلرینه تورکمن یعنی « تورکه بکزر » نامنی ویردکلرینی
یازیور .

[۲] بیزانس مورخلری روما اردوسنده عربلره قارشى استخدام
ایدیلن اوزلردن بحث ایتدکلری زمان بن الاثیر ، ابوالحسن الح . کبی

لرندن يوقاریده بحث ایتدک . یالکز بحث ایدیله سی لازم کلن
جهت ماوراءالنهر وارمنستان تورکمنلرینه عائد و قایمدر . ماوراءالنهر
تورکلری آمو نهریله بحر حزر ساحل لرنده ، آستر آباد و خوارزم
الکلرنده ساکن اولیورلر . برلکده یاشادقلری تاتارلره بکزرلر .
یازین پاموق بزندن یاخود یوکلیدن ، قیشین قویون پوستندن
یاپیش اوزون اثوابلر کییرلر . قیش اثناسنده آمو نهری جوارى
ایله بحر حزر طرفلرنده کی قصبه لرده و کویلرده اوتورورلر .
یازین نرده مرعا و صو بولورلر سه اورالره کیدرلر . چونکه
حیاته لازم اولان شیلرک کافه سنی مواشیلرندن وزراعتدن
استحصال ایدرلر . آستر آباد الکاسنده بولونانلر علوی المذهبدرلر .
خوارزم الکاسنده کیلر اوز بک تاتارلرینک مذهبنه سالکدرلر .
فقط اساس اعتباریله دینه او قدر اهمیت ویرهنرلر . پک جوال
مزاجلیدرلر . کندیلرینه خشونتله معاملله ایدن ایرانیلرک
واوز بک تاتارلرینک بویوندوروغنه پک مشکلاتله قاتلانیرلر .
عمومیتله بو تورکمنلر عن اصل منسوب اولدقلری تاتار ملتی
کی یشارلر .

ارمنستان تورکمنلری تاریخده ده ازیاده شهرت قازانمشلردر .
بونلر ارتق یاخود اورتوق بک نامنده بر امیرک قومانداسی

۱۰۸۲

عرب مورخلری بو قوملردن غز نامیله بحث ایدیورلر . بوده اوزلرله
غزلرک عینی قوم اولدیغنی کوستریور .
[۳] ۴۸۴ تاریخ عجزینده .

ابوالحسن آلتنده كلهرك ارمنستانده وسوريهده يرلشديلر . سلاجوقی

سلطانلری بوکا قدس شهريله جوارلرینی تخصیص ایتشدی .

۴۷۵ هجری و ۱۰۸۲ میلادی تاریخندن اعتباراً ارتق اوراده

ساکن اولمش وسوريه ساطانی توتوش ایله حسن امیراج ایتمش کی

کورونیور . ارتق ، قدس امیری یاخود والیسی موقعنده ترك حیات

ایتدی ۱۲۱ و بو امیرلکی اوغلی ایل غازی ایله دیگر اوغلی سقمانه

براقدی . بونلر ، مصر خلیفه سی مستعینک قوماندان افضل معیتنده

سوريهده اردو کوندردیکی زمانلر [۱۱] قدسده قالدیلر . افضل ،

مصر خلیفه سی طانیاسنی رضوانه تکلیف ایتدکن صوکره

صوری صوکرهده قدس شهرینی ضبط ایتدی . مصرلیلر

قدسه قارشى بوتون ما کنه لرینی قورمشلردی . بوراسنی قرق

کون محاصره ایتدیلر . اهالی تسلیم اولدقلری وقت ایل غازی

ایله سقمان چکیلدیلر . ایل غازی بغدادده ، سقمانده

رهايه یاخود ادهسه کیتدی .

اليوم رها Rhage تسمیه ایدیلن شهر او وقت مزو -

پوتامیانک پایتختی ایدی . بر مدت اول ایران سلطانی بونک

بوتون اراضیسی ایزان Izan یاخود بزان Bouzan نامند

بر امیره ویرمشدی . حالا روملره تابع بولونان ادهس اوکا

آغیر برویرکو تأدیه سنه مجبور ایدی . شهر بوبویوندودوغه پک

زحمتله قانالانیوردی . بوصیراده فرانقلرك ازنیقی ضبط ایتدکاری

۱۰۹۱

ابن شجنه

ابوالفدا

۱۰۹۶

کیلیوم دوتیر

ابن الاثیر

۱۰۹۷

وقدسی ضبط ایتک نیتند اولدقلری خبر آندی . اهالی
فرانقلری امدادلرینه چاغیردیله . بودوانی ایچری یه صوقدیله .
اکا عرض بیعت ایتدیله . تورکلرک بودوانی شهره صوقمامق
اوزره صرف ایتدکلی غیرت متمر اولمامشدی . ایشته
فرانقلر شرقک اک کوزل شهرارندن برینی بوصورتله فتح ایتدیله .
بودوان ادهس شهرینه صاحب اولونجه حکم ونفوذینی
جوارلره توسیع ایتکه حاضرلاندی . رها قربنده اوزمان
ارتق عائله سندن بلدق Baldue دنیان برتورکه عاندساموسات
— صمصا — سمیساط نامنده غایت قدیم ویک مستحکم برشهر
واردی . بلدق اهالیدن پک آغیر ویرکولر آلیر ، اونلری
آغیر بر اسارت آلتند ایکله تیردی . قونت درحال حربه
چبقه رق جوار بر حصاری اله کچیردی . صوکره بلدقه تابع
برچوق اراضی نی تحت انقیاده آلدی . بلدق سمیساط شهرنده
محصور قالمق ایسته میهرک بو شهری اون بیک آلتون سکه
مقابلنده بودوانه تسلیم ایتکی قرارلاشدیردی . بلك [۱]
بن هرام بن ارتقه تابع اولان سروج Sarouge [۲] قلعه سی
بودوان طرفندن محاصره ایدیلدی . بر آز صوکره شهر
تسلیم اولدی . بومظفریت سایه سنده آنطاکیه ایله ادهس
آراسنده کی یول فرانقلر ایچون تمامیه سربست برحاله کلدی .

[۱] بزم مورخلرمن بوکا بالاس Balas دیورلر .

[۲] بزم مورخلرمن بوکاسورورجا Sororgia دیورلر .

کیلیوم دوتیر

ادهس سکنه سی فرانقلری شهرلرینه صوقدقلرینه چوق
 کچمه دن پک پشیمان اولدیلر . فرانقلر پک کترتله شهره
 دولیورلردی . فقط بو ، تورکلره قارشى اهالى یی مدافعه دن
 زیاده اهالى یی ازمک وماللرینی یغما ایتک ایچون وقوعه
 کلیوردی . جوارده کی تورکلره متفقاً شهرده برفساد ترتیب
 ایدیلدی . مقصد بودوانی اولدیرمک ، هیچ دکلسه شهردن
 طرد ایتمکدی . فقط بو ترتیبات خبر آلدی . باشلیجه
 مدخلدار اولان کیمسه نك کوزی چیقاریلدی . بودوان عینی
 تاریخده دها بویوک برتهلکیه معروض قالدی . اوزمانه قدر
 بودوانك دوستی و متفقى اولان بلک ، کندیسيله اولان
 مناسباتندن دولایى مسلمانلر نزدنده منفور اولدیغنى ، اونلرك
 تجاوزاتندن مصون قالمق ایچون بوتون افراد عائله سنى
 آلهرق رها شهرنده اقامتدن باشقه برچاره سی قالمادیغنى
 سويله يهرک النده کی صوک قلعه یی ده تسلیم ایتمکی تکلیف ایلهدی .
 بودوان بو تورکك سوزلرینه ایناندی . تعیین اولونان کونده
 ایکی یوز سوازی ایله بلکك قلعه سینه کیتدی . امیر بورایه غایت
 جسور یوزتورک ادخال ایتمشدی . بونلر بودوانی طوته جقاردی .
 فقط بودوان اک ابتدا کندیسى قلعه یه کیرمه مک کبی بر
 احتیاط کارلقد بولوندی . یوللادیغی اون ایکی عسکر توتیف
 ایدیلدی . بوصورتله بودوان نه کبی برتهلکیه معروض اولدیغنى
 آکلادی . بو امرانی اعاده ایتمه سنى امیردن ایسته دی . امیر ،

۱۰۹۸

سروج کندیسنه ویرلمدکجه اسیرانی تسلیم ایتمه یه جگنی بیان ایتدی . بلدکی اجبار ایدە جک قوتدن محروم اولان بودوان رها یه چکیلدی . سروج قوماندانی فولبردوشارتر افندیسی بودوانه یاپیلان حتمارتک انتقامنی آلمق ایچون بوقلعه نك جوارینه آقینلر یاپدی . اون فرانق اسیرینی قورتاردی . بلدکک امریله دیگر ایکیسنک باشی کسیلدی . بو وقعه دن سو کره بودوان تورکلره قارشى امنیتسزلاک بسله دی . اسکی سمسباط امیری بلدقک باشنی کسیدیردی . بو امیر قلعه یی تسلیم ایتدکدن سو کره ، عقد اولونان مقاوله موجبنجه بوتون عائله سیله اده سده اوتوراجقادی . بلدق بوتعه ددن قورتولمق ایسته میوردی . فقط هر زمانکی کبی شهره کیردیکی صیراده بودوان اونى توقیف ایتدیردی .

بر مدت سو کره ، بودوانک یانه اده س الکاسنه کیتمش اولان ژوسلن دو قورتنه مسلمانلره قارشى محارباتده کسب تمیز اتمک ایسته دیکی جهتله بودواندن تل باشرا ۱۱، عینتاب ۱۲، راوندان و دها سائر شهرلری آلدی . بویکی پرنس بوئه موند، تانقره د ، آنطاکیه بطریق برنار ، قدس بطریق ده نبر ، رها باش پسقپوسی به نوالیله برلکده کیدوب مسلمانلره عائد اولان حران شهرینی محاصره اتمکله قرار ویردیله . اده سدن تقریباً

۱۱۴۰

[۱] مورخلرمن بوکا توربه سل Turbessel دیورلر .

[۲] مورخلرمن بوکا هامتاب Hamtab دیورلر .

کیلیوم دوتیر

اون درت میل مسافه ده کائن اولان بو شهر منبت بر اوواده
 کائندر . بو اووایی اسقا ایدن برنهر اونی رها اراضیسنندن
 تفریق ایدر . شهرده اوزمان ییه جک یوقدی . شهر اهالیسی
 حالارینی سائر مسلمانلره بیلدیردیله . علی العجله امداد
 کوندریمه ییه جک اولورسه تسلیم اوله جقلارینی آکلاتدیله . فی الحقیقه
 بر آرزومان صو کره بویله ده یاپدیله . فقط بوا یلک موفقیت فرانقلرک
 باعث فلا کتی اولدی . شهره کابتدا کیمک کیره جکینی و بایراغنی
 دیکه جکینی تعیین ایچون اوزون اوزون مناقشه ایتدیله .
 بوته موندایله بودوان آراسنده کی بونزاع بویوک برتورک اردوسنک
 شهره یاقلا شماسنه وقت براقدی [۱] . امیر سقمان کندی
 اردوسی و موصل عسا کر یله برلکده بر چوق ذخیره کتیریوردی .
 سقمان اردوسنی ایکی قوله آیردی . بریسی فرانقلری او یالامغه
 مأمور ایدی . دیکری بوندن بالاسقفاده شهره ارزاق ادخال
 ایده جکدی . مسلمانلر بونکله اکتفا ایتک ایسته یورلردی .
 فقط محاربه باشلانجه ده ایلک صدمه لرده فرانقلر قاجدیله .
 ادهسه قوتی بودوان ، روسلن دوقورتنه ، ادهسه باش پسقپوسی
 اسیر دوشدیله . فقط باش پسقپوس بر آرزو کره فراره موفق
 اولدی . بونک اوزرینه رهانک اداره سی تانقرده تودیع اولوندی .
 شرق مورخلری بو محاربه ده فرانقلرک اون بیک کشی ضایعات
 ویردکلرینی یازیورلر .

[۱] ۴۹۷ تاریخ هجر یسنده .

سقمان بومظفريتدن صوگرا ، فرانقلره قارشى حربده ابوالفدا دوام ايتمك امله ، طغتكيندن يكي امداد ايسته مك ايچون شام يولنى طوتدى . فقط يولده بر خسته لغه طوتوله رق قرىتين Cariatain ده وفات ايتدى [۱] . ارتقيه ايمپراطورلغنى بومؤسسى اوزمان كيذا Khipha وماردينه صاحب ايدى . كيذايى موصل اميرى اولان موسا نامنده برتورگمندن آلمش [۲] ، ماردىنى ده بر آز اول باصقين صورتيله اله كچيرمشدى . سقمان ايله موسادن اول موصل اميرى اولان كربولغا آراسنده ظهور ايدن برمنازعه نتيجه سنده بر محاربه وقوعه كله رك بونده سقمان مغلوب اولدى . يكنى ياقوتى اسير دوشه رك ماردىن قلعه سنه كوندريلى . صوگره ، ارتقك زوجه سى اولان بويوك والده سنك رجاسى اوزرينه سربست براقلى . ياقوتى بوشهردن خوشلانديغى ايچون مغنى Mogna نامنده كى واليدن ماردىنده اقامت مساعده سنى ايسته دى . قواي محافظه ضابطارينك دوستلقلارنى جلب ايتدى . صوگره بونلرى طوتمق فرصتى بوله رق هپسنى قلعه نك قايسى اوكنه كوتوردى . آناختارلر كنديسنه تسليم ايديلمه يه جك اولور . هپسنى اولديرته جكى مقام تهديدده سويله دى . ابتدا بوطلبي رد اولوندى . فقط ضابطلردن برينك

[۱] ابوالفدايه كوره ۴۹۸ سنه سى صفرنده . ابوالحسن ۵۰۴ ده وفات ايتدى كنى سويله يورسه ده ارمنى سقمان ايله قارشى دى ردىنى آكلاشيايور .

[۲] ۴۹۵ سنه هجرىه سنده و ۱۱۰۲ سنه ميلاديه سنده .

باشنى كسىدىردىكى كورولونجه قلعه كندىسە تسايىم ايدىلدى .
 صوكرە ، كوچوك بىر اردو طوپلایه رق بونىكلە نصیبىنە دوغرو
 يورودى . برخستەلغە اوغرايه رق اعضالرىنى قوللانماز برحاله
 كەسەنە و بىر بار كىرە بىندىرلىك مجبوريتى كوزولسەنە رغماً بالذات
 ميدان حربە كىتمەكن كرى دورمادى . اورادە براوق
 اصابتىلە مقتول دوشىدى . برادرى على ماردىندە يرينە قائم
 اولدى . فقط سقمان علماىك موصل ملكى جكرمشە عرض
 اتقياد ايتدىكىنى و جكرمشك ماردىنە كندى آدملىرىنى
 كوندىرلىك ايتىدىكىنى خبر آلتجە درحال حر كىتلە بوشهرى
 ضبط ايتدى . يىكنى على يە مقابلندە باشقە برشەر وىردى .
 بوصورتلە كيفا وماردىن شەرلىرى ارتقىە حكومتىك اك باشلى
 مواقەنى تشكىل ايتدىلر . سقمان كيفايە دفن ايدىلدى .
 اورادە كندىسە اوغلى ابراهيم خلف اولدى . برادرى ايل
 غازى دە ماردىن دە يرينە كچدى .

ايل غازى سلطان محمد شاهدىن بويىكى حكومتك فرمان
 توجيىنە نائل اولدى . برقاچ سەنە صوكرە سوريەنىك الكقدرتلى
 حكمدارلىرىدىن بىر حالنە كلدى . حلب سىكەنسە فرانكلرك
 تحت تابعيتە كىرەك سەندىن قورتولمق ايچون كندىسە عرض
 تابعيت ايتدىلر [۱۱] . ايل غازى بوشهرىك اداره سنى حسام الدين
 لقبىلە يادايدىلن اوغلى تمر تاشە وىردى .

۱۱۱۷
 این شەنە

ایل غازی ، حکومتک ایشلرینی انتظامه قویدقدن صو کره
الندن کلدیکی قدر جوارده کی فرانقلری ضعیفلاقمغه حصر
مشغولیت ایتدی . شام ملک طغتهکین ، بعض عرب قبیله لری
امیری دبیس ایله برلکده آنطاکیه پرنسلیکی اراضیسنه کیردی .
آنطاکیه پرنسی روژه درحال اده سه قوتی روسلن ایله طرابلس
قوتی پونسی و قدس قرالی بودوانی وقعه دن خبردار ایتدی .
فقط روژه طلب ایتدیکی قوای امدادیه نک ورودینی بکله مه دن
کندی عسا کر یله ارتاحه کیتدی . بوراسی کرک منبتلیکی
کرک وضعیتی حسب یله فرانقلر ایچون ای بر موقعدی . فرانق
عسا کرینک کلوب روژه اردوسیله برلشمه سنه مساعد ایدی .
فقط روژه بورادن آریلق کبی احتیاط سزلقده بولوندی .
مرج الدم دنیان رحمده اردو قوردی . اوراده عسکر لرینه رسم
کچید یابدیردی . بوزاریدی یوز سواری ایله اوچ بیگ پیاده دن ترکب
ایدیورلردی . جوارده اردوگاه قورمش اولان ایل غازی
فرانقلرک وودندن درحال خبردار اولدی درحال اثارب ۱۱
Athareb پیشگاهنه کیتدی . شهری محاصره دن زیاده دشمنک
حرکاتی ترصد آلتنده بولوندی رفق فیکرنده ایدی . تورکلر
ساخته برقرار ایله فرانقلری محاربه یه تشویق ایتدیلر . فقط
آنطاکیه پرنسی فرانقلری کری چاغیردیغی ایچون او کون
آنحقی بعض اوافق تفک مصادمات وقوعه کلدی . اصل محاربه

[۱] بزم مورخلر منزه کوره Cereptum یا خود Cerebum

سنه

۱۱۱۹

ابن شحنه

ابوالفدا

کیلیوم دوتیر

فولق دوشارتر

ايرتهسى كونه قالدى . روژد عسكرلرني تشويق ايله مشغول اولديغى صيراده توركلرك ايلريله مكدە اولدقلىرى خبرنى كيتريدiler . فرانكلر ك ژوفروا لوموان و كوني قرەنل قومانداسندە بولونان ايلك قولى كال شجاعتله مدافعاتده بولوندى . فقط روبرسن لو فراره مجبور اولدى . روژدەك عسكرلرينك اوزرينە دوشدى . دشمنك شدت هجومنى قيرمغه چالیشان روژد مقتول دوشدى . بونك اوزرينە بوتون فرانق اردوسى قيليچدن كچيريلدى . نرەيە قاچارلرسە ايل غازى آرقەلرندىن كيتدى . قرال بودوانى و طرابلس قوتى بكلەمك اوزرە معيتندن بر مقدار كشى ايله سرمين شەرى قلەلرندىن برينە قاپانمش اولان رەنومانسوئل تسليم اولمغه مجبور قالدى . بوتون بو فرانق اردوسندىن آنجق بر مقدار عسكر ايله رؤساقورتولايله رك آنطا كيه يە قاچديلر ۱۱ . ايل غازى اسرانيك قسم اعظمى اشكنجهلر آلتندە تلف ايتديردى .

بواحوال جريان ايتديكى صيراده قدس قرالى ايله طرابلس قوتى عسكرلريله ايلريله مكدە ايديلر . ايل غازى بونلرە قارشى اون بيك كشيلاك بر قول سوق ايتدى . بو عسكر اوچ مفرزەيە آيريلديلر . بر مفرزە مغلوبيتە اوغرادی . فرانق رؤساسى آنطا كيه يە واصل اولديلر . بونك اوزرينە ايل غازى

[۱] بو محاربه ۵۱۳ نارنخ هجريسى ربيع الاولنك واسطندە وقوعه كاشدر .

اٲارب شهريني محاصره يه كيتدى . شهرك واليسى آلەن ،
 قدس قرالك امرى اوزرينه آنطاكيه يه كيتمشدى . شهر
 اهاليسى جبراً ضبط ايديلن برقلعه سكه نه سنه قارشى كوستريلن
 معاملە شديده يه معروض قالمق دن قورقه رق شهر دن سربسته
 چيقمالرينه مساعده ايديلك شرطيله عرض تسليميت ايتديلر .
 بو شرطلى قبول اولوندى . ايل غازى اورادن زردنا [۱۱]
 Zaredna پيشكاهنه كيدهرك عيني شرائطله او قلعه يي ده
 آلدى . قدس قرالى ايله طرابلس قوتى او زمان اٲاربه
 دوغرو ايلريه يورلردى . ايل غازى يي الان اوراده بوله -
 جقلىرى ظن ايدىيورلردى . فقط شهرك تسليم اولديغنى خبر
 آنجه سرمىن داخلنده دانيت Danit داغنه كلهرك اوراده
 اردو قورديلر . او زمان زردنا يي محاصره ايتمكه اولان
 توركلر هجوملرى تضييف ايدهرك فرانكلر هجوملر دن اول
 قلعه يي اله كچيرديلر . ايل غازى بو موقعى تحكيم ايتدكن
 صوكره طغتكين ديس وبوقار BOCAR ايله برلكده فرانكلرى
 غفلة باصمغه حاضر لاندى . فرانكلر هنوز اويقوده ايديلر .
 متيقظ بولونان قرال عسكرلرينه صف حرب ترتيب ايتديره -
 بيلمكه وقت بولدى . توركلر بالخاصه قورقدقلى فرانق
 پياده سنى محو ايچون يك چوق مساعى صرف ايتديلر . قرال
 بونك فرقنه واردى . يكي عسكرلرله امداده قوشدى . ايل

۱۱۲۰
 ابو الفدا
 كيليوم دوتير

[۱۱] بزم مورخلمن ساردنيا Sardonia ديورلر .

غازى ئى پرىشان بىر حالده حلبه چىكىلمەكە مجبور براقىدىلار . [۱]
 مع مافيه ايل غازى اردونك قسم كلىسەندىن آيرىلىش اولان
 بعض فرانق مفرزەلرىنى اسىرايدەرك بىر كۈندۈرمىشى .
 فرانقلار بو محاربەدە ىدى يوز پىادە ، يوز سوارى ، توركلار
 ايسە دىرت بىك عسكر غائب ايتدىلار . حلبه كۈتۈرۈلۈن اسرايه
 غايت شەتلى مەاملاتدە بولۇنلدى . ايل غازى ايله طغتكىن
 سىرايدە ذوق و صفا ايله مشغول اولدۇقلىرى سىرادە فرانق
 اسىرلىرىنىك آياقلىرىنە صوپالارلە اوريىورلار ، بعضىلارنى دە
 بللىرىنە قدر طوپراغە كۈمەرك اوق ضربه لىلە اولدىرىيورلردى .
 بىر چوغنىك اعضالرىنى كسىد كىن صوكرە وجودلرىنى
 سوقاقلارە آتدىلار . بعض اسرايى چىرچىلاق شەپىر ، تحقىر
 ايتدىلار . دوكدىلار . جانلرىنى محافظە ايتىك ايسىترلسە ترك
 دىن ايتەلرى لازىم كلىدىكىنى سۈيىلەدىلار . ايل غازى اسرانك
 ترك دىندىن امتناع ايتدىكلرىنى ايشىدىنچە اچىلرىندىن بىرىنىك باشنى
 بالذات كسىدى . بوندىن برطاس ياپدىرەرق آلتون ايله ، ذى قىمت
 طاشلارلە سۈسلەتتى . بو ، فرانقلار اوزرىندەكى غلبەسىنىك بىر
 دىلىلى ايدى . صوكرە زردنا قلەئەسىنى يىقىدىردى ، ماردىنە [۲]
 دۈندى .

[۱] ۱۱۲۰ سنە مىلادىسى عروج عىسا يورطىسىنىك عرفە سەندە .

۵۱۴ تاريخ هجرى سەندە .

[۲] نىزم مورخلىرى مەردىنوم Merdinum دىرلار .

ایل غازی بو شهرده چوق قالمادی . حلبده بر چوق غیر
 ممنونلر واردی . حلب والیسی اولان اوغلی یکر می یاشلرنده
 سلیمان قرناص Carnas عائله سندن حمالی بر آدمک تشویقیله
 عصیان ایتدی . ایل غازی بو خبری دویونجه همان حلبه
 قوشدی . عصیان مرتبک اللرینی آياقلىرىنى کسديردي ، کوزلىرىنى
 چيقارتدی . اوغلانى ده قتل ايتديره جکدی . فقط شفقت
 پدرايه حسی مانع اولدی . عزل ایدهرک یرینه یکنی سلیمانی [۱]
 تعیین ایله اکتفا ایتدی . اوغلی شامه طغتكينك ياننه چکیلدی .
 بر آز صوکره ایل غازی ، فرانقلرك تحکیم ايتديرمش اولدقلى
 زردناشهری ضبط ایتک ایسته دی . ادهس قوتی ژوسلن در حال
 عسکریله سرمين [۲] اوزرینه یورودی . قدس قرالی امداده
 چاغیردی . خرستیان ازدوسی کلنجه ایل غازی حلبه دوندی .
 ژوسلن بوتون جوارلری یغما ایددرک بزاعه Bouzaa یی
 تخریب ایله دی . شدنلی بر خسته لغه طوتولمش اولان ایل
 غازی [۳] وفات ایتدی [۴] . اوغلی تمر تاش ماردینده کندیسنه
 خلف اولدی . دیگر اوغلی سلیمان میافارقینی آلدی . بر آز

ابوالفدا

ابن شحنة

[۱] بن عبد الجبار بن ارق . اقبی بدرالدوله در .

[۲] بزم مورخلرمز سامارتان Samartan دیرلر .

[۳] طغتكينك قیزیله اولنمشدی .

[۴] ابوالفدا ، ابوالفرج ، ابوالحسن ۶۱۶ هـ سنه سی رمضانده

وفات ایتدیکنی سویلیورلر . ابن شحنة یه کوره ۵۱۵ هـ وفات ایتشد .
 کیلیوم دوتیر ۱۱۲۱ تاریخ میلادیسنده وفات ایتدیکنی سویلیور .

اول ایل غازی به بوراسنی ایران سلاسان ویرمشدی . یکنی
سلیمان حلبده قالدی . نهایت بلك [۱] کلهرك حلبی اونك
الندن آلدی .

ابوالفدا بوسیراده ، فرانقلرك اراضیسینه کیرمش اولان بلك ادهسه
قوتی ژوسلن ایله اقرباسندن غلورانی بر پوصویه دوشوروب
اسیر آلدی [۲] . خرتبرت [خرپوت] [۳] قلعه سینه حبس
ایتدی . پك چوق پاره تکلیف ایدیلدیکی حالد بونلری سربست
براقمندن امتناع کوستردی . ایکنجی بودوان فرانقلرك
ایشلرینی دوزلمك اوزره درحال ادهسه اوزرینه یورودی .
بلك اوکا بر پوصو قوردی . هیچ بکله مدیکی بر صیراده
هجوم ایدهرک اسیر آلدی . بونی ده ژوسلن ایله غاله رانك
بولوندیغی قلعه یه کوندردی . قرالك اسارتندن دولایي مشکل
برموقعه دوشمش اولان حکومتک ایشلری حقمده فرانق رؤسایي
عسقلانده مذا کراتده بولونقلری صیراده الی ارمنی بو اسیر
پرنسلری قورتارمغه عهد ایتدیله . راهب قیافته کیرهرك
اثوابلرینک آلتنده خنجر ایله ، بعضیلرینک روایتنه کوره
تجار قیافته قلعه یه کیتدیله . قلعه یه کیرر کیرمز راست

۱۱۲۲
فواق دوشارتر
کیلیوم دوتیر

۱۱۲۳

[۱] ابن بهرام ابن ارتق .

[۲] ۵۱۵ تاریخ هجریسنده .

[۳] کیلیوم دوتیر بوکا قارتاپیهرت Quartapiert ؛ سانوت

قارتاپترا Quartapetra وقارتاپت Quartapet دیور .

کلدکاری نی اولدیردیلر . حصار ی آله کچیردیلر . اسیر پرنسلیری
قورتاردیلر . فقط فرانقار قلعه ده تحصن ایتدکاری صیراده
تورکلر کلوب کندیلر نی محاصره ایتدیلر . وقوعه کلن احوالی
بلکه بیلدیردیلر . ژوسمان امداد طوپلامق اوزره قلعه دن
چیقمشدی . بلک عسکر لر یله قوشدی . قلعه نی تسلیم ایده جک
اولورسه ادسه یه قدر سربستجه کیمه سنی تأمین ایده جک نی
بودوانه سویله دی . قدس قرالی بو تکلیفی عجولانه رد ایتدی .
هر طرف دن محاصره ایدیلن قلعه مقاومت کوستره مدی . ضبط
اولوندی . قرال یکیدن اسیر اولدی . بلک قرالک ، یکنلر ندن
برینک و غاله رانک حیاتلرینه ایلشمه دی . فقط کندیلر نی
زنجیره اوردیره رق حرانه کوندردی . قرالک امدادینه کلن
فرانقلر بو خبری تل باشرده دویدیلر . بونک اوزرینه حلبه
دوغرو یورودیلر . اوراده بعض تخریباتده بولوندیلر . حلبده
حکمران اولان سلیمان ، صلح عقد ایتک اوزره اونلره ثارب
قلعه سنی تسلیم ایتکی تکلیف ایلهدی . فقط یکنتک ضعفی
حسبیه حلبک فرانقلر انه دوشمه سندن قورقان بلک علی العجله
کله رک شهر ی ضبط ایتدی [۱] .

ابوالفدا
ابن شحنه

برمدت حلبده قالدقن صوکره هیه راپولیس نام دیکرله
منبیج شهر نی محاصره یه کیتدی [۲] . بوراسی اوزمان حسان

[۱] ۵۱۷ سته سی جامذی الاولنده .

[۲] ۵۱۸ تاریخ هجری سنده .

نامنده بر امیره عائد ایدی . منبج ، ادهسه قوتی ژوسلن
 لوژونك ممالكنه جوار اولدیغی، بلكك انه كچمه سی بوقونت
 ایچون بر تهلكه تشکیل ایده جکی جهته ژوسلن علی العجله
 آنطا کیه و ادهسه عسکرلرینی طویلادی . منبجه دوغرو
 یورودی . بوراده بر محاربه وقوعه کله رك بلك مقتول دوشدی .
 بوتون اردوسی داغیلدی . حسان منبجه صاحب قالدی .
 بزم مورخلر من ژوسلنك بلكك باشنی آنطا کیه کوندردیکنی
 یازیورلر . بلكك اردوسنده بولونان ایل غازینك اوغلی تمرتاش
 بلكك نعشنی حلبه یوللادی . حلب شهرینه وضع ید ایتدی [۱] .
 صوکره ماردینه دوندی . اصل پایتختی اوراسی ایدی . قدس
 قرالی ایکنجی بودوان استحصال حریت ایچون بوفرصتدن
 استفاده ایله مذاکراته کیریشدی . اوزمان شرقده
 متداول بر نوع سکه اولان یوز بیک میکائلیس
 Michaelis ویرمك شرطیله بوکا نائل اولدی . آنطا کیه
 واصل اولدیغی زمان بو پارهی ویرمهك و براقدیغی
 رهینه لری قورتارمهك عدم امکانی فارشیسنده ، بارونلرینك
 توصیه سی اوزرینه حلب شهرینی محاصره یه قالدی . دبیس
 نامندکی امیره تابع اولان عربلرله برلشدی . هپ بردن
 حلبه یاقلا شەرق جوارنده یرلشدیلر . جسارتسز ، عاطل
 بر حکمدار اولان تمرتاش حلبك امدادینه قوشمادیغی جهته

۱۱۴۲
 ابوالفدا
 کیلیوم دوتیر
 فواق دوشارتر

سانوت

ابوالفدا
 ابن شحنة

شهر اهالیسی موصل مدکی اقسنقرالبر سقی پی چاغیردیلر .
اوکلنجه فرانقلر چکیلدیلر . برسقی حلبه وضع ید ایتدی .
ارتقیلر بو شهری غائب ایتدیلر . فرانقلرله مناسبتلری آرتق
ازالدى [۱] .

ارتقیلر اوزمان ایکی حکومت تشکیل ایدیورلردی .
بریسنه حسام الدین تمرناش ، دیکرینه داود بن سقمان حاکم
ایدی . برنجیسی ماردینده ومیافارقینده ، ایکنجیسی آمده
وکیفاده حکومت ایدیوردی . بونلر فرانقلرک سوریه ده اشغال
ایتدکلری الکانک شمالنده کائن شهرلردی . مع مافیه سوریه داغلمش
اولان برطاقم تورکمنلر اهل صلیبک اراضیسنه آقینلر یایمقدن
[۲] خالی قالمادیلر . طرابلس حصارینه دوغرو یورویه رک
فرانقلری مغلوب ایتدیلر . طرابلس قوتی بعین Barin
قلعه سنه قاچدی . تورکمنلر اوراده کندیسنی محاصره یه آلدیلر .
باربارلرک محاصره ده دوام ایتدکلری بو قلعه یی ترک ایتدی .
فقط یکی امداد طویلایان فرانقلر کلوب تورکمنلرله محاربه به
کیریشدیلر . صوکره فرانقلر رفنیه Raphnia یه چکیلدیلر .
تورکمنلرده دوندیلر .

شرق مورخلری ارتقیه یی حکمدارلرینک حیاتی حقنده بزه پک

[۱] میافارقین حکمداری امیر سلیمان بن ایل غازی ۵۱۹
سنه یی رمضانده وفات ایتشدی . برادری تمرناش میافارقینه وضع بد
ایتمک اوزره ماردیندن مفارقت ایتدی .
[۲] ۵۲۷ تاریخ هجریسنده .

سنه

۱۱۳۲

ابوالفدا

۱۱۳۷

آز تفصیلات ویریورلر. یالکیز تمرتاشک مروانیلردن دیاربکر	ابوالفدا
داخلنده هتاخ Hetakh قلعه سنی آلدیغنی [۱] صوکره اولدیکنی	ابوالفرج
[۲]، اوتوز سنه حکومت سوردیکنی، حکومتی اوغلی	
نجم الدین آلبی Albi یه براقدیغنی [۳] سویلیورلر. بو حکمدارک	۱۱۵۲
زماننده فخرالدین لقبه یاد ایدیلن وداود بن سقمانه خلف	
اولان کیفا حکمداری قرا آرسلان شاتان حصارینی ضبط	
ایتمشدر [۴]. بوراسی بر کورد قبیله سنه عا ئد ایدی صوکره	۱۱۶۱
قرا آرسلان اولدی [۵]. یرینه اوغلی نورالدین محمود کجدی [۶].	۱۱۶۶
نجم الدینک نه زمان وفات ایتدیکی مجهولدر. یرینه قطب-	
الدین ایل غازی کچمشدر. قطب الدین وفاتنده، تختی حسام الدین	
لقبیه یاد ایدیلن اوغلی یولق youlouc آرسلا نه براقشدر [۷].	۱۱۸۴
خلاط ملکی و قطب الدینک دایسی بکتمر نائب حکومت	ابوالفدا ابوالفرج

-
- [۱] ۵۳۲ » » .
- [۲] ابن الاثیر ۵۴۸ تاریخنده اولدیکنی سویلیور. ابوالفدا،
ابوالفراج، ابن شحنة ۵۴۷ ده، ابوالحسن ۵۴۵ ده وفات
ایتدیکنی یازیورلر.
- [۳] ۵۴۷ تاریخ هجریسنده .
- [۴] ۵۵۶ » » .
- [۵] ۵۶۲ » » .
- [۶] بوکا محمدده دیورلر. یرینه اوغلی اون یاشنده ظهیرالدین
یاخود قطب الدین سقمان کچمشدر .
- [۷] ۵۸۰ سنه سی جمادی الآخرنده وفات ایتمشدر.

اعلان ایدیلدی . نظام‌الدین البقش نامنده بر قوماندان کنج
 حکمدارک تعلیم و تربیه‌سنه مأمور اولدی . یولق آرسلان
 ابن شحنه
 ابوالمحاسن
 عته کتیردی . نظام‌الدین امور دولته اشتغاله باشلادی . اوزمان
 سوریه‌یه صاحب اولان و خلاطی اله کچیرمک ایسته‌ین مشهور
 ۱۱۸۵
 صلاح‌الدین میافارقینی محاصره‌یه کلدی . بوشهری ضبط ایتدی [۱] .
 قلعه‌نک محاصره‌سی اثناسنده کیفا ملکی قرا آرسلانک اوغلی
 ابوالفدا
 بهاء‌الدین
 نورالدین محمود وفات ایتشد . یرینه هنوز چوجوق بولونان
 اوغلی قطب‌الدین سقمان کچدی . بونک حکمدار لغنی صلاح‌الدین ده
 طانییدی . بو کوچوک حکمدار لر او زمان صلاح‌الدین عائله‌سنه
 منسوب حکمدارلرک تجاوزاتنه معروض ایدیلر . عادل ابوبکر
 ۱۱۹۸
 ابوالفدا
 ابوالفرج
 ۱۲۰۰
 ماردینی محاصره ایتدی [۲] . بعض خائنلر شهرک واروشلرینی
 اوکا تسلیم ایتدیلر . فقط بر سنه محاصره‌دن صوکره چکیلمکه
 مجبور اولدی . صوکره قطب‌الدین بر دامن دوشهرک وفات
 ایتدی [۳] . حکومتی ایاز نامنده برملو کنه براقق ایسته‌دیه
 خلق بوکا ممانعت ایله‌یه‌رک نورالدین محمودک اوغلی محمودی
 ترجیح ایتدی . بوکا ملک‌الصالح ناصرالدین عنوانی ویریلشدر .
 ۱۲۰۲
 ابوالفرج
 صوکره‌لری ، صلاح‌الدین عائله‌سندن عادل ابوبکر، اوغلی
 اشرف موسایی ماردینی محاصره‌یه کوندردی [۴] . بوتون جوار

[۱] ۵۸۱ سنه‌سی جاذی‌الاولنک ۲۹ نده .

[۲] ۵۹۴ سنه‌سی رمضاننده .

[۳] ۵۹۷ تاریخ هجریسنده .

[۴] ۵۹۹ تاریخ هجریسنده .

مواقعی ضبط ایتدیسه ده ماردینی اله کچیره مه دی. صلاح الدینک
اوغلی ظاهر تأسیس صلاح ایچون ایکی حکمدار آراسنده
توسطده بولوندی. ماردین حکمدارینک یوز اللی بیک آلتون
سکه ویرمه سی و دائماً عادلک امرینه مهیا براردو بولوندیرماسی
قرارلاشدی. دها صوکره ملک الصالح مصره اسیر اوله رق
کوتورلدی. اورادن قاچدی، تاتارلرک نزدینه کیتدی. تاتارلر
کندیسنی اولدیردیلر [۱].

۱۲۲۰

[۱] ۶۱۷ سنه سی صفرنده. مورخلر ملوک ارتقیه حقنده بزه
آرتق هیچ برشی بیلدیرمیورلر. یالکیز بعض تاریخلر ذکر ایدیورلر.
جدولاره باقیکز.

سلغریلر

یاخود

فارس آتابکاری

شیرازده حکمران اولان ، سلغریلر یاخود قارس آتا-
بکاری نامیله یاد ایدیلن دیگر بر تورکمن قولى حقنده شرق
مورخلری بزه هیچ معلومات ویرمیورلر . مظفرالدین لقبی
حائز اولان سلغر Salgar بویکی سلاله نك مؤسسیدر . مسعود ،
ایران سلجوقیلری سلطانی بولوندیغی تاریخده حکمران اولمغه
باشلامش ، اون اوچ سنه حکومت سورمش ، یرینه زنکی [۱]
صوکره زنکینک اوغلی تکله [۲] Taclah کچمشدر . تکله دن
صوکره سلغرك اوغلی طوغرول تخته چیقدی . دوقوز سنه

[۱] زنکی اون درت سنه حکومت سوردی .

[۲] یکریمی سنه حکومت سوردی .

حکومت ایتدی. اوندن ده صو کره ایمپراط، رلق اوغلی ابوشجاع
سعد [۱] ه، اوندن سلغر شاه لقبیه یاد ایدیلن سعدك اوغلی
ابوبکره انتقال ایلدی. ابوبکر آنجق ایکی سنه حکومت سورمشدر.
مشهور شاعر سعدی گلستانی بو حکمداره اتخاف ایتمشدر.
زماننك اك عالم کیمسه لری سراینه دولمشلردر. ارباب علمی
حمایه ایدردی. تبعه سنك پدری مقامنده ایدی. خلفلری دها
آز حکمران اولدیلر. محمد تختده آنجق یدی آی، محمد شاه
سکیز آی، سلچوق شاه بش آی، سعدك قیزی ابش خاتون
برسنه قالدیلر. ابش خاتونك زمان حکومتی هلا کو خان
دورینه مصادفدر. هلا کو اوئی شیراز ملکه سی یاممشدی.
منکو تیمور نامنده بر موغول پرنسیله اولندی. فقط ابشك
وفاتندن صو کره موغوللر شیرازی ضبط ایتدیلر [۲].

[۱] یکر می دوقوز سنه حکومت سوردی.

[۲] تاریخلر ایچون جدولاره باقالیدر.

هونلرك تارىخ عمومىسى

اون اوچنجى كىتاب

سوريه آتابكارى

توركلار كندىلريله برابر توركستاندىن بر نوع دره بىكلك
اساسنه مستند بر حكومت كىتىرمشلىردى . ضبط ايتدىكلرى
يرلك كافه سنده بو طرز اداره يى قوردىلر . تاتارستانده
بويوك خانك معيتنده بر چوق كوچوك خانلر واردى . بونلر
اوكا بر ويركو ويرىرلر ، معين زمانلرده كىدهرك عرض
تعظيمات ايلرلىردى . سائر خصوصاتده كندى اداره لرى
داخلنده بولونان يرلرده مستقل ايدىلر . اورالى اولادلىرىنه
انتقال ايدردى . ياللىز بونك ايچون بويوك خانك توجهينه
محتاج ايدىلر . سوريه ده ، ايرانده ده بويله اولدى . بعض كره
اصفهانده اقامت ايدن سلطان ، تاتارستانك بويوك خانى مقامنه
قائم اولمشدى . ولايتلى وشهرلىر يا عائله سىنه منسوب
شهزاده لره ياخود اك چوق سوديكى قوماندانلىرىنه ويريوردى .

بو واليلر سلطانه كوندركلرى ويركولرى طوپلارلر ، خطبه لرده اك اول اونك اسمنى اوقوتورلر ، اراده صيراده سرايه كيدرلر ، سلطانى و ملك منفعتموميه سنى علاقهدار ايدن سفرلره اشتراك ايدرلردى . بوندن باشقه جهتلرده ، بولونقلرى قطعه لرده بر حاكم مستقل ايديلر . قومشولريله كندى حسابلرينه محارباته كيريش-يرلردى . قومشولرى ده اكثريا عىنى حكمدارك تبعه سندن بولونوردى . سلطان بو خصوصى نزاعلره هيچ اشتراك ايتمزدى . اميرلرينك بربرلىنى اضرار ايتمه لرينه سس چيقارمازدى . حتى چوق كره اميرلر بويله ضبط ايتدكلرى مملكترلر فرمان توجيهنى پاره مقابلنده سلطانن انده ايدرلردى . بوسايله ده اونلر سلطان حكم ونفوذى غائب ايتدكجه مطلق ، تماميله مستقل بر حاكميته نائل اولديلر .

بر سقى لقبيله ياد ايديلن اقسنقر [۱] ايله قاريشديرلماسى لازم كلن قسيم الدوله اقسنقر عن اصل بر تورك قوماندانى ايدى كه ملك شاه ايله برلكده بويومشدى . صوكره دائما ملك شاهه صادقانه خدمت ايتمش ، بوشهزاده ايمپراطورلغه نائل اولونجه اوندن بويوك مناصب آلمش وپك سوكيليسى اولمشدى . اقسنقر ك مظهر اولديغى بو توجه سرايده اوكا بر چوق دشمنلر توليد ايتدى . بونلر اقسنقرى سرايدن

[۱] ابوالفرج بو ايكي اميرى بربرينه قاريشديريور .

اوزاقلاشديرمغه چاليشيديلر . شېرقده او قدر مشهور اولان
 وزير اعظم نظام الملك بوايشده اقسنقر عليهنده بولوندى .
 سلطانك نزدنده اونك عليهنده اسناداتده بولونمغه قالمادى . بالعكس
 خدمتلىرى ، ملك شاهه مربوطيتنى پك مدح ايتدى . ملك شاه
 ايسه اوصيراده حلبى ضبط ايتمش اولديغى اچون [۱] بوشهرى واو
 ولايت عساكرينك قومانداسنى اقسنقره ويرمك تكليفنده بولوندى .
 ايشته نظام الملك كندى نفوذنى محافظه ايتك ورقيبنك حائز
 اولديغى موفى النذن آلق اچون استعمال ايتديكى واسطه بو
 ايدى . ملك شاه حلبه حما ، منبج ولاذقيه شهرلىرى ده علاوه
 ايدى . اقسنقره قسيم الدوله عنوانى ويردى . كرك كنديسنه
 كندى احفادينه بويوك مراسمه دائما تختك صاغنده دورمق
 امتيازنى بخش ايلهدى . اقسنقر حلبه كتدى . اوراده كنديسنى
 اهالى يه سوديردى . هم جوارلىرىنه تلقين حرمت ايتدى .
 منقده لاله سندن شيرزملىكى نصر ايله بعض اختلافات چيقدى .
 كيدوب بو قلعه يي محاصره ايتدى [۲] . شهر ك طيش محلاتى
 اله كچيردى . نصرى صلح ايسته مكه مجبور براقدى .
 اقسنقر حلبه عودتله ولى نعمتى سلطان ملك شاهك وفاتنه
 قدر اوراده قالدى . سلطان ملك شاهك وفاتنى تعقيب ايدى
 اغتشاشات اقسنقر ك حسياتنى دكيشديردى . سلجوقى عائله سندن

[۱] ۴۷۷ تاريخ هجرىسنده .

[۲] ۴۸۱ » »

ابن الاثير
 ابن شحنة

۱۰۸۴

۱۰۸۸

سوريه ده حکمران اولان توتوش ايران ايمپراطورلغی ایچون
 ملك شاهك اولادلریله منازعه ایدیوردی . بونلرك كنجلكلری
 توتوشك عظیم اردولرینه قارشى قویمالرینه امکان براقایوردی .
 اقسنقر اولرك طرفنی ترك ایدرك سوریه سلطانی ایله صلح
 یاپدی . حلبده خطبه ده اونك اسمنی اوقوتدی ؛ یعنی توتوشی
 سلطان اوله رق طانیدی . عینی زمانده جوارلره آقینلریاپدی .
 تکریت شهرینی ضبط ایتدی . اقسنقر توتوشه ایتدیکی
 خدمتبرك پك فنا بر قارشیلغنی کوردی . بو صورتله باشی
 وفاسزلغنك جزاسنی چکدی . سلطان برکیاروق طرفنی التزام
 ایتمشدی . توتوش آذربایجاندن عودت ایدر ایتمز یکی براردونك
 باشنه کچرك حلبه یورودی ۱۱۱ . اقسنقر کندی عساکری ایله
 حران امیری بوزانك عساکرینی برلشديرمشدی . سلطان
 برکیاروق بونلرك امدادینه کربوغایي گوندریوردی . ایکی اردو
 تل سلطان ایله حلب آراسنده قارشیللاشدیلر . شدید برمحاربه
 جریان ایتدی . اقسنقر اردوسنك بویوك بر قسمی قاجدی .
 بو امیری دشمنلرینك ضرباننه معروض بر حالده براقدی .
 اقسنقر اسیر دوشدی . توتوش اونی حضورینه کتیرتدی .
 کندیسى غالب کلسه ایدی نه معامله ایدرجکنى سوردی . اقسنقر
 اتلاف ایتدیره جکنى سویله نجه هان اعدام ایدیلدی . توتوش
 کیدوب حلبی اله کچیردی .

ابن الاثير

۱۰۹۴

- ۱۰۰ اقسنقرک وفاتندن صو کره بوتون امیرلری اوغلی عمادالدین
زنکی یه مربوط قالدیلر . زنکی او زمان آنجق اون یاشنده
ایدی . بر آز صو کره اسارتدن قورتولان [۱] کر بوغاز زنکی یی
تحت حمایه سنه آلدی . تربیه سیله مشغول اولدی . بزم اهل صلیب
مورخلر من طرفندن سانکن [خونریز] Sanguin نامیله یاد
ایدیلن سووریه ده کی فرانقلرک باشنه برچوق ایشلر آچان
مشهور زنکی ایشته بودر . بوتون سفر لرلنده دائما کر بوغایه
رفاقت ایتدی . بو امیرک وفاتندن صو کره [۲] ، موصله
صاحب اولان جکر مشه مربوط اولدی . جکر مشک وفاتندن
۱۱۰۶ صو کره موصل امیری جاولی سقاوونک خدمته کچدی [۳] .
ایشته زنکی بو صورتله زماننک اک بویوک قوماندانلرینک تحت
تربیه سنده فنون حربیه ده اختصاص پیدا ایتدی . صو کره لری
جاولی سقاوو سلطان علمینده عصیان ایتدیکی جهتله زنکی بو
امیرک طرفنی ترک ایده رک فرانقلره قارشى سوریه محارباتنده
قوماندان مودود ایله اقسنقر البرسقی یی تعقیب ایله دی . بر
چوق وقایعه قابلیتنی کوستردی . سلطان محمودک موصل ،
سنجار و واسط شهرلرینی ویرمش اولدیغی [۴] برسقی واسط
شهرینی و بصره BOSRA والیلکنی کنج زنکی یه تودیع ایتدی .

[۱] ۴۸۸ تاریخ هجریسنده

» » ۴۹۴ [۲]

» » ۵۰۰ [۳]

» » ۵۱۶ [۴]

زنکی ایرتهسی سنه سلطان محمودك ياننه چكیلدی . عربلر بصره
جهتنده بر آقین یامشاردی [۱] . محمود بونلری طرد ایتمك
ابوالفدا
بوالفرج
۱۲۲۳

وظیفه-سنى زنکی یه حواله ایدرك او شهرى اوکا ویردی .
زنکی اوراده تأسیس سکون ایتدی . صوکره ، خلیفه مستر-
شدك بغدادده کی سلطانك والیسی ووکیلی برنقش ایله اولان
اختلافاتی نتیجه سنده ظهور ایدن محارباتده محمود معیتنده بولوندی .

سلطان ، زنکینك حرکاتندن او قدر ممنون اولدی که اوکا
برنقشك مقامنى ویردی . زنکی ده بو مقامه کچدی [۲] . بو
ابوالفرج
۱۱۱۷

موقع زنکینك نفوذ و قدرتی پك آرتیرمش اولمقله برابر خلیفه نك
موجودیتی ، سلجوقی سلطانلرینك قریبتی او بی پایان حرص
جاهنه برر مانعه تشکیل ایدیورلردی . دها اهمیتسز فقطدها
اوزاق بناء علیه دها مستقل بر والی کی ترجیح ایدردی .

بو صیراده فرانقلرك تشبثاتنه قارشى قویه بيله جك ماهر بر
قوماندانه مالک اولمق بوتون مسلمانلرك منفعتی اقتضاسندن ایدی .
ابن الاثیر

فرانقلر اوزمان ماردیندن و سنجاردن مصره قدر امتداد ایدن
بوتون ممالک حاکم ایدیلر . سوریه ده مسلمانلرك النده یالکیز
حلب ، حمص ، حما و شام قالمشدی . دیاربکر و آمد آره سنده
بولونان یرلرك کافه سی فرانقلره عائد ایدی . دیار جزیره
جهتنده نصیبینه ورأس العینه قدر اونلرك النده ایدی .

[۴] ۵۱۷ تاریخ عجزیسنده

[۵] ۵۲۱ » »

قوماندان برستیك وفاتندن صوكره ، افندیسنك اوغلنه
 موصل حكومتك توجیهی ایچون سلطان محموددن فرمان
 ایسته مش اولان كوله سی جاولی بو لطفی استحصال ایده مدی .
 سلطانك سراینده ذی نفوذ دشمنلری واردی . بونلر جاولی بی
 و برستیك اوغللرینی عزل ایده رك موصلی سوریه بی مدافعه یه
 یكانه اهل اولان زنکی یه ویرمك فكرنده ایدیلر . بوندن ده
 ای بر انتخاب اولامازدی . سلطان محمود ناظرلرینك مطالعات
 خصوصیه لرینك و جاولی علپهنده کی خصومتلرینك منافع اسلامیه یه ده
 توافق ایتمه سندن دولایی پك بختیار اولمشدر . زنکی بغدادی
 ترك ایله سوریه یه کیتدی . جاولی سلطانك امرلرینی کمال سکون
 ایله قارشیلادی . یکی موصل امیرینی استقباله کیتدی . زنکی بی
 کورور کورمز آتندن ایندی ، کیدوب النی اوپدی . زنکی
 بوتون توابعیله برابر رحبه شهرینی جاولی یه ویردی . صوكره ،
 موصل حكومتی کندیسنه توجیه ایتدیرمك اوزره سلطان
 نزدنده توسطده بولونمش اولانلرك كافه سنه بویوك هدیله لر کوندردی .
 زنکی موصله صاحب اولدقدن صوكره عرض تابعیتدن
 استنكاف ایتمش اولان جزیره ابن عمر اهالیسیله حربه کیتدی .
 جزیره ابن عمر خلیفه عمر احفادینك دجله نهری اوزرنده
 بر اطه ده بنا ایتدكلری بر شهردر . موصلك اوست طرفنده
 کاشندر . بو شهره اونلر بواسمی ویرمشلردر . زنکی ، اردوسنی
 قسماً یوزه یوزه قسماً قایقلارله دجله دن کچیردی . شهرك

سورلری ایله نهرک ساحلی آراسنده قرارگاه تأسیس ایتدی .
 برمحاربه وقوعه کلدی . شهرده کی قوهٔ محافظه مغلوب اولدی .
 اهالی عرض تسلیمیت تکلیفنده بولونه رق، زنکی یه قاپیلری
 آچدیله . برکون دها مقاومت کوسترمش اولسه ایدیلر
 قورتولاجقلردی . اونلرک قاپیلری آچدقلری کیجه دجله
 نهری او قدر یوکسلدی که تاسورلره قدر دایاندی . زنکینک
 اردوگاه قورمش اولدیغی یری تمامیه اورتدی . بوسفردن
 صوکره زنکی ، ماردین مذکی تمرتاشه عائد اولان نصیبین
 شهرینی محاصره یه کیتدی . تمرتاش درحال عموجه زاده سی
 کیفا ملکی داوددن استمداد ایتدی . فقط زنکی بونلره قوتلرینی
 برلشديرمک ایچون وقت برامادی . محاصره یی تشدید ایدهرک
 شهری اله کچیردی . صوکره سنجار، جابور، حران شهرلری ده
 زنکینک تحت اداره سینه کیردیله . بالخاصه حران شهری ،
 رهاده برلشمش اولان فرانقلرک قریبتندن دولایی پک راحتسز
 اولیوردی . سروج ایله مزوپوتامیانک سائر دها بعض مواقعی
 عرض تابعیت ایتدیله . اهالی کلوب شهرلرینه وضع ید اتمه سی
 ایچون زنکیدن رجالرده بولومشلردی . زنکی بورایه کیتدی .
 اورادن رها یاخود ادهسه قوتی ژوسلنه بر سفیر کوندره رک
 بوتون بوفتوحاتی وبالخاصه فراتی کچهرک کیدوب حلی ضبط
 اتمک یولنده کی نیتنی اوکا بیلدیله . ژوسلن زنکی ایله صلح
 یاپدی . بو قونت ، آنطاکیه پرئسی بونه موند لوژون ایله

ان الاثیر

شدتلی منازعاتده بولونمشدی. آرالرنده کی خصومت او قدر زیاده کیلیوم دوتیر ایدی که ژوسلن تورکلرله برلشمش و زنکینک عساکری طرفندن معاونت کورمشدی. بو سایه ده آنطا کیه اراضیسینه کیرمشدی. قدس قرالی ایکنجی بودوان بو ایکی پرئسی باریشدیرمق ایچون آنطا کیه یه کیتمه که مجبور قالمشدی.

زنکینک سیاحتندن خبردار اولان حلب سکنه سی اونى حلبه کلمکه دعوت ایتشلردی. حلب اولجه امیر برسقی نک تحت حکمنده ایدی. فقط وفاتندن صوکره یرینه کچن اوغلی مسعود شهرک اداره سنی قتلغ [۱] نامنده بر امیره ویرمشدی. بووالینک حرکاتندن ممنون اولمایان اهالی عصیان ایتدیلر. اونى حصارده محاصره آلتنه آلدیلر. قتلغ فرانقلری امدادینه چاغیردی. رها قوتی ژوسلن حلبه دوغرو قوشدی. فقط اهالی اوکا بر مقدار پاره ویردکلری ایچون کری دوندی. زنکی قراقوش نامنده بر قوماندانی اورایه کوندره رک بوتون سوریه یی کنديسینه توجیه ایچون سلطان محمودک ویردیکی فرمانی اونلره کوسترتدی. بونک اوزرینه کرک حلبیلر کرک والی زنکی یه تابع اولدیلر. موصالده بولونان زنکی درحال خراتی کچدی. یولده منبج و بزاعه Bouzaa شهرلرینی آلدی، اهالینک آقیشلری آراسنده حلبه کیردی. شهره صاحب

اولونجه [۱] قتاغی توقیف ایتدیره رک کوزلرینه میل چکدیردی .
 آرتق هپ حرص جا دایله حرکت ایدن زنکی ، حکومتک
 حدودلرینی توسیع ایچون هر چاره یی دوشونمکه باشلادی .
 موصل حکومتی محافظه ایچون ایران سلطانه یوز بیک
 آلتون سکه ویردی . صو کره ، فرانقلره قارشی بر حربه
 کیریشمک نیتیه ، شام ملکی بوریدن عسکر ایسته دی [۲] .
 بوری ، حماده والی بولونان اوغلی سونج So unedge
 بوتون عسا کر یله زنکینک یانه کیتمه سی ایچون امر ویردی .
 فقط سونج امدادینه کیتدیکی زنکی طرفندن توقیف ایدیلدیکی
 کورونجه حیرتله دوشدی . زنکی امراسیله برابر بونی
 حلیده حبس ایتدیرد کدن صو کره در حال ، عسکر دن تمامیه حالی
 اولان حما اوزرینه یورودی . بوراسنی قولایجه اله کچیردی .
 حمص امیری قیرخانیه عینی صورتده آلداته رق توقیف
 ایتدیردی . صو کره حمص سورلرینک دینه یوللاته رق
 ایچریده قوماندان بولونان اوغلنه شهر ی زنکی یه تسلیم ایتسی
 ایچون امر ویردی . فقط اهالی اطاعت ایتدیله . زنکی
 موصله دونمکه مجبور اولدی . سونجی ، حما امراسنی برلکده
 کوتوردی . بونلر کندی صداقتسزلکنک حقیقی بر دلیلی
 ایدیلر . بو حرکتی زنکی یه قارشی جوار حکمدارلرک کافه سنک

سنه

۱۱۲۹

[۱] قلعه یه ۵۲۲ سنه سی محرمنده صاحب اولمشر .

[۲] ۵۲۳ تاریخ هجریسنده .

نفرتنی جلب ایتدی . ارتقیه حکمدارلرندن داود ایله
 تمر تاش- [۱] که بریسی کیفاده دیکری ماردینده حکمران ایدیلر -
 یکر می بیک کشیلک براردو طوپلادیلر ، زنکینک ممالکنه
 کیردیلر . فقط زنکینک معیتندە درت بیکدن فضله عسکر بولونماقله
 برابر اولری دارا Dara قربنده مغلوب ایدە رک کرک اوراسنی
 کرک سرچی Serdgia قلعه سنی اله کچیردی . مع مافیە بومو فوقیت
 داودک ، اردوسندن قالان افراد ایله کلە رک جزیرە ابن عمری
 راحت راحت یغما ایتمه سنے مانع اولامادی . یوللرک مشکلاتی
 زنکینک یتیشمه سنے مانع اولیوردی .

ارتقیلرە قارشى بو محاربه دن صو کره زنکی یکی عسکر
 طوپلادی [۲] . آنطا کیه اراضیسندە بر آقین یاپدی . انارب
 قلعه سنی محاصره ایتدی . سکنه سی فرانقلردن عبارت اولان
 بوشهر ، حلب اهالیسنى ازعاج ایدیوردی . بونلر غربده کاش
 اولان بر قسم املاکلرینی محافظه ایچون اولنرە صداقت یمینی
 ایتک مجبوریتندە بولونیورلردی . قدس قرالی ایکنجی بودوانک
 دامادی اولان بوئه موند زنکی یه قارشى یورودی . زنکی در حال
 انارب محاصره سندن واز کچدی . بوئه موند مغلوب اولدی ،
 حربده مقتول دوشدی . زنکی تکرار انارب پیشگاهنه کلدی .

[۱] ۵۲۴ تاریخ هجریسندە .

[۲] بووقعه دن بحث ایدن کیلیوم دوتیر بونک رضوانک اوغلی
 حلب برسی اولدیغنی یازی ورسه ده یا کیلیور .

قلعه يي خاك ايله يکسان ايتدی [۱]. بونه موندک خبر وفاتی
 آنطا کیه يي پک یاسه دوشورمشدی. بوندن دولایي قدس قرالی
 بو پرنسلیکه کلکه مجبوریت حس ایتمشدی. بورایه ورودی ایسه
 پک حائز اهمیتدی. چونکه بونه موندن دول قالان قیزی
 آنطا کیه پرنسلیکنی یالکیز باسنه محافظه ایچون زنکی ايله
 مذاکراته کیریشمه حاضر لانیوردی. فقط نعللری کوموشدن ،
 اکر طاقی مرصع غایت کوزل برآت ايله زنکی یه یوللادیغی
 مأمور بودوانک انه دوشدیکی جهته بو تصور عقیم قالدی .
 مأمور اولدیریلدی . بودوان، قیزی پرنسلیک شدتلی مقاومتنه
 رغماً آنطا کیه یه کیردی . زنکی اثار بقلعه سنی تخریب و حارمی
 محاصره ایتد کدن صو کره طرابلس اراضیسنه یورودی. بورانک
 قوتی پونس ایدی . زنکی بو پرنسی بعین یاخود مونفرران
 قلعه سنده محاصره ایتدی . فقط طرابلس قونتی سه-یل قدس
 تحتنه یکی چیقمش اولان فولوقدن استمداد ایتدیکی جهته
 عسکری پک یورغون و مجروح بولوبان زنکی قرالک ورودینی
 بکله مک ایسته مدی. فرانقلره صالح عقد ایدهرک کری دوندی.
 برمدت صو کره زنکی دیاربکر طرفلرنده حرب ایتدی [۲].
 باهاراد Bahmarrad حصارینی اله کچیردی . صو کره ثمره سز

سنه
۱۱۳۱

۱۱۳۲
ابن الاثیر

[۱] صو کره بو حصار تعمیر ایدیله مشدر . ابوالفدا کندی زماننده
 بونک خرابه سنه الان تصادف ایدیلدیکی یازیور.
 [۲] ۵۲۶ تاریخ هجریسنده .

بر حربه گیریشدی . بودن استحصاا ایتدیکی یکانه منفعت
 کندیسندن يك قوتلی حکمدارلرک ایشنه قاریشمش اولق شرفندن
 عبارتدر . فقط بو حکمدارلر کندی آرالرنده صلح ایتدکن
 صوکره زنکی یی یوز اوستی براقدیلر . برسنه اول سلطان محمود
 همدانده اولمشدی . محمودک اوغلی داود ایله عموچه سی ^{ابن الاثیر}
 مسعود تاج غوغاسنده ایدیلر . بوشهزاده لرک هربری بر رفقه ^{ابوالفدا}
 تشکیل ایتشلردی . زنکی ، مسعود طرفنی التزام ایتدی .
 بناءً علیه اردوسيله تکریته کیتدی . فقط اوراده مغلوب اولدیغی
 ایچون موصله عودت مجبوریتنده قالدی . مسعوده قارشى تکرار
 یورومک اوزره یکی عسکر طویلا دیغی صیراده سلاجوقی
 عائله سنک الک ذی قدرت حکمداری اولان سلطان
 سنجر افراد عائله سی آراسنده تأسیس سکون ایچون
 بویوک بر اوردو ایله همدانه دوغرو ایلریله دی . ایکی شهزاده
 درحال برلشدیلر . خلیفه مسترشد ایله بغداده چکیلدیلر .
 چونکه سنجر تختنه طوغرولی چیقارمق فیکرنده ایدی .
 سنجر بغداده دوغرو یورومه سی ایچون زنکی یه امر ویردی .
 شهرى ضبط ایدر ایتمز خطبه یی طوغرول نامنه او قوتما سی ده
 بوامرده داخلدی . سنجرک امرینه مخالفت ایدمه یی زنکی
 عربلر امیری دبیس ایله برابر کوچوک دجله ساحلنده کائن
 مناریه Menaria ده اردو قوردی . ایکی اردو برمکیلر

قلعه سی قربنده قارشی قارشی به کلیدلر [۱] . اردوسنك
اورته سنده، قاره چادیری آلتنده قرارگاه تأسیس ایتش اولان
خلیفه قیلیج الدہ ایلریله دی . زنکی ، جمال الدوله اقبال
طرفندن قوماندا ایدیلن صاغ جناح اوزرینه هجوم ایتدی .
خلیفه ، دبیسك قوماندا ایتدیکی مفرزه به صولت کوستردی .
خلیفه نك تلقین ایتدیکی قورقو و حرمت عسکری متأثر ایتدی .
فرازه باشلادیلر . دبیس مغلوب اولدی . زنکی تکرار هجومه
معروض قالدیجه بویوک ضایعات ایله قاجدی . خلیفه مسترشد
بو مظفریتدن صوکره زنکی به مؤاخذات شدیدده بولمق
اوزره بهاءالدین الاسفرائینی کوندردی . زنکی بومرخصك
عظمتندن او قدر قیزدی که اونی توقیف ایتدیردی . حقوق
دولك بوصورتله اخلاص ایدیلله سی خلیفه به موصلی محاصره
فکرله حربه کیشمك ایچون بروسيله احضار ایتدی .
او توزیك عسکرله بغداددن چیقادی [۲] . خلیفه نك حرکتندن
خبردار اولان زنکی موصلك محافظه سنی نصیرالدین به راقه رق
سنجارد چکیلیدی . سنجاردن مفرزه لر کوندردی خلیفه
اردوسنك لوازم قوللارینی اورییوردی . موصلده بالعکس
مبذول ییه جك واردی . محاصره صقنسی حس ایدیلیوردی .
مع مافیله خلیفه دولکرلرک خیاتی اثری اوله رق قلعه به کیرمك

سنه
۱۱۴۳

[۱] ۵۲۶ سنه سی رجب نك ۲۷ سنده .

[۲] ۵۲۷ سنه سی ربیع الاولنده .

اوزره ایدی . فقط کندیسنه قاپیلری آچه جقلری کیجه
خائنلر آ کلاشیله رق اعدام ایدیلدیلر . بیهوده یره بو قلعه
اوکنده اوچ آی قالدیغنه جانی صیقیلان مسترشد بغداده
دوندی . برمدت صوکره زنکی ایله صالح عقد ایتدی .

ابن الاثیر
ابوالفدا

حمیدیه کوردلری رئیس اولوب زنکی طرفندن امارتده
انقا ایدیلن عیسی نامنده بر امیر بو موصل سیفرنده خلیفهیه
معاونتده بولونمشدی . زنکی بونی تأدیب ایتمک [۱] لزومنه قانع
اولدی . موصل محاصره سی رفع ایدیلر ایدیلر بو کوردلرک
مملکتته کیردی . عقر Acar ، شوش Schousch ، حکاری
و کواشی Kavaschi قلعه لری ضبط ایتدی . صوکره کیدوب
ارتقیلره عائد بولونان امد شهرینی محاصره یه آلدی . اورادن ،
شام شهرینی اله کچیرمک و بو حکومتی محو ایتمک فکریله
سوریه یه کلدی . شام پیشگاهنده اردو قوردیسه ده فرانقلرک
شام حکمدارینه وقوع بولان معاونتلی [۲] اوزرینه اورادن
چکیلیمکه مجبور اولدی . حما شهرینی اله کچیردی . صوکره
بو شهری شام مملکتنه ویره رک مقابلنده تدمری آلدی [۳] .
اگر شام حکمداریله عقد صالح ایتسه ایدی حمصی ده ضبط
ایده جکدی . زنکی شامی و حمصی ضبط ایده مه مه نک آجیسنی

۱۱۳۴
ابوالفدا
کیلیوم دوتیر

[۱] ۵۲۸ تاریخ هجریسنده .

[۲] ۵۲۹ تاریخ هجریسنده .

[۳] ۵۳۰ « «

چيقارمق ايچون فرانقلرك مملكتنه حلب واليسى اسوارى	سنه
Asouar حلب و حما عسكرلريله سوق ايتدى [۱]. بونلر	۱۱۳۵
لاذقيه جوارلرينه يايلىدىلر . او قدر چوق اسير آلدىلر كه بوتون	ابوالفدا
سوريه بونلرله دولدى .	۱۱۳۶
زنكى حمص محاصره سنى قالد يردقدن صوكره [۲] سلاحلرينى	۱۱۳۷
فرانقلر عليهنه چووردى . بونلر بربرلريله حال حربده ايدىلر .	ابن الاثير
فرانقلرك آنطاكيه يي كنديسنه تسليم ائمه لرى لازم كلديكى	كيايوم دوتير
ادعاسنده بولونان استانبول امپراطورى ژان قومنه بويوك	
بر اردو ايله آنطاكيه الكاسنه كيرمش ، بر خيلى قصباتى	
ضبط ائتمش ، آنطاكيه يي محاصره يه آلمشدى . زنكى ،	
طرابلس قونتنك اراضيسنى تخريبه كىتمك ايچون بو زمانى	
انتخاب ايتدى . رفينه طرفلرينه كىتدى . فرانقلر طرفندن	
مونفرران ياخود مونفررا قلعه سى ديه ياد ايدىلن بعيرن	
حصارنى محاصره ايلدى . بو قلعه مسلمانلره يك چوق	
ضرر ويريوردى . فرانقلر اورادن حلب ايله حما آراسينه	
آقنلار ياپيورلدى . پدرى پونسك يرينه كچمش اولان	
طرابلس قوتى رهمون قدس قرالى فولقدن استمداد ايتدى .	
فولق بر اردو ايله درحال طرابلسه دوغرو يورودى . ژان	
قومنه نك تشبثاتنه قارشى كنديسنى مدافعه ايله مشغول اولان	

[۱] ۵۳۱ تاريخ هجري سنده .

[۲] ۵۳۱ سنه سى شوالنك ۲۰ سنده .

آنطاکیه پرنسی کندیسی هر طرفدن استمداد ایدیوردی .
 قدس قرالی ایله طرابلس قوتی قوتلرینی برلشدیرهرك زنکی
 اوزرینه یورودیلر . زنکی درحان بعین محاصره سنی رفع ایله
 بونلره قارشى حرکت ایتدی . چوق کچمه دن فرانقلرله
 قارشىلاشدی . فرانقلری بوزدی . قرالی پریشان برحاله
 قلعه یه قاچغه مجبور براقدی . طرابلس قوتی اسیر دوشدی .
 فرانقلرک بوتون انسیاسی یغما ایدیلدی . قدس قرالی ایله
 یاننده کیلر بعین قلعه سنه ارزاق ادخالنه موفق اولاماشلردی .
 بونی خبر آلان زنکی حصاری تکرار محاصره ایتدی .
 قلعه ده قرال فولق ایله برابر کیلیوم دوبوریس ، شووالیه
 ره یه بروس ، کوئی بریزبار ، بودوان دورامی ، اونفروا
 دوتورون واردی . بونلر درحال وضعیتلرندن آنطاکیه
 پرنسی ، دده سه قوتی ژوسلین لوژونی و قدس پطریقنی خبردار
 ایتدیلر . بوتون فرانقلر قراللرینی قورتارمق ایچون برلشدیلر .
 آنطاکیه پرنسی بیله روملر جوارده اردو قورمش اولمقله برابر
 آنطاکیه دن چیقدی . زنکی ، فرانقلرک مواصلتندن اول
 قلعه یی ضبط ایدمک ایچون محاصره یی تشدید ایتدی .
 قلعه ده ییه جک یوقدی . دها اوزون مدت دایانامایه جقدی .
 تام بو صیراده آنطاکیه پرنسی ره مونایله نه دده سه قوتی عسکر-
 لریله کورونمکه باشلادیلر . استانسول ایمپراطورینک ده بونلره
 التحاق ایتمه سندن قورقان زنکی محصورینه قوه امدادیه نك

ورودندن خبردار اولما رینه وقت قالمه دن صالح تکلیفنده بولوندى .
 يورغونلقدن و قیطلقدن بیتکین بر حاله ککش اولان فرانقلر
 بوتکلیفاتی کمال مسارعتله قبول ایتدیلر . بعین قلعه سنی تسلیم
 ایتمکه ، الی بیک آلتون سکه ویرمکه راضی اولدیلر .
 بوشراٹ اجرا ایدیلدی زنکی طرابلس قوتنی سربست براقدی .
 قدس قرالی قلعه یی تخلیه ایتدی .

ابوالفدا
 ابوالفرج

زنکی بعین قلعه سی او کنده مشغول اولدیغی صیراده بر
 طاقم مفرزه لر کوندره رک فرانقلرک تحت تابعیتنده بولونان معرد
 و کفرطاب شهرلرینی ضبط ایتشدی . صوکره حما شهرینه [۱]
 اورادن بعلمکه کیتدی . بو شهر جوارنده کی مجدل قلعه سنی
 آلدی . بو قلعه شام ملکینه عائد ایدی . بانیاس والیسنی ده
 کندیسنه عرض تابعیته مجبور براقدی . صوکره حصی محاصره
 آلتنه آلدی و ضبط ایتدی . شام ملک کی شهاب الدین محمودک
 والده سی زمرد خاتون ایله ازدواجه طالب اولدی . شام حکو -
 متی ضبط ایچون بوازدواجی مناسب برچاره دییه دوشونمشدی .
 فقط امیدلری بوشه چیقدی . حتی آز قالدی ممالکنک الک بویوک
 بر قسمنی غائب ایده جکدی .

سنه

۱۱۳۸

کیلیوم دوتیر
 ابوالفدا
 ابن الاثیر

او صیراده روملرک ورودندن خبردار اولونجه علی العجله
 سلمیه Salamia یه کیتدی . استانبول ایمپراطوری ، آنطاکیه
 پرنسی ردمون ایله صالح عقد ایتدکن صوکره قیشی کچیرمک

فكريله كيليك ياده طرسوس شهرينه چكيا مشدى . مهاركانجه
 رهمون ، طرابلس قوتى و نه ده سه قوتى ايله برلكده حربه
 چيقم شدى . روملرله فرانكلر ايلك هجوم ايتدكلرى شهر
 حلبدن آلتى پرسنك [۱] مسافه ده كائن نزاعه قلعه سى اولمشدر .
 نيسهت قونيات بوكا پزا Pizaa دييور . بوراده بر محاربه
 وقوعه كلدى . محاربه ده روملر كريله مكه مجبور اولديلر . فقط
 ايمپراطور يتيشنجه نزاعه عسا كرى شهره كيرديلر ، آرتق
 ديشارى چيقمغه جسارت ايدمهديلر . بوراسى پك مستحكم
 اولمقله برابر تسليم اولمغه مجبور قالدى [۲] . اهالى حياتلرينى
 قورتارمق اچون عظيم برپاره تسويه ايتديلر . ابوالفدا شراطدن
 هيچ برينه رعايت ايتمديكى ، اهاليدن بر قسمنى اسير آلدیغى ،
 متباقيسى قيلمىچدن كچيرديكى اچون ايمپراطورى مؤاخذه ايدیيور .
 بن الاثير قلعه نك هجوم ايله ضبط اولونديغنى سويله يور . بو
 شهر ك قاضيسى خرستيانلغى قبول ايتدى . ايمپراطور نزاعه ده
 يكرمى كون قدر قالدقن صو كره بوراسنى نه ده سه قونتنه ويردى .
 اورادن منبج Bempezum اوزرينه يورودى ايسه ده بونى
 ضبط ايتمكى اهل ايله دى . ايمپراطور صو كره حلبه
 ياقلاشدى . قويق Couiq ده اردو قوردى . حلب سكه نه سى
 متعدد خروج حركتلى ياپديلر . روملر ك پطريقنى اتلاف

[۱] بن الاثير بر كونلك مسافه ده دييور .

[۲] ۵۳۲ سنه سى رجب نك ۲۵ نده . بن الاثير شعبان اينده دييور .

ایتدیله . بو شهرک پک کوزل مستحکم اولدیغنی کوردن
ایمپراطور اوراده آنجق اوچ کون قالدی . اثارب [۱]
شهرینی بالهجوم ضبط ایتدی . آلدیغنی بوتون اسیرلری
بوراده براقه رق کفرطاب اوزرینه یورودی . بو ، مستحکم
بر قلعه ایدی . دهها بر طاقم مستحکم توابعی ده واردی .
فقط بو شهر اوکنده اوزون مدت توقفی مناسب کرمدیکندن
محاصره یی رفع ایله شیر [۲] یاخود قیساریه (؟) شهرینی
محاصره ایتدی . بو ، حمادن بر کون مسافه ده بر داغ
ایله بر نهر آراسنده کائن بر شهردر . داغک سطح مائلندن
نهره قدر آنفی ته آتر شکنده امتداد ایدر . او زمان منقد
عائله سندن ابوالعسا کر سلطان نامنده بر امیرک تحت تصرفنده
ایدی . فرانقلر روم ایمپراطورینه زنکینک [۳] بوراسنی
مدافعه یه اهمیت ویرمه یه جکنی تأمین ایتشلردی . اون سکر
ماکنه قوردیلر . قلعه یی دوکمه که باشلادیلر . ابوالعسا کر
وضعیتدن زنکی یی خبردار ایتدی وامداد ایسته دی . زنکی
درحال اردوسیه هما شهرینه کلدی . اورادن یوللادیغنی
مفرزه لر شیرزک شرقنده بر داغ اوستنده قرارگاه تأسیس
ایتمش اولان روملرله فرانقلری دائمی صورتده ازعاج

[۱] نیسه ت قونیات بوکا فره ب Phereb دیور .

[۲] بزم مورخلرمز بورایه سیزدری Sizeri دیورلر .

[۳] نیسه ت قونیات بوکا زاسه Zaçe دیور .

ایتمیدیلر . زنکی اونلره اووایه اینمک و محاربه یه کیریشمک
 تکلیفنده بولونیوردی . فرانقلر بو تکلیفی قبول فکرنده
 ایدیلر . فقط ایمپراطور بر دورلو راضی اولمادی . برچوق
 کوچوک مصادمات وقوعه کلدی . بونلر بیهوده اولدقلری
 قدر طرفین ایچوندده هیچ بر فائده تأمین ایتمیدیلر . زنکی
 فرانقلرله روملر آراسنه نفاق صوقدی . هپسی محاصره یی
 رفع ایدهرک [۱] ماکنه لری ترک ایتمیدیلر . بونک اوزرینه
 زنکی دشمنک دمدار فرقه سی اوزرینه هجوم ایتدی . بر
 چوق اسیر آلدی . بو وقعهدن درحال ، بغدادده بولونان
 سلطان مسعوده خبر ویردی . بر مدت اولده اوکا روملرک
 ورودی بیلیرمشدی . حلبک ضبطدن صوکره فرانقلرک
 شرقه دوغرو دها زیاده ایلریله مه لرندن قورقان بغداد
 سکنه سی بو خبردن پک تالاشه دوشمشلردی . مسعودک
 سورییه امداد ایچون عسکر یوللامادیغندن دولایی هرکس
 علناً سویلنمکه باشلامشدی . چونکه سورییه ده مسلمانلرک النده
 حما شهرندن باشقه بر یر قالمامشدی . روملرک و فرانقلرک
 کیتدکلری خبری فکرلری تسکین ایتدی . آرتق اوسنه [۲]
 ائاسنده هیچ بر وقعه جریان ایتدی . یالکیز سورییه ده
 بر طاقم زلزله لر وقوعه کلدی . حلب شهری بوندن پک
 ضرر کوردی .

[۱] ۵۳۲ سنه سی رمضاننده . شیر اوکنده ۲۴ کوز قالمشلردی .

[۲] صفرک دردندن اون دو قوزینه قدر قالدیلر .

ابن الاثير
ابو الفدا
ابن شحنة
ابو الفرج

روملرك رجعتندن صوكره زنكى طرابلس الكاسنده
عرقه قلعه سنى محاصره يه كيتدى. فراتقلره عائد اولان بوموقى
ضبط ايله برچوق اسير آلدقندن صوكره قلعه يي كوكندن
ييتدى. صوكره بعلبك دوغرو يورودى ۱۱۱. بوشهر شام
نائب حكومتى انزه عائد ايدى. قلعه يي اون درت ماكنه ايله
دوكمكه باشلادى. ابتدا شهر صوكره قلعه تسليم اولدى.
فقط زنكى بركره قلعه يه حاكم اولونجه شرائط صلح يه هيچ
رعايت اتمه يهرك بوتون قوؤ محافظه يي صلب ايتيردى.

۱۱۴۰

زنكىنك شام ملكنك والده سى زمره خاتون ايله ازدواج
ايمه سى بونك شهرده پك صاحب نفوذ اولماسندن ايلرى كلىشدى.
اوسايله ده بومهم موقعى اله كچيره بيله جكنى اميد ايدى يوردى. فقط
بوابده ياپديغى انتريقه لر بر ثمره دويرمه نجه شام ملكى اولان جمال الدين
محمد بعلبك وحصص شهرلرني تكليف ايتيردى. زنكىنك
مقاصدى پك آشكار اولديغى ايجون وعدلرينه اينالمادى.
شامك ضبطى خصوصنده دوچار اولديغى مشكلاتدن دولاي
يكي قاري سنى بوشادى. شامى محاصره به آلدى. شهرده هر دورلو
حكم و نفوذ صاحب اولان انز ايشلرى او قدر كوزل تنظيم
ايتمشدى كه جمال الدين محاصره ائناسنده وفات ايتديكى حالد [۲]

[۱] ۵۳۳ سنه سى ذى الحجه سنك ۲۰ سنده محاصره ايتمشدر.

[۲] ۵۳۴ سنه سى شعبانك ۸ نده.

اهالی سکونتلرینی محافظه ایتدیلر. مجیرالدین ایتک انز طرفندن
تخته چیقارماسنه راضی اولدیلر . محاصرہ دینی رفیعہ مجبور اولان
زنکی ، تکرار ینہ شامہ عودت ایتک املنی بسالہ مکله برابر
بعض آقینلر یامغہ کیتدی . فقط جمال الدین شامده خطبہ بی
اونک نامہ او قوتمنی قبول ایدہ رک زنکی ایله صلح عقد ایتدی .
زنکی بوسفردن اول ، قاپچاق [۱] نامیلہ یادایدیلن برامیرک
حاکم بولوندیغی شهر زوری ضبط ایتشدی . زنکی ایله اوغراشمغہ
قالقمق جرئتکارلغندہ بولونمش اولان بوامیر مغلوب اولمش ،
بوتون الکاسی غالبک تحت اداره سنہ کچمشدی .

سنہ

۱۱۴۳

ابن الاثیر

ابوالفدا

ژان دولوقا

صوکرہ زنکی اردولریله کوردلرک مملکتنه یورودی [۲].
فرات ودجلہ نہرلری بویندہ یایلمش اولان بوقوملر عن اصل
کورجستان جوارندہ کی یوکسک داغلر دہ چوغالمشردر . وحشی
برطاقم آدملردر . اورمانلردہ یاخود سورولرینک آراسندہ
یاستامغہ آیشمشلردر . بونلرہ لازلر یاخودلر کیلردہ دینلمشدر .
حتی بعض کیمسہ لر کورداسمنک قورد معناسنی افادہ ایتدیکنی دہ
ادعا ایدیورلر . چونکہ اونلرک مملکتندہ بوحیواناتہ یک چوق تصادف
اولور . بونلر مختلف قبیلہ و عشیرتله منقسم ایدیلر . ایچلرندہ روادی
Ravadiens ، حکاری عشیرتلری مشهور ایدی . زنکینک
قوماندانی نصیرالدین جقر Dgiacar کوردلرک مملکتنک

[۱] تورکمن آرسلان تاشک اوغلی .

[۲] ۵۳۷ تاریخ هجریسنده .

برقسمنی ضبط ایتشدی . او وقتدن بری کوردلر موصل
حکومتنه دائمی صورتده آقینلر یاپیورلردی . زنکی بونلره
قارشی یورودی . اشب نامنده غایت مستحکم برقلعه یی محاصره
ایتدی . بونی کو کندن ییقدی . یرینه دیکر برقلعه یاپه رق
کندیسنک عمادالدین اسمنه اضافتله عمادیه نامیله تسمیه ایتدی .
کوردلر بر آز صو کره بوقلعه یی تخریب ایتدیلر . زنکی تکرار
یادیرمغه مجبور اولدی .

سنه

۱۱۴۳

بو قدر موفقیاتنه رغم سلطان مسعود زنکی یی سومیوردی .
بر چوق امرانک فرارینی [۱] مسعود ، موصل ملکینک
کیزلی تحریکاتنه عطف ایدیودی . انتقام آلق ایچون مناسب
برفرسته منتظر ایدی . مسعود فرصتی بوسنه بولدی . اونک
ایچون ، بویوک بر اردو طوپلادی . کیدوب موصلی محاصره
ایتمک فیکرنده ایدی . فقط زنکینک تقدیم ایتدیکی مهم بر مبلغ
حدتی یاتیشدی . زنکینک نزدینه کله سی شرطنی قویدقدن
صو کره سلطان کری دوندی . موصل ملک فرانقلره قارشی
محاربه نک بو کامکان ویرمیدی . بهانه سیله سلطانک یانه کیتمکدن
امتناع کوستردی . سلطان بومعذرتی قبول ایتش کوروندی .
سلطانک ایلمک فیکری زنکینک نفوذ وقوتی تمامیه نحو
ایتمکدی . فقط ناظرلرینک توصیه سی اوزرینه بوندن واز
کچمشدی . ناظرلر ، فرانقلرک بوتون قوتلرینه قارشی دورا -

بیله جك یكانه امیرك زنگی اولدیغنی سلطانه آکلاتمشلردی .
 حالبوکه دها اول مودود ، برسقی وسائر امرا بر چوق
 اردولرله بوکا موفق اولامامشلردی . زنگی دسیسهلری
 سایه سنده سلطانك اعتمادینی نهایت بوتون بوتون قازاندی .
 بویوک اوغلی سیف الدین غازی اوزمان سلطانك سراینده ایدی .
 زنگی اوکا اورادن قاجاسی ایچون کیزلیجه خبر کوندردی .
 عینی زمانده موصل والیسی نصیرالدین چقره ده سیف الدینه
 شهرک قاپیلرینی آچاماسی ایچون امر ویردی . والی ، زنگینك
 امرلرینی اجرا ایتدی . حتی کنج شهزاده نك کیدوب پدرینی
 کورمه سنه بیله مساعده ایتدی . سیف الدین بر قوماندان
 ایله سلطانك نزدینه اعاده اولوندی . قوماندان ، اوغلنك
 حرکتدن دولایی زنگینك صوک درجه ده حدت ایتدیکنی ،
 حتی اوغلنك یوزینی بیله کورمک ایسته مدیکنی عرض ایله دی .
 فرانقلر ایچون او قدر مدهش بر دشمن اولان بو حکمدار
 ایسته بویله حیللرله متبوعی اولان ایران سلطانی نزدنده
 نفوذ و موقعی محافظه ایدیوردی .

سنه

۱۱۴۳

ابوالفدا

ابن الاثیر

اوزمان رها یاخود ادهس شهری فرانقلرک سوریه ده
 تأسیس ایتش اولدقلری قلعه لرك الك مستحکم لرندن ایدی .
 اورادن بوتون جوارلره یاییلیورلردی . مار دین ایله فرات
 آراسنده کی سروج ، بیره ، حماین Dgiamelin ، موزر
 Mouzar ، قرادی Cardri و سائر کبی بوتون واقعی ضبط ایتمشلردی

ارتقيە النده بولونان امدقايلرينه و بوتون دياربكر حواليسنه قدر
 آقنلر ياپيورلردى . ارتقىلر بو فرانقلرى پوسكورتەجك بر
 اقتدارده دكلدىلر . ماردىن ، نصيبين ، رأس العين ، رقه
 Sarca و حران شهرلى دائى صورتده تجاوزاته معروض
 بولونيورلردى . ژوسلنك قوت و جسارتندن قورقان زنكى
 رهايه ياقلاشمغه جسارت ايدەميوردى . بو فرانق رهاده
 بولوندىقه بو شهرى آلمقدن اميدىنى كسمشى . مقصدى
 ژوسلنە هجوم ايتەكدى . فقط اونی آلداتمق ایچون دياربكر
 طرفلرينه حربە كيتدى . اوراده طنزه Thanra ، اسعرد
 Asarad ، خيزان ، روق Rouk ، مطليس ، بانسيه
 Bathaza ، ذوالقرنين شهرلىنى ضبطايتدى . امدحكمدارى
 ركن الدوله داود زنكى يە عرض تابعينه مجبور قالدى . امدده
 خطبه يى زنكى نامنه اوقوتدى . صوكر زنكى فرات قربنده
 حديثه Haditha و حانى Hani موقعلىنى اله كچردى .
 ژوسلن اسكى ادهسه قونتلىرىنك اعتياداتى خلافتده
 اوله رق پايتختنده اقامتدن واز كچمشدى . يقيندهكى
 تل باشر شهرى ترجيح ايدىيوردى . ژوسلن ، زنكىنك
 دياربكر محاربه سيله مشغول اولديغنى ظن ايدەرك عسكرينك
 باشنه كچدى ، سوريه دوغرو يورودى . زنكى درجال
 حيزلى بر يورويشله رهايه دوغرو ايلريله يەرك قلعه يى محاصره

ایندی ۱۱۱. بوايشده ، ادسه قوتی ایله آنطاکیه پرئسی
 آراسنده موجود اولان خصومتدن استفاده ایتک فرصتی
 قاجیرمادی . ابتدا شهر اهالیسی تسلیم اولمغه دعوت ایندی .
 فقط خلق ، ییه جکلری اولماقلا برابر ، بو تکلیفه رضا
 کوسترمدیلر . بونک اوزرینه زنکی بوتون ماکنه لری قوردی .
 قلعه یی شدتلی صورتده دوکمه کله باشلادی .

ادسه نك محاصره سی خبری انتشار ایدر ایتمز قونت ،
 آنطاکیه پرئسی ایله باریشمغه تشبث ایدهرک اوندن امداد
 ایسته دی . فقط پرئس امداد کوندرمکده استعجال کوسترمدی .
 قونتک باشنه کلن فلا کتدن قلباً ممنون اولیوردی . اوچنچی
 بودوانک چوجوقلغی حسیله قدس قرالغی نائبه سی بولونان
 قرالیچه بر مقدار عسکر ایله ماناسه یی ، فیلیب دوناباس ،
 الیناندو طبری یی یوللادی . زنکی بو صیراده عملیاته کال شدتله
 دوام ایدیوردی . سورلرک آتله لغ قویمشدی . آرتق بونلری یالکز
 دیرکلر طوتیوردی . دیرکلری ده طوتوشدیرتدی . سورلر
 ییقیلدی . عسکرلر هر طرفدن شهره کیره رک یغما یه باشلادیلر [۲] .
 قادین ، ارکک ، چوجوق هر کس قتل اولوندی . اهالیدن
 بعضیلری هنوز ضبط ایدیللمه مش اولان بر خصاره التجا ایتک

[۱] ۵۳۹ سنه سی جاذی الاخرنده .

[۲] بن الاثیره کوره محاصره ۲۹ ، ابوالفدایه کوره ۱۸

کون دوام ایتشدیر .

سنه
 ۱۱۵۴
 کیلیوم دوتیر
 ابوالفدا
 ابن الاثیر
 ابن شجنه
 ابوالفرج
 ابوالمحاسن

ایسته دیلر . فقط مدخل او کنده غلبه لق او قدر زیاده ایدی که
از دحامدن بر برلرینی بوغیورلردی . هوغ نامنده کی اده سه
باش پسقوسی بو وقعه ده وفات ایتشدی . شهری مدافعه بهانه سیله
هر طرفدن طوپلادیغی غایت عظیم ثروتی یاننده طاشیوردی .
بو پاره لری کندیسنه آلیقویمق حرصی سبب فلاکتی اولدی .
زنکی استحكاماتی تعمیر ایتدیردی ، شهرده بویوک بر قوه
محافظه براققدن صو کره جوارده فرانقلرك النده بولونان
سائر مواقع اوزرینه یورودی . ابتدا سروجی آلدی . صو کره
غایت مستحکم اولان بیر قلعه سنی محاصره ایتدی . بوده سروج
کی اده سه قونته تابعدی . بیر قلعه سنی ضبط ایتک اوزره
ایکن موصلده کی والیسی نصیرالدین چقرک قتل ایدلیدی خبر
مؤسفی آلدی .

موصلده سلچوقی عائله سندن آلپ آرسلان [۱] نامنده بر
شهرزاده واردی . زنکی بوتون ضبط ایتدیکی ممالکک هپ اوکا
عائد اولدیغندن آلپ آرسلانی اقناع ایدیوردی . بو شهرزاده یه
قارشی ساده جه آتا بك یعنی شهرزاده نك پدری یا خود والی
عنوانی المقله اکتفا ایله یوردی . فقط بو ظاهری انقیاده
رغمأ حقیقتده آلپ آرسلانه هیچ بر حکم ونفوذ براقما یوردی .
زنکینک غیبوتی اثناسنده نصیرالدین چقر موصلده قالمشدی .
اوراده امور دولته اشتغال ایدیور وبالخاصه آلپ آرسلانک

ابوالفدا
ابن الاثیر

مصارفاته پاره یتیشدیریوردی . بعض کیمسه لر آلب آرسلانه
 نصیرالدینی اولدیرتەرك شهری ضبط ایتمه سی فکرینی ویردیر .
 بو تصور قسماً اجرا ایدیلدی . چقر بر معتاد آلب آرسلانه
 عرض احتراماته کیتدیکی صیراده صورت مخصوصه ده احضار
 ایدیلن آدم لر طرفندن قتل ایدیلدی . نصیرالدینک باشنی کسیدیلر .
 آلب آرسلان بونی معیتندە کیلرک او کنه آتدیردی . اونلری
 قورقوته جننی وداغیته جننی امید ایدیوردی . فقط ایش عکسی
 ظهور ایتدی . نصیرالدینک باشنی کورونجه بونلر طویلاندیلر .
 آلب آرسلانک سراینه تجاوزه باشلادیلر . هر کس سلا حلاندى .
 زنکینک سراینده طویلاندیلر . صو کره قاضی تاج الدین یحی
 کیدوب آلب آرسلانی بولدی . معروض اولدیغی تهلکه یی اوکا
 آکلاتدی . قلعه یه چکیلمه سنی توصیه ایتدی . بو شهزاده
 قلعه یه کیدر کتمز اوراده محبوس قالدی . زنکی جریان ایدن
 احوالک کافه سندن خبردار اولونجه بیره محاصره سنی ترک ايله
 موصل یولنی طوتدی . فقط یولده هر شیئک تسکین ایدیلش
 اولدیغی خبرنی آلدی . زین الدین اسمنده یکی بر والی تعیین
 ایتدی . دیگر طرفدن ، زنکینک بر آز صو کره عودت
 ایتمه سندن قورقان فرانقار بیره قلعه سنی بر مقدار عسکر
 سوق ایتش اولان ماردین ملکى حسام الدین [۱] تیمور طاشه
 تسلیم ایتدیلر .

[۱] ابوالفدا ، ابوالعرج ، ابن شحنه نجم الدین دیورلر .

زنکی موصلده سکونت تأسس ایتیش اولدیغنی بیلدیکی
جهتله سوریه نك مختلف طرفلرنده حربه دوام ایتدی [۱] .
ماردینك شمالنده ، دجله ساحلنده کاش فنك Phenek قلعه سنی
محاصره ایچون بر مقدار عسکر کوندردی . بوراسی بشنویه
Schenouïens کوردلری امیری حسام الدوله یه تابعدی . بو محاصره
اوزون سوردی . قلعه پك مستحکمدی . ضبطی قابل اولامادی .
اردوسی فنك پیشکاهنده بولوندیغنی صیراده زنکی بالذات کیده رک
جعبر قلعه سنی محاصره ایتدی [۲] . سلطان ملک شاه بو قلعه نی امیر
سالمه ویرمشدی . بوامیرك سلاله سندن اولان علی ۱۳۱ اوزمان
بر قلعه یه مالک بولونیوردی . زنکی جعبر قلعه سی او کینده
بر مدت قالدقن صو کره منبج امیری حسان واسطه سیله علی نی
عرض تسلیمیه تشویق و دعوت ایتدی . فقط علی مقاومتده
اصرار کوستردی . حسان ، زنکینك عظیم اردولرینه قارشى
کندیسنی کیم حمایه ایده بیله جکنى صوردیغنی وقت : امیر (بلکه)
قارشى : وقتيله سزى حمایه ایدن ! جوانی ویریوردی . بلک
وقتيله منبج قلعه سنی محاصره ایتدیکی زمان براوق اصابتيله وفات
ایتمشدی . حسان ، علینك متانتنی زنکی یه بیلدیردی . فقط

سنه
۱۱۴۵
ابن الاثیر
ابوالفدا

ابن الاثیر
ابوالفدا
کینیوم دوتیر

[۱] ۵۴۰ تاریخ مجریسنده .

[۲] کیلیوم دوتیر بورایه قالوجنبار Calogenbar دیور .

[۳] بن مالک بن سالم بن مالک بن بدران بن المفلا ، بن مسیب .

مسیب عقیل قیله سندن ایدی .

جوابك صوك قسمنى سويلەمدى. زنكى محاصره يە دوام ايتدى. امير عليك سوزى چوق كچمەدن چىقدى. برطاقم كوله لر كيجه لين زنكىك اوزرينه هجوم ايدەرك كنديسنى اولديردىلر، صوكره قلعه يە قاچدىلر ۱۱۱. زنكىك خبر وفاتى اك ابتدا قلعه قواى محافظه سى خبر وىردى. زنكىك قوماندانلرى سورلر اوزرندن زنكىك وفاتى اعلان ايدىلەيكىنى ايشيدنجه چادرينه قوشدىلر، اونى حالت نزعده بولدىلر.

شرقلىلر عمادالدين زنكى يە زمانك اك بويوك حكمدارى ابن الاثير نظريه باقارلر. جسارتى، احتياطكارلىقى، بصيرت و حكمتى كنديسنى پك زياده صاحب قدرت بر حاله كتىرمشدى. عسكرلرينك كرك معاشاتنه، كرك عائله لرينه، املاكلرينه، شرف و حيثيتلرينه تعلق ايدن خصوصاته اعتناسى حسبيله اردو طرفندن پك سه ويلىوردى. بوندن دولايى نا مغلوب بر حاله كمشدى عسكرلرينك زوجه لرينه وقوع بولان تجاوزاتى بردرلو عفو اتمزدى. «اونلر ك قوجه لرى اولرىنى ترك ايله محارباتده آرقەم صيرا كليورلر، عائله لرينك محافظه سەنە دقت ايتك بنم وظيفه مدر» دىردى. زنكىنلر ك فقرايى تضيق اتمەلرينه، امر انك خلقه تجاوزاته قالمەلرينه، هر كسك اموالى

[۱] ۵۴۰ سنە سى ربيع الاخرينك بشندە. بن الاثير ايله ابوالفرج

۵۴۰ تاريخندە وفات ايتىككى سويليورلر. ابوالفدا ۵۴۱ تاريخندە

وفات ايتدىككى يازيور. بزم مورخلر هنك بيانانى دها زياده بن الاثير

ايله ابوالفرجك روايتنه توافق ايدر.

اللا رینه کچیرمه لرینه هیچ میدان ویرمزدی . بونلره حسن
مثال اولق ایچون ، تبعه سندن برنی اضطراره دوشورمکدن
ایسه کندایسی مضطرب اولغی ترجیح ایدردی . عسکرلرینک
اراضی صاحبی اولمالرینی هیچ ایسته مزددی . چونکه ، دیوردی ،
مملکته حاکم اولدقلری مدتجه ناصل اولسه ییه جک
بولا جقلردر . اکر طرد ایدیه جک اولورلرسه اراضیلرینی ده
راقغه مجبور اولاجقلردر . بوندن باشقه بویله اراضی یه تصرفی
خالقه برتجاوز وسیله سی اوله رق تلقی ایدردی . هر جمعه
فقرا یه برچوق پاره توزیع ایتدیرردی . تبعه سندن هیچ
برینک اجنبی بر حکمدار خدمتیه کیرمه سینه مساعده
کوستر مزدی . بو مناسبتله ، ممالکنی چیت ایله محاط بر باغچه یه
بکزه تدیکنی ، اورادن چیقانک دشمنه ایچری کیرمه نی تسهیل
ایتدیکنی سویلردی . موصلک بوتون قلعه لرینی تعمیر ایتدیردی .
یکیدن استیقامات یاپدیردی . فرانقلره مقاومت ایتک اوزره
حلب الکاسنه امیرلری یاروق Yaroc ایله برلکده ایوانی
Aïouaniens تورکنلرینی کتیردی . دولتک حدودلرینی
پک چوق توسیع ایتدی ودها دوغروسى ارتقیلرک ، فرانقلرک
و شام ملکلرینک ضررینه اوله رق بر ایمپراطورلق یاپدی .
رسفره کیریشه جکی زمان هر طرفده پاره بولا بیلیمک ایچون خزاننی
مختلف شهرلره تقسیم ایتک عادتى ایدی . مع مافیه شوراسنی ده
اعتراف ایتلیدرکه بر دولت تشکیل ایتک یولنده کی اوبی پایان

حرص جاھنہ خادم اولدیغی مدتجہ ابراز فضیلت ایتشدیر .
تبعہ سنے قارشى کوستردیکی عدالتک ، فقرايه قارشى اظهار
ایتدیکی مرحمتک ، عسکرینه قارشى بسله دیکی شفقت واعتنائک
مقصدی کندیسنى خلقه سودیرمکدن عبارتدی . بونلری یایمق
ایچون جبر نفس ایدیوردی ، سلیچوقی سلطانلرینک توجهلرینی
قازانمق ایچون یایدیغی حیلہ لر ، دوستلرینه و دشمنلرینه قارشى
اخلال ایتدیکی تعهدلر بزه کوسترییورکه اک برنجی خط حرکت
قاعده سی تعقیب منفعتدن عبارتدی . اولدیکی وقت تقریباً
آلتمش یاشنده ایدی . نعلنى رقه یه کوتوزدرک اوراده دفن
ایتدی . سيف الدين غازى ، نورالدين محمود ۱۱۱۱ ، قطب الدين
مودود ۱۲۱۱ ، نصرت الدين نامنده برفاچ اولاد براقدی . ایکسنجی
اوغلی ، شام نائب حکومتی انزک کریمه سیله اولمشدر .

زنکیکنک وفاتی قرارکاهنده بویوک قاریشقلقلر تولید ایتدی .
عسکرى دائره وظیفه ده ، امرایى دائره اطاعتده طوته بیله جک
هیچ بر قوت یوقدی . امیر صلاح الدین الیاغیشانی ایله
آرالرنده عوجود اولان خصومتدن دولایى کندیسنى تحت
امنیتده کورمه یین وزیر جمال الدین ، الحندار نامنده برامیرک یاسنه
کیزلیجه چکیلدی . فقط اک چوق قاریشقلغه سببیت ویرن
و آتاک عائله سنى محو ایده جک کبی کورونن شی آلپ

سنه
۱۱۲۵
ابن الاثیر
ابوالفدا

[۱] کیلیوم ده تیر بوکا نورادین Noradin دیر .

[۲] ابوالملوک لقبیله یاد ایدیلیر .

آرسلانك وجودى اولمشدر. آلپ آرسلان زنكىنك وفاتى كوفى
قرارگاهه گلشدى. بوتون عسكەر بوشهزادهك اطرافنده
طوپلاندىلر. اونك طرفنى التزام ايده جكلر كې كورونيورلردى.
جمال الدين آرتق دها زياده صاقلانماغىه قرار وىردى. معروض
اولدىغى بوتون تهلكه لره رغماً، صلاح الدينه اوزون مدتدن برى
آرالرنده موجود خصومتى اونوته رق حكومتى زنكىنك اوغللارنده
محافظة ايچون برلشمه لرى لزومنى بىلدىردى. چونكه آلپ آرسلان
اونلرك الندىن حكومتى آلمق ايسته يوردى. عسكەر آراسنده كى نفوذىنك
انتشارينه مانع اولمغه هنوز وقت واردى. صرف منفعت
دولت ملاحظه سييله حركت ايدن ايكى ناظر بارىشديلر.
جمال الدين هر كسه كوروندى. كيدوب آلپ آرسلانى بولدى.
اونك تصوراتنه خادم كې داوراندى. زنكىنك ممالكنه صاحب
اولماسنى اوكا توصيه ايتدى. صلاح الدين ده عىنى تشبىثاتى
يايدى. هرايكىسى ده زنكىنك آنجق آلپ آرسلان طرفندن
بر وكيلى اولدىغى سويله ديلر. آلپ آرسلان بوسوزلره
ايناندى. تصوراتى كاملاً اونلره آچدى وحققرنده بويوك
بر اعتماد بىله دى. بونلر، بوشهزاده يى بوصورتله اويالادقلىرى
صيراده موصل واليسى زين الدين على يه برساعى كوندرمىشلر،
زنكىنك وفاتى بويوك اوغلى سيف الدين غازى يه بىلدىرەرك
على العجابه موصله دعوت ايتتى ايچون امر وىرمىشلردى.
سيف الدين اوزمان يدرىنك كندىسنه تخصيصى ايتمش اولدىغى شهر

زورده ایدی . دیگر طرفدن ، زنکینک اوتدی اوغلی نورالدین محمود پدرینک مهریله حلبه چکیلمش ، شهرى اله کچیرمشدی . جمالالدین آلب آرسلانہ منافعی مدافعه و حلبی کندی تحت ادارهسندہ محافظہ ایچون اورایہ صلاح الدینی کوندرمسنی توصیه ایتدی . آلب آرسلان بوطوزاغہ دوشدی . آلب آرسلانک امری اوزرینہ حلبه کیدن صلاح الدین اوراده نورالدینی موقعندہ تحکیم ایتک و فرانقلرک شهرى کلوب ضبط ایتمه لرینہ میدان ویرمه مکله مشغول اولدی . آلب آرسلانک بیاننده یالکیز قالمش اولان جمالالدین اونى رقهیه کوتوردی . اوراده آلب آرسلانہ درلو درلو اذواق حاضرلادی . کندیسنى امور دولتدن اوزاقلاشیرمق ایچون برچوق مغنیه لر جلب ایتدی . کندیسنى زنکینک حکومتنه راحت راحت متصرف ظن ایدن آلب آرسلان تمامیه سفاهته دالمشدی . جمالالدین هر کون کیزلیجه عسکر آراسنده چالیشیور ، سیف الدین حسابنه امرادن صداقت یمینلری آلیوروبونلری موصاله کوندریوردی . ایشته رقهده بولوندیغی مدتی هپ بوصورتله استعمال ایتدی . نهایت آلب آرسلانی ما کسینه Maxin ، اورادن سنجاره کوتوردی .

جمالالدین ، سیف الدینک موصاله حاکم اولدیغی خبر آنجه اورتهیه برآدم قویدی . بوآدم آلب آرسلانہ موصل شهرینی تسلیم ایتکی تعهد ایللیوردی . جمالالدین بونی

فرصت اتخاذ ایدہ رک علی العجلہ موصلہ کیتمکہ آلپ آرسلائی
 تشویق ایلہ دی . سیف الدینک کندیسنی استقبالہ چیتہ رق
 متبوع صفتیلہ طانیہ جغنی تأمین ایدیوردی . بوصورتلہ
 سیف الدین یاقہ لامق قولای اولہ جقدی . آلپ آرسلان سنجاری
 ترک ایتدی . موصلہ دوغرو قوشدی . پیادہ سنک بر قسمی
 یولده آلپ آرسلائی ترک ایتدی . دجلہ یی کچدیکی زمانده
 جمال الدین باشندن . آریلدی . علی العجلہ موصلہ کیتدی . اورادن
 آلپ آرسلائی توقیف ایچون امیر عزالدین ابوبکری کوندردی .
 بوامیر آلپ آرسلائی موصلہ کیتردی . اوراده کندیسنی حبس
 ایتدیلر . بوصورتلہ سیف الدین غازی موصل حکمداری اولہ رق
 طانندی . سلطان مسعوددن خلعت آلدی . فرمان توجیه کلدی .
 جمال الدین [۱] وزیر اعظم اولدی . زین الدینہ [۲] موصل
 قلعه سی قوماندانلی ، عزالدین ابوبکرہ جزیرہ ابن عمر
 قوماندانلی ویریلدی . زنکیینک دولتی ایکی حکومت تشکیل
 ایتدی . برنجیسی سیف الدینک تحت تابعیتده ایدی . پایتختی
 موصل شہری ایدی . بومملکت دجلہ شہرینک غرب ساحلنده . ر .
 قدیم نینہ ویا شہرندن دجلہ نہری ایلہ آریلمشدر . نینہ ویا دن
 آنجق بعض خرابہ لر فالمشدر . بویو کدر . اہالیسی چوقدر .
 شرقک اک مشہور شہر لرندن بریدر . موصل یعنی نقطہ اتصال

بنیامن دوتود
 شوالٹوس

[۱] ابو جعفر لقبیلہ یاد ایدیوردی .

[۲] اوزمان اربیلہ صاحب ایدی .

ناميله ياد ايديلمه سي هنر و پوتاميا ايله عراقك بونقطه ده برلشمه -
لرندن ايلري كمشدر . نورالدين حكومتك پايختي اولان حلب
شهرى آرام تسوبا Aram-tsoba ياخود برهوا Berrhoea
شهريله عيني شيدر . او زمان بوراده غايت كوزل بر قلعه
واردى . حلب ده شهرت جهتيله موصلدن اشاغى قالماز .

نورالدين ايله سيف الدين پدرلرينك دولتى آرالرنده
پايلاشدقلى صيراده شام ملكى مجيرالدين ابق كيدوب بعليك
قلعه سنى ضبط ايتدى . بونك واليسى بولونان مشهور صلاح -
الدينك پدرى نجم الدين ايوب ايكي حكمدار طرفندن هيچ براميد
معاونت كورمديكى جهته شهرى تسليم ايتمشدى . مقابانده
برقاچ كوى آلدقن صوكره ايوب شامه چكىلدى .

كيليوم دوتير
ابن الاثير
ابوالفدا

زنكينك خبر وفاتى فرانقلر آراسنه يايلانجه بونلر توركلرك
الندن ادهسه شهرنى قورتارمق اميدلرينه دوشديلر . نورالدينك
حلبده تأسيس حكم و نفوذ ايله مشغول اولديغى زمانى انتخاب
ايتديلر . اوزمان تل باشرده اقامت ايدن ادهسه قوتى ژوسلن
ادهسه شهرى اهاليسنه تسليم اولمالرى تسكليفنده بولوندى [۱] .
ايچريدهكى تورك قوه محافظه سي پك آزدى . خلق خرستيان
ايدى ، اونك ايچون ژوسلنه قاپيلرى آچغى وعد ايتديلر .
ژوسلن درحال ، ياننده بودوان دومارس ايله برخيلي عسكر
اولديغى حalde فراقى كچدى ، كيجه لين شهرك سورلرى اوكنه

[۱] كيليوم دوتير شهر اهاليسنك بوقوتنى چاغيردقلىرى سويليور .

كلدی . شهرک ایچنه کیزلیجه ادخال ایدیلدی . بوتون تورک
 قوهٔ محافظه سی ایله مسلمانلار ایچ قلعه یه چکیلدیلر . روسلار
 یاننده جیخانه نك و آلات حربیه نك فقدانندن دولای ایچ
 قلعه یی زورلامغه موفق اولامادی . محصورین درحال موصافه
 سیف الدینه برنی کوندره رک وضعیتدن خبردار ایتدیلر .
 ساعی یولده عزالدین ابوبکر الدیسی یه راست کلدی . بو ،
 جزیره داخلنده بعض اراضی یه تصرف ایتمه کیدییوردی .
 درحال معیتده کی عساکر ایله ادهسه یولنی طوتدی .
 ساعی یه یولنه دوام ایتسی امرینی ویردی . فقط سیف
 الدیندن امداد ایسته مک اوزره کوسترین بو اعتناله
 لزوم قالمادی . نورالدین حلبده ادهسه نك سقوطی خبر آنجه
 درحال عسکریه حرکت ایدرک شهری محاصره ایتشدی .
 مدافعه ایدوبیاه جک برحاله اولمایان فرانقلر یکانه چاره یه توسل
 ایتدیلر . یعنی دشمن آراسندن یول آچوب شهردن چیقمغه
 تشبث ایله دیلر . شهری تسلیمه دلالت ایتش اولان اهالی
 کندیلمی تحت امنیتده کورمدکلری جهتمه فرانقلره رفاقت
 ایتمه قرار ویردیلر . هپسی بردن حرکت ایتدیلر . نورالدین
 ینک اردوسی بونلری قاپیده بکیوردی . تورک قوهٔ محافظه سی
 ایچ قلعه دن چیقدی . فرانقلره آرقه دن هجوم ایتدی . فرانقلر
 بیک زحمتله اووایه واصل اولدیلر . اختیارلر ، خسته لر ،
 قادینار ، چوجوقلر بارکیرلرک آیاقلری آلتنده قالدیلر . فرانقلره

برابر کیدن اهالینک هان کافه سی اتلاف اولوندی . نورالدین
 اده سه نی ضبط ایتدی . ژوسلن سمیسا طه اورادن تل باشره
 قاچدی . ایشته بو اده سه شهری ایله آرتا ح ، Mamoula ،
 بصر فوت Basarfout ، کفرلاشا Kafarlatha کی
 دها سائر بعض مواقعک ضبطی قله ردو راهی سن برنارک
 تشویق ایتدیکی اهل صلیب سفرینک تشکیلنه باعث اولمشدر .
 بویوزدن سوریه یه برچوق فرانسز ، آلمان کلدیله . فرانقلره
 التحاق ایتدیله . شام شهرینی محاصره یه کیتدیله .

حلب جهتنده بو وقایع جریان ایتمکده ایکن سیف الدین
 موصالده بر چوق اصرانک بیعتی قبول ایتمکه مشغول اید .
 صوکره هم سوریه یی کز مک هم برادری نورالدین ایله باریشمق
 اوزره سوریه کچدی . بو ایکی حکمدار بربرلرینه قارشی
 دائمی براعتما دسزلق ایچنده یاشا بورلردی . دها ذی قدرت اولان
 نورالدین بویوک قاردهشک ضعفندن استفاده ایله اوندن بعض
 یرلری ایسته یور ، سیف الدین ده ممالکنک اقسام سائرده سنی
 محافظه ایتک و حریص جاه برادری ایله بوزوشماق ایچون بوکا
 راضی اولیوردی . ایکی قاردهش ، معیتلرنده بشریوز سواری
 اولدیغی حانده حلب جوارلرنده ملاقات ایتدیله . نورالدین
 برادرینه یک چوق آثار دوستانه کوستردی . آتندن ایندی .
 کلوب اوکنده یری اوپدی ، قاردهشی قوجاقلادی . صوکره

ابوالحسن
 ابوالفدا
 ۱۱۲۷

ابن الاثیر
 سیوطی
 ابوالفدا

حلبه دوندى . بر آز صوكره ، سيفالدينه رفاقت ايجون اردوسيله برلكده حركت ايتدى . اتحادلرندن فرانكلر خبردار اولارق برتجاوزه جرأت ايدمهملرى ايجون برمدت برابر بولونملرى لازم اولديغنى سويليوردى .

فرانكلر او زمان يك قوتلى ايدىلر . فرانسه دن يدنجى لوي ايله ايمپراطور قونرادك تحت قومانداسنده بويوك بر قوه امداديه اتمشردى . بوتون بو فرانك اردولرى برلشهرهك شام اوكننده طوپلانمشلر ، شهرى محاصره اتمشردى . فقطسوريه فرانكلرينك مسلمانلرله مناسبتى ، فرانسلرله آلمانلر قارشى حسدلرى بو تشبثك موفقيتله نتيجه لنه سنه مانع اولمشدى . بو سبيله شام شهرى مسلمانلر ك النده قالدى . نورالدين ايله سيفالدين بوشهرهك امدادينه كلشردى . محاصره رفع ايدىلار كدن صوكره نورالدين بعلبكه كيتدى . شام نائب حكومتى انزاحوال سياسيه حقننده مذاكراتده بولونمق اوزره كنديسى اورايه

ابن الاثير دعوت اتمشدى . بونار بعلبكه بولوندىلرى صيراده طرابلس قونتندن بر مكتوب آلدىلر . بو قونت اونلرى حصن العزيمه Arima يى ضبطه كللكه تشويق ايدىيوردى . اهل صليب رؤساسيله برلكده سوريه كلش اولان سجليا [۱] قرالنك اوغلى طرابلس قونتنيك الندى بوقلعه يى آلمشدى . طرابلسى ده

[۱] عربلر بوسجليا قرالنه الفتش Phatsch ياخود آلفونش

ضبط ایتمک ایستر کبی کورونیوردی . اهل صلیبک بوحرکتی
قوتی اوقدر منفعل ایتدی که خرساتیانلره قارشى مسلمانلرله
برلشدی . نورالدین ایله عنر کیدوب بوقلعه نی محاصره ایتدیله .
سیف الدین ده سیف الدین ابوبکر الدیسی قومانداسنده بر مقدار
قوه امدادیه کوندردی . سجلیا پرئسی بومسلمانلری پوسکورتدی .
فقط نورالدین سورلری بیقه رق آز وقت ایچنده قلعه یه صاحب
اولدی . ایچنده بولونان ارککلری ، قادینلری ، چوجوقلری
چوجوقلرله برابر اسیر آلدی . حتی سجلیا پرئسی بیله اسیر
دوشدی . صوکره قلعه نی کوکندن ییقديره رق سیف الدینه
دوغرو چکیلدی .

سنه
۱۱۴۷
ابن الاثیر

زنکینک وفاتیه الندن چیقان یرلری استرداد ایچون
بو حکمدارده نورالدین قدر حریص ایدی . ماردین الکاسنده
کائن اولان بعض مواقع ایله برابر دارا قلعه سنی ضبط
ایتدی [۱] . بورالری حسام الدین تیمور طاش اله کچیرمشدی .
حتی سیف الدین ماردینی بیله محاصره یه آلدی . صوکره دیاربکره
کیروب وقتیه زنکینک النده بولنان بوتون واقعی استرداد
ایتمک املنده ایدی . ماردین اوکنده بولوندیغی صیراده برقول
اردو جوارلری تخریب ایدیوردی . تیمور طاش عرض تسلیمیه
و سیف الدینک شرائطی قبوله مجبور قالدی . قیزی کندیسنه
ویرمه راضی اولدی . بونک اوزرینه سیف الدین موصل

یولنی طوتدی . فقط ماردین ملکینک کریمه سی صو کره موصله
 واصل اولدیغی زمان سیف الدین یك خسته ، عادتاً حالت نزعده
 بولدی . فی الحقیقه سیف الدین در حال وفات ایتدی [۱] . قرق
 یاشنده ایدی . اوچ سنه برآی یکرمی کون حکومت سورمشدی .
 موصله بنا ایتدیرمش اولدیغی محشم مدرسه داخلنده دفن
 ایدیلدی . سیف الدین حلیم ، عاقل ، عالیجناب بر حکمدار
 ایدی . عسکرینه یك اعتنا کوستیردی . موصله کی مدرسه سنه
 برچوق املاک براقدی . شافعی وحنفی علماسنه یك چوق
 تخصیصات باغلادی . آتده بولوندیغی زمان اک ابتدا اوکنده
 بایراق طاشیتان اودر . عسکرلرینک قیلیج و کورز اولمادن
 آتہ بینمه لرینه ده مساعده ایتمه مشدر . صو کره بوامری جوار
 حکمدارلرک کافه سی ده تطبیق ایتدیلر . سیف الدین کوچوک
 یاشده برچوجوق براقیوردی . نورالدین بوکا باقدی . صو کره
 سیف الدینک برادری قطب الدین مودودک قیزیله اولندیردی .
 فقط بوکنج شهراده ذریت براقه دن وفات ایتمشدر .
 سیف الدینک وفاتندن صو کره وزیر اعظم جمال الدین ،
 قوماندان زین الدین و بوتون اردو قطب الدین مودوده
 بیعت ایتدیلر . قطب الدین مودود موصل ملک کی اولدی .
 تیمور طاشک قیزیله اولندی . تختہ چیقار چیقماز

سنه
 ۱۱۴۹
 ابوالحسن
 ابوالفدا
 ابن الاثیر
 ابوالفرج
 ابن شحنه

[۱] ۵۴۴ سنه سی جامذی الآخر نهایتنده . ابوالحسنه کوره
 ۵۵۵ یاشنده ایدی .

سنه

۱۱۴۹

جمال الدينك وزين الدينك نفوذني قيصقانان بعض امراقطب الدين
ايله نورالدين آراسنه نفاق صومق ايسته ديلر . بوامرا آراسنده
سنجار ديزداري ياخود واليسي ، شمس الدينك پدري المقدم ده
داخلدي . نورالدينه قارشى بو شهرى اونك حسابنه ضبط
ايتك تعهدينه كيريشدى . ممالكنى توسيع فرصتى هيچ
قاجيرمايان نورالدين حلبدن درحال يتمش كشي ايله يوله چيقدى .
بونلرك آراسنده مشهور صلاح الدينك عموجه سى اسـدالدين
شيركوه ده داخلدي . نورالدين ما كسين پيشگاهنه كلدى .
اوراده والى كنديسىنى استقبال ايتدى . صوكره سنجار اوزرينه
يورودى . سنجاره واصل اولديغى زمان يورغونلقدن بر
هندك ايچنه چكيلوب بر مدت استراحته مجبور اولدى .
ديكلندكدن صوكره ورودينى واليه اخبار ايتدى . مقدم
اوزمان موصله ايدى . اوغلى شمس الدين نورالدينى
قارشيلادى . اوده شهره صاحب اولدى .

كيفا قلعه سى ملكى فخرالدين قرا آرسلان نورالدينندن
استمداد ايدرك هيم Haïtan حصارينى اوكا تسليم ايتك
تعهدنده بولوندى . نورالدين درحال بورايه كيتدى . برادرينك
كندى ممالكنه قارشى بوتجاوزاتندن خبردار اولان قطب الدين
اردولرينى طويلادى . ياننده جمال الدين و زين الدين اولديغى
حاله سنجاره دوغرو يورودى . تل يعفره واصل اولدقلى
زمان كنديسنه عائد اولمايان ممالكه تجاوز ايتديكندن دولاي

نورالدينه مؤاخذاتده بولوندىلر . نورالدين پدرينك ممالكنى
اداره خصوصنده كنديسنك برادرينه نسبتله دها صاحب لياقت
و قدرت اولديغى يولنده جواب ويردىكى كى كرك موصل
امراسنك دعوتى ، كرك كنديسى قبول ايتمىسه باشقه لرينه
مراجعت ايتمه لرى قورقوسى حسبيله حقيقه بو ايشه تشبث
ايتىش اولديغى ده علاوه ايلدى . وزير اعظم جمال الدين بو
محاربه ده تجربه طالع ايتمه مك ايچون برادريله اوزلاشمه سنى
قطب الدينه توصيه ايتدى . بويله بر محاربه نك نتيجه سى قطب الدين
ايچون وخيم اولاجقدى . چونكه غالب كليرسه سلطان ايله خليفه نك
حدتى جلب ايدى جكدى . مغلوب اولورسه فراتقلىك هجومه
معروض قاله جقدى . جمال الدين كلوب نورالدين بولدى .
او كا سنجار پيرينه حمص شهرنى تكليف ايتدى . نورالدين
بو تكليفى قبول ايتدىكى جهته صالح منعقد اولدى . نورالدين
حلبه دوندى . سنجاردن آلمش اولديغى ذى قيمت اشياى
آلتى يوز دوه و برچوق قاطيره يوكله تهرىك برلكده كوتوردى .
سوريه ده فراتقلىك قدرت و سطوتى حس اولونه جق
درجه ده آزالىوردى . غربدن كلش اولان متعدد اردولر
آتا بكلىك ايمپراطورلغى ييقه بيله جك برحاله ايدىلر . فقط
فراتقلىك آراسنده كى نفاق ايشلرينك دوزمه سنى مانع اوليوردى .
آتا بكلىر بر برلريله حال حربده بولونمق له برابر نورالدين جسارتى
سايه سنده هر وقت فراتقلىك هجومى طردايدى بيله جك بروضعتده

ابوالفدا
ابن الاثير
کيليوم دوتير
ابوالفرج
ابن شحنة

قالدى. يغرى Yagra ده فرانقلرى مغلوب ايتمشدى [۱]. شام
شهرى محاصره اچون فرانقلر اوراده طوپلانمشلردى. شام
محاصره سنى رفع ايتدكلرىنى، فرانسه قرالى ايله ايمپراطورك
چكىلدكلرىنى، آنطا كيه اراضيسنك عسكرى بولوندىغى خبر
آنجه انب = نەپا Népa قلعه سنى محاصره ايتمشدى. آنطا كيه
پرنسى رهمون بوتون اردوسنك تحشد ايمه سنى بلكه مكسزىن
بو حصارك امدادينه قوشمشدى. نورالدين، رهمونك بوقدر
آز عسكرله گلش اولاجغنه احتمال وىرمدىكى اچون محاصره يى
قالدىرمش، دها امين بريره چكىلمش ايدى. فرانقلرك حقيقى
وضعيتلىرىنى آكلايجه بورادن چىقدى. آنطا كيه پرنسنىك
اوزرينه يورودى. رهمون قوتلىرىنه پك كووه نەرك عسكرينه
صف حرب ترتيب ايتدىردى. فقط فرانقلر چارچاق پريشان
ايدىلدىلر. متعدد يردن ياره لر آلان رهمون ميدان حربده
مقتول دوشدى [۲]. نورالدينك امريله باشى كسيله رك بغداده
كوندريلدى. نورالدينك بو مظفريتى فرانقلر آراسنده بويوك
برياس و كدره سببيت وىرمشدى. صوكره نورالدين آنطا كيه
اراضيسنك هر طرفنه مفرزه لر يوللادى. آنطا كيه ايله ده كىز
آراسنده غايت يوكسك برداغ اوزرندە كائن اولان سن سيمه ئون
مناسترینه قدر ايلريلەدى. ساحله ايندى. بوتون اردوسنك

[۱] ۵۴۳ هجرى و ۱۱۴۸ ميلادى تاريخنده .

[۲] ۱۱۴۸ سنه سى جزيرانىك ۲۷ سنهء مقتول اولشدر .

کوزی اوکنده علامت ظفر اولق اوزره ده کیزده ییقاندی .
اورادن کله رک آنطا کیه دن تقریباً اون میل مسافه ده حارم [۱]
Harem قلعه سنه صالیدی ؛ ضبط ایتدی ؛ ایچنده مهم برقوه
محافظه براقدی .

ره مونک قاریسی قونستانس ایکی کنج ارکک وایکی قیز چوجوق
ایله دول قالمشدی . آنطا کیه پرنسلیکنی یالکیز باشنه اداره
ایدیوردی . عسکر طوپلامق و نورالدینه قارشى کودرمک
ایچون بطریق امةریق اوکا نصیحتلریله و یاره سیله یاردیم
ایدیوردی . دیگر طرفدن قدس قرالی اوچنجی بودوان
بو مملکتک امدادینه قوشدی . حرم پیشگاهنه کله رک قلعه نی
محاصره ایتدیسه ده ایچریده هر درلو ارزاق بولوندیغی ایچون
بر قاق کون صوکره اورادن آریلغه مجبور اولدی ؛ آنطا کیه یه
چکیلدی . نورالدین هر طرفی تخریبده دوام ایتدی . حماد
تقریباً برکونلک مسافه ده و بر تپه اوزرنده کائن اولان قامیه
قلعه سنی محاصره [۲] ایله تسایم آلدی [۳] . بوراسی فرانقلرک
او جوارده مالک اولدقلری اک مستحکم بر موقع ایدی . اورادن
حرکتله بوتون حما السکاسنی تخریب ایدیورلردی .
فرانقلر محاصره نی رفع ایتدیرمک ایچون طوپلانیورلردی .

ابوالفدا
ابن الاثیر
ابوالحسن

۱۱۵۰

[۱] بزم مورخلر من بوکا هاراق Harenc دیورلر . بووقعه

۵۴۴ تاریخ هجریسنده جریان ایتدی .

[۲] ۵۴۵ تاریخ هجریسنده .

[۳] ابوالحسن بووقعه نک ۵۴۴ تاریخنده جریان ایتدیکنی یازیور .

فقط نورالدينك قلعه ي ضبط ايتديكنى دويونجه كرى
دونديلر . شامى اله كچيرمك امانده بولونان نورالدين
بوشهر پيشكاھنه كيتدى [۱] . شهر ك ملكى بولونان مجبرالدين
عرض انقياد ايدەرك و خطبەلردە خليفەنك و سلطانك اسملرندن
صوكرە نورالدينك اسمنى اوقوتمغى ، سكهلرە ضرب ايتدېرمكى
تعهد ايلەيەرك شامى قورتاردى . بو اثر انقياددن ممنون اولان
نورالدين چكىلدى . كيدوب اعزاز قلعه سنى ضبط ايتدى .

سنه
۱۱۵۱

فقط ايرتەسى سنە ينە شام اوكنە كلدى . اورادن محاربە ي
ادە . قونتلغنه نقل ايتدى [۲] . بو شهر ك ضبطندن صوكرە
ژوسلن لوژون تل باشر قلعه سنده اقامت ايدىوردى . قونيه
سلطانى مسعودا ونى بورادە محاصره ايتمشدى . ژوسلن نورالدينى
مغلوب ايتدى . آلدىغى بر چوق اسرا آراسىندە نورالدينك
سلاحاريلە برلكدە سلاحدارى دەداخلدى . بونى سلطان مسعودە
كوندردى . ايشتە قيز كزله اولەنن [۳] آدمك سلاحدارى ؛
احتمال كە ايلريده سزك باشكزە بوندن دها بويوك بر فلاكت
كلە جكدز ، ديديرتدى . نورالدين بو مغلوبيتك انتقامنى آلق
ايچون تور كمنلرى طوپلادى . مسلمانلر ايچون بر مصيبت اولان
ژوسلنى طوتە بيليرلر ياخود اولديرە بيليرلرسە اونلرە بويوك

كيليوم دوتير
ابوالفدا
ابن الاثير

[۱] ۵۴۵ سنه سى محرمنده .

[۲] ۵۴۶ تاريخ حجرى سنده .

[۳] نورالدين ، قونيه سلطانى مسعودك بر قيزيلە اولتمشىدى .

مکافاتلر ویره جگنی وعد ایتدی. تورکمنلر آنطاکیه یولنده بو قونته راست کلدیلر. اردونک قسم متباقیسندن آیریش اولدیغی ایچون همان اونی دوردیردیلر. فقط ژوسلن کندیلرینه مهم بر پاره ویرنجه براقدیلر. بر تورکمن حلبه قوشدی. اوراده والی بولونان ابوبکر بن داعیهیه بو خیاتی خبر ویردی. نورالدین او زمان حمصده ایدی. ابوبکر علی العجله عسکر سوق ایتدی. بونلر تورکمنلرله ژوسلنی صاردیلر. ژوسلن حلبه سوق اولوندی. اوراده ابتدا زنجیره اورولدی. صوکره قتل ایدیلدی. بو قونتک، نورالدین طرفندن اولدیریلن آنطاکیه پرنسی ایله عداوتی، آنطاکیه پرنسلیکنی استیلا ایچون بسله دیکی امل خاطر دسنه لکه کتیرمشدر. مسلمانلر کندیسندن نه قدر قورقمشلسه خرسیتیانلرده او قدر نفرت ایتمشلردر. خرسیتیانلر ژوسلنک اوغرا دیغی فلا کتدن ممنون اولدیلر. چونکه اوندن نفرت ایدیورلردی. مسلمانلرده اونک طوتولماسنی ابویوک بر وقعه مسعوده کی تلقی ایتدیلر. چرنکه کندیسندن قورقیورلردی.

ژوسلنک دول زوجه سی تل باشرده قالمشدی. بو مملکتک تمامیه مسلمانلر الله دوشمه سندن قورقان قدس قرالی اردو ایله آنطاکیه یه کیتدی. قونییه سلطانی او تاریخده بورالرینی تخریب ایدیوردی. نورالدینک اردوسی ده هر طرفه یایلامشدی. استانبول ایمپراطوری، مسلمانلرک موفقیاتندن خبردار اولونجه

قونتس ادهسه يه مالک اولديغی بوتون شهرلری کنديسنه تسليم ايتمک شرطيله غایت مهمه بالغ تکليف ايتدی. بورالرده يالکز طوتونمغی دکل بوتون ضبط ايتمش اولدقلری یرلری ده تورکلردن کری آلمغی امید ایدیوردی. فرانق پرنسلرندن برچه غی ایمپراطورک تکلیفاتی قبول رأینده دکلایلر. فقط قدس قرالی اوچنچی بودوان بو مملکتدن تورکلری طردايتمه نک مشکل اولديغی، اورالرك مدافعه سنی کنديسی درعهده ایده میه جکنی کوره رک بوراسنی روملره ویرمه راضی اولدی. مع مافیه اونلرك اوزون مدت محافظه ایده میه جکلرینه قناعت قویه سی واردی. بو فلا کتک فرانقلره کلکدن ایسه روملره کله سنی ترجیح ایدیوردی. بناءً علیه ایمپراطورک قوماندانلرینی طرابلس قوتی و آنطاکیه اکابری ایله برلکده بالذات تل باشره کوتوردی. قونتس چوچوقلری، فرانقلر و شهری ترک ایتمک ایسته یین ارمنیلرله برابر کری کتیردی. روملر تل باشره [۱]، عینتابه، راوندانه، تل خالده، بارمیه، سمیساطه و سائر یرلره وضع ید ایتدیلر.

سنه
۱۱۵۲

چوق کچمه دن نورالدین فرانقلرك بوراده مقاومتدن امید کسه رک مملکتی روملره ویردکلرینی، قدس قرالنک ادهسه قطعه سندن چکیلن بر سورو خلق ایله برابر کیتمکده اولديغی خبر آلدی. بونلری اسیر ایتمه عزم ایله یه رک قارشى یورودی. تل باشردن بش آلتی میل مسافه ده

[۱] بزم مورخلرمن بورالره تورباسر وهامتاب دیورلر.

دلوك [۱] Doulouk قېرىندە كىندىلرېنە راست كەلدى .
 فرانكلر صف حرب اوزرە دىزىلدىلر . چوق اوزاق اولمايان
 عىنتاب قلعه سەنە يتىشمك اىچون بوتون غىرتلرېنى صرف
 ايتدىلر . اك ابتدا اونلر عىنتابە واصل اولدىلر و كېچەلېن
 دىكلەندىلر . ايرتەسى كون قدس قرالى يولە دوام ايتدى .
 بوتون بو اردو جزئى مەنداردە عىسكەردن تركب ايدىيوردى .
 متباقىسى اختيارلردن ، قاديىنلردن ، چوقوقلردن عبارتدى .
 توركلرك آرا سەندە قطع مسافە ايدىلدى . توركلرك آتدقلىرى
 اوكلر اشىبالرك اوستنە سايلانوب دورىيوردى . فرانكلر
 نورالدينك عىسا كرىنك يىەجك آرامق اوزرە اوزاقلاشمە -
 لرىدن استفادە ايدەوك مارىز Marriz اورمانە واردىلر .
 اورادن آلتا كىە الكاسەنە كىردىلر . آرتق تىحت امنىتدە
 ايدىلر . روملر ، كىندىلرېنە ترك ايدىلش اولان ادەسە
 قونىتلغى حصارلرىنك كافەسىنى اوزون مدت محافظە ايدەمدىلر .
 بىر سەنە يە قالمەدن نورالدىن تل باشرى ، عىنتابى ، دلوكى ،
 اعزازى ، تل خالدى ، قورسى Courous ، راوندانى ،
 برج الرصاصى ، بارە قلعه سەنى ، كىفر سودى ، كىفر لاىثا
 Khafarlatha نى ، مرەشى ، نەراىلجوزى ، حصن البادا ،
 حصن بصر فوتى و دەها سائر مواقى الارندن آلدى .

ابن الاثير
 ابوالفدا
 ابوالفرج
 ابن شحنة
 ابوالحسن

شام نائىب حكومتى ونورالدينك قاين پدرى انزك برمدت

[۱] بزم مورخلرمن بورايە تولوپا Tulupa دىيورلر .

سنه
۱۱۵۴

اول وقوع وفاتی سوریه ده مهم بر تبدلات حصوله
کتیرمشدی . شام ملکی مجبرالدین ابق گه وشك وغیرتسز
بر حکمدار ایدی . فرانقلردن پک قورقاردی . حتی اونلره
قارشی او قدر متمایل داورا نیوردی که بوتون خرسیتیان
اسراسنی اعاده ایدیوردی . نورالدین فرانقلرک ار کچ
شامی اله کچیرمه لرندن قورقه رق شهر اهالیسیله مخابراته
کیریشدی [۱] . بعضیلرینی کندینه جلب ایتدی . فرانقلرک
عسقلان محاصره سی ایله مشغول اولمالرندن ، بناءً علیه شام
ملکنه امداد ایچون قوت سوق ایدمه ملرندن بالاستفاده
اردوسیله بورایه یاقلاشدی . شهرک قایسینی نورالدینه آچدیله .
نورالدین شامه صاحب اولدی . صوکره ایچ قلعه یه چکیلمش
اولان مجبرالدینی محاصره ایتدی . شامه مقابل حمصی ویرمکی
بو حکمداره تکلیف ایتدی . مجبرالدین بوتکلیفی قبول
ایتدیکی جهته نورالدین قلعه یه کیردی . فقط سوزینی طوتمادی .
حص یرینه بالس شهرینی ویرمک ایسته دی . مجبرالدین
بو مبادله یی رد ایتدی . بغداده چکیلدی . وفاتنه قدر
نورالدینک حرکتندن غیر ممنون برحاله اوراده قالدی .

شام حکومتک پاتختی اولان شام شهری سوریه نک اک
بویوک واک کوزل بر شهری ایدی . یوکسک سورلرله محاط
ایدی . اطرافنده اون بش میله وارنجیه قدر اولان یرلر

لطيف بر باغچه لك تشكيل ايدىوردى. نورالدينك شامه صاحب اولديغى تاريخلرده اورايه كيدن بر محرر شام قدر هر درلو ميوهسى مبدول بر شهر بولونمادىغى سويليور. شام شهرينك، اتككندە كائن اولديغى هرمون Hermon داغندن اينن آمنه Amna و فرفر Pharphar نهرلى بوتون شام الكاسنى اسقا ايدرلر. آمنه نهرينك صولرى قناللر واسطه سيله زنكىنلرك اولرينه، چارشيلره، ميدانلره آقار. فرفر بوتون شهرك اورتەسەندن كچر. شام جامعى شرقك اك محتشم بر جامعيدر. روايت اولونديغنه كوره بوراده جامدن بر ديوار واردى. سنه شمسىه عددنجه بوديواره پخرد آچلمشەدى. بوصورتله سەنەك مختلف زمانلرى كوستريليردى. بونلرك برتأثير سحر آميز ايله ياپلديغى ظن اولونيوردى. فقط شرقده بويله بلور بنالره تصادف ايتمك نادر دكلدر. وقتيله سەمرقند عملەلرى چينلilere بوغريب طرز معماری يي اوكرتمشلردى. اوتاريخدن صوكره چينده يوز كشي استعاب ايدە يله جك بويوك بلور سالونلر انشا ايتمشلردر.

نورالدين دها بوقدر مهم برفتوحاته نائل اولمامشەدى. شامك ضبطى بوتون حكومتە كنديسنى صاحب قيلدى، فرانكلر مصريليره عائد بولونان عسقلان قلعهسى او كنده بولوندىقلرى صيراده نورالدين كيدوب بانياس قلعهسى محاصره ايتدى. فرانكلرك عسقلانى ترك ايله بوشهرك امدادينه

كيليوم دوتير

كله جكلرينى اميد ايدىوردى . فقط محاصره نى قالدIRMغه مجبور اولدى . فرانقلر عسقلان محاصره سنه دوام ايدەرك بوشهرى ضبط ايتديلر [۱] .

سنه
۱۱۵۶

فرانقلر اوزمان سوریه ده کی بوتون مسلمان حکمدارلرینک اردولرینی کندی علیهلرینه جلب ایدەجک صورتده حرکت ایتدیلر . عقد ایتدکلری معاھدەلرە صادقانه رعایت ایتمیورلردی . بانیاس جوارندە صوڭ درجەده چوق برطاقم عربلر وتورکمنلر واردی که اورمانلر ایچندە طاعیلمش برحالدە ، چادیرلر آتندە یاشایورلردی . اوچنجی بودوان دن بوبابدە مساعدە استحصال ایتشلردی . اوچنجی بودوان بونلرلە حال صلحدە یاشایەجغنە دائر کمال مراسملە یمین ایتشدی . فقط حس ایتدیکی پاره احتیاجی ، اطرافندن ویریلن فنا نصیحتلر اونى کمال سکون ایلە یاشایان بو تورکمنلرە کیدوب هجوم ایتمکە سوق ایلەدی . بونلری هزیمتە اوغراتمقدە زحمت چکمدی . غایت عظیم غنائم آلدی . بانیاس اوزمان قباللغک باش قوماندانی اونفروا دوتورونه عائد ایدی . بوموقعک اطرافدەکی دشمنلرە وبالخاصه نورالدینک انه دوشمه مەسى ایچون دائمی صورتدە صرفە مجبور اولدیغی پارەلر ، مصارف حربیەیه اشتراك ایتهلری شرطیلە برقسمنى اوپیتال شووالیهلرینه ترکه کندیسنی مجبور ایدیوردی . بونک ایچون شورالیهلر پک چوق

ارزاق طوپلادیلر . مقصدلری بونلری شهره ادخال ایتمکدی .
 فقط نورالدین خبردار اولونجه بولوازم قولنی ضبط ایتدی .
 شووالیهلر دائماً بدایتدن اعتباراً کندیلرینه بوقدر بهالییه مال
 ارلان بوشهری محافظه ایتک ایسته مدیلر . نورالدین درحال
 بانیاسی محاصره ایتدی . همان ضبط ایتک اوزره ایدی . فقط
 براردو ایله یتیشن قدس قرالنک وجودی شهرک برقسمنی
 آتسه ویردکن صو کره چکیلمکه اونی مجبور ایتدی . اوچنچی
 بودوان بوتون استحقاکاتی تعمیر ایتدیردی . عسکرینی کری
 کوندردی . بر مقدار سوارای ایله طبریہ یولنی طوتدی .
 نورالدین همان نهر الشریعه یی کچدی . فرانقلرک کچه جکلری بر
 نقطه ده پوصو قوردی . بونلری غقله باصدی . فراره مجبور ایتدی [۱] .
 قرال بیله کندیسنی قورتارمق ایچون بیک زحمت چکدی .
 نورالدین برچوق اسیر آلدی . تکرار بانیاس اوکنه کیتدی .
 طوپلادیغی عظیم اردولره قارشى فرانقلرک شهره امداد کوندرمیه .
 جکلرینی ظن ایدیوردی . فقط امیدى بوشه چیقدی . قرال
 بودوان ، آنطاکیه پرنسی ره نودو شاتیلون ، طرابلس قوتی
 امداده یتیشدیلر . قلعه همان خراب برحاله کلش اولمقله برابر
 نورالدینی چکیلمکه مجبور ایتدیلر .

نورالدین صو کره اردوسنی آنطاکیه پرنسلکی داخلنده

ابن الاثیر

وحلبك غربي بنده كائن اولان حارم [۱] قلعه سنه سوق ايتدى .
 فرانقلر ابتدا بورايه امداده كيتمك اوزره طوپلاندیلر . فقط
 والى ، نورالدينه مقاوت ايدم بيله جك درجه ده قوتلى اولديغنى
 بيلدیردىكى جهتله كرى دونديلر . مع مافيه نورالدين ايله صلاح
 عقدايتمكدن وحارمى محافظه ايچون بعض يرلرى اوكاويرمكدن
 كرى قالمادیلر . ايرته سى سنه [۲] بوتون سوریه برطاقم شدتلى
 حرکات ارضيه دن پك ضرر ديدم اولدى . حماء ، حمص ، شيزر يا خود
 قيساريه شهرلرى ، حصن الا كراد ، طرابلس ، انطاكيه خراب
 اولديلر ، اهاليلىرىنك قسم اعظمى انقراض آلتنده ازيلديلر .
 اولنلرك كثرتنى كوسترمك اوزره حكايه ايتدكلرينه كوره حماده
 برمكتب خواجه سى زلزله دن بر آز اول ديشارى چيقمشدى .
 عودتنده بوتون چوجوقلرى انقراض آلتنده ازيلمش بولدى .
 فقط شهر اهاليلىرىنك ده چوجوغنك نه اولديغنى كلوب صوراجق
 كيمسه قالمامشدى . فى الحقيقه همانك اون يش بيك سكه نه سندن
 يالكىز يتمش كشى قورتولمشدى . حمادن ياريم كونلك مسافه ده
 يوكسك برقايا اوزرنده كائن اولوب داغده آچلمش كوچوك بريولدن
 چيقدیلر . شيزر قلعه سى خراب اولدى . ۱۰۸۱ تاريخنده بوراسنى
 روملردن ضبط ايتمش اولان بوتون منقدى عائله سى ازيلدى .
 نورالدينك امراسندن بعضيلرى بونى درحال ضبط ايتديلر .

سنه
 ۱۱۵۷
 ابوالفدا
 ابن الاثير
 ابوالحسن

بنيامن دوتود

ابوالفدا
 ابن الاثير
 ابن شحنة

[۱] ۵۵۱ تاريخ هجرى سنده .

[۲] ۵۵۲ سنه سى دجبنده .

نورالدين قلعهي تيكرار ياپىردى . عيني تاريخده بعلبكي ده
اله كچىردى .

سنه

۱۱۵۸

ابن الاثير

موصال ملكى ونورالدينك برادري قطبالدين كيندى
حكومتى داخلىده بويلا پارلاق بررولايغا ايتيوردي . مورخلىر
اونك دور حكومتى حقنده بزه پك آز معلومات ويريورلر .
جزيرة ابن عمر واليسى اولان عزالدين ابوبكر الديسى ناملندهكى
قوماندانى وفات ايتمشدى [۱] . قطبالدين بورايه كيرمك
ايستهدي . فقط اغلبك طرفندن اشغال ايدىلش اولديغنى
كوردي . شهرى محاصرهيه مجبور اولدى . اغلبك برقاج حصار
مقابلنده بوراسنى قطبالدينه تسليم ايتدى .

۱۱۵۹

ابوالفدا

كاليوم دوتير

بوصيراده تيهري قونت دوفلاندر سوريهيه مواصلت
ايتمشدى . بوتون فرانقلر بويكى قوه امداديه ايله برلشهرك مهم
برسفره چيقمغه حاضرلانيورلردى . كيدوب سروج قلعهسىنى
محاصره ايتديلر . فقط محاصرهيه رفته و آنطاكيه الكاسنه
رجعتيه مجبور اولديلر . بورايه كليركلز نورالدينك تهلكهلى
صورتده خسته لاندیغنى خبرنى آديلر [۲] . بو خبرى كتيرنلر
اوزمان انب Nepa ده بولونان نورالدينك بوتون اردوسىنىك
قاريشقلىق ايچنده قالديغنى ، بو حكمداردن آرتق قورقولىرى
قالمايان عسكرلرك هر درلو تجاوزاته قالدقلىرىنى ده سويلهديلر .

[۱] ۵۵۲ سنهسى ذى الحجه سنده .

[۲] ۵۵۴ تاريخ هجرىسنده .

حکمدارلری وفات ایتدیکی زمان عسکرلرک بوصورتله حرکت ایتمه لری بو قوملرک عادتلری ایجابندن ایدی . نورالدین برتختروان ایچنده حلبه کیتدی . فرانقلر بوفرصتدن استفاده ایتک ایسته یهرک ارمنستان قرالی طوروسی اردوسیله آنطاکیه یه کلمکه تشویق ایله دیلر . طوروس همان قوشیدی . هپ بردن قیساریه یاخود شیرر اوزرینه یورودیلر . برچوق آلات حربیه ایله بوراسنی محاصره یه آلدیلر . بر محاصره زحمتندن زیاده مذاکراته ها آلیشیق بولونان اهالیسی شهرک عدم ضبطی ایچون پک غیرت کوسترم دیلر . قدس قرالی اوچنجی بودوان بوراسنی قونت دوفلاندره ویرمک فیکرنده ایدی . چونکه دشمنلره قارشى مدافعه ایده بیله جک قوت اک چوق اونده واردی . فقط آنطاکیه پرنسی ره نودوشاتیلون کندى الکاسی داخلنده کائن اولدیغى مطالعه سیله بوراسنی کنديسی ایچون طلب ایتدی . بوأختلاف یوزندن فرانقلر آریلدیلر . متحد اولسه لر ایدی نورالدینک خسنه لغندن چوق استفاده ایده بیلیرلردی . حال بوکه ، نه بوندن نه ده نورالدینک سراینده یوز کوسترن نفاقدن برشى تأمین ایده مدیلر . نورالدینک برادری امیران [۱۱] ابوالفدا طرفدارلرینی طوپلایه رق بونلره کلش ، حلب قلعه سنی محاصره ایتمشدی . حمصده بولونان امیر شیرکوه شامی ضبط ایتک املیه

[۱۱] کیلیوم دوتیر بوکا میرمیران ادیور . نصرالدین لقبی

اورايه قوشىدى . بونك نجم الدين ايوب نامىندە بر برادري
واردى كە بو مشهور صلاح الدينك پديرىر . نجم الدين شيركوهى
بو تصورىدن واز كچيردى . نورالدين بر حيات ايسە حلبە
اونك يانە عودت ايمەسى اچىون تەكليفدە بولوندى . اكر
نورالدينك وفاتى وقوعە كليرسە شامى ضبط خصوصىندە
كنديسەنە معاونت ايدەجكنى وعد ايتدى . شيركوه حلبە
كلدى . وفات ايتىش ظن اولونان نورالدين سرايك بر پىجرە -
سندن كوروندى . اغتشاش تسكين ايدىلدى . ملك اولەجنى
ظنلە اطرافى مقربىن كروھى طرفىدن احاطە ايدىلش اولان مىران
تكرار نورالدينك تبعەسى اولونجە ياپە يالەكز قالدى .

كيليوم دوتبر

آرالرنده كى نفاق وشقاق يوزىدن شيزر محاصره سنى
قالدىرمغە مجبوريت كورمش اولان فرانقلر خطالرىنى تقدير
ايتدىلر . بونى تعميرە قالدقشدىلر . آنطاكيە قربىندە حارم
قلعه سنى محاصره يە كيتدىلر . بو شهرك قواى محافظەسى
آنطاكيە يى پك ازعاج ايدىيوردى . بوتون فرانق اردوسى
حارم قلعه سنى صاردى [۱] . نورالدين خستە ايدى . دعوت
ايدىلش اولان شرقك بوتون دوكتورلرى حياتىندن قطع اميد
ايتىشلردى . فرانقلرك اردوسىندە بولونان قدس قرالى
نورالدينك خستەلغىدن استفادە امليلە محاصره يى تشديد
ايتدى . بر چوق ما كنهلر قوردىردى . بومانجىقلر بويوك

[۱] ميلاد عيسا يورطيلرىنە دوغرو .

طاش پارچه‌لری آتیورلردی . سورلرک دینه لغملر قویدیردی .
ایکی آی غیرتدن صو کره قلعہ تسلیم اولدی . آنطاکیه
پرلسنه ویریلدی . نورالدینک استرداد ایچون وقوع بولان
مساعیسنه رغماً آنطاکیه پرسی بوراسنی محافظه ایتدی . بونک
اوزرینه قرال ایله قونت دوفلاندردی قدسه دوندیله .

نورالدین سفره چیقابیله جک حاله کلنجه عسکرلرینی
طوپلادی . فرانقلر رؤساسنک هربری مملکتلرینه چکیلمش
بولوندقلری بر صیراده ، طرابلس شهرینی محاصره فکریله
فرانقلرک اراضیسنه کیردی . ابتدا حص الکاسنده بولونان
حصن الا کرادی محاصره ایله باشلادی . بوراسنی ، خلیل
یاخود جبل ابراهیم دنیلن بر داغک سطح مائلنده کائن بر
مغاره ایدی . بورایه آنجق غایت دار وتهلکهلی بر یولدن
چهرک وارمق قابلدی . یولک اطرافی اوچوروم ایدی .
بو مغاره‌نک ایچی غایت راحتدی . مدافعه‌سی ده پک قولایدی .
قدس قرالی ایله قونت دوفلاندردی علی العجله بورایه کیتدیله .
اون کون ایچنده امداد آمازلرسه حصاری نورالدینه تسلیم
ایتمک قوای محافظه قراز ویرمشلردی . بوندن خبردار اولان
قرال کمال سرعتله ایلریله یوردی . نورالدین شیرکوهک توصیه‌سی
اوزرینه محاصره‌ی رفع ایدهرک بوتون قوتلریله فرانقلرک
اوزرینه یورودی . بونلره ژنه‌ساره Genesareh کولی
قربنده راست کلدی . قدس قرالی صف حرب ترتیب

ایتمک اوزره نورالدینه وقت براقادی . فرانقلر او قدر
 ناکهانی صورتده صالديرديلر که نورالدینک اردوسی برآز
 غیرت صرف ایتدکن صوکره داغیلدی [۱] . فرانقلر
 نورالدینک چادرینه قدر صوقولديلر . اک آتشلیلرندن بری
 بر مقدار عسکرله سوریه کلمش اولان روم قوماندانی
 دو قاس [۲] ایدی . نورالدین چادرک آرقه سندن اثوابسز
 قاچه بیلیمکه آنجق وقت بولدی . بر بارکیر اله کچیردی .
 نورالدینه یارديم ایتمش اولان بر کورد قتل اولوندی . نورالدین
 حصه واردی . اورادن چادیرلر آلدی . شهردن بر و محاربه
 میدانندن درت پرسنک مسافه ده قرارگاه قوردی . نورالدینک
 حایه قدر چکیله جکی ظن اولونیوردی . فقط اردوسنک قسم
 متباقیسنی براقق ایسته مدی . قاچه بیلنلرک کافه سنی اوراده
 بکله دی . تحت امنیتده اولمادیغی ، فرانقلرک زرده ایسه بورایه
 یتشه جککری سویلندیکی حالده اهمیت ویرمدی . یاننده بیک
 کشتی اولورسه فرانقلردن هیچ قورقمایه جغنی جواباً سویله دی .
 حایندن ، شامدن ودها سائر شهرلردن بارکیر ، پاره ، اشیا
 آدم ، چادیر کتیرتدی . محاربه ده هیسنی غائب ایتمشدی .
 فرانقلر حصه کیتمک فکرنده ایدیلر . فقط نورالدینک

[۱] بو محاربه بودوانک اون بشنجی سنه حکومتنده تموز آی
 ظرفنده وقوعه کلمشدر .

[۲] یاخود قالامان .

اوراده اولدیغی دویونجه تهرکیه کیرمکه جسارت ایدمه‌دیلر.
برمتارکه تکلیفنده بولوندیله . نورالدین بونی قبول ایتدی.
بونک اوزرینه فرانقلر حصن‌الاکراده مهم بر قوه محافظه
براققدن صوگره چکیلدیلر .

اوتارینخده استانبول ایمپراطوری بویوک بر اردو باشنده
آنطاکیه گلشدی . رهنودن انتقام آلمق ایسته‌یورلردی .
فقط بو پرنس ایله‌صلح عقد ایتدیکی ایچون فرانقلرله برلکده
کیدوب حلبی محاصره ایتدیکی مذاکره کیریشدی . مع‌مافیله
نورالدین دن حلبده بولونان بعضی اسیرانی طلب ایله اکتفایتدی
بواسیرانی آلدی ، مملکته دوندی . اوراده باشقه غائله‌لر
کندیسنک وجودینه لزوم کوستریورلردی . نورالدین معروض
بولوندیغی بویوک فیروطنه دن قورتولونجه عسکرلرینی طویلا دی .
قونییه سلاطانی ایله محاربه‌یه کیریشدی . مرعش ، کینسوم
Cressum ، بهسنی Behetselin شهرلرینی ضبط ایتدی ۱۱۱ .
قدس قرالی ، عسکردن تمامیه خالی بولونان شام اراضیسنه
کیرمک ایچون نورالدینک غیوبتدن استفاده ایتک ایسته‌دی .
برنجی عربستانک پایتختی اولان بصری شامه قدر هر طرفی
آتش وقان ایچنده براقدی . شام والیسی ، صلاح‌الدینک بدری
نجم‌الدین ، قرالک اردولرینه مقاومت ایدمه‌دیکی ایچون درت

۱۱۱ | ابوالحسن نورالدینک قونییه سلاطانی علیه‌نده کی سفری ۵۵۸

تاریخنده وقوعه کلدیکنی یازیور .

بيك آلتون سكه تكليف ايدهرك اوچ ايلق متاركه طلبنده بولوندى . بودوان بوكا راضى اولدى . فقط متاركه بىتر بىتمز نورالدين دها قونيه سلطاننه قارشى مشغول اولديغى صيراده شام الكاسنه ينه كيردى ، برچوق غنائم آلدى . صوكره [۱] نورالدين حارم قلعه سنى استردادده تشبث ايتديسه ده محاصره نى رفعه مجبور قالدى . آتطا كيه پرئسى رهنو اده سه قونتلفنده مرعش ايله دلوك [۲] آراسنده دها بختيار اوله جغنى ظن ايتدى . بومملكه مدافعه سز ايدى . برچوق حيوانات سورلرى واردى . اهالي سى هپ سوريه لى وارمى ايدى لر . مستحكم مواقع ده يالكىز بر مقدار تورك موجودى ايدى . رهنو يولده راست كلديكى شيلرك كافه سنى اله كچيردى . فقط راحته مملكته عودت ايتديكى صيراده نورالدين طرفندن حلب واليسى بولونان قوماندان ايله قارشىلاشدى . رهنو بوتون غنائمى محافظه ايتك وتوركلرله حربه كيريشمك فكرينه دوشدى . بوايى ايش بردن غير قابىلدى . اونك ايچون مغلوب اولدى ، اسير دوشدى . حلبه سوق اولوندى . بومحاربه كيسوم يله مرعش آراسنده وقوعه كمشدر [۳] . فرانكلرك بومغلوبيتنى بر آز صوكره قرال اوچنجى بودوانك وفاتى تعقيب ايتدى . بوتون قدس قراللى يأس وكدر ايچنده قالدى . بو حاكمدارك فضيلتى تقدير ايدن نورالدين

سنه

۱۱۲۶

[۱] ۵۵۷ تاريخ هجرى سنده .

[۲] ۵۵۸ » » .

[۳] اوچنجى بودوانك اوز سكرنجى سنه حكومتنده ، ۹ كانون اولده .

بيله دشمنك وفاتندن دولايي متأثر اولدى . بودوانى شرقك
النبويك بر حاكمدارى كې تلىقى ايديوردى . اوتارنخده يالكىز
بودوان ايله نورالدين بوتون آسياده حكومت سـورمكه لايق
ايكى حاكمدار ايدىلر .

سنه

۱۱۶۳

بودوانك آمورى نامنده كى خلفى بر محاربه يه كىريشىدى كه
هم نورالدين هم فرانقلر هم مصر خليفه لرى ايچون بك مؤسف
نتايجى ظهور ايتدى . مصر خليفه لرى تماميله منقرض اولدىلر .
فرانقلر قدسى غائب ايتدىلر . نورالدين عائله سى ده قوت وشوكتك
قسم اعظمندن محروم قالدى . مشهور صلاح الدين مصر تاجنى
اله كچىردى . اخشيديلر منقرض اولدقن صـوكره مصره
فاطمى خليفه لرى صاحب بولونيودلردى . بونلر فرانقلرله
اوزون مدت حرب ايتشلردى . اوزمان خليفه العاضدالدين الله
ايدى . فقط هيچ حكم ونفوذى يوقدى . وزيرلرى
كرك كنديسـنك كرك سلفلرينك حكم ونفوذلرينى اللرنندن
آلشلردى . وزيرلر سلطان نامنى طاقنمغه جسارت كوستر مشلردى .
وزير اردويه قوماندا ايتدىكى ، دولتى اداره ايله ديكى صيراده
خليفه قادينلرله سرايده قاپانير قاليردى . خليفه يه براقيلان
يكانه نشانه نفوذ ، وزير اعظمـلره توجيه وزرات ايتلرنندن
عبارتدى . فقط كندىلرنده وزير اعظمـلرى انتخاب حقى يوقدى .
بوموقع اونى ضبط ابده بيله جك قدرته صاحب اولانلره عائد ايدى .

بهاء الدين

خليفة صوكره اونلری مقاملرنده تأييد وتصديق ايدردی .

ضرغام Dargham [۱] طرفندن مقامندن محروم

براقیلان وزیر اعظم شاور [۲] Schaour سوریه کچهرک

نورالدینک معاونتنی رجا ایتدی . نورالدین نظرنی اسدالدین

شیرکوهه [۳] عطف ایله شاودی مصره کوتورمه ، وزیر

اعظمق واردو قوماندانلغی مقامنه تکرار اصعد ایتمهک اونی

مأمور ایلهدی . شیرکوهک نجمالدین ایوب نامنده بریویوک

برادری واردی . هر ایکسیده عناصل کورد اولان

شادی [۴] اوغلی ایدیلر . کورد ملتک اک مشهور قبیلهسی

اولان راوادیلره منسوب بولونیورلردی . دوئین Douin

شهرنددوغمشاردی . اورادن عراقه ، بغداد والیسی مجاهدالدین

بهروزک خدمتنه کچمشلردی . نجمالدینک درایتنه وحسن حالنه

دقت ایدن بهروز اونی تکریت حصارینه دیزدار یعنی والی

تعیین ایتدی . نجمالدین ، برادری شیرکوه ایله بر مدت بوراده

قالدی . عمادالدین زنکییه تکریت قربنده قراجه طرفندن

ابن الانیر

ابولفدا

ابوالفرج

ابن شحنة

بهاءالدین

ابوالحسن

[۱] ابوالشبل لقبی حائزدی .

[۲] کیلیوم دوتیربوکا ساوار Sauar ، ممبورغ سانار دییور .

[۳] بزم مورخلرم بوکا سیراقون Syracon دیرلر . شیرکوه

داغ آرسلائی دیمکدر .

[۴] بن مسروان . بض مورخلر بو مسروانک بنی امیه دن اولدیغنی

سویله یورلرسده ده دوغروسی ، کورد اولماسیدر .

مغلوبيته اوغرا دقدن صوكره تبعه لر تدارك ايتدى . بويوك خدمتلىر كوردى . صوكره بهروز شيركوهك ارتىكاب ايتدىكى بر قتل فعلندن طولاي نجم الدين بورادن چيقاردى . ايكي قاردهش عماد الدين زنكىنىڭ خدمتتە كچدىلر . زنكى بونلرە اراضى تخصيص ، اردوسىندە قوماندانلىقلار توجيه ايلهدى . نجم الدين بعلبك واليسى تعيين اولوندى . زنكىنىڭ وفاتىدىن صوكرە ، شام ملكىنىڭ محاصرىدە كىش اولدىغى بو شەھرى آتابىك اولادلىرى يىندە آليقويىق اىچون الندىن كلى ياپدى . سيف الدين غازىدىن استمداد ايتدى . فقط بو حكمدار تاختتە دورمىق اىچون اوغرا شەھەر مجبور اولدىغى جەھتتە بعلبك مدافعتە سنى دوشونەجك حالى يوقدى . بوندىن دولاي بعلبك ضبط ايدىلدى . نجم الدين شام ملكىدىن بعض اراضى يە نائل اولدى . بو حكمدار ك خدمتتە كىردى ، اك باسلى امراستىدىن برى اولدى . شيركوه ايسە بالعكس نورالدين طرفتە كچدى . اونىڭ دوستلىغى قازانمىق يولنى بولدى . حمص ، رها شەھەرلىرىنى اوندىن استىحصال ايتدى . اردولرىنە قوماندانلىق ياپدى . نورالدين شامى ضبط ايتىك تصويرىنە قالدىغى زمان نجم الدين بونى تسهيل ايتدى . مكافاة بر طاقم اراضىدىن ماعدا حكمدار ك حضورىندە هيچ مساعده ايستمەكسىزىن اوتورمىق حقنەدە نائل اولدى . ايكي قاردهش نورالدين ك سرايندە بويوك بر اعتبارە نائل اولدىلر . اك يوكسك مناصبە قدر چىقىدىلر ، مصرە اردو سوق ايتىك

موضوع بحث اولديغی زمان بو مهم وظیفهیه شیرکوه
مأمور ایدیلدی .

ضرغام مصرده بر چوق امرای قتل ایتدیرمشدی . غیر
منونلرک مقداری کوندن کونه آرتیوردی . فرانقلر بوالکایه
کیرمک وضبط ایتمک ایچون مناسب بر فرصت قولایورلردی .
قرال آموری حکومتک ایلک سنه سندن اعتباراً مصر لیلرک
قرال بودوانه تأدیه یی تعهد ایتدکلری فقط شیمدی تأدیه دن
استنکاف کوستردکلری ویرکوی تأدیه ایتدیرمک ایچون
اردولرینی طویللامشدی . آموری ایله حربه طوتوشه رق مغلوبیته
دوچار اولان ضرغام بلیس Bilbeis یاخود پهلوس Pèluse
شهرینه چکیلیمشدی . فرانقلرک دها ایلریله مک قالقه الری
قورقوسیه ، نیل صولرینی طوتان سدلری ییقیرمشدی .
قدس قرالی بومظفریتدن صوکره مملکتته دونمش ، ضرغامده
مصره حاکم مطلق اوله رق قالمشدی .

سنه

۱۱۶۴

ایشته شاور نورالدینک یانه بو تاریخده چکیلیمش ،
شیرکوده کنديسی مقامنه اعاده ایتمک وظیفه سیه مکلف
اولمشدی . شاور نورالدینه مصر وارداتنک ثلثی ویرمکی تعهد
ایدیوردی . بو حربه کیریشمکده نورالدینک باشقه بر
مقصدی ده واردی . اوده ایلریده مصری اله کچیرمک اوزره
مصرک قوتی حقنده اساسلی بر معلومات آلمقدی . شیرکوه
یاننده یکنی صلاح الدین اولدیغی حالدده بر اردو ایله مصره

متوجهاً يوله چيقدى ۱۱۱. نورالدين حدوده قدر اوکا رفاقت
 ايتدی . بو ، قوماندانه رفاقت ايتمک آرزوسندن ايلری
 کلديکی قدر فرانقلره کندیلرینه قارشى بر تشبثده بولونه جنى
 ظنى ويرمک فکرىنه مبنی ایدی . فى الحقیقه فرانقلر مملکتلرینی
 مدافعه چاره سنی دوشونمکه باشلادیلر . شیرکوهک مصره
 کیرمه سینه ممانعت ایتدیلر . شیرکوه بلا عارضه مصره واصل
 اولدی . شیرکوه اولدقجه یاشلی ایدی . بویى قیصه ، غایت
 شیشمان اولقله برابر بوتون مشاق سفره پک زیاده تحمل
 ایدردی . ضرغام اونک ایلر یله دیکنى خبر آلتجه فرانقلره
 مراجعت ایتمش ، یاردیم ایده جک اولورلر سه اولجه تأدیه
 ایتدیکی ویرکونک ایکی مثلى ویره جکنى تعهد ایله مشدی .
 فقط بو معاهده عقد ایدیلهدن اول ضرغام شیرکوه طرفندن
 مغلوب ایدیلدی . مقتول دوشدی . شاور مصره کیردی .
 اسکی مقامنه تکرار نائل اولدی .

شاور کندیسینه معاونته کلنلرک مقصدلری نه اولدیغنى
 آکلامقده حکیمه دیکی ایچون بونلری ممکن اولدیغنى قدر
 سرعتله مصردن اوزاقلاشدیرمق چاره لرینی آرامغه باشلادی .
 نورالدینه یاپدیغى وعدلرک کافه سنی ایفادن امتناع کوستردی .
 حتی قاهره خارجنده اردو قورمش اولان شیرکوهه سوریه
 عودت ایتسی ایچون امر ویردی . شیرکوه بر قاچ کره اونی

سوزی طومغه دعوت ایتدی. سوزلرینک دیکلنمه دیکنی
 کورونجه صلاح الدینک توصیه سی اوزرینه بر مفرزه یوللایه رق
 کندى نامه بلیس یاخود پهلوس شهرینی ضبط ایلهدی. بو
 حرکت شاوری او قدر قورقوتدی که بو قدر مدھش بر دشمنی
 طرد ایتک فیکریله، ضرغانک فرانقلرله عقد ایتش اولدیغی
 معاهدہ بی تجدیدہ مسارعت کوستردی. نورالدینک مصره
 صاحب اولماسی کرک فرانقلر کرک مصرلیلر ایچون عینی
 درجه ده قورقوله حق برشی اولدیغی، چونکه بو ضرورتله
 قوتی آرته حق اولورسه بوندن سوریدی ضبط ایدہ جک برحاله
 کله جکنی قدس قرالنه آکلاتدی. ایچندن مصری ضبط
 ایتمکدن باشقه برشی دوشونمه یین آموری، شاورک تکلیفاتی
 قبول ایلہ بر اردو باشنده بوالکایه کچدی. شاورک عسکرلریله
 کندى عسکرلرینی برلشدیردی. برابر کیدرک پهلوس
 شهرنده شیرکوهی محاصره ایتدیلر. بو قوماندان فرانقلرک
 ورودی خبر آنجه اورایه چکیلمش، اردوسیه برلکده
 اوراده تحصن ایتشدی. فرانقلرله مصرلیلر بوموقع پیشگاهنده
 بر قاج آی قالدیلر [۱]. نورالدینک حارم قلعه سنی ضبط
 ایتدیکنی، بانیاس اوزرینه یورومکه حاضرلاندیغی فرانقلر
 اوراده دویدیلر. بو ضربه کندیلرینی نومید ایتدی.
 مملکتلرینی مدافعه ایچون عودت ایتمکدن باشقه برشی

[۱] رمضان ایتداسندن ذی القعدة آینه قدر.

دوشونم ديلر . شير كوهك بوتون اسرايى تسليم ايتمه سى شرطيله
مصرفن چيقماسينه مساعده ايدە جكلرينى اوکا بيلديرديلر .
نورالدينك فتوحات عظيمه سندن بى خبر بولونان
شير كود عقد صلحه رضا كوستردى . مصالحه نامه درحال
امضا ايدىلدى . شير كوه په لوس شهرندن چيقدى .
كالم انتظام ايله يورومكه باشلادى ، عسكرينك تاك
آرقه سندن قالدى . النده بالطه كى برنوع سلاح واردى .
مصرليارله فراتقار شير كوهك كچيشنى سيرايدىورلردى .
برفراتق شير كوهك ياننه ياقلاشدى . اونى بويله مسلح
كورونجه صوردى . ينه هجوم ايدە جكلر ديه مى قورقيورسكلر؟
شير كود جواباً : بونى ياپارسە كىل سزدەك بهالى يە مال اولور .
عسكرمدن بردانه سى يوقدر كه اولمەدن اول سزدن برى
اولديرە جك اولماسون ، ديدى . شير كوه سوريه يە دوندى .
نورالدين ، يوقاريدە سويلەديكلر وجهله ، برمدت اول
حص قىربندە اوغرادينى مغلوبيتك آجيسنى چيقارمق ايسنه ديكى
ايچون برادرى موصل ملكى قطبالدين ايله حصن كيفا ملكى
فخرالدين قارە آرسلاندن ، ماردىن ملكى نجمالدين آلبيدن
ودها جوارده كى بعض حكمدارلردن امداد ايسته مشدى .
قطبالدين براردو ايله زينالدين على يى كوندرمىش ،
نجمالدين دە عىنى صورتلە حركت ايتمش ، فخرالدين عسكريله
بالذات كلش ايدى . هپ بردن آنطاكىە الكاسى داخلندە

حارم قلعه سی اوزرینه یورودیلر . نورالدین برچوق آلات
حربیه ایله بوقلعه یی دو گدی . بوتون فرانقلر امداده قوشمق
ایچون طوپلان دیلر . رهمونك اوغلی آنطاکیه پرنسی اوچنجی
بوئه موند ، طرابلس قوتی رهمون موژون ، روم ایمپراطوری
طرفندن کیلیکیا والیسی قالامان [۱] ، شرق مورخلزینك
فرانقلرك اك جسوری دییه یادایتدکلری ژوسلن ، هوغ
لوسینیان ، ارمنستان قرالی طوروس هپ اردولریله قوشدیلر .
بواردو غایت عظیم ایدی . بونلر یاقلاشنجه نورالدین حارم
محاصره سنی قالدیردی . دشمنلرینه قاجیور ظنی و یرمك
ایچون ارتاح Artah یاخود آرته سییه دوغرو چکیلدی .
خرستیانلر ، جسارتلرینه قاپیلهرق نورالدینك صاغ جناحنه
هجوم ایتدیلر . بوقوت حلب عسا کر یله فخرالدینك اردوسندن
ترکب ایتشدی . نورالدینك صاغ جناحی ساخته برقرار اثری
کوستردی . خرستیان اردوسی بونلری تعقیب ایله مشغول
اولدیغی صیراده نورالدینك بیك متباقی قونی اللرنده قیلیج لرله
اوزرلرینه صالدیره رق پك چوقلرینی قتل ایتدیلر . فرانقلر
مایوسانه بوغوشدیلر . میدان محاربه ده اون بیك فرانق
مقتول قالدی . اسرانك عددی ایسه دهها زیاده ایدی .
بوئه موند ، رهمون ، قالامان ، ژوسلن ، هوغ دولوسینیان

[۱] شرق مورخلری بوکا دوق یاخود دوقاس دیورلر . کیلیکیا

اسرا آراسنده ايدىلر . ھېسى حلبە كوتورولدىلر . بوبويوك مظفريتدن صوكرە نورالدين حارم قلعهسى اوكنە كلەرك ضبط ايتدى [۱] . درحال آتلا كىھ اوزرينە يورومەسىنى توصىھ ايدىيورلردى . فقط استحكاماتىدن دولايى بوقلعهنك ضبطنى پك مشكل كى تلقى ايتىدگىن باشقە فرانكلرك صيقىشنىجە بوراسنى استانبول ايمپراطورى مانوئل قومەنەنە تسليم ايتمەلرندن قورقيوردى . ياندى قومشو اولەرق ايمپراطور بولونمقدن ايسە بوئەموندك بولونماسنى ترجىح ايدىيوردى . نورالدينك اردوسى تەكمىل جوارلرە ، تا لاذقىھ وسويدىيە قەدىريايىلدى . صوكرە نورالدين كرى دوندى .

نورالدين ، خرىستىيانلر اوزرىندە قازاندىغى فتوحات عظيمە ابن الاثير ايلە نامنى مسلمانلر آراسنده لايموت بر حالە كىتىردىكى صيرادە برادرى قطبالدين ، زىنكىنك اولادلىرىنە موصل و حلب حكومتلىرىنى تامين ايتىش اولان جمالالدين محمد ابن على الاصفهانىنك نصايحىلە موصلدە راحت راحت حكمران اوليوردى . قطبالدين حكومتك ادارهسىنى تاممىلە جمالالدينە براقشدى . فقط بو ناظر ك حكم ونفوذىنى قىصقانان بعض امرا اوى حكمدارك كوزىندن دىرشورمكە چاليشدىلر . جمالالدين توقيف ايدىلەر ك حبسە آتلىدى [۲] . اورادە عمومك

[۱] ۵۵۹ سەنەسى رمضانك ۲۱ نەھ . يلىوم دوتىر بووقەك

۱۱۶۵ دە جريان ايتدىكىنى سويليورسەدە ياكشدر .

[۲] حبسە ۵۵۸ تاريخندە قونولدى . ۵۵۹ دە وفات ايتدى .

تأثراتی ایچنده ترك حیات ایتدی . جمال الدین ، عصرینك
 اك بویوك آدم لرندن بری ایدی . ابتدا موصله دفن ایدیلدی .
 ایرته سی سنه مکه یه ، اورادن ده مدینه یه نقل اولونه رق قبر
 پیغمبری قربنده بنا ایتدیرمش اولدیغی بر محله ده دفن اولوندی .
 یولده نعلینه بر چوق علما رفاقت ایدرک قرآن تلاوت
 ایدی-ورلردی . تابوتی اوکنده دعا ایتک ایچون هر کس
 قوشیوردی . یالکیز فقرانک تهوین اضطراباتی وعدالتک
 تأمین اوغورنده یاشامش بو بویوك آدمک وفاتندن دولایی
 اظهار تأثر ایدیلی-وردی . جمال الدین بر چوق جامع بنا
 ایتدیرمشدی . از جمله عرفات داغی اوزرنده بر جامع
 یاپدیرمشدی . بو ، مکه قربنده بر داغدر . مسلمانلر آدم
 ایله حوا جنتدن قوغلدقن و بر برلرندن یوز یکر می سنه
 آیری قالدقن صو کره بو داغ اوزرنده بولوشدقلرینه اعتقاد
 ایدرلر . بونک ایچوندرکه ذی الحجه آینک دوقوزنجی کونی
 بوراسنی زیارته کیدرلر . جمال الدین جامعده بولونان حوضلره
 صو سوق ایتک اوزره کمرلرده یاپدیردی . مدینه شهرینک
 اطرافنی سورلرله احاطه ایتدی . وقتيله شهر عربلرک آقینلرینه
 معروض بولونیوردی . هر کون سراینک قاپیسنده کی فقیرلره
 یوز آلتون سکه ویریردی . حتی بعض احوالده فقرانک
 اضطراباتنی تخفیف ایچون کندی انوابلرینی صاندیغی
 واقعیدی . جزیره ابن عمر شهرنده دجله اوزرنده کوزل

بر کوپرو بنا ایتدیرمشدز . کوپرونك طاشلری بر برلرینه
دمیر ، قورشون و کرچ ایله طوتدیریلشدی . موصلده ،
سینجارده ، نصیبینده هپ جمال الدین طرفندن انشا ایتدیریلش
برچوق کوزل مبانیه تصادف ایدیلیوردی .

سنه
۱۱۶۵
ابوالمحاسن
ابن الاثیر

اوتة طرفده نورالدین خرسیتیانلره قارشى محاربه لره کمال
موفقیتله دوام ایتمکده ایدی . حارمی آلدقندن صوکره
لبنان داغی ایتکنده کائن اولان بانیاس اوزرینه یورودی [۱] .
مصرده پهلوس محاصره سنی رفع ایتمکه آموری بی مجبور ایدن
سبب بو شهرک محاصره آلتنه آلماسی ایدی . فقط آموری
بوتون استعجالنه رغماً کافی درجه ده سرعتله یتیشه مدی .
۱۱۴۸ سنه سندن بری فرانقلرک النده بولونان بانیاس قلعه سی
نورالدینک تحت حکمنه کچدی . آموری آرتق فرانقلرک
ضایعاتی تلافی ایله مشغول اولدی . علی العجله آنطاکیه یه
کیتدی . اوراده برچوق اوغراشدقندن وپک عظیم پاره لر
ویرکدن صوکره نورالدیندن پرنس بوئه موندک حریتنی
استحصال ایده بیلدی . فرانقلر بونی تکرار کورمکدن حیرتله
دوشدیلر ، نورالدینک بواسرای محافظه ایتمکده منفعتی
بولوندقندن باشقه زنجیر اسارتنده پک چوق مشاهیر بولوندیغنی
سویله یهرک افتخار ایتدیکی ده معلوم ایدی . ادعا اولوندیغنه
کوره نورالدین بوئه موندی استانبول ایمپراطورینک ایسته مسندن

واو زمان فدیة نجات آلمقسزین تسلیمه مجبور اولمقدن قورقیوری .
باشقهلری ایسه بو پرنس کنج اولدیغی جهتله آنطاکیه
دها تجربه دیده ، بناء علیه بو طرفلرده کندیسنی دها
چوق مشغول اتمکله قابیلیتی بر پرنس تعیین ایدیلمسندن
چکیندیکنی سویلیورلر .

سنه

۱۱۶۶

عینی زمانده شیرکوده سوریهده عاقل دورمایوردی .
کندیسنه براردو قومانداسنی توجیه ایتش اولان نورالدین
اونی فرانقلرک اراضیسنه کوندردی [۱] . شیرکوه صیدا
الکاسنده کائن غایت مستحکم برقلعه یی محاصره یه کیتدی .
عربلر بورایه منیطره [۲] Mounaidhera دیرلر . روایت
اولوندیغنه کوره بو قلعه عسکرلرک خیاتی اثری اوله رق ضبط
ایدیلشدر . بونلر تورکلر طرفه کچمشلر ، والی ده صیدایه
چکیلشدر . شیرکوه دیگر بر قلعه یی دها اله کچردی .
بو برنوع مغاره ایدی که نافابل تسخیر دییه تلقی ایدیلیوردی .
نهر الشریعه نك اوته سنده عربستان حدودلری اوزرنده
کائن ایدی . بورانك محافظه سی تامپل شووالیه لرینه مودوع
ایدی . امداده قوشان آموری بونلرک قلعه یی تسلیم ایتمه لرینه
او قدر قیزدی که شووالیه لردن اون ایکی دانه سنی آصدیردی .
بوفتوحات شیرکوهک مصر حقنده بسله دیکی امللری

ابوالفدا
ابن الاثیر
کیلیوم دوتیر

[۱] ۵۶۱ تاریخ عجزیسنده .

[۲] بزم مورخلر من بورایه Cavea de Tyrum دیرلر .

کوزدن اوزاق طوماسنه سبیت ویرمیوردی . مصره یاپدیغی
ایلاک سفرده بوملکتک وضعیتی ، قوتی بالذات تدقیق
ایتمشدی . اوتاریخدن صوگره مصری نه صورتله ضبط ایدیه بیله-
جکلرینه دائر نورالدین ایله متصل مذاکراتده بولونیوردی .
کیلیوم دوتیرک روایتیجه شیرکوه بغداده خلیفه نکیاننه کیتدی .
فاطمیلرک الندن مصری آلمق قابل اولورسه بونک تأمین
ایده جکی فوائد عظیمه نی ایضاح ایتدی . بوفکری تصویب
ایدن خلیفه هر طرفدن عسکر طوپلادی . بوتصور هر کسجه
معلوم اولونجه مصر وزیر اعظمی شاور تورکلرک مملکتی اله
کچیرمه لرندن قورقدی . شیرکوهک مقصدی بواولدیغنه
امین بولوندیغی جهته اجراسنه مانع اولمق اوزره صوک غیرتی
صرف اتمکه عزم ایله دی . دیگر طرفدن مصرک نورالدینک
النه دوشمه سندن قورقان فرانقلرده نابلس Napoulous ده
طوپلاندیلر . کندیلری ده مصری اله کچیرمک فکرنده اولدقنرندن
بومجلسده شیرکوهه قارشى یورونمه سنی ، هر کسک بلااستنا
بوتون وارینک اونده برینی ویرمه سی قرار کیر اولدی .
بوقرار اجرا ایدیلدی . شیرکوه اوصیراده سوریهدن حرکت
ایتمشدی [۱] . مصره دوغرو ایلریله یوردی . قدس قرالی
چولده قادس بارنه Cadès-barné یه قدر کمال سرعتله

بهاءالدین
ابوالفدا
ابن الاثیر

۹۱۶۷

[۱] ۵۶۲ سنه سی ربیع الاولک ۱۲ سنده .

کیتدیسهده [۱] بو طرفده شیر کوهه تصادف ایدمه دیکندن
اوزمان فرانقلرک بو طرفده مالک اولدقلری صوک موقع
اولان غزه یولنی طوتدی. صو کره چولده کائن قدیم بر شهره،
لاریسه Laris کلدی. نهایت بلبیس یا خود په لوس شهرینه
واصل اولدی.

شاور فرانقلرک ورودندن ده شیر کوهک ایلرله مه سی قدر
قورقیوردی. بوده سببسز دکلدی. یالکیز، شیر کوهک
عطاسی Attasi دنیلن بریده اردو قوردیغنی خبر آنجه
مستریخ اولمغه باشلادی. فرانقلرک متفقلرینه قارشى کوستردیکى
اثر صداقت و غیرتی مدح ایتدی. فرانقلری قاهره یه کوتوردی.
مصرک یا تختی اولان بوشهرک صولنده مصر تعبیر اولونان
اسکی بابیلونیا واردی. بونکه بر شهر وجوده کتیریورلردی.
فرانقلر [۲] بوشهردن ایکی میل مسافه ده نیل نه ری قیسنده
اردو قوردقدن صو کره شیر کوهه قارشى یورودیلر. شیر کوه
فرانلق اردو کاهندن تقریباً اون میل اوزاقده ایدی. فقط
شیر کوه دها اول چکیلمش، نه ری اوته طرفه کچمشدی.
اوراده قالوبده اسیر ایتدکلری کیمسه لردن شیر کوهک یولده
برچوق کشی ضایع ایتدیکنی او کړندیلر. سوبال سوریه دن

[۱] ۳ شباطده.

[۲] ابوالحسن فرانقلرک قوماندانی آموری ایله نیرزان
اولدیغنی سویله یور.

Syrie Sobal صو کره تصادف ایدیلن چول ایچنه دالمشدی .
 اوراده برچوق شدتلی روزکارلره معروض قالمش ، قوملر
 هوالانمش ، او قدر کشف بولوتلر تشکیل ایتمشدی که عسکرلر
 کوزلرینی ، آغیزلرینی بردورلو قورویمامشلردی . روزکارک
 شدتی ایسه نندیلرینی دهاچوق ازعاج ایدیوردی . بارکیرلردن
 انمکه ، یرلره قاپانمغه ، قاصیرغهیه قاپیلوب برطرفه فرلاتلامق
 ایچون ممکن اولدیغی قدر قوتله یره یاپشمنه مجبور اولمشلردی .
 بوچولده قوملر شدتلی برروزکارک قابارتدیغی دالغهلره بکزر .
 غایت ایجه برقومدن ترکبایدن بودانغه لرده کیز دالغلرندن
 دها آرتهدکلی دکلدی . شیرکوه ایشته بویله بر فیرطنه ده
 ییه جک طاشییان دوه لرینک قسم اعظمی غائب ایتمشدی .
 مصره عظیم ضایعاتدن صو کره داخل اولایلمشدی . بناء علیه
 بولوندیغی شو حال ایله فرانق اردوسنه قارشى قویه بیله جک
 قوتدن محروم ایدی . نیلک اوتة طرفنه کچمکه اونى مجبورایدن
 سببده بوایدی .

شاور دشمنلرینی پایتختنه بو قدر یقین بریرده کورونجه
 فرانقلرله اسکی معاهداتی تمید ایتک وهرسنه اونلره ویردیکی
 ویرکی بی آرتیرمق صورتیله مناسباتی دها صیقیلاشدیرمق
 ایسته دی . طرفیندن مرخصلر تعیین ایدیلدی . مصر خلیفه سنک
 مرخصلری کلوب آموری بی بولدیلر . درحال ایکی یوز بیك
 آلتون سکه ویردیلر . قدس قرالنک اول امرده نورالدینک

قوماندانی طرد ایتمه دن مصری ترك ایتمه سی شرطیله آزوقت
ظرفنده ایکی یوز بیک آلتون سکه دها تسویه ایده جکلری
تعهد ایلدیلر . آموری ، خلیفه یه عقل و تدبیرینه ، بصیرت
واحتیاطنه امین اولدیغی هوغ دوسزازه یی یوللادی . فراقلر
بومعاهددی خلیفه نك ده تصدیق ایتمه سی طلبنده بولونمشلردی .
هوغ دوسزازه یاننده تامپل شووالیه سی ژوفر و افولق اولدیغی
حالده قاهره ده خلیفه نك قصرینه ادخال ایدلدی . بو حکمدارلرک یاننه
یک آز کیمسه لر کیردکلری ، بونوع ملاقاتلر یک غریب اولدیغی
جهتله مورخلر بولابده اوزون تفصیلات ویرمکی الزم عدا ایتمشلردر .
بزده اونلری تقلید ایده جکلر .

کیلیوم دوتیر

فراق مرخصلری اوکارنده قیلیجلرله مسلح برسور و
قابوچی اولدیغی حالده غایت قاراکلق برطاقم یرلردن کچیریلدیلر
بونلردن هر برینك مدخلنده مسلح برطاقم زنجی عسکرلری
واردی . هپسی وزیر اعظم شاوری سلاملا یورلردی . هوغ
دوسزازه برنجی ایکنجی قوه محافظه یی کچدکن صوکره
کینیش و کونشلی بریره کلدی . اطراف هپ مرمر ستونلرله
طوتدیرلمشدی . بوصالون یالیزیلی و قبارتمه اویمالی
مصنوعات ایله تزین ایدیلشدی . صالونك احتشامی ، انشاسنده
قولانیلان مالزمه نك ثروتی حاضر بولونانلرک کافه سنی حیرتله
غرق ایدیوردی . برطرفده ایچلری صودولو مرمر حوضلر
کورولیوردی . دیگر طرفده ممالک اجنبیه دن کتیریلش هر نوع

برچوق قوشلر واردی . دها اوزاقده دها محتشم برطاقم مبانى
واردی که خادم آغالرینک اقامتنه مخصوصدی . برطرفده ،
نادید پک چوق حیوانات کوزه چارپیوردی . نهایت برچوق
دولامباجلی یرلردن کچد کدن صوکره خلیفه نك دائره سینه
مواصلت ایتدیله . مقداری کثیر ، اوابلری پک مزین عساکر
محافظه واردی . ایچری یه کیردکلری وقت وزیر اعظم عادتی
وجهله اوچ کره یره قاپاندی . بویینه طاقش اولدیغی قیلیجنى
چیقاردی . درحال اینجیلی ، ذی قیمت طاشلرله مزین بر پرده
قالقدی . خلیفه ، برقاچ خادم آغاسی آراسنده تختنه اوتورمش
برحالده کوزه کوروندی . وزیر اعظم خلیفه یه یاقلاشدی .
آیاقلرینی اوپدی . هوغ دوسزاره نك سبب ورودینی ، قرال
آموری ایله عقد ایتدیکی معاهده یی آکلاتدی . بوفرانقک
معاهده نك کیندی طرفلرندن ده تأیید ایدیلدیکنی کورمک
اوزره کلش اولدیغنی سویله دی . خلیفه نك اطرافنده کی قوماندانلر
بوتکلیفدن هیچ خوشلانماش کی کوروندیلر . خلیفه نك
براجنبی به النی ویرمه سی ایشیدیلش برشی دکلدی . برمدت
مذاکره دن صوکره خلیفه النی هوغ دوسزاره یه اوزاتدی .
فقط الی چییلاق اولمادیغی ایچون هوغ دوسزاره بوتون
مصر لیلرک تعجبیلری ایچنده خلیفه یه حسن نیت اظهار ایدیله جکی
زمان دولامباجلی یوللره محل اولمادیغنی ، هرشی نك آچیقجه
یایلماسی لازم کلدیکنی ، بناءً علیه فرانقلرک کندیلری آلداتلق

ایسته نیلیورمش ظننه دوشمه ملری ایچون النی چییلاق اولارق
اوزاتماسی ایجاب ایده جگنی سویله دی . خلیفه تبسم ایتدی .
هوغ دوسزاره نك طلبنه موافقت کوستردی . العاضد
نامنده کی بو خلیفه کنج ، اوزون بویلی ، کوزل بر آدم ایدی .
خلیفه عنوانی طاشیوردی . مصرلیلر بو کا مولانا یعنی
افندمز دیورلردی .

ابن لاثیر
کیلیوم دوتیر

فرانقلر، خلیفه ایله بو معاهده یی عقد ایتدیکی صیراده
شیرکوه کیجه لین نیلک شرق ساحلنده جیزه دنیلن ومصرک
تا قارشیسنده بولونان بریره کله رک اردو قوردی . درحال
قرال آموری بر چوق سفینه طوپلاتدی . بونلرک اوزرینه
خورما دیرکلری قویدیلر . بر کوپرو یابدیلر . فقط کوپرو
آنجق نهرک اورتیه سنه قدر امتداد ایدیوردی . قارشى ساحلده
بولونان دشمن انشاآتک دها ایلری کوتورو بله سنه مانع
اولیوردی . ایکی اردو بو صورتله بش کون قارشى قارشى یه
قالدیلر . بو آراده شیرکوهک کوندردیکی مفرزه لر نهرک
شرق طرفنده کی حوالی یی کاملاً ضبط ایتدیلر . قاهره
قربنده کی محله آطه سنی ده شیرکوه اله کچیردی . نیلک
دلتاسی بو نقطه ده باشلار ، نهر اوراده متعدد قوللره
آیریلر . سوریه طرفنده بولونان برنجی قوله تفتیس = طفنی
Taphnis و فارامیه Pharamia شهرلری آراسنده ده کیزه
دوکولور . ایکنجی قول دمیاطده ، اوچنجیسی ستوریون

Sturion ده ، دردنجیسی رشیدده ده یزه منتهی اولور .
 نیلک بو آغیزلری او تاریخده تماماً موجود ایدی . میلون
 دوپلانیسی ایله شاورک اوغلی کامل شیرکوهی بو آطه دن
 چیقاردیلر . بو مظفریت نهرک مروری فرانقلره تسهیل
 ایتدی . کیدوب شیرکوهه هجوم ایتک فکرنده ایدیلر .
 فقط شیرکوه کیجه قارا کاغدن استفاده ایدهرک چکیلمشدی .
 شیرکوهی تعقیب ایتدکلری صیراده آموری قاهره بی هردورلو
 تعرضدن محافظه ایچون اورایه بر مقدار عسکر کوندردی .
 فرانقلر بو شهرک تکمیل استحکاماتنه حتی خلیفه نك سراینه
 بیله وضع ید ایتدیلر . شاورک اوغلی نیل ساحلنی محافظه یه
 مأمور اولدی . آموری اوچ کون شیرکوهی تعقیب ایتدکن
 صوکره دردنجی کونی نهایت اوکا یتیشدی . شیرکوه صعید
 یاخود تب داخلنده بابین Babain دنیلن بریره چکیلمشدی .
 جاسوسلری فرانقلره مصر لیلرک محاربه ایتک اوزره کادکلری
 اوکا خبر ویرمشلردی . کیلیوم دوتیرک به بن Beben تعبیر
 ایتدیکی بابین ، لامونیادن تقریباً اون میل مسافه ددر .
 شیرکوه دشمنی کوردیکی وقت [۱] کیدوب بوکا هجوم ایتکی
 دوشوندی . فقط معیتنده کیلرہ اعتماد ایدهمدیکی جهتله باشلیجه
 امراسیله مذاکره ایتدی . قسم اعظمی نیل نهرینی کچوب
 سوریه دونمک فکرنده ایدیلر . اردونک مقداری آز

اولديغى جەتتە احراز غايەت اميدى مفقود اولديغى ، عسكەر
 بىر كۈرە مغلۇب اولە جق اولورسە كويليلر ككافە سنى تلف ايدە جكلرينى
 سبب اولەرق سويلە يورلردى . نورالدينك مملوكى واردونك اك
 جسوراميرى اولان سيف الدين برغش Bargousch ، چكىلمك
 طريقى اختيار ايدىلە جكنى كورونجه بىردن برە آياغە قالقدى . شو
 سوزلرى سويلەدى : « ايچكزده محاربه ده تەلەككە عرض نفس
 ايتەككن ، يارالانمقكن ، اسير دوشمەككن قورقان وارسە
 حكمدارلرك خدمتى ترك ايلە كيدوب چفتجىلكە مشغول
 اولماسى ، ياخود قادينارلە حرمە قاپانمى ايجاب ايدر . اكر
 سوريە يە دونە جك اولورسەق نورالدينە نە جواب ويرە جكز ؟
 بزه احسان ايتديكى بونجه نعمتلردن مستفيد اولمغە ناصل جسارت
 ايدە جكز ؟ بونلرە حقسن يره صاحب اولديغمزى ، كافرلرك
 مصرى ضبط ايتەلرينە مساعده ايدن بزلرك بو اموال مسليمنى
 اخذە صلاحيتمنز اولمادىغى بزه مقام مؤاخذه ده بحق
 سويلە مە يە جكمى ؟ » متين بر طورلە سويلەنن بوسوزلر ، اميدسنز
 امرانك جسارتلارنى تازەلەدى . هپسى متحداً حربە كيريشمك
 لزومنه قرار ويرديلر .

شير كوهك اردوسى معاصر بر مورخ اولان بن الاثيرە كورە
 آنجق بيك سواريدن تركب ايدىيوردى . كذلك ينە معاصر
 بر محرر اولان كيليوم دوتير ايسە بالعكس اون ايكي بيك تور ككن
 عبارت اولديغى ، ايچلارندە دوقوز بيكنك زرەلى بولونديغى ،

بونلردن باشقه مزاراقلی اون ، اون ایکی بیک غرب قوتلری ده کندیلرینه اشتراك ایتدیکنی سویلیور . فرانقلرك اردوسی عینی مورخه نظراً اوچ یوز یتیش دوت نفردن عبارتدی . بر مصر فرقه سی ده واردی . فقط بونلر قورقاق آدملردر . تور و پلس دنیلن خفیف مسلح بر مقدار سواری ده موجود ایدی . بو قدر ضد ایکی روایتی تألیف ایده بیلیمک مشکلدیر . شیرکوه فرانق اردوسی کندی اردوسنه او قدر فائق کوریوردی که محاربه یه کیریشمکه جسارت ایده میوردی . هر حالده ، طرفین حرب صفلری ترتیب ایتدیله . عارضه لی بر یرده ایدیلر . قوملردن تپه جکلر تشکل ایتشدی . داغلر آراسنده صیقیشیق بولوندیغی ایچون بو محله بابین یعنی قاپی یا خود کچید تعبیر اولونیوردی . شیرکوه ، جوارده کی کویلیلر طرفندن یغما ایدیله سی اندیشه سیله بوتون اشیاسنی مرکز طویلادی . مرکزك قومانداسنی یکنی صلاح الدینه ویردی که بو بزم اهل صلیب مورخلر مزجه يك معروف اولان او مشهور صلاح الدیندر . شیرکوه ، فرانقلرك مرکزده کندیسی بولوندیغنه ذاهب اوله رق [۱] اورایه هجوم ایده جکلرینی تخمین ایدیوردی . بونك ایچون فرانقلر ایلریله دجه رجعت ایتسی حقنده صلاح الدینه امر ویردی . شیرکوه ایسه اردوسنك

[۱] بونده آلدانامشدر . چونکه کیلیوم دوتیر شیرکوهك مرکزده اولدیغنی سویلیور .

اك جسور عسكر ليله صاغ جناحده اخذ موقع ايتدى .
 دها اولجه بوتون تپه لرى اله كچيرمك كې بر احتياط كارلار قىلدى .
 بولونمشدى . بوتپه لر قوملردن تركب ايتدىكى ايچون فرانقلر
 اورالرد يرلشمكه موفق اولامادقلرى كې شير كوهك قوتلرىنى ده
 اورادن چيقاراماديلر . وقايع بوقومانداك تخمين ايتدىكى وجهله
 جريان ايتدى . شير كوهى مركزده ظن ايدن فرانقلر ابتدا
 اورايه هجوم ايتديلر . فقط صلاح الدين چكىلمك و قاجار
 كې كورونمككه عموجه سنك اوامرىنى اجرا ايدىوردى .
 حقيقتده قاجار ايدوردى . صلاح الدينك قوماندا ايتدىكى ظن
 ايتدىكلرى صاغ جناحه هوغ دوسزاره هجوم ايتدى .
 فقط بويوك بر مقاومت مصادف اولدىنى ايچون عسكر لرى
 بوزولدى . هوغ دوسزاره اسير دوشدى . او زمان
 شير كوه اردوسنك قسم متباقيسى فرانقلر اشياىنى محافظه
 مأمور عساكر اوزرينه هجوم ايدىرك بونلرى فراره مجبور
 براقديلر . مع مافيه مظفريت الآن مشكوك ايدى . فرانقلر
 چكىلدكارى مختلف واديلرده كوچوك طاقلرله حرب دوام
 ايدىوردى . بعض طرفده بونلر كېمى غالب بولونيور ،
 حالبوكه ديكر طرفلرده آرقداشلىرى مغلوب اوليوردى .
 كيجهك حولى محاربهنى تعطيل ايتدىردى . فرانقلر قراللك
 ياننده طويلانديلر . قرال بايراغنى تپهك اوزرينه ديكيرمشدى .
 شير كوهك اردوسى تا قارشیده ايكي تپه اوزرينه چكىلمشدى .

فرانقلر ك عودت ايچون دشمنلر ك آراسندن كچمه لرى لازم
كليوردى . فرانقلر صباحلىن برلشديلر ، منتظم صورتده
يوروديلر . صاغده وصولده نورالدينك عسا كرى دوريووردى .
بونلر دشمنك جيسارتىندن حيرتده قاله رق كچمه سنه سس
چيقارماديلر . فرانقلر لامونىايه كيتديلر . ژه رار دوپوژى
ايله شاورك اوغلى بش يوز سوارى و يوز تورقوپلس ايله
بورايه هنوز مواصلت ايتشلردى . هيچ بكه نمه ين بو امداد
فرانقلرى پك مسرور ايتدى . چونكه او ووقته قدر هر آن توركلارك
كنديلرينه هجوم ايدە جكلرنندن قورقشلردى . فرانقلر بوراده
اوچ كون قالدقن صوكره قاهره يه كيتديلر . كوپرو قربنده
قرارگاه قورديلر . فرانقلر بو محاربه ده آنجق يوز كشى
ضايع ايتدكلرينى ، شيركوهك بيك بشيوز تلفات ويرديكنى
ادعا ايديوورلر . مع مافيه مظفريتك شيركوه طرفنده قالديغى
محققدر . حتى عرب مورخلىرى بو غلبه يى اك بويوك غلبه لردن
برى عد ايتكده درلر .

فرانقلر قاهره يولنى طوتدقلرى صبراده شيركوه چول
آراسنده ده كيز طرفنه دوغرو يورودى . اسكندريه قايليرينه
داياندى . اهالى بو شهرى اوكا تسليم ايتديلر . فرانقلر بوندن
خبردار اولور اولماز اردولرينى طوپلاديلر . اسكندريه تكميل
لوازمى نيل عليا طرفلرندن آلدیغى جهتله شهره برشى کوتو-
رولمه سنى منع ايچون نيل اوزرنده كى سفينه لرى داغيتديلر .

ابن الاثير
ابو الفدا
كيليوم دوتير
بهاء الدين
ابو الفرج

صوکره، اسکندریه دن سکزمیل مسافه ده توروج Toroge
ایله دمنهور Demenehu آراسنده قرارگاه قوردیلر. لوازم
قوللرینی اورمق اوزره هر طرفه مفرزه لر کوندردیلر. او
صورتده که برآی ایچنده شهر ارزاقسز قالدی. اهالی مرلداغنه
باشلادی. تسلیم اولمق مجبوریتنده قالمقدن قورقان شیرکوه
یککنی صلاح الدینی بیک سواری ایله اسکندریه ده براقدی.
کیجه لین چول آراسندن مصر علیا یولنی طوتدی. فرانق
اردوسنک تایانندن کچدی. قرال آموری قاهره یه قدر شیرکوهی
تعقیب ایتدی. فقط یولنه دوام ایدجکی صیراده بر مصر امیری [۱]
کلوب کندیسنی بولدی. اسکندریه نك صوك درجه ضرورته
واصل اولدیغنی، اورایه عودت ایدیله جک اولورسه بو شهرک
اکابرندن بولونان اقربالری واسطه سیله بوتون تورکلرله برابر
اسکندریه نی کندیلرینه تسلیم ایتدیره بیله جکنی سویله دی.
آموری بر مجلس مشورت عقد ایتدکن صوکره درحال
اسکندریه یولنی طوتدی و شهری محاصره ایتدی.

مصرک اک باشلی بر شهری اولان بو قلعه لیی جهتمده
چولک مدخلنده در. رشیددن کچن نیل قولنه پک یقین
بر مسافه ددر. ایکی لیمانی واردر که بریرندن دکیزه دوغرو
اوزامش اینجه بر قاره پارچه سیله آریلمشدر. اسکندریه
فتاری اشته بودیل اوزرنده بنا ایدیلمشدر. لیمانده هر طرفدن

[۱] کیلیوم دوتیر بوکا بن قارسل Bene Carselle دییور.

گلش برچوق سفائن کورولور . بحراحر و عیداب Aideb
 شهرى طریقاه ، نیل نهري واسطه سیله بورایه هندك بوتون
 نوادری کلیر . سه وریه فرانقلری ، قرال آمورینك بوشهری
 محاصره ایتدیكنی خبر آنجه د کیز طریقله مناقله نك قولایاغندن
 استفاده ایدهرک ییه جك کتیرمك اوزره چوق مقدارده
 بورایه قوشیدیلر . آموری ما کنه لر قوردیردی . طاشلر
 حاضر لاتدی . بومانجینیقلرله قلعه اوزرینه عظیم قایا پارچه لری
 آتیوردی . مقدارلری پك آز اولان تورکلر هجوملرهمقاومت
 ایدهمیورلردی . اهالی صلاح الدینی طرد ایتمکدن بحثه
 باشلامشاردی . صلاح الدین ایشدن عموجه سنی خبردار ایتدی .
 یقینه قوه امدادیه کله جکنى سویله یهرک عوام خلقی تسکینه
 چالیشدی . شهر ایچنده کی بو نفاقدن خبردار اولان قرال
 آموری محاصره یه پك شدتله دوام ایدیوردی . چونکه
 شیر کوهك یتشمه سندن قورقیوردی . شیر کوه مصر علیایه
 دالمش ، اوراده قوص Kous شهرینی محاصره ایدیوردی .
 فقط بوشهری ضبط ایتک مشکلاتندن ویکتنی قورتارمق
 مجبوریتندن دولای بولایدیکی پاره لری طویلادقدن صوکره
 تکرار مصر سفلییه کلدی . قاهره یه یاقلاشدیغی ، یکتنك
 وضعیتندن وعمومیتله ایشلردن تمامیه خبردار اولدیغی وقت
 اسیر اوله رق طوتدیغی هوغ دو سزاره یه ، طرفیندن اسیرانی
 اعاده ایتک ، اسکندریه محاصره سنی قالدیرمق وکندیسنك

ابن الاثير
ابوالفدا

سوريه يه سربستجه عودتنه مساعده ايديلمك شرطيله صالح عقد
ايتمك تڪليفنده بولوندى . شيركوهك بو تڪليفاتي آمورى يه
تبليغ اولوندى . بوتون فرانقلر بونى قبول ايتديلر . عرب
مورخلىرى بو معاهدهنك انعقادى حقتده باشقه درلو تفصيلات
ويريورلر . صالحك اولو فرانقلر طرفندن تڪليف ايديلديكنى ،
بونلرك شيركوهه الله بىك آلتون سكه ويرمكى تعهد ايله دكلرينى ،
مصرده تكميل آلدقلىرىنى شيركوهه براقغه ، اسكندريه يي
مصره اعاده ايتمكه ، كنديلرينك مصرده هيچ بريره تصرف
ايتيوب اورادن چيقمغه راضى اولدقلىرىنى سويليورلر .

معاهده نه اولورسه اولسون امضا ايدلدكن صوكره
مخاصات تعطيل اولوندى . فرانقلر اسكندريه يه كيرديلر .
اورايه قرالك بايراغنى ديكديلر . صلاح الدين شهردن چيقدى .
سوريه يولنى طوتمزدن اول كلوب قرال آمورى ايله كوروشدى .
فرانقلرك اردو كاھنده قالدى . وزير اعظم شاور اسكندريه يه
تكرار صاحب اولدى [۱] . بورايه يكي قوماندانلر تعيين ايتدى .
بوسفردن صوكره شيركوهه ايله يكنى صلاح الدين شامه
دونديلر [۲] . آمورى قاھريه كيتدى . اوراده وزير اعظم
ايله يكي بر معاهده ياپدى . هر دورلو حكم ونفوذدن محروم
اولان خليفه نك هيچ بر شيدن خبرى يوقدى . ويردكلرى

[۱] شوال اواسطنه دوغرو .

[۲] ۵۶۲ سنه-ي ذى القعدة سنك ۱۸ نده واصل اولديلر .

قراره نظراً قاهره ده بر فرائق قوه محافظه سی بولونه جقدی .
مصر لیلر فرانقلره یوزبیک آلتون سکه ویره جکلردی . آموری
صو کره عسقلانه دوندی [۱] .

قوماندان شیرکوه مصر سفری ایله مشغول اولدینی
صیراده نورالدین فرانقلرک الکاسنده حرب آچمشدر .
چولده کی عقف Akaph حصاری ایله صافیثا Saphia
وعریمه Arima یی ضبط ایتمش ، اورادن منبج شهری
اوزرینه یورو مکه مجبور اولمشدی . چونکه بورانک والیسی
اولان غازی کندیسنه قارشی عصیان ایله مشدی . نورالدین
منبجی ضبط ایدهرک غازینک برادری قطب الدین یناله ویردی .
صو کره ، فرانقلر علیهنده محاربه یه دوام ایتک فکریله حمایه
کیتدی . موصل ملکی برادری قطب الدین ایله بکتکین
Balkteghin ک اوغلی اولوب علی کوچوک لقبیله یاد ایدیلن
زین الدین بوراده اوکا التحاق ایتدیلر . برلکده کیدوب
هونین [۲] Hounaïn یی تخریب ایله دیلر . ایشته بوسفردن
صو کره درکه شیرکوه غایت پریشان برحاله بولونان اردوسبله
مصر دن عودت ایتمشدی .

عینی تاریخده [۳] ، موصل ملکی ، زین الدینی غائب

[۱] کیلیوم دوتیره نظراً بورایه ۱۱۶۷ سنه سی ایلولنک

۱۷ سنده واصل اولمشدر .

[۲] شوال آینه ده .

[۳] ۵۶۳ تاریخ عجزیسنده .

ایتدی . بوامیر چوقدن بری غایت عاقل ، منور ، عالیجناب ،
 منافع عامه بی دوشونور بر ذات شهرتی حائز اولدیغی حالده
 موصل حکومتی حسن اداره ایدیوردی . اختیارلغی
 و معلولیتی حسبیه امور دولته آرتق اشتغال ایدمهز برحاله
 کلدیکی زمان (کور و صاغیر اولمشدی) عمادالدین زنگی
 طرفندن کندیسنه ویریش اولان اربیل شهرینه چکیددی .
 سنجار ، حران ودها سائر مملکتلری قطبالدینه ویردی .
 قطبالدین اونک یرینه فیخرالدین عبدالسیحی تعیین ایتدی .
 بوامیر زین الدینک تمامیه ضدی حرکات و افعالی ایله نفرت
 عامه بی قازاندی . موصل ملکیده اوچ سنه صوکره کندیسنی
 عزل ایتدی [۱] .

ابوالفدا
 ابن الاثیر

دیگر طرفدن نورالدین هیچ بکله مدیکی بر فتوحاته نائل
 اولدی [۲] . فرات قربنده کائن اولان جعبر قلعه سی
 سلطان ملک شاهک زمان حکومتندن بری عقیل عائله سی
 النده بولونیوردی . اوزمان قلعه حاکنک اسمی شهابالدین
 مالک ایدی . برکون آوه کیتمک اوزره قلعه دن چیقدیغی
 صیراده بنو کلاب قبیله سی طرفندن توقیف اولونه رق نورالدینه
 کوتورلدی . اوده کندیسنی حلبده حبس ایتدی . ایشته
 قلعه بی ضبط ایتمک فکری نورالدینه اوزمان کلدی . شهابالدینی

۱۱۶۸

[۱] ۵۶۶ تاریخ هجریسنده و ۱۱۷۰ تاریخ میلادیسنده .

[۲] ۵۶۵ » »

حسن رضا سیله قلعہ بی ویرمکه بردرلو راضی ایدممدی .
 نورالدین ادعا ایتدیکی فکر عدالتی بو وقعده هیچ اظهار
 ایتمه مشدر . توسیع ممالک حرصی عدالت حسنه غلبه چالمشدر .
 عسکر کوندره رک قلعہ بی محاصره ایتدیردی . قوای محافظه نیک
 مقاومتی یکیدن عسکر سوق ایتسنه لزوم کوستردی فقط
 بردرلو قوتله بوراسنی ضبطه موفق اولامادی . سنجار ایله
 دها سائر بعض شهرلر مقابلنده شهاب الدین بوراسنی ترکه
 موافقت ایتدیکی جهتله نورالدین جعفر قلعہ سنه صاحب
 اولاییدی . حصارک قومانداسنی مجدالدین ابن الدایه ویردی .
 نورالدین ، مصری ضبط ایچون برفرست ، قوللایان
 فرانقلرک حرکاتی دایما نظر دقت اوکنده بولوندریوردی .
 فقط فرانقلری مصردن طرده چالیشمقله مصری فاطمیلر حسابسه
 محافظه ایتک فکرنده هیچ ده دکلدی . فرانقلرده نورالدینک
 آمالندن خبردار اولدقلری جهتله مصرک حلب حکومتک
 بر ولایتی حالنه کله سنندن قورقیورلردی . ایشته کرک بوقورقو ،
 کرک مصری ضبط ایتک حرصی عقد ایتدکلری معاهداته
 رعایتدن اونلری منع ایدیوردی . قاهرده بر قوه محافظه لری
 واردی که پک قوتلی ایدی . رؤسا آموری یه مکتوب یازد رق
 ، مصر فتحنی پک قولای برایش اولق اوزره تصویر ایتدیله .
 عرب مورخلرینک قولنججه قرال بوکاموافقت ایتک ایسته مدی .
 معاهدہ بی اخلال ایدہ جک اولورلرسه بوتون خلقی کندیلرینه

دشمن ایدہ جکبری ، نورالدین طرفہ کچمکہ و مملکتی اوکا
تسلیم ایتکہ کندیلرینی مجبور ایلہ یہ جکبری مطالعہ سسندہ
کیلیوم دوتیر بولونیوردی . آموری بی بو حربہ تشویق ایدنلر ایچندہ اک
آتشینی او پیتال شووالیہ لرینک رئیس لری ژربر آسالت ایدی .
بومظفريتدن صو کرہ پهلوس شهری او پیتال شووالیہ لرینک
حصہ سنہ اصابت ایدہ جکینی امید ایدیوردی . فقط دیگر شووالیہ لر
هیچ ده اونک فکرندہ دکلدیلر . معاهدہ یہ رعایت ایدیلہ سنی
سویله یورلردی . دها سائر بعض فرائق پرنس لری ژربرہ
التحاق ایتدیلر . نورالدین خبر آنجه یہ قدر مصرہ صاحب
اولہ جغنی قرالہ تأمین ایلہ دیلر . آموری حربہ ایستہ مہ یہ ایستہ مہ یہ
رضا کوستردی . براردو طوپلادی . سوریه ده حصہ شهرینی
ضبطہ کیدہ جک کبی کورونیوردی . فقط بردن برہ مصر
طرفہ دوندی [۱] . چولی کچدی . اون کونده پهلوس
قلعہ سی پیشکاهنہ واردی . اوچ کون محاصرہ دن صو کرہ
شهر ضبط ایدیلہ رک ۲۱ ایغما اولوندی . بوتون اهالی قیلیجدن
کچیریلدی .

شاوور بو قطع مناسبیدن خبردار اولونجه نه قرار اتخاذ
ایدہ جکی حقندہ بر مدت متردد قالدی . نہایت نورالدیندن

[۱] تشرین اول آیندہ .

[۲] کیلیوم دوتیرہ کورہ ۳ تشرین ثانیہ . بن الاثیرہ کورہ

حفر آیندہ .

استمداد ایتمکه قرار ویردی . نورالدین مصره کیتمکی پک
آرزو ایدردی . فقط غیبونی اشناسنده فرانقلرک ، سوریه ده کی
ممالکنه کیرمه لرندن قورقیوردی . بوندن باشقه موصل حکو-
متنک وزیراعظمی اولان زین الدین علی نک وفاتی [۱] مناسبتیه
ر طاقم شهرلری اله کچیرمک فکرنده ایدی . واقعا بو شهرلر
زین الدین طرفندن ، نورالدینک برادری اولان موصل مالکنه
ترک ایدیش ایدیسه ده بو ملاحظه نورالدینی دوردیرمغه کافی
دکلدی . اونک ایچون ، مصره کیتمدی . شیرکوهی کوندرمکه
اکتفا ایتدی . بو امیرمصر جهته دوغرو ایلریله دیکی صیراده
قرال آموری پلوس شهرینی ترک ایدهرک قاهره پیشکاهنده
اردو قورمشدی [۲] . آمورینک قاهره نی ضبطه نیتی یوقدی .
یالکز ، پلوس شهرینک اوغرا دیغی عاقبتدن بونی وقایه ایتک
ایسته یوردی . شاورک کنديسینی چکیلمکه اقناع ایچون مهم
بر مبلغ ویره جکنی امید ایدهرک بر کونلک یولی یاواش یاواش
اون کونده قطع ایتمشدی . فقط فرانقلرک پلوس شهرنده کی
حرکتلری قاهره سکنه سنک مدافعه یه حاضر لانه لرینه سببیت
ویردی . اؤنلرک ورودندن بر کون اول [۳] شاور مصر
شهری طوتوشدیرمشدی . بویانغین الی دوت کون سوردی .

[۱] ۵۶۳ هجری و ۱۱۶۷ میلادی تاریخنده ، ذی الحجه آینده .

[۲] صفرك اوننده .

[۳] ۹ صفرده .

آموری سفینه‌لرینی کوندردی . بونلر تفتیس = طغنی قریبنده
 نیل آغزندن کیردیله . فقط مصرلیله کچیری قایماق ایچون
 قارشى یورومشلردی . شیر کوھک تقریبی بو کچیدی زورلامق
 ایچون فرانقلره امکان براقما یوردی . خلیفه بیاه نورالدینک
 حمایه‌سنی رجا ایتیش ، اونى مسلمانلرک مدافعه‌سنه کلمکه دها
 زیاده تشویق ایچون ، یوللادیغی مکتوبلرک ایچنه سراینده‌کی
 قادینلرک صاحب‌لرندن ده لف ایدرک بوتون بو قادینلرک اوندن
 طلب‌عافت ایتدکلرینی کوسترمشدی . عینی زمانده ، فرانقلری
 جبراً طرده قادر اولامایان شاور اونلری آلداتماق چارلرینی
 دوشوندی . آموری‌یه یازدیغی مکتوبده اونک دوستی اولماق
 ایسترسه‌ده بوتون مصرلیلرک فوق‌العاده حدتلی اولدقلرینی ،
 نورالدینک مملکتی کلوب ضبط ایتسندن قورقدیغی ایچون
 مهم بر پاره ویره‌رک آموری‌یه صالح عقدینه طرفدار بولوندیغی
 آکلاتدی . قرال آمورینک خست فوق‌العاده‌سنی بیلن ویک
 تهلیکلی بر آدم اولان میلون دوپلانسى بو پاره‌یی قبول ایتک
 ایچون قرالی تشویق ایدیوردی . عسکرلر ایسه یغمادن باشقه
 بر شی دوشویمورلر ، میلونک نصایحندن دولایی مرلدانوب
 دورییورلردی . شهرى ضبط ایدمه‌یه جکنى ، اهالینک نورالد-
 ینه تسایم اولمغه عزم ایتدکلرینی یک اعلا کورن آموری بر
 میلون آلتون سکه مقابله‌ده کری چکیلمکه موافقت کوستردی .
 بونک بر قسمی درحال بر قسمی ده معین بر زمان ظرفنده

ابن‌الاثیر

تسويه اولونه جقمى . شاور فرانقلره ابتدا يوز بيك آلتون
سكه وىردى . فرانقلر چكىلدىلر . فقط دهها زياده قوت
طوپلايوب هان كرى كلك فىكرنده ايدىلر .
شاور فرانقلره مذا كراتده بولوندىغى صيراده خليفه ،
مصر ك و ارداتنك تاشنى نورالدينه تىكليىف ايدىيور ، شير كوهك
مصرده اقامتنى ايسته يوردى . نورالدين شير كوهه برچوق ارزاق
ايله برابر ايكي يوز بيك آلتون سكه وىرمشدى . شير كوهك
اردوسى ايكي بيك سوارى ايله آلتى بيك آتلى توركمندن تركب
ايدىيوردى . راس المايه قدر اردوسنى بالذات سوق ايتمشدى .
فقط اوراده هر سوارى يه يكيدين يكرمى آلتون سكه وىرمشدى .
شير كوهه رفاقت ايدن امرا آراسنده عزالدين جردىك
Djawardik ، غرسالدين قىليج ، شرفالدين برغش ،
عين الدوله الياروق ، قطبالدين ينال و مشهور صلاحالدين ده
داخلىدى . صلاحالدين آرزوسنه رغماً اردويه التحاق ايتمشدى .
بوسفر ك بوتون ثمراتى يالكىز كندى كنديسنك اقتطاف
ايدىجكنى ، مصر حكمدارى اولاجغنى اوزمان بيلمه يوردى .
فرانقلر شير كوهك حر كىتندن خبردار اولونجه در حال په لوس
قلعه سنه چكىلدىلر . قرال آمورى محافظه اچون بوراده
بر مقدار عسكر براقدقندن صو كره دشمنه قارشى يورودى [۱] .
فقط دشمنى بولا مادىغى كى بو مملكتدهده قاله مايه جغندن

په لوس ۱۱، صو کره سوريه يولنی طوتدی. بو عودت مسلمانلری
پک سهویندیردی. شیرکوه قاهرهیه کیردی [۲]. خلیفه
عاضده عرض تعظیبات ایتدی. خلیفه اوکا برخامت کیدیردی.
کرك کندیسنه گرك اردوسنه پک چوق هدیه لر ویردی.

شاور شیرکوهک خلیفه طرفندن طرز قبولندن هیچ ممنون
اولمادی. فقط بر اردونک موجودیتی عدم ممنونیتنی اظهاردن
اونی منع ایدیوردی. حتی شیرکوهه زیارتیه کیتمهکه قالدیور،
بو قوماندان ایله امراسنی نزدینه دعوت ایدهرک اونلری توقیف
ایتدیرمکی کیزلیجه دوشونیوردی. اوغلی کاملاک ممانعتی اولماسه
ایدی احتمالکه بو تصور موفقیتله نتیجه له نه جکدی. کامل،
فکرنده اصرار ایدهرک اولورسه شیرکوهه خبر ویره جکنی
پدرینه سویله دی. شاور، شیرکوهک مقصدی هپسینی
اولدیرتمکدن عبارت اولدیغنی اوغلنه آکلاتمغه چالیشدیسه ده
کامل، مصرک فرانقلر انه دوشمه سنه قاتلانمقدن ایسه اولمک
خیرلی اولدیغنی یولنده جواب ویردی. بونک اوزرینه شاور،
شیرکوهی قتل ایتدیرمک تصورندن واز کچمش کوروندی.

شاور شیرکوهه علیهنده بو تصور ایله مشغول ایکن شیرکوهک
اردوگاهنده ده مصر وزیراعظمی علیهنده بوکا مشابه بر ترتیبات
وجود بولیوردی. بوسؤقصدک باشلیجه رئیسلری صلاح الدین،

[۱] کانون ثانیدن صو کره.

[۲] ۵۶۴ سنه سی ربیع الاخرینک ۷ سنده.

امیر عزالدین جردیک ایلده دهاسا سائر بعض امرا ایدیلر .
شیرکوه بوکا داخل اولمق ایسته مدی . حتی اجرا ایتمه لرینه
بیله ممانعت کوستردی . فقط امرا ایش برکوه اجرا ایدلد کدن
صوکره شیرکوهک راضی اوله جفی قناعتیله بوايشده اوکا اطاعت
ایتمدیلر . شیرکوه امام شافعی نیک تربه سنی زیارته کیتدیکی وشاور
اردوگاهه کلدیکی زمان بوفرستدن استفاده ایلده اونی اولدیرتمکه
قرار ویردیلر . فی الحقیقه شیرکوه برکون بو تربه نی زیارته
کیتدیکی صیراده شاور کلدی . امرا اورایه عزیمتی اوکاتکلیف
ایتمدیلر . شاورک یاننده پک آز کبشی اولدیغی ایچون ابتدا
صلاح الدین کندیسنی دوردیردی . بارکیرینک اوستتدن
آشاعی چکدی . فقط کیمسه شاورنی قتله جسارت ایده مدی .
ر چادیرک ایچنه قایماقله اکتفا ایلدیلر . خدمتجیلر ایسپه
قاچمشلردی . جریان ایدن احوال دن شیرکوهی خبردار
ایتمدیلر . شیرکوه درحال قوشدی . شاورک اتلاف ایدلمه منی
ایچون امر ویردی . فقط شاورک توقیفنی خبر آلمش اولان
خلیفه درحال آدم کوندردرک باشنی ایسته دی . درحال شاورک
کله سی خلیفه یه کوتورولدی [۱] . بونک اوزرینه شیرکوه
قاهره یه کیردی . خلق طرفندن اطرافنک صاریلدیغنی کورونجه
حیرته دوشدی . کندیسنه تجاوز ایتمه لرندن قورقدی . بونلردن
قورتولمق ایچون کیدوب شاورک سرائنی یغما ایتمه لرینی خلیفه نامنه

امر ایتدی . بو امر در حال اجرا اولوندی . شیرکوه یولنه
سربستهجه دوام ایتدی . عاضدك ياننه کیتدی . عاضد شیرکوهی
وزیر اعظم و باش قوماندان تعیین ایتدی . کندیسنه ملك-
المنصور لقبی ویردی .

شیرکوه بو بویوک مناصبه نائل اولدی و هیچ بر رقیبه
تصادف ایتدی . کیدوب وزیرلرک سراینده اوتوردی .
صوکره ، یاننده کی عسا کره احسانلر ویردی . فقط الك
یو كسك مراتبه واصل اولور اولماز خسته لانه رق وفات ایتدی [۱].
وزیر اعظم صفتیه مصری آنجق ایکی آی بش کون اداره
ایتمشدی . بورایه کچهرک مصرده یرلشمکه برابر کندیسنی
نورالدینک تبعه سی و مصرده و کیلی صفتیه تلقی ایتمکدن خالی
قالمامشدی . وفاتندن صوکره امرادن بر چوغنی مقامنی اله
کچیرمک ایچون خلیفه نزدنده رجالدده بولوندیله . فقط خلیفه
وزیر اعظم انی مصرده ایسته میه ایسته میه کلش اولال صلاح الدینه
توجیه ایتدی [۲] . خلیفه نك صلاح الدینی ترجیح ایدیشی
بوامیرک عسکری ضبط ایده جک درجه ده حکم و نفوذ صاحبی
اولامایه جغنی ، بونک اوزرینه وزیر اعظم لرك اهمیتی
محو ایتک فرصتی بولا جغنی امید ایتسندن ایلری کلشردی .
عاضد ، صلاح الدینه ملك الناصر عنواتی ویردی .

[۱] ۵۶۴ سنه سی جاذی الآخری نك ۲۲ سنده .

[۲] ۵۶۴ سنه سی جاذی الآخر نهایتلرنده .

نورالدینك اردوسنك امراسندن هیچ بری صلاح الدینك
 تبعه سنه کیرمك ایسته مدیلر . هپسی ده خلیفه نك تخمین و جهله
 اوندن آریل دیلر . ضیاء الدین عیسی الهکاری نامنده علمادن
 بر ذات ابتدا کیدوب امیر سیف الدین علی بی [۱] بولدی
 واونی صلاح الدین طرفنه جلب ایتدی . صوکره وزیرك
 دایسی شهاب الدین الحارمی یه کیتدی . همشیره زاده سنی محو
 ایتك اوزره حرکت ایتسی مناسب اولمایه جغنی اوکا آکلاتدی .
 صلاح الدین کبی عن اصل کورد اولان قطب الدین ینال ایله
 عین الدولة الیاریوقی یه آرتق عرض انقیاددن باشقه چاره قالمادیغنی ،
 بوایمپراطورلغی کندی ملنلرینه تأمین ایتك لازم کلدیکنی ،
 آرالرنده حکمفرما اولان نفاق یوزندن تورکلرک بورایه
 صاحب اولاجقلرینی ایضاح ایتدی . ایشته بوضورتله ضیاء الدین
 عیسی نورالدین اردوسنك بوتون امراسنی صلاح الدین طرفنه
 جلبه موفق اولدی . صلاح الدین حاکم مطلق کسینلمشدی .
 فقط عمووجه سی شیرکوه کبی اوده نورالدینك بر قوماندانندن
 عبارتدی . مصرده هرشی نورالدین نامنه اجرا ایدیلیوردی .
 خطبه نورالدین نامنه اوقونیوردی . دیگر طرفدن صلاح الدین
 سخاسی سایه سنده هرکسك قابنی جلبه موفق اولدی .
 خلیفه نك امیدلری بوشه چیقدی .

صلاح الدین مصر حکومتنده برکوه تأسس وکسب قوت

ایدیجه برادرلری مصره کوندرمه سنی نورالدیندن رجایتدیردی .
فقط نورالدین اونلرک مصره کیتمه لری مناسب اولمايه جغنی ،
احتمالکه اوراده صوکره اونک مقاصدینه ممانعت ایله یه جکلرینی ،
برطانی قارشیقلار چیقارهرق فرانقلرک عودتنه سبب اوله جکلرینی
سویلیدی . صلاح الدینک بوقاردشلی آراسنده بویوک برادری
شمس الدوله توران شاهده داخلدی . نهایت نورالدین اونلرک
عزیمتنه موافقت کوستردی . توران شاهه برادری صلاح الدینک
تابعیتنی منویته قبول ایدوب ایتمه یه جکلرینی صورتدی . توران
شاه بوتون قوتیه اوکا یارديم ایتمککی وعد ایتمه سی اوزرینه یوله
چیقادی . صوکره سوزینی طوتدی .

صلاح الدینک مصره تأسی بوتون فرانقلری تلاشه
دوشوردی . بومظفریت سایه سنده نورالدین ، فرانقلرک
یرلشمش بولونقلری سوریه ساحلی اوکلارنده دولاشه بیله جک
بردونانمای مصردن سوق ایتمک اقتدارینی حائز اولیوردی .
حجاجک ورودینه ده مانع اولابیلیلر ، بوصورتله قدس حکومتی
بوتون بوتون محوایله یه بیلیردی . فرانقلر کندیلرینی تهدید ایدن
بوتون بوتونلر قارشیسینده بویوک بر مجلس عقد ایتدیله .
بونده ، قدس بطریقینک ، قیساریه باش پسقپوسنک [۱] عکا
پسقپوسنک [۲] فرانسه قرالی لوئی دن ، انکلتره قرالی

کیلیوم دوتیر
ابن الاثیر

[۱] ارنه سیوس .

[۲] کیلیوم

هانزیدن ، سيجيليا قرالى كيليومدن و آوروپانك سائر حكمدار-
لرندن معاونت طلب ايتمك اوزره آوروپايه كېتمه لري قرارلاشدى .
فقط كيجه لين چيقان بر فيرطنه ، كى يى او قدر خسارزده
ايتدى كه تكرار ليمانه كيرمكه مجبور اولدى . بونك اوزرينه
صور باش پستقپوسى فرهدريق ، بانياس پستقپوسى ژان آوروپايه
كېتمكه مأمور ايدىلدiler . ژان بر آز صوكره پارسده وفات
ايتدى . ديكرينك سياحتى ده هيچ بر فائده وېرمدى .

بو مرخصلر آوروپاده بولوندىلري و وعددن باشقه بر
شيئه نائل اولامادىلري صيراده استانبول ايمپراطورى مهم بر
دونانما تجهيز ايدىرك فرانكلرك امدادينه كوندردى . بودونانما
قاليون دنيان يوز اللى بويوك كىدن تركب ايدىيوردى .
قاليونلرده ايكي صيرا كورده واردى . باشلارنده بر مهموز
بولونيوردى . سوارى يى طاشيمق اوزره دها بويوك آلتش
سفينه ده بولوندىغى كى درومون Dromon تسميه ايدىلن دها
بويوك سفينه لردن ده اون اون ايكي دانه واردى . بوتون ارزاق ،
اسلحه ، آلات حربيه بونلره تحميل ايدىلمشدى . فنون حربيه ده
يك ماهر بر قوماندان اولان مغال دوقاس موره سيوس ايله
آلكساندر دو قونوه رسان بو دونانمايى [۱] صوره ، اورادن
عكايه سوق ايتدىلر . تشرين اول آينده فرانكلرك ، روملرك
بوتون اردولرى عسقلانده طوپلاندىلر ، مصره دوغرو يوله

چيقدیلر . یاواش یاواش یورویرهك فارامیهیه واصل اولدیلر .
 بوراسی نیلك قاراب Carabes تسمیه ایدیلن ایلك آغزی
 قربنده كائن عادتاً خالی بر شهر ایدی . بر مدتدن بری بویول
 چوق اوزامشدی . ده کیزك دالغهلری ، ساحلده طویلانمش
 اولان قوملره چارپه چارپه بر کچید آچش و اووايه کیرد کدن
 صوکره بویوك بر باتاقلق وجوده کتیرمشدی . بو باتاقلقك
 آغزی اولدقجه دار ایدی . بوندن دولایی جوار شهرلرایچون
 بویوك بر منفعت حصوله کلمشدی . چونکه بو باتاقلغه هر جنس
 برچوق بالق دولمشدی . جواردن اونلری صیده کلیورلردی .
 فقط ساحل بحری تعقیب ایدهرك سوریهدن مصره کچمك
 ایستهینلر باتاقلقك کناری صیرا اون میل قدر دولاشمغه
 مجبورایدیلر . آنجق بوصورتله ساحل بحره واصل اولابیلیور .
 لردی . فرانقلر ، عکادن حرکت ایتمش اولان روم دونانماسنی
 فارامیهده بولدیلر . عسکرلری نیلك اوته طرفنه کچیرمکه دونانما
 خدمت ایتدی . تفتیس = طفتی شهرینی صولده براقدیلر .
 اورادن هپسی دمیاطه کیتدیلر [۱] . دونانمانك تکرار
 کندیلرینه التحاق ایتمه سنه انتظاراً شهر ایله ده کیز آراسنده
 اردو قوردیلر .

نهر ساحلنده غایت مستحکم بر قله واردی . اورادن بر
 زنجیر اوزانیوردی . شهرك سورلرینه مربوط اولان بو زنجیر

[۱] تشرین ثانیده . ۵۶۵ سنه سی صفرنده .

دها ايلرى يە كىرىلمەسەنە بىر مانعە تشكىل ايدىيوردى . بو
 سايه ده شهر اهالىسى قاھرەدن سىر بىستجە ياردىم آلابىليورلردى .
 مەئادىيە قاھرەدن عىسكەر كلىوردى . بو شەھرى درحال ضبط
 اتمەك اميدەندە بولونان فرانقلر منتظم صورتدە محاصره حرەكاتەندە
 بولونمىق ، بىر چوق ما كىنە قورمىق مجبوريتەندە قالدیلر . فقط
 محصورين دە مانجىنقلر ترتيب ايتدىلر . بعض فرانقلر كهالى
 حتى خيائى يوزەندى محصورينك ما كىنەلرى فرانقلر آلات
 حربىيەسە فائق بىر حالە بولونىيورلردى . دونامانك ارزاقى
 قالمادى . روملر ، جوار دە بولونان خورما اورمانلرىنە داغىلمىغە ،
 آچلىقلرىنى تسكىن اچچون تازە داللىرىمكە مجبور اولدىلر . فرانقلر
 اونلرە يىەجك وىرەجك اولورلرسە كىندىلرى دە عىنى حالە
 دوچار اولمىقدىن قورقويورلردى . مېذول صورتدە ياغان ياغمورلر
 خرىستيان اردوسىنك مەصابىنى آرتىرييوردى . بىر جنوب روزكارى
 اسىيوردى كەنىلك جريائى شەتلىندىرييوردى . بوتون دونما امين
 بىر محلدە بولنىور كى بورادە بىرە طوپلانمىشى . محصورين
 قورو اودونلردىن وسائر مواد مشتعلەدن مركب بىر صال ترتيب
 ايتدىلر . كىلرە دوغرى وونى مەرك اوزرىنە صالحويىردىلر .
 قالىون تسمىيە ايدىلن كىلردىن آلتىسى باتدى . قرال آمورى
 امدادە قوشامش اولسە ايدى سائر سەفائىك ھېسى دە عىنى
 عاقبەتە اوغرايەجقاردى . فرانقلر ايشە بو صورتلە لالى كون
 دىمياط او كىندە قالدیلر . نەھىت بوراسىنى ضبط اتمەك غىر قابل

ابن الاثير
 كىلرم دوتير

اولدیغنی کورونجه صلاح الدین طرفداری اولمایان بعض مصر امراسی واسطه سیله شهر خلقیله برنوع متارکه عقد ایتدکن صو کره چکیلمکه حاضر لاندیلر .

صلاح الدین ، مصر ا کابرندن بعضیلرینک فرانقلر طرفنی التزام ایتهلرندن دولای نورالدینه شکایتده بولونمشدی . نورالدین مصری محافظه ایچون اورایه عسکر کوندردیکی کبی کندیسیده سوزیهیه کیره رک برچوق تخریبات یاممشدی .

ابن الاثیر
بهاء الدین
ابوالفدا

دمیاط محاصره سنک رفعنه بوحرکتک چوق خدمتی اولمشدر . نورالدینک کیریشدیکی بو حربک غایه سی یالکز فرانقلرک دقتنی بو طرفه جلب ایتمکدن عبارت اولمایوب بعض فرانقلرک کندی ممالکنه یابدقلری آقینلره مانع اولق مقصدی ده

سنه

موجود ایدی . فرانقلر عکار Akkar قلعه سنی نورالدیندن

۱۱۷۰

المشدر [۱] ، نورالدین نامنه اوراده قوماندان بولونان قتلغ Khathlagh ی اسیر ایتمشلردی . بوندن باشقه ، نورالدین ، صلاح الدینک پدری نجم الدین ایوبی بر مقدار عسکرله مصره سوق ایتدیکی وبو اردویه بر طاقم مسلمان تاجرلری ده دهها امنیتله سیاحت ایچون التحاق ایله دیکی جهتله بونلرک فرانقلر طرفندن تجاوزه اوغرامامه لرینی تأمین ایچون کرک Krak قلعه سی اوزرینه یورویه رک بونی محاصره ایتمکه لزوم کوردی . بو حصارک قلعه لرینی دوکمکه مشغول اولدیغنی صیراده عربلر طرفندن

بريسنه ابن هنفرى و ديكرينه قريب بن دقيق نامى
ويريلن ايكي فرانق قوماندانك ايكي يوز سوارى
و بيك تورقوپلس ايله كرك قلعه سنه امداده كلكلى
خبرنى آلدى . بونلرك مقدارلى چوغالما سنه ميدان
براقمادن قارشى يورودى . فقط فرانقل نورالدينه منتظر اولمى
مناسب كورمه مش اولدقلى جهتله نورالدين اطرافه ياييله رق
تحرىاتده بولوندى ، اردوسنى عشترا Aschtara ده قوردى . بيره
حصارينه صاحب اولان شهاب الدين محمود [۱] نامنده برامير بوراده
نورالدينه التحاق اچون ايكي يوز سوارى ايله يوله چيقتى . بعابك
الكاسى داخلىده ليهو Léhoua يه واصل اولدىغى زمان آوه كيتمك
اوزره آته بىندى . فقط جوارده آقبن يامقوله مشغول اولان
اوچ يوز فرانق سواريسنه راست كلى . اوزرلىنه هجوم
ايدرك اونلرى داغيتدى . مقتولار آرسنده - صن الا كراد
صاحبى بولونان اوپىتال شوواليه لرى رئيسى ده داخلى .
جسارتندن دولاي فرانقل بوكا پك حرمت كوستيرلردى .
كله سنى نورالدينه كوتوردىلر . نورالدين هنوز عشتراده ايكن
بويوك برحركت ارض دولاييسيله سوريه شهرلرندن برچوغنك
خراب اولدىغنى [۲] خبر آلدى . مورخلىرىنك روايتنجه اوزمانه
قدردها بوقدر شدتلى برزلزله كورولمى مشدى . اك مهم شهرلر

[۱] بن الياس بن ايل غازى بن اورتوق .

[۲] ۵۶۵ سنه سى صفرينك ۱۲ سنده .

آلت اوست اولدیلر . اهالی انقاض آلتنده قالدی . بعلبك ، حمص ، حما ، شیزر یاخود قیصریه ، حلب شهرلری ایشته بو خراب اولان یرلری میاننده ایدیلر . نورالدین ابتدابعلبکه عائد تفصیلاتدن خبردار اولدی . استحکاماتی تعمیر ایتدیرمک ایچون علی العجله اورایه قوشدی . فقط دیگر شهرلرک احوالندن خبردار اولونجه بعلبکهده عسکر براقه رق علی العجله حمصه وحمایه کیتدی . اورادده عینی صورتله حرکت ایدهرک فرانقلره جوار اولان و بوندن دولانی نورالدینی دهها چوق اندیشهیه دوشورن بعزین حصارینه عزیمت ایلهدی . بوتون بو استحکامات خراب اولمشدی . اورادده برقوه محافظه براقدی . تعمیرات ایچون کیجه کوندوز چالیشماسی حقنده امرلر ویرد کدن صوکره سائر مملکتلردن زیاده خساره اوغرامش اولان حلبه کیتدی . حملهده اوتوراییله جک بر او قالمامشدی . اهالی شهر خارجنده آییقمده اقامت ایدیورلردی . نورالدین انشاآتک باشلنده دوردی . بونلری تعجیل ایتدی . هپ فرانقلرک بوفلا کتدن استفاده ایدهرک ممالکنه تجاوز ایتهلرندن قورقیوردی . فقط حرکت ارضدن عینی صورتده ضرر کورن فرانقلر سفره چیقمنی دوشونمک شویله دورسون بالعکس کندی زیانلرینی تعمیر ایله مشغول ایدیلر . سورلری وقلهلری صوکه درجهده مستحکم بولونان بوتون آنطاکیه شهری خراب اولمشدی .

طرابلس شهرينك هان بوتون سكه‌سى بېتمشدى [۱]. صور
صوك درجه‌ده ضرر كورمشدى .

نورالدين حاي تكرر بنا ايتديرمكه مشغول اولديغى
صيراده برادري موصل ملكى قطب‌الدين دوچار اولديغى برحمان
وفات ايتدى [۲]. تقريباً قرق ياشنده ايدى. يكرمى برسنه
بش آى حكمران اولمشدى . بوتون تبعه‌سى متأثر اولدى .
قطب‌الدين اونلره ايلك ايتمكدن هيچ كرى قالمازدى . بو
خصوصه‌ده بك جومرد داورانديغى سويلنديكى زمان دنياده
بر حكمدار قدر ايلك ايتمكه مجبور هيچ كيمسه بولونمايغى
سويلردى . بويوكلىرى و كوچوكلىرى مساوى صورتده سور ،
قولايجه عفو ايدر ، قوماندانلرينه حلم ايله معامله كوستير ،
اونلرى زنكيشديرمكدن خوشالانيردى . قوماندانلرينك
كنديلىرى ادخار ثروته ميل ايتسونلر ديه بويله ياپاردى .
كنديسسه محتاج اولانلرى تحقيق ايدرك مراجعتلرينه محل
براقه‌دن يارديم ايدر ، هر كسه عادلانه معامله ايتديريردى .
برادريله دائماً خوش كچنمشدى . اوكا چوق كره عسكر
ونقد ايله يارديم ايتمش ، برادرينه قارشى حس ايتديكى
دوستلق حسيله ممالكى داخلىنده خطبه‌نك اونك نامنه
اوقونماسنه مساعدده كوسترمشدى . حارم وبانياس محاصره‌سنده

ابن لاثير
ابناءالدين
بوالفدا
ابوالحسن

[۱] اوچ تموزده .

[۲] ۵۶۵ سنه‌سى ذى‌الحجه‌سك ۲۲ سنده .

برادرینه رفاقت ایتمشدی . وفات ایتهدن اول ، نورالدینک
کریمه سیله اولمش اولان بویوک اوغلی عمادالدین زنکینک
کندیسنه خلف اولماسنی امر ایتدی . فقط فخرالدین
عبدالسالم نامنده کی وزیر اعظم ، دشمنی اولان نورالدینه پک
مربوط اولان بو شهزاده نك زمان حکومتده حکم ونفوذینی
غائب ایده جکندن قورقه رق حسام الدین تمر تاشک کریمه سی
خاتون یاخود ملکه ایله بوتون امرانی ایرته سی کون طوپلایوب
اوغلی سیف الدینه بیعت ایتدیرمکه قرار ویردیلر .

بویله حرکت ایدیلنجه ، عمادالدین کیدوب نورالدینک
معاونتنی رجا ایتدی . وزیرک بو حرکتدن فنا حالد قیزان
نورالدین درحال تن باشردن حرکتله جعبر قلعه سنده فرات
نهرینی کچدی . رقهیه کیده رک والی طرفندن کوچوک بر
مقاومته مصادف اولدقدن صوکره ضبط ایتدی [۱] . صوکره
خاربوری و نصیبینی اله کچیردی [۲] . عسکرینک قسم متبا -
قیسی بو شهرده بکه دی . چونکه یاننده سیار بر قوتدن
باشقه بر شی یوقدی . فرانقلره مقاومت ایتک اوزره
اردونک قسم کلینی سوریه ده براقشدی . دیار بکر ملکی
نورالدین محمد [۳] بو نقطه ده عسکر یله کندیسنه التحاق

[۱] ۵۶۶ سنه سی محرمی ابتداسنده .

[۲] عینی آیک نهایتلرنده .

[۳] ابن قاره آرسلان .

ابتدی . بونک اوزرینه نورالدین کیدوب سنجاری محاصره‌یه
آلدی . بوراده بویوک بر قوهٔ محافظه واردی . بو شهر
اوکنده بولوندیغی صیراده بعضی موصل امراسندن مکتوبلر
کلدی . موصله کله‌سی ایچون تشویقاتده بولونیورلر ، شهری
تسلیم ایتمکی وعد ایدیورلردی . فقط سنجار محاصره‌سی
ترکه راضی اولمایه‌رق بر آرزو کره قلعه‌ی اله کچردی [۱] .
یکنی عمادالدین زنکی‌یه ویردی . صو کره موصل اوزرینه یورودی .
بوشهرک شرقنده ، نینیویا استحکامی قربنده اردو قوردی . موصل
ایله آراسنده یالکیز دجله‌نهری واردی . فخرالدین ، جبال ، آذربایجان
و اران ملک (ایلد کز) دن استمداد ایتشدی . ایلد کز موصلک
سلطانہ عائد اولدیغی بهانه‌سیله اورایه کیتمکدن نورالدینی منع
ایتمک و موصل اوزرنده هیچ بر حکم و نفوذی اولامایه‌جغنی
آکلاتمق ایسته‌یه‌رک بر اثر قوت و حاکمیت ابراز ایتمک ایسته‌مشدی .
نورالدین بومکتوبلری سنجارده ایکن آلمش ، هیچ بر جواب
ویرمه‌مشدی . یالکیز ، مرخصه یکنلرینک ایشلری ایلد کزدن
زیاده کندیسنی علاقه‌دار ایتمک طبعی اولدیغنی سویله‌مش ،
بن ناصل سوریه‌ده فرانقلرک آقینلرینه مانع اولیورسه‌م اوده
کورجیلرک تجاوزاتنه سد چکرسه عالم اسلامه ده‌ها چوق
خدمت ایتمش اولور سوزلرینی علاوه ایتشدی .
نورالدین موصل محاصره‌سینه باستلادی . فقط امرانک

ابن الاثير
ابوالفدا
بهاء الدين

قسم اعظميله عسكر واهالى نورالدين طرفنى التزام ايتدكارى
ايچون هيچ برمحاربه وقوعه كمدى . شهرى كندى امرينه
رغماتسليم ايتك تصورى موجود اولديغنى خبر آلان فخرالدين
صلاح طلب ايتدى . نورالدين اوکا مقصدنى كنديسنى سوريه يه
كوتورمكدن عبارت اولوب يكنلرينك ممالكنى ضبطه كمدى كنى ،
بالعكس اوممالكى محافظه قيدنده بولونديغنى جواباً بيلدىردى .
صلاح امضا ايدىلدى . نورالدين موصله كيردى [۱] . برمدت
قلعه ده اوتوردى . سيفالدين غازى نك موصله و جزيره ابن عمره
تصرفنى تصديق ايتدى . قلعه نك قوماندانلغنى امراسندن
سعدالدين كشتكىنه ويردى . موصل حكومتك سائر شهرلرني
يكنلرى آراسنده پايلاشدىردى . سيفالدين خليفه مستضى
طرفندن تصديق ايدىلدى . دها موصله كيرمه دن برخلعت
كلدى . نورالدين كوزل برجامع انشايتديره رك كندى اسمنى
ويردى . يكرمى كون موصله قلدى . صوكره ياننده
فخرالدين اولديغنى حالده مملكتنه دوندى . فخرالدينه بعض
اراضى ويردى . موصلدن عزيمت ايتديكى صيراده بريسى
نورالدينه موصلى بك سويور واوراده اوتورمق ايستركى
كورونيور اولديغنى سويله نجه بوطن دوغرو ايسه ده عدالته
مغاير حر كته بولونمقسزين بونى يايىق قابل اولماديغنى ،

هم ذاتاً فرانقلری دوردیرمق ایچون حدودلر اوزرینده قالماسی
ایجاب ایتدیکنی جواباً بیان ایتدی .
مصرده کی وکیلی صلاح الدین ده سوریه ده حرب ایتک
خصوصه نده ده آاز خواهشکر دکلدی . فلسطینه کیرمک
املیه مصر وشام عسکرلرینی طوپلامشدی ۱۱۱۰ . قرال آموری
درحال عسقلانه کیتدی . اوراده ، سلطانک داروم Daroum
قلعه سنی محاصره ایتکده اولدیغنی ، زرده ایسه اله کچیره جکینی
خبر آلدی . فی الحقیقه بوقلعه نك قوماندانی اولان آنسه لدو پاسی
او کون قوه امدادیه آمازسه تسلیم اولمغه قرار ویرمشدی .
آموری ، داروم دن درت میل مسافه ده بولوبان غزه دن
حرکت ایتدی . صلاح الدین اوکا دوغرو ایلریله مشدی .
آموری ایله قارشیلانمادی . اونی مغلوب ایتدی . غزه شهرینه
کیردی . فقط ایچ قلعه نی ضبطه موفق اولامادیغنی جهته دارومه
دوندی . اوراده فرانقلرک تکلیف ایتدکلی محاربه نی قبولدن
امتناع ایله مصره دوندی . بوراده بحث ایتدیکنز داروم قلعه سی
فرانقلرک مصر طرفنده مالک اولدقلری صوک موقع ایدی .
قدیم بوراسی روملرک بر مناستری اولدیغنی ایچون داروم نامی
ویریلش صوکره بوندن داروم اسمی تشکیل ایدیلش ایدی .
آموری بوراسنی تحکیم ایتدیره رک ایچنه بر مقدار عسکر
اقامه ایتشدی .

[۱] آمورینک یدنجی سنه حکومتنده ، کانون اول آینده .

سنه
۱۱۷۱
ابن الاثير

نورالدين ده ديكر طرفدن فرانكلرك الكاسنه كيردى [۱] .
فرانكلر ، نورالدين ايله عقد ايتدكلرى معاھديه رغماً مصردن
سوريه يه كيدن بعض سـفائى ضبط ايتشاردى . نورالدين بو
كميلرى وايچنده كى بوتون امتعه يي ايسته مش فقط شايان ممنونيت
بر جواب آله ماديغى ايچون آنطا كيه يه طرابلسه دوغروبعض
مفرزه لر سوق ايتديكى كى كنديسى ده عرقه قلعه سنه هجوم
ايتمشدى . شهر ك واروشلرى ييقدى . اورادن كوندردىكى
قول اردو صافيتا ايله عريمه يي ضبط ايتدى . صوكره نورالدين
طرابلس جوارلرندە تخرىباتده بولوندى . بونك اوزرينه فرانكلر
متاركه يي تجديده و آلمش اولدقلىرى اعاده يه حاضر بولوندىلرى
بيلدirdiler . نورالدين راضى اولديسه ده فرانكلر آلدقلىرىنك
كافه سنى اعاده ايتديلر . مسلمانلر چوق ضرره اوغراديلر .
صلاح الدين او زمان مصره عودت ايتمشدى . اوراده
حاكم مطلقدى . نورالدين خليفه نك بو مملكته قالان صوك
نشانه حكم ونفوذى ده ازاله ايتكى يعنى خطبه لردن اسمنى
قالديرته رق يرينه بغداد خليفه سى مستضى نك اسمنى اقامه ايتك
زمانى كلديكى دوشوبدى [۲] . صلاح الدين بو امرى آنجه
فاطميلرك سالك اولدقلىرى علويلره مربوط اولان مصر ليلرك
عصيان ايتهلرى قورقوسيله ابتدا اجرادن استنكاف ايتدى .

ابن الاثير
ابو الفدا

[۱] ۵۶۷ سنه سى محرمنده .

[۲] ۵۶۷ تاريخ هجرى سنده .

فقط نورالدین تکرار بویولده امر کوندرنجه امرای طویلا دی .
 بوقدر مهم بر مسئله حقنده اونلردن رأی صورتی . بعضیلری
 بو حرکتک پک جرئتکارانه اولدیغنی سویله دیلر . بعضیلری
 بوکا مظاهرت ایده جکلرینی بیان ایتدیلر . امیرالعالم نامنده بر
 ایرانی میدان چیقدی و بوکا تشبث ایده جکنی سویله دی .
 فی الحقیقه محرمک ایلك جمعه سی خطیبدن اول منبره چیقهرق
 خطبه یی بغداد خلیفه سی نامنه او قودی . هیچ کیمسه بوکا
 منعت ایتمز کی کوروندی . بونک اوزرینه صلاح الدین بوتون
 مصر وقاهره خطیبلرینه ایرته سی جمعه بو یولده حرکت ایتهلری
 ایچون امر ویردی . صوکره بوتون مصر بو امره اطاعت
 ایتدی . بو صورتله اوزون مدتدن بری آیری بولوندیغنی بغداد
 خلیفه نک تحت قضاسنه دخل اولدی . خلیفه عاضد [۱]
 خسته ایدی . جریان ایدن وقعه دن کندیسنی خبردار ایتکی
 مناسب کورمدیلر . چونکه اغلب احتماله کوره یاشایه جق بر
 قاچ کونی قالمش اولدیغنی ایچون حضورینی اخلال ایتک
 ایسته مبورلردی . فی الحقیقه ، تخمین اولوندیغنی وجهله ، بر
 آز صوکره وفات ایتدی . صلاح الدین خلیفه نک حیاته
 دو قونما مشسده سکون واستراحتنه ده دو قونمایه جق درجه ده
 عالیجناب داورانما مشدر . صلاح الدین او قدر دویمق بیلمز درجه ده

[۱] کیلیوم دو تیرک صلاح الدینی خلیفه یی اولدیرتمکله اتهام

ایتمه سی دوغرو دکادر .

حريص ثروت ايدى كه خليفه نك بينه جك تك بر آتى قالديغى
 حالد صلاح الدين بونى ده ويرمكه كنديسنى اجبار ايتمشدى .
 صلاح الدين ساده جه برامير اولديغى زمان حريص ثروت وجاه ،
 حيله كار ، جرئتكار ايدى . فقط حكمدار اولديغى زمان بك
 بويوكلك اثرلى كوسترمشدر .

صلاح الدين در حال سرانى ضبط ايتدى . حتى دها خليفه نك
 وفاتندن اول بهاء الدين قراقوش نامنده طواشىدن برينى سرايده كى
 خزائن نظارت ايتمكه مأمور ايله مشدى . خليفه عاضدك چو جوقلى
 واقربالرى توقيف ايديله رك سرايك بريرينه حبس اولونديلر .
 كوله لرى ده صاتلدى ياخود بخش ايديلدى . سرايده انجى ،
 ذى قيمت طاشلر ودها امثالى عظيم بر ثروت واردى . صلاح الدين
 بوراده يوز بيك جلدك كوزل يازيلش و كزیده بر كتيخانه
 بولدى . عاضد ايله فاطميه خليفه لرینك حكم و نفوذى نهايت
 بولور . فاطميار ۲۶۶ سنه حكومت ايتمشلر ، مصره ۲۰۸ سنه
 صاحب اولمشلردى . نورالدين بوبويوك وقعه دن خليفه مستضى نى
 خبردار ايتدى [۱] . خليفه نورالدينه تشكر اچون سراينك
 اكابرندن عمادالدين صندلى برخلعت وايكى قيليبيج ايله كوندردى .
 قيليبيجلك برى سوريه ديكرى مصر اوزرنده كى حكم و نفوذينه
 اشارت ايدى . صلاح الدين ده برخلعت آلدى . خليفه طرفندن

[۱] كوندرديكى كيمسه نك اسمى شهاب الدين المطهر ابن شرف الدين

مصرده نورالدينك وكيلى نصب ايدىلدى. قاهره جامعى منبرينك
اوزرينه قونولمق اوزره برده سياه قماش كوندريلدى. سياه،
عباسى خليفه لرينك رنكى ايدى.

صلاح الدين ارتق مصرده كنديسنى انديشناك ايدى جك
بر حكمدار قالمادىغى اچون ساده جه نورالدينك وكيلى عنوانندن
صيقله غه باشلادى. مسنقل اولمق ايسته يوردى. نورالدينك
امر لرينه پك زحمتله اطاعت ايدى بيلوردى. مصرى ترك
ايدى رك نورالدينك ياننه كىتمكه مجبور ايدىلكدن دهها زياده
قورقيوردى. نورالدين، مصرك بوتون عساكرىنى طوپلانلار
ايكنجى عربستانك پايتختى اولان كرك ياخود چول طاشى
قلعه سنى محاصره يه كىتمك اوزره كنديسنه التحاق ايمه سى اچون
امر وىرمشدى. صلاح الدين اطاعته حاضر كى كوروندى.
قاهره دن چىقدى [۱]. اونك حر كىتى خبر آلنجه نورالدين ده
شامى ترك ايدى رك كر كه كىتدى. اوراده يهوده يره مصر اردوسنى
بكله يوب دوردى. صلاح الدين بعض اغتشاشات علامئندن دولاي
يولنه دوام ايدى مه يه جكنى بر ساعى ايله بىلدىردى بو بر بهانه دن عبارت
ايدى. نورالدينك كنديسنى توقيف ايتدىر مه سندن قورقديغى
اچون بويله حر كىت ايدى يوردى. فرانكلر، باش قوماندان
اونفرو انك قومانداسى آلتمده قلعه نك امدادينه يورودكلرى صيراده
نورالدين اورادن چكىلدى. وكيلىنك عدم اطاعته پك زياده قىزدىغى

كيوم دوتير

ایچون مصره کیده رک اونی اورادن قوغه جغنی سویله دی .
 صلاح الدین ، نورالدینک تصورندن خبردار اولونجه ، بوقدر
 نازک بر مسئله ده نه صورتله حرکت ایده جگنی قرارلاشدیرمق
 ایچون بوتون افراد عائله سنی وامراسنی طویلادی . اندیشه سنه
 سبب اولان حالی حکایه ایدنجه یکنی نقی الدین عمر ، نورالدین
 مصره کله جک اولورسه اوکا قارشى سلاحه صاریله یی علناً
 تکلیف ایتدی . صلاح الدینک پدری نجم الدین ایوب بوسوزلری
 ایشیدنجه نقی الدین عمری درحال صوصدیره رق صلاح الدینه
 توجیه خطاب ایله دیدی که : « بن سزک پدر کیم . ایشته داییکیز
 شهاب الدین الحارمی ده بوراده . بوتون بومجلسک ایچنده سزى
 بزدن چوق سون وسزک اییلک کیزی بزدن چوق ایسته یین
 برینک بولونه بیله جگنه احتمال ویریورمیسکیز ؟ خایر ، دیدی
 صلاح الدین . او حالده ، دوام ایتدی نجم الدین ، داییکیزله
 بن نورالدین ایله قارشى قارشى یه کله جک اولورسه ق یاپه جغمزشى
 آیاقلرینه قایانمقدن وسزک باشکیزی کسمه یی امرایده جک
 اولورسه بوسوزلرینه اطاعت ایتمکدن عبارت اولاجقدر .
 بزبوفکرده اولورسه ق آرتق سزه بزم قدر مربوط اولمایانلرک
 حسیاتی نه اولاجغنی تحمین ایده یلیرسکیز . نه بوراده بولونانلردن
 نه ده اردوده کی امرادن هیچ برى نورالدینه قارشى حرکت
 جراتنى کوستره مز . بومملکت اونیکدر . بورایه سزى وکیل
 نصب ایدن اودر . سزى عزل ایتکه ده صاحب صلاحیتدر .

ابن الاثیر

صوکره دیگر امرایه توجیه خطاب ایتدی: بز نورالدینک کوله لری یز . بزم حیاتمزه ایسته دیکی کبی تصرف ایده بیلیر ، دیدی . مجلس داغیلد قدن صوکره نجم الدین اوغلنه شوسوزلری سویله دی: « افکار کیزی بوا امرایه حس ایتدیر . کله احتیاطده قصور ایتدیکیز . بونلر سزه خیانت ایده جکلردر . امین اولدیکیز که نورالدین ایشی خبر آله جق ، سزی بورادن طرد ایتمک اوزره مصره کله جکدر . کندیسنه علی العجله مکتوب یاز کیز و عرض معذرت و اطاعت ایدیکیز . »

نجم الدین آلدانما یوردی . بومجلسده جریان ایدن مذاکراتک کافه سندن نورالدین خبر آلمشدی . فقط صلاح الدینک مکتوبلری کندیسنی تسکین ایتدی . آرتق ممالکنی فرانقلرک تجاوزاتنه فارشی محافظه دن باشقه برشی دوشونمدی . مملکتک وسعتی فرانقلرک بوتون حرکاتندن علی العجله خبر آلماسنه مانع اولدیغی ، فرانقلر آنجق برقلعه یی ضبط ایتدکدن صوکره اونک محاصره سندن خبر آلابیلدیکی جهتله بوتون ممالکنده وبالخاصه حدودلرده کوکرجین پوسته لری تأسیس ایتمکه قرار ویردی . جوارده کی شهرلردن کوکرجینلر آلنه رق بوپوسته محالینه کوتورولدی . بو آقین وقوعه کلیر کلز مکتوب یازیلیور ، کوکرجینه باغلانیوردی . کوکرجین اوچه رق یوواسنه عودت ایدیوردی . اوراده باشقه مأمورلر بومکتوبی آلیورلر ، باشقه بر کوکرجینه باغلایورلردی . بوصورتله

شهردن شهره كیدهرك خبر نورالدینه قدر واصل اولیوریدی .
 نورالدین بواصولك فوائدی تقدیر ایتمکده کجیکمه دی .
 فرانقلرك حدودلر اوزرینه یابدقلری برآقینی عینی کونده
 بو واسطه ایله خبر آلدی . عسکرلرینی طوپلاتمق ایچونده
 بواصولی قوللانیدی . کیدوب فرانقلری صاردی . اونلر
 نورالدینی هنوز پك اوزاقده ظن ایدرلرکن میدان چیقوب
 کندیلرینی مغلوب ایتدی .

سنه

۱۱۷۲

کیلیوم دوتیر
 بهاءالدین
 ابوالحسن

آرتق فرانقلر یالکاز نورالدینه ومصرده کی وکیلی
 صلاحالدینه قارشى --وریهده حرب ایدیورلردی . بوایکی
 حکمدارک مصادف اولدقلری الحمددهش دشمن فرانقلرایدی .
 کونک برنده مصرده حکمران اولغی تخیل ایدن صلاحالدین
 فرانقلرك مملکتنه کیدوب حرب ایتمکدن کری قالمایوردی .
 بو صورتله نورالدینه عرض خلوص ایتمش اولیوریدی . فقط
 اك چوق صلاحالدینی ممنون ایدن شی کونک برنده بوفتوحاتک
 کندیسنه قاله جغی امیدى ایدی . نورالدین موصله کیتمشدی [۱] .
 صلاحالدین بونی خبر آنجه اردوسیله درحال مصردن
 چیقدی . چولی کچدی تورک قامیشلغی دنیلن بریره کلوب
 اردو قوردی . نورالدینه التحاق ایتک ایستر کبی کورونمک
 فکرنده ایدی . قرال آموری درحال بورادن تقریباً اون آلتی
 میل اوزاقده کائن برسابه Bersabée موقعنه کلوب اردو

قوردی . فقط صلاح‌الدین او موقعده قالمادی . سووال سوریه‌سی دنیان السکایه کیردی . کړک و شوبک Schoubek قلعه‌لرینی محاصره ایتدی . بو قلعه‌لر مصره کیدن کاروانلری یک تعجیز ایدی-سورلردی . بو حصارلر او کنده برقاق کون قالدیسه‌ده‌اله کچیره‌مدی ، مملکت‌ه‌دوندی . نورالدینک موصلی ترک ایتمش اولدیغنی خبر آنجه براز صوکره تکرار عودتله بعض آقینلر یاپدی .

نورالدین او زمان کوچوک ملاطیه و سیواس حکومتنه ، قونییه سلطانی قیلیج آرسلان طرفندن طرد ایدیلن ذوالنونى تکرار اقامه ایتک ايله مشغولدی . ذوالنون - سوریه کله‌رک نورالدینک معاونتنی رجا ایتشدی . نورالدین فرانقلرله حرب ایتکه نه قدر شدتلی بر خواهش بسلرسه مسلمان الکاسنه کیرمکدن او قدر متنفر بولوندیغنی ایچون ابتدا قیلیج آرسلانی ضبط ایتدیکی یرلری کوزلاکله اعاده ایتدیرمکه تشبث ایتدی . فقط بو سلطان ، وقوع بولان طلبی اسعاف ایتدیکی ایچون نورالدین مرعش ۱۱ و بهسنی ۱۲ شهرلرینی محاصره‌یه کیتدی . بونلری ودها جوارده کائن بعض مواقعی ضبط ایتدی . یوللادیغنی بر قول سیواسی اله کچیردی . بونک اوزرینه قیلیج آرسلان صاحبه‌طالب اولدیغندن ده‌ا ایلری‌یه کیرمک ایسته‌مدی .

[۱] ۵۶۸ سنه‌سی ذی‌القعدة سنده .

[۲] ذی‌الحجه آنده .

سنه
۱۱۷۳
ابن‌الاثیر
ابوالفدا
بهاء‌الدین

فرانقلر طرفندن آلدیغی مؤسفف خبرلردن دولای
 علی العجله صالحی یادی . معاهده بی امضادن اول شو اوچ
 شرطی قویدی . اولاً ، قیلیج آرسلانک ایمانندن شهه
 ایتدیکی وقیلیج آرسلان کندیسنه بر مسلمان اولمقدن زیاده
 بر فیلسوف کبی کوروندیکی ایچون سفیرلری قارشیسنده
 تجدید ایمان ایده جکدی . ثانیاً ، لزوم اولدقجه هر دفعه سنده
 سورییه فرانقلره قارشى حرب ایتک اوزره عسکر کوندره .
 جکدی و کندیسیده فرانقلره هجوم ایده جکدی . ثالثاً
 قیزی نورالدینک یکنی سیف الدین غازییه ویره جکدی .
 بو معاهده منعقد اولدقدن صوکره نورالدین سیواسده
 فخرالدین عبدالسیحک امری آلتنده ذوالنونک خدمتی
 ایچون بر مقدار عسکر براقدی ، سورییه دوندی . اوراده
 صلاح الدیندن مکتوب کلدی [۱] . صلاح الدین فاطمی
 خایفه لرینک بقایاسنی طرد ایچون یمنه براردو کوندرمک مساعده سنی
 ایسته یوردی . نورالدینک موافقتی اوزرینه صلاح الدین توران
 شاهنی یمنه کوندردی . توران شاه بوراده سکسان شهر ضبط
 ایتدی . بومیانده صنعا وسائر مدینه لرده داخلدی .

ابن الاثیر

نورالدین اوزمان صلاح الدینک بوتون مقاصدینی فرق
 ایدیوردی . بو امیرک مصرده اعلان استقلال هوسنده
 اولدیغنی ، فرانقلره قارشى آچق ایسته دیکی سفرده کندیسنه

[۱] ۵۶۹ تاریخ هجریسنده .

رفاقت ایتمه یه جگنی آ کلا یوردی . بوندن دولای موصله ،
 دیاربکرده ، جزیره ده برطاقم عسکرلر طوپلاته رق فرانقلرک
 سوریه ده کچه بیله جکلری یرلره قویمق ، اردوسنک قسم
 متباقیسیله کندیسی مصر اوزرینه یورویه رک صلاح الدینی اورادن
 چیقاروب یرینه باشقه برینی تعین ایتک ایسته دی . ایشته
 نورالدین بوتصورده ایکن خسته لانه رق شامده وفات ایتدی [۱].

سنه
 ۱۱۷۴

ابتدا قلعه یه دفن ایدیلدی . صوکره ینه شامده بنا ایتدیرمش
 اولدینی مدرسه یه نقل اولوندی . نورالدین وفات ایتدیکی
 زمان موصله ، دیاربکرده ، سوریه و مصره صاحب
 بولونیوردی . دیاربکر ملکلی اوکا تابع ایدیلر . صلاح الدینک
 برادری شمس الدوله توران شاه نورالدینک امریه یمنی یاخود
 مسعود عربستانی فتح ایتشدی . مکه و مدینه ده خطبه نورالدین
 نامنه او قونیوردی . نورالدین اوزون بویلی ، سویملی ، کوزل
 کوزلی ، کنیش سیمالی ایدی . صقالی یوقدی . بوتون
 مسلمانلرک حتی خرسئیانلرک حرمتنی جلب ایتشدی . کیلیوم
 دوتیر اونک عدالتندن ، احتیاطندن ، دیندارلغندن بحث ایدر .
 ابوالفدا نورالدینک فضائلنی تشریح ایچون قوجه برجله کفایت
 ایتمه یه جگنی سویله یور . عمومیتله بوتون مسلمان حکمدارلرینک
 اک عاقل و حکیمی ، اک عادلی اوله رق تلقی ایدیلیور . احکام

ابن الاثیر

[۱] کیلیوم دوتیره نظراً مایس آینده . ۵۶۹ سنه سی شوالنک

اون برنده .

قرآنیه یه صوك درجده رعایت ایدر ، ایپکلی اثواب کیمز ،
 آلتون و کوموش طاشیازدی . بوتون ممالکی داخلنده شراب
 ممنوع ایدی . چوق کره کیجه لین یاتاقدن قالقهرق نماز
 قیلدیغی کورولوردی . زمانک قسم متباقیسنی دولتک اداره سنه
 یاخود فرانقلر علیهنده حربه تخصیص ایدردی . زمانک اک
 بویوک قوماندانی ایدی . امام ابوحنیفه مذهبنک احتمالکده
 اک بویوک کلام علماسندن ایدی . مراجحه جیلری ، مرتکب
 ومختلسلری مملکتندن طرد ایتشدی . دشمندن آلدیغی
 غنائمدن حصه سنه اصابت ایدن مبلغ ایله املاک آلمشدی . بونک
 وارداتیله یاشایوردی . ویرکولر احتیاجات دولته تخصیص
 قلنمشدی . مال میری یه آنجق علما مواجهه سنده ال سورردی .
 بواقنصا ددن ممنون اولمایان زوجه سی کافی درجده وارداتی
 اولمادیغندن دولای برکون کندیسنه شکایت ایدیوردی . نورالدین
 شو جوابی ویردی : بن مسلمانلرک بر خزینه مأمورندن باشقه
 برشی دکلم . مسلمانلرک احتیاجی ایچون بکا تودیغ ایدیلش
 اولان مبالغه غضب الهی یی اوستمه جلب ایتهدن دوقونه مام .
 حمصده هنوز اوچ دکانم وار . ایشته سزه ویره بیله جک
 شیم بوندن عبارتدر .

نورالدینک زمان حکومتنده بر چوق اجنبیلر عادل بر
 حکمدارک زیر اداره سنده راحتجه یاشامق ایچون شامه کلشردی .

وفاتندن سو کره صلاح الدین شام شهرینه صاحب اولدیغی زمان جریان ایدن بوقعه قدر نورالدینک عدالتی حقند بسله ن فکرى کوستره جک بر شی یوقدر . شامده کی اجنبیلردن برینه بر عسکر تجاوز ایتشدی . بو اجنبی ، صلاح الدینه شکایت ایتک ایسته دی . فقط شکایتی دیکلنمدی . بونک اوزرینه قلعه دن شو سوزلری باغیرا باغیرا ایندی : ای نورالدین ، نورالدین ، معروض اولدیغمن ظلمی کورسه ایدیکز بزه آجیر . دیکز . سزک عدالتکز نرده ؟ بونلری سویله یه رک آرقه سنده بر سورو خلق اولدیغی حالده نورالدینک تر به سنه دوغرو ایلریله یوردی . شهرده عصیان چیقه جقدی . فقط صلاح الدین شامی محافظه ایچون اجنبینک حقنى احقاق ایتکه مسارعت کوستردی .

نورالدین حرکت ارضدن خراب اولان بر چوق شهرلرک وقلعه لرک سورلرینی تعمیر وانشا ایتدیرمشدی . از جمله شام ، حلب ، حمص ، شیزر ، بعلبک قلعه لرینی یاپدیرمشدی . مدرسه لر بنا ایتدیردی . بورالرده امام ابو حنیفه نک و امام شافعی نک مذاهی دائره سنده تدریسات وقوع بولوردی . نورالدین جامعلر ، خسته خانه لرده یاپدیردی . بونلره بویوک اراضی تخصیص ایتدی . یوللرده یولجیلر ایچون عمومی مبانی انشا ایتدیردیکی کبی فرانقلرک حرکاتی ترصد آلتنده بولوندیرمق اوزره حدودلر اوزرنده قلعه لرده وجوده کتیردی . بونلرک

هېسنىڭ ايچنە پوستە کو کر جينلرى قويدى . نورالدين درويشان
ايچون تىكەلر دە انشا ايتىردى . ارباب علمە ، فقرايە حرمت
كوستردىكى قدر درويشلار دە رعایت ايدردى . بونلر ك كندى
خزينە سنە اشتراكە حقلىرى اولديغنى سويلر ، يانندە اوتورمە -
لرينە مساعده ويريردى . مسلمانلر آراسندە ك ابتدادارالعدل
نامندە بر محكمە بنا ايتيرن نورالدين اولمشدر . بو محكمە
بالخاصە امرانك تبعە حقندە اجرا ايتدكلرى تجاوزاتى منع
وتأديب ايچون تأسيس اولونمشدى . شير كوهك معيتنك
كستاخلقلىرى بوكا لزوم كوسترمشدى . قاضى كمال الدين هر
كون بوبابدە شكائتلر آليور ، فقط مجرملىرى منسوب اولدقلىرى
شير كوهك نفوذى قورقوسندن تأديب ايتمك قابل اولمايوردى .
بو محكمە تأسيس اولوندقن صوكرە خلق راحت راحت
ياشادى . اميرلر بو محكمەنك حضورينە چيقمقن قورقيورلردى .
نورالدين يكرمى دوقوز سنە حكمران اولمش ، آلتمش سنە
ياشامش ايدى [۱] . يرينە اوغلى ملك الصالح اسماعيل [۲]
كچدى . آنجق اون بر ياشندە ايدى ابن المقدم ناميله يادايدىلن
امير شمس الدين محمد نائب حكومت اولدى .

[۱] ۵۱۱ سنەسى شوالنك ۲۷ سنده ، ۱۱۸۸ تاريخ ميلاديسنده

دوغمشدى .

[۲] كيليوم دوتير بوكا مدهل صالح Mehel saleh ياخود

ملك صالح Melech saleh دير .

نورالدينك وفاتى سوريه ايشلارنده بويوك بر تحول حصوله
كتيردى . جواردهكى حكومتلك كافهسى نورالدين عائلهسندن
مالك اولديغى ولايتلك قسم اعظمى آلمغه قالدیلر . فرانقلر
سلاحه صاريلقده هيچ كچيكمهديلر . آمورى نورالدينك وفاتى
خبر آلىر آلماز على العجله قراللك بوتون عساكرى
طوپلادى . كيدوب بانياس قلعهسى محاصره ايتدى . بوقلعهنى
اون بش كون دوكدى . فقط اهالىنك بويوك بر جسارتله
مدافعهده بولونقلرىنى كوردىكى جهتله محاصرهنى رفع ايتك
ايچون نورالدينك زوجهسى طرفندن وقوع بولان صلح
تكليفاتندن استفاده ايتدى . نورالدين عائلهسنة منسوب
حكمدارلر خلفنك الندى آلمق ايسته دكلرى يرلر وضع يدايتك
خصوصنده دها بختيار چيقديلر . بعض امرا ، باشلارنده
كمالالدين و شمسالدين بن مقدم اولديغى حالده ، حكومتك
اك ذى نفوذ اميرى اولمق صفتيله امور دوات حقنده رآنى آلمق
ايچون صلاحالدينه مكتوب يازمق لزومنى مجلسده ايلرىيه
سورمشلردى . بوندن مقصد صلاحالدينك هيچ برشيده رآنى
صورولماديغى بهانهسيله صالحك خدمتنى ترك ايتمهسنة ميدان
ويرمه مكدى . باشقه اميرلر بو مطالعهنى تصويب ايتديلر .
فقط بر آرزو كره صلاحالدينك مكتوبلرى كلدى . صلاحالدين
صالحى پدرينك وفاتندن دولايى تعزیه ايدييور ، مصرده صالح
نامه ضرب ايديلن سكهلردن كوندرييور ، بوتون مصرالكاسى

نورالدیننه اولدیغی کبی صالحده تابع بولوندیغی حقننده
تأمینات ویریوردی .

نورالدین وفات ایتدیکی صیراده یکنی سیفالدین کندیسنه
التحاق ایتک اوزره براردوايله یولده ایدی . فقط عموجه سنک
وفاتی دویونجه فکرینی دکیشدیردی . نصیبینی ضبط ایتدی .
عسکر سوق ایدهرک خابوری اله کچیردی . حرانی محاصرهده
آلدی . قلعه برقچ کون مقاومتدن صوکره تسلیم اولدی .
رها ، رقه ، سروج ضبط اولوندی . بوتون دیار جزیره ،
جعبرقلعه سی مستثنا اولمق اوزره سیفالدینک ید حکمنه کچدی .
امیر شمسالدین علی بن الدایه حلبده خسته اولدیغی ایچون
بو ایلریله مه لره مانع اولامایوردی . شامده بولونان صالحدن
استمداد ایتشدی . فقط نائب حکومت هیچ اعتماد ایتدیکی
شمسالدین علی نک کنج حکمداری توقیف ایتدیرمه سندن
قورقه رق شامدن چیقماسنه مساعده ویرمدی . فی الحقیقه بو
امیر خسته لق بهانه سیله صالحه کلوب عرض بیعت و تعظیبات
ایتمکده تأخر ایدیوردی . فقط اونک اک بویوک جرمی
بوتون حکم و نفوذی ضبط ایتمه سندن امرانک قورقمالری
ایدی . شام امراسی سیفالدینک تجاوزاتندن صلاح الدینی
خبردار ایتکی اهل ايله مشلردی . صلاح الدین یازدیغی شو
مکتوبده کندیلرینی بوندن دولای مؤاخذه ایتدی :
« اکر نورالدین سزک ایچکنزده اشغال ایتدیکم موقعه بندن لایق

برنی کورسه ایدی و اوکا بندن زیاده اعتماد ایتسه ایدی
هیچ شبهه ایتیم که مصر حکومتی اوکا توجیه ایدردی . مصر
نورالدینک حکومتک اک مهم بر قسمیدر . امین اولکیز که
اولوم مانع اولماسه ایدی اوغلنک تربیه سنی دد بکا تودیع ایده جکدی .
بندن آریلق ایسته دیککیزی کوریورم . فقط شامه کیدوب
صالحه عرض تعظیبات ایده جکم . پدرینک بنی غرق ایتدیکی
انعام و الطافک شکرانی اوغلنه قارشى اوده یه جکم . سز بکا
قارشى نه یولده حرکت ایدیورسه گز بن ده سزه قارشى اوپله
داورانہ جنم . سزه دولت ایچنده اغتشاشات چیقارمق ایسته یین
کیمسه لر معامله سی ایده جکم . »

ابن الاثیر
ابوالفدا
سیف الدین غازی بوتون دیار جزیره یی ضبط ایتد کدن
صوکره ، موصلده وقتیه حائر اولدیغی حکم و نفوذی تکرار
اله کچیرمک امیدیه سیواسی ترک ایتمش اولان امیر فخرالدین
عبدالمسیح کندیسنه التحاق ایتدی . سیف الدینه فتوحاتنده
دوام ایتک توصیه سنده بولوندى . فقط سیف الدین دیکر
بر امیرک توصیه سنه رعایت ایدرک وقتیه موصله تابع بولونان
یرلری استردان ايله اکتفا ایتدی و موصله دوندى . نورالدین
موصله حاکم اولدیغی صیراده قلعه نک قوماندانلغنی طواشیسندن
سعدالدین کشتکینه تودیع ایتشدی . سعدالدین افندیسنک
وفاتی ایشیدنجه حلبه شمس الدین علینک یاننه چکیلمشدی .
بوامیرلر سعدالدینک شامه صالحک یاننه کیتمه سنه قرار ویردیلر .

سعدالدينك يولده نائب حكومت ابن المقدمك كنديسى علمينده
يوللا ديني برفرزهيه تصادف ايتديكي ايچون حلبه عودت ايتك
لزومنه قانع اولدى . صوكره اورادن تكرر حر كته سالما
شامه واصل اولدى . صالح ايله ، امراسى ايله كوروشدى .
بو حكمدارك حلبه كيتمهسى نه قدر الزم اولديغنى اونلره آكلاتدى .
سعدالدينك نصيحتنى تعقيب ايتديلر . فقط صالح حلبه واصل
اولور اولماز سعدالدين شمس الدين على ايله برادرلرني ياقه لادى ،
بوتون حكم و نفوذى و حكومتى اله كچيردى . ابن المقدم ايله
شامده بولونان سائر امرا بويله اهميتدن عارى قالدقلىرى
كور دكلرى و حياتلرندن قورقدقلىرى ايچون سيف الدين غازى به
مراجعت ايله شامى تسليم ايتك تكليفنده بولونديلر . سيف الدين
غازى بونك بر طوزاق اولديغنه ذاهب اوله رق موصلدن چيتمهغه
جسارت ايدى . بونك اوزرينه صلاح الدينه مراجعت ايتديلر .
صالحك كنجله كندن ، امرانك آره سنده كي نفاقدن دولاي
صلاح الدين ، فرانكلر شامى ضبط ايتمه لرندن قورقدى .
نورالدينك ممالكنى كنديسى استيلا ايتك ايچون ظهور ايدن
بو كوزل فرصتى اهمال ايتىدى . بواك چوق آرزو ايتديكي
بر شيدى . على العجله يدى يوز سوارى ايله شامه كيتدى .
پدرينك سراينده اوتوردى [۱] . شامه وضع يد ايتدى .
قلعه ده قوماندان بولونان ريحان بعض مشكلات كوسترد كن

ابوالمحسن
بهاء الدين
ابن الاثير
ابو الفدا

صوکره تسلیم اولدی . مع مافیہ صلاح الدین خطبہ نک صالح
نامنه او قونما سنی ایسته دی . او کا عرض تعظیبات ایتک وسیف الدین
غازینک ضبط ایتدیکی یرلری استرداد ایله مک ایچون کلمش
ولدیغنی سویله دی . فقط حرکاتی سوزلرینی تکیذب ایدیوردی .
مطلق و مستقل صورتده حاکم اولمغه کوز دیکمشدی . اوتاریخده
معمار اولان مورخ بن الاثیر کتابنده بووقایعدن بحث ایتدیکی
صیراده اوزمان جریان ایدن احوالی کوروب ایشیتمکه اکتفا
ایده رک بوبابده درین بر سکوت محافظه ایتک اولا اولدیغنی
یازیور . بوندن آکلاشیلیور که صلاح الدینک بعض حرکاتی اخلافه
نقل ایتمکده تهله که واردی . مورخ بو بحثده توقف ایده رک
غاصبلغنه دائر حرکاتندن هیچ بحث ایتمکسزین سائر فتوحاتنه
نقل کلام ایدیور . آرتق بونقطه ده صلاح الدیننه برتابع نظریله
باققدن وازکچیور ز . کندیسی حالاً صالحی متبوع طانییدیغنی سویلمکده
ایدیسه ده بونک جعلی اولدیغنی آشکاردر . بناءً علیه صلاح الدیندن
آنحق حرکاتی آتابکلرک تاریخنه تعلق ایتدیکی نقطه لرده بحث
ایده جکز . صلاح الدین مصرده حاکم مستقل کسیدلی .
اختلافی مصرده اونک یرینه کچدیله . بونک ایچون سلطان
مصر اولان صلاح الدینک بقیه تاریخنی بو اثرک پلانی دائره سندن
خارج قالیر .

صلاح الدین صاحب اولدیغنی شامدن چیقهرق سهله سیریه
حوالیسنه دوغرو یوردی . اوراده سائر شهرلرکده
کیلیوم دوتیر
بهاء الدین

سندیلک لرنندن تسلیم اوله جقلرینی امید ایدیوردی . چونکه
 بوتون خلق کندیسنه میال ایدیلر . حصه کیتدی [۱] .
 بوشهر ، کذلاک حما ، بعین ، سلمیه ، تل خالد ورها شهرلری
 اوزمان فخرالدین مسعوده [۲] عائد ایدیلر . فقط بوامیرک
 ضعفی حسبیله نورالدینک قوماندانلری بوشهرک قلعه لرینی اله
 کچیرمشلردی . بعیندن باشقه بوشهرده هیچ بر حکم و نفوذی
 یوقدی . صلاح الدین حمصی محاصردهن ایشه باشلادی [۳] .
 بوراسنی ضبط ایتدی . قلعه مقاومت کوسستردی . قوتلرینی
 توکتمک ایسته مهین صلاح الدین اوراده برآز قوت براققدن
 صوکره حمای ضبطه کیتدی [۴] . قلعه نک قوماندانی عزالدین
 جردیک Dgiardik نورالدینک مملوکلرندن بری ایدی .
 قلعه ده تحصن ایتمش اولدیغی ایچون صلاح الدین بورایه آنجق
 قلعه نی صالح النده محافظه فکریله کلش اولدیغنه دائر خبر
 یوللادی . جردیک کندی طرفندن بر مکتوب ایله حلبه
 کیتمک مساعده سنی ایسته دی . و اثنای غیوبتنده . قلعه یه
 تجاوز اتمه یه جکنه دائر یمین اتمه سی تکلیفنده بولوندی . جردیک
 یوله چیقدی . حما قلعه سند قارده شنی براققدی . فقط حلبه

سنه

۱۱۷۵

[۱] ۵۷۰ سنه سی جامذی الاولک بدایتنده . بزم مورخ لرحض

بوکا کامل دیورلر .

[۲] ابن زغفرانی .

[۳] ۱۱ جامذی الاوله .

[۴] ۵۷۰ سنه سی جامذی الآخرینک ابتدا سنده .

واصل اولديغى زمان كشتكين بونى توقيف ايتيردى .
 بونك اوزرينه قاردهشى قلعه يي صلاح الدينه تسليم ايتدى .
 صوكره صلاح الدين، صالحك بولونديغى حلب شهرينى محاصره يه
 كيتدى . بوتون اهالى سلاجلاندى . كشتكين برطاقم هديه لر
 ويرهرك باطنيلر رئيسى سنانى صلاح الدينى قتل اتمكه تشويق
 ايلهدى . بومذهبه منسوب برطاقم آدملىر قتل اتمك مقصديله
 بواميره ياخود دها دوغروسى مصر سلطاننه ياقلاشديلر .
 فقط تشبثلرنده موفق اولاماديلر . صلاح الدين حلب محاصره سنه
 دوام ايتدى . اوزمان آنجق اون ايكي ياشنده بولونان صالح
 آتە بىندى . بوتون شهر اهالىسنى طوپلادى . ديدى كه :
 « پدرمك سزه ايتديكى خدمتله ، سزه بخش ايتديكى نعمتله
 مجهولكز دكلدر . بن سزك تحت وصايتكزده بر يقيم .
 بوتون موقعنى پدرمه مديون اولان برنانكور عدالت آهيه دن
 قورقمادن ، كتاب الله رعایت اتمه دن مملكتى ضبطه كليور .
 بن سزك معاونتكزى رجا ايدييورم . » بوتون خلق غاصبه
 قارشى يورومكه حاضر لاندى . صلاح الدين در حال محاصره يي رفع
 ايتدى ۱۱۱ .

صلاح الدينك فتوحاتى فرانقلرى تلاشه دوشورمشدى .
 بونك ترقياتنه مانع اولمق چاره لرينى آرايورلردى . حص
 قلعه يي قوايى محافظه سى طرفندن سلاجلانمغه دعوت ايديشلردى .
 كيايوم دوتير
 بهاء الدين

بو قلعه ده فرانقلرك بر چوق رهينه لرى واردى . فرانقلرك نورالدينه مديون اولدقلى مبالغك تسويه سـنه انتظاراً بونلر حمصده موقوف بولونيـورلردى . طراباس قوتى على العجله بورايه كيتدى . فقط واصل اولديغى زمان قواى محافظه تسليم اولمق ايسته مديلر . موصل اردو سـنك ايلري له مكده اولديغى خبر آلدقلى رندن اونك مواصلته قدر دايا نـمق فـكر نـده ايديلر . بوشهر ك فرانقلر النه دوشمه سندن قورقان صلاح الدين على العجله عزيمته قلعه يى ضبط ايتدى [۱] . فرانقلرى بو تشبته هيچ اشتراك ايمه مكه سوق ايچون بوتون رهينه لرى كرى كوندردى . صوكره كيدوب بعليك يعنى هه ليه پوليس شهرينى اله كچيردى . بو ائـناده صالح عموجه زاده سى موصل ملكى سيف الدين غازيدن [۲] استمداد ايتـمـشـدى . بو حكمدار صلاح الدينك حر كاتنه قيزارق ، واصل اولديغى قدرت وشو كـتـدن قورقه رق بوتون عسا كرىنى طويلا دى . قومانداسنى برادرى عز الدين مسعود ايله امير عز الدين محموده ويردى . بوا ردو حلبه كيتدى . او زمان ، صلاح الدين ايله حربـه كـيريشـمـكه قرار و يرديلر . فقط صلاح الدين صالحك و كيلي صفتيله شامى محافظه ايتـمـك شرطيله حما و حمص شهرلرينى اعاده ايتـمـك تكليفـنده بولوندى . بوكا راضى اولما ديلر . حما قربنده محاربه وقوعه كلدى [۳] .

[۱] ۲۱ شعبانده .

[۲] كيليوم دوتير بوكا قطب الدين ديورسـه ده پاكيليور .

[۳] ۱۹ رمضانده .

موصل اردوسنده بر طاقم خائنلری طرفنه جلب ایتیش اولان
 صلاح الدین احراز مظفریت ایدهرک بوتون اشیایی یغما ایتدی.
 صوکره حلبی اله کچیردی. خطبه لردن وسکه لردن صالحک
 اسمنی قالدیرتدی. یالکز باشنه سلطان قالدی. معره و کفر طاب
 شهرلری عرض تسلیمیت ایتدیلر. بونک اوزرینه متفق حکمدارلر
 صلح طلبنده بولوندیلر. صلاح الدینک سوریه ده اله کچیرمش
 اولدیغی بوتون یرلری محافظه ایتمه سی، یالکز حلبی کری
 ویرمه سی تقرر ایتدی. بو شرائط دائره سنده صلح امضالاندی [۱].
 صلاح الدین بعین قلعه سنی ده امیر فیخرالدین مسعودک الندن
 آلدی [۲].

فرانقلر صلاح الدینک حلب جوارنده مشغول اولماسندن
 بوتون شام الکاسنک عسکرسز بولونماسندن استفاده ایدهرک
 بو طرفلره آقین یامیشلردی. نهر الشریعه دن و بانیا س
 اورمانندن کچدیلر. شام الکاسنه کیره رک تمامیه یغما
 ایله دیلر. شامدن آنجق قرق میل اوزاقده بولونان داریاه
 قدر کل دیلر. صوکره لبنان ایتکنده کائن بیت جنه یه کیده رک
 بوتون بورالرینی تخریب ایتدیلر. بر مدت صوکره آقینلرینه
 تکرار باشلا یه رق شام قربنده وادی بقره کل دیلر.
 آبداتی، مبانی، محتشمه سی ایله بو الکاده غایت مشهور بر شهر

[۱] ۵۷۰ سنه سی شوالنده .

[۲] ۵۷۰ سنه سی نهایتلرنده .

وارد ركه بونك قديم پالمير [تدمر] اولديغى ظن ايديليور [۱].
 جوار سكه سى اسير ايديلى . امواللىرى يغماء اراضىلىرى
 تخريب اولوندى . صلاح الدينك برادري وشام واليسى
 شمس الدوله [۲] مغلوب اولدى . ايشته مسلمانلر آراسنده
 حكم سورن وهپ صلاح الدينك نانكورلىكندن ايلرى كلن
 نفاقك نتايجى بونلردر . بو حكمدارلر هپ بربرلىنه قارشى
 سلا حلا مشلردى . حتى آتابك عائله سندن بعضىلرى صلاح الدينك
 غاصبلىغى ترويج ايدييورلردى . بالخاصه سنجار اميرى
 عماد الدين بو طريقى اختيار ايتمشدى . بونك برادري اولان
 سيف الدين غازى ، صلاح الدين ايله اولان مناسبتنى تصويب
 ايتدىكى ايچون سنجارى محاصره يه آلمش ، مانجنيقلىله سورلرك
 بر قسمنى ييقمشدى . تام بو حيراده اردوسنك هزيمتنى
 دويدى . درحال برادريله صالح عقد ايدىرك نصيبينه كيتدى .
 اوراده يكي قوت طويلادى . بيرده فراڭى كچه رك بو شهرك
 سوريه طرفنده اردوكاه قوردى . اورادن ورودىنى صالحه
 وكشتكىنه بيلدىردى . كلوب كنديسنه التحاق ايتكه اونلرى
 دعوت ايتدى . كشتكىن سيف الدينك قراركاھنه كيتدى .
 فقط صالح كورونمديكى جهته سيف الدين كرى دونه جكنى
 مقام تهديدده سويله دى . نهايت بر چوق مذاكراتدن

بهاء الدين

[۱] كيليوم دوتير بوكا آمه غاررا Amegarra ديور .

[۲] كيليوم دوتير بوكا سمسه دولوس Semsedolus ديور .

صو کره صالحك قلعه دن خارجده سيف الدين استقباله کلمه سی قرار لاشدی . ایکی حکمدار کوروشدیلر ، مصافحه ایتدیلر . صو کره صالح حلب قلعه سنه کیردی . سيف الدين عين المبارکيه دوغرو یورودی . اوراده متصل حلبدن قوه امداديه آلیوردی . بر مدت بو شهرده قالدی . اورادن تل السلطانه کیتدی . کیفا وماردين ملککرينک کوندرمش اولدقلری عسکرده یاننده ایدی .

سنه
۱۱۷۶
ابوالفدا
بهاءالدين
ابن شحنه

مصرفدن یکی عسکر جلب ایتمش اولان صلاح الدين حمایه کیتیمشدی . بوراده هیچ احتیاطلی بولونما یوردی . جزئی بر مقدار عسکرله جباب الترکان ده ایدی . اردوسنک قسم متباقيسی صو آرامق اوزره داغيلمشدی . ساعیلری واسطه سیله بوندن خبردار اولان سيف الدين همان هجوم ایتسه صلاح الدين مغلوب ایدم ییلیدی . فقط زمان غائب ایتدی . آغیر داورانیدی . صلاح الدين بوتون عسکرلرینی طویلامغه وصف حرب اوزره دیزمکه وقت بولدی . سيف الدينک صاغ جناحنه قوماندا ایدن مظفرالدين [۱] صلاح الدينک ضول جناحنی مغلوب ایتدی [۲] . فقط صلاح الدين ، سيف الدينک بولوندیغی قول اوزررنده احراز غلبه ایدمک اونی هزیمته اوغراتدی . برچوق اسیر آلدی که فخرالدين عبدالمسیح ده

[۱] ابن زین الدین .

[۲] ۵۷۱ سنه سی شوالنک ۱۰ نده .

بومیانده ایدی . صلاح الدین بونی در حال سربست براقدی .
سیف الدین حلبه قاچدی . اوراده بولدیغی بوتون خزائی
آلدقن صو کره موصله چکیلدی . بوشهرده کندیسنی تحت
امنیتده کورمدیکی جهتله آنجق یکرمی یاشنده بولونان فقط
دولتی اداره خصوصنده بویوک مزیتلری موجود اولان
وزیری [۱] جلال الدینی [۲] اوراده براقدی .

صلاح الدین بوبویوک مظفریتدن صو کره بوتون غنائمی
عسکرلرینه داغیتدی . سیف الدینک چادیرینی عزالدین
فرخشاهه ویردی . صو کره بزاعه اوزرینه یورویه رک قلعه پی
تسلیم آلدی . قطب الدین اینال نامنده برامیرک قومانداسی
التنده بولونان مذبیج هجوم ایله ضبط ایدیلدی . اورادن اعزازه
کیتدی [۳] . محاصره یه آلتی . بو قلعه نك او کنده بولوندیغی
صیراده برباطنی اوزرینه صالديردی ، خنچریله باشندن یارالادی .
فقط صلاح الدین قاتلی طوته رق خنچری یاقه لادی ، برقاق
ضربه ایندیره رک اونى اتلاف ایتدی . ایکنجی برباطنی یینه
صلاح الدینک حیاته قصد ایتکه جرأت کوستر دیسه ده بوده
اتلاف اولوندی . براو چنچى باطنی دها عینی حرکت تشبث

ابوالفدا
بهاء الدین
ابن شخبه
ابوالفرج

[۱] بوزیر ۷۳ هـ تاریخنده توقیف ایدیلهرک برمدت صو کره
تخلیه ایدیلشدر . ۷۴ هـ تاریخنده وفات ایتشدر .

[۲] ابوالحسن ابن جمال الدین .

[۳] ۳ ذی القعدة ده . بوراسنی ۷۱ هـ سنه یی ذی الحجه سنک

۱۴ نده ضبط ایتشدر .

ایتدی و او ده اولدی رلدی . صلاح الدین قورقورق چادیرینه
 کیردی . طانیادیغی محافظلرینک کافه سنی یانندن اوزاقلاشدیردی .
 اعزازی ضبط ایتد کدن صو کره حلب پیشگاهنه کیتدی [۱] .
 سنه نك نهایتنه قدر بوقلعه یی محاصره آلتنده طوتدی . ایچریده
 محصور بولونان صالح بعض تکلیفات صلاحیه ده بولوندی .
 بوتکلیفات قبول ایدیلدی . صو کره نورالدینک هنوز پک کوچوک
 بولونان قیزی کوندردی . صلاح الدین بونی کمال حرمتله
 قبول ایدهرک برچوق هدیه لر ویردی . صو کره باشقه برشی
 ایسته یوب ایسته مدیکنی صورونجه قیز کندیسندن اعزاز
 قلعه سنی ایسته مدیکنی سویله دی . صلاح الدین قلعه یی اوکا
 ویردی . صالح امضالاندقن صو کره صلاح الدین مصره
 دوندی [۲] . معاهده شرائطندن برنی حلب عساکرینک
 کندی تحت خدمتنده بولونه جنی قیدی تشکیل ایدیوردی .

آرتق حلب و موصل حکومتلرنده مهم هیچ برشی
 جریان ایتدی کیدر . سیف الدین بر مدت اول موصل
 قلعه سنک قوماندانلغی اربیل شهرینه صاحب اولان امیر
 مجاهد الدین قایماز Caïmaz ویرمشدی [۳] . صو کره ،
 شهرزور صاحبی امیر شهاب الدین محمد [۴] سیف الدینه عرض

[۱] ۱۶ ذی الحجه ده .

[۲] ۵۷۲ سنه سی محرم نك ۲۰ سنده .

[۳] ۵۷۱ سنه سی ذی الحجه سنده . ۱۱۷۶ سنه میلادی سنده .

[۴] ابن بوزان .

ابن الاثیر
 بهاء الدین
 ابوالفدا
 ابن شحنه
 ابوالمحاسن

تعظیما ته کلمه کدن امتناع کوستردی . بوتون حکم ونفوذ مالک
اولان قایمازک کندیسنی توقیف ایتدیرمه سندن قورقیوردی .
آنحق بو قوماندان طرفندن تأمینات و تعهدات قطعیه آلدقن
صوکره سرایه کیتدی . صلاح الدین فرانقلره قارشی محاربه
ایله مشغولدی . وقتيله نورالدینک النده اسیر بولونان ره نو
دوشاتیلون طرفندن رمله ده بویوک بر مغلوبیته اوغرا دلشدی [۱] .
صالحه کلنجه ، اونک ایشلری گوندن کونه فنا لاشیوردی .
بوتون حکم ونفوذ کشتکین النده ایدی . حارم قلعه سنه ده
کشتکین صاحب ایدی . صالح و کشتکینک بونی اعاده ایتمه سنی
ایسته دی . فقط جواب رد آنجه توقیف ایدهرک اسیر بر
حاله حارم قلعه سنه کوتوردی . قوای محافظه یه تسلیم اولما
لری امرینی ویرمه سی ایچون زورلادی . فقط بو معامله ایله
هیچ بر شیئه نائل اولامادیغی ایچون آیقلرندن آصدیردی .
باشنک آلتنده آتش یاقدیردی . کشتکین بو اضطرابات
ایچنده ترک حیات ایتدی . صالح ، حارم محاصره سنی رفعه
مجبزر اولدی . قونت دوفلاندر ایله طرابلس قونتی بونک
اوزرینه قلعه پیشگاهنه کلدیله [۲] ، محاصره یه آلدیلر . فقط
آرالرنده حکم سورن نفاق سببیه شهری ضبط ایتمه موفوق
اولامادیلر . صالحک پاره سی بونلری افساد ایتدی . درت

سنه

۱۱۷۷

[۱] ۵۷۳ سنه هجریه سنده .

[۲] ۵۷۳ سنه سی جاذی الاخرنده .

آی بهوده یره اوغراشدقن صو کره چکیلدیلر . حارم بو جوارلرده صلاح الدینک آتابکلردن ضبط ایتمه مش اولدینی یکانه قلعه ایدی . صالح بو قلعه یه کیردی . قومانداسنی سرخک Sarkhak اسمنده برامیره ویردی .

سنه

۱۱۷۸

صالحک سراینده نفاق کوندن کونه آرتیوردی [۱] . امراسی صالحی ترک ایدیورلر ، صلاح الدین طرفنه کچیورلردی . بویوک بر قوراقلغک انتاج ایتدیکی قیطلق بو داخلی محارباته انضمام ایتدی . دیار جزیره ، دیار بکر ، شام الکاسی ودها سائر جوار محللر بو قیطلقدن مضطرب اولدیلر . آرقه سندن وبا ظهور ایتدی . پک چوق کشینک وفاتنه سبیت ویردی . بوتون بومصائب آراسنده صالح امراسنی جبراً دائرة وظیفه ده طوتمغه چالیشیوردی . امرادن عزالدین قیلیج نامنده بری تل خالده عصیان ایتشدی . صالح بو عاصی یه قارشى یورودیکی صیراده [۱] موصل ملکى سیف الدین غازینک وفاتنی خبر آلدی [۲] . سیف الدین اوتوز یاشنده ایدی . اون سنه اوچ آی حکومت سورمشدی . عادل ، عفیف فقط قادینلرینه قارشى صوکر درجه ده قیصقانیج ایدی . زمان حکومتنده تبعه سنک اموال واملانکی تحت امنیتده بولونمشدر . کنج

۱۱۸۰

[۱] ۵۷۴ تاریخ عجزیسنده .

[۲] ۵۷۶ سنه سی محرمک ۱۰ نده .

[۳] صفرک اوچنده .

ابوالفدا
ابن الاثير
ابن شحنة

ياشونده معز الدين سنجر شاه نامنده بر اولاد براقوردی .
او تاريخده همان بوتون سوريهيه صاحب اولان صلاح الدينك
قوت و سطوته قارشى اولادينك مقاومت ايدهميه جكندن
قورقدیغی جهتله يرينه برادری عزالدین مسعودك تحته
كچمه سنی آرزو ایتشدی . حكومتك وزیر اعظمی اولان
قایماز كیدوب عزالدینه بیعت ایتدی واونی سرایه كیتردی .
بك چوق كبرلی طانیلان بو حكمداری خلق سومیوردی .
فقط تحته چیتنجه دكیشدی . غایت حلیم و سوییلى اولدی .
معزالدینه جزیره ابن عمرو یریلدی . سيف الدينك ديكراوغلی
ناصرالدین كسك Kabeq دده شوش قلعه سیله حمیدیه الكاسی
تخصیص اولوندی .

سنه
۱۱۸۱

موصل ملكينك وفاتندن صوكره صالح بك آز یاشادی .
بر صانجی ایله خسته لاندی [۱] . صانجی او قدر آرتدی كه
وفات ایدرسه قاریشقاغه میدان ویرمه مك ایچون ایچ قلعه نك
قاییلرینی قایماق لزومنی حس ایتدیلم [۲] . بو حكمدار غایت
دیندار ایدی . دو قورلر علاج اوله رق شراب ایچمه سنی
سویله دكلری حالدده اولجه ابو حنیفه مذهبندن و علمادن
مشهور علاءالدینك فكرینی آلهرق بونی یایبق ایسته مدی .
بو ذات هیچ بر كنه اولمادن شرابی ایچه بیله جكنی سویله دی .

[۱] ۵۷۷ سنه سی رجبك ۹ نده .

[۲] رجبك ۱۳ نده .

فقط صالح جناب حق کندیسنک وفاتنی تقدیر ایتمشسه
 شرابك بونی بر دقیقه بیله تأخیر ایده بیله جگنی ظن ایتدیکی
 یولنده جواب ویردی . آرتق یاشایه جق پك آ ز دقیقه سی
 قالمش اولدیغنی حس ایدنجه امراسنی ورؤسای عسکریه پی
 یاننه چاغیردی . اونلردن ، موصل ملک عزالدینه بیعت
 ایتمه لرینی ایسته دی . بعضیلری بو حکمدارک موصل حکومتنه
 وهمدانن فراته قدر اولان بوتون ممالکه صاحب بولوندیغنی ،
 حلب حکومتی عزالدینک برادری اولوب یالکیز سنجاره
 صاحب بولونان عمادالدین زنکی یه ویرمک ده مناسب
 اولاجغنی سویله دیلر . عمادالدین زنکی پی نورالدین تربیه
 ایتمش ، اوکا قیزی ویرمشدی . سیف الدینی حکومتی
 عزالدینه براقغه سوق ایدن اسباب صالحی ده عینی صورتده
 حرکت ایتکه مجبور ایدیوردی . آتا بکلر عائله سی
 صلاح الدینک تحت تهدیدنده ایدی . صالح حلبی
 مصر سلطاننه مقاومت ایده بیله جک بر حکمداره ویرمک
 ایسته یوردی . نهایت بوتون امرا صالحک فکرینی
 تصدیق ایتدیلر . احتیاط کارلغنی مناسب کوردیلر . برآز
 صوکره صالح وفات ایتدی [۱۱] . تقریباً اون دو قوزیاشنده
 ایدی . حلمی ، حکمت و اعتدالی ، دیندارلغنی حسبیلله ،
 وفاتندن بوتون تبعه سی متأثر اولدی .

بهاء الدین
ابوالفدا
ابن الاثیر
کیلیوم دوتیر

صالح وفات ایدرایتمز حلب قلعه سی دیزداری یعنی قوماندانی
شادبخت ایلہ سائر امرا موصل ملکی عزالدینہ برساعی
کوندردک کلوب حلبه وضع ید ایتمه سنی رجا ایلہ دیلر . فقط
عزالدین اولجه اونلرک موصله کله رک کندیسنه بیعت ایتمه لرینی
ایسته دی . اونلر بوامره اطاعت ایتدکدن صوکره حلبه
متوجه یوله چیقدی . منبج قربنه و اصل اولدیغی زمان بوشهرده
بولونان صلاح الدینک یکنی تقی الدین عمر علی العجله اورادن
چیقدی . حمایه دوغرو قاچدی . اهالی عزالدین طرفنی
التزام ایتدیلر . هریرده یاشاسون آتابکلر دییه باغیریشدیلر .
عزالدینہ خلقک تمایلاتندن استفاده ایدردک شامه کیتمه سنی
توصیه ایلہ دیلر . چونکه شام اهالیسی ده قاپیلری کندیسنه
آچغه میال کی کورونیورلردی . فقط صلاح الدین ایلہ عقد
ایتمش اولدیغی معاهده یه صادق قالمق ایسته دی . یالکز حلب
حکومتنه وضع ید ایتمکدن باشقه برشی دوشونمادی . صوکره
ملك صالحك والده سیله اولندی [۱] .

سنه
۱۱۸۲

عزالدین برمدت حلبده قالدی [۲] . فقط امرانک قسم
اعظمی بو حکومتک کندیسنه انتقالنه خدمت ایتدکلرندن
دولایی کلیتلی صورتده تزید تخصیصات طلب ایتمکده
اولدکلرندن ، صلاح الدینک تشبثاته قارشى هم حلبی هم

[۱] ۵۷۷ سنه سی شوالنک بشنده .

[۲] ۱۶ شواله قدر .

موصلى موفقيتله محافظه ايتمك مشكل بولونديغندن وزيراعظمى
قايمازايله موصله دونمك قراريني ويرديلر . عزالدين ، اوغلى
مظفرالدينى حلب قلعه سنده براقدى . رقه طريقيه يوله چيقدى .
بوشهرده برادري سنجار ملكى عمادالدين زنكى يه ملاقى اولدى .
برادري سنجاره مقابل كنديسنه حلبى ويرمه سنى ايسته دى .
فقط عزالدين بوقدر ضررلى برمبادله يه راضى اولمق ايسته مدى .
عمادالدين سنجارى صلاح الدينه تسليم ايدى جگنى سويله دى .
امرا ايله قايمازده اونك طرفنى التزام ايدى يورلر ، كنديسى
موافقت ايتمى سه بوكا اهميت ويرمه دن مبادله يي اجر ايدى جكلرينى
آكلا تيورلردى . عزالدين بونلرك آرزولرينه موافقته مجبور
اوله رق آرزوسنه رغماً حلبى ويردى . عمادالدين بورايه
صاحب اولدى [۱] .

بهاءالدين
ابوالفدا
ابن الاثير

صلاح الدين كنديسنه صادق بر چوق امرايه مالك اولديغنى
وبو امرا اتا بكلرك منافعنى صلاح الدينك منافعه فدا ايتدكلرى جهتله
موصل اها ليسنك فرانقلرله برلشهر كندى عليهنده حرب ايتمك
ايسته دكلرينى او كرندى . بونك اوزرينه درحال مصر دن
حر كته سوريه يه كلدى . كيدوب حلبه هجوم ايتمك ايستر كى
كورونىوردى . عزالدين بوقلعه نك امدادينه كيتمكه حاضر لاندى .
فقط صلاح الدينك اوراده پك چوق طرفدارلرى اولديغنى
كورونجه بوتصور دن واز كچه رك موصله چكىلدى . صلاح الدين

حلبه ياقلاشدى [۱] . اوچ كون شھرى محاصره ايتدى .
 صوكره اورادن چكىلهرك فراته دوغرو يورودى . يولده
 حران اميرى مظفرالدين عرض تابعيت ايتدى . بوامير ،
 عزالدينك تجاوزندن قورقيوردى . صلاحالدين ادهسه ،
 رقه ، نصيبين وسروجى آلدى . خابوره بروالى براقدى .
 عزالدينه عائد اولان بومواقعك بوتون امراسنى كندى طرفنه
 جلب ايتمك يولنى بولمشدى . اورادن كلوب موصل پيشكاهنده
 اردو قوردى [۲] . بوتون ماكنه لرني ترتيب ايتدى .
 كنده Kendah قايسى جهتنده موقع آلدى . برادري
 تاج الملوك نوري العمادى قايسى طرفنده ، كيفا ملكى كوپرو
 قايسى طرفنه يرلشديلر . صلاحالدين متعدد هجوملارده
 بولوندى . فقط محاصرهك پك اوزون سوردىكنى كوزونجه
 كيدوب سنجار قلعه سنى محاصره يه آلدى [۳] . بوشهرى
 ضبط ايتدى [۴] . شرفالدين اسمنده كى واليسنه موصله
 كيتمك اوزره مساعده ويردى . سنجار والىلكنى برادري
 نقيالدين عمره ويرد كدن صوكره نصيبينه دوندى .

عزالدين ايله موصل اهالىسى محاصره دن قورتولانجه

[۱] ۱۸ جاذى الاولده .

[۲] ۵۷۸ سنه سى رجبك ۱۱ نده .

[۳] ۱۶ شعبانده .

[۴] ۵۷۸ سنه سى رمضانك ايكينده .

سنه

۱۱۸۳

بهاء الدين
ابوالفدا

ابن شخبه

ابولفرج

صلاح الدينك ترقياتنه سد چككمك ايچون خلاط ملكندن
استمداده مجبور اولديلر. بوملك درحال محاربه يه حاضر لاندی.
حرزم Khorzum ده اردو قوردی. عزالدینه وماردين
ملكينه النحاق ايتدی. حلبدن كلن برفرقه ده بونلرله برلشدی.
فقط مخاصماته باشلامه دن اول خلاط ملكي، صلاح الدينه صلح
تكليفنده بولونمق اوزره بكتمری يوللادی. صلاح الدين
بو تكليفاته قولاق ويرمك شويله دورسون بالعكس خلاط
ملكينك بولونديغي نقطه يه دوغرو يورودی. خلاط ملكي
درحال عسكريني آله رق مملكتنه چكیلدی. عزالدین ده
رجعت ايتدی. بوتون بواردو دها دشمن يوزيني كورمه دن
داغیلدی. صلاح الدين آمدشهرينه دوغرو يورودی. بونی
اله کچیرنجه [۱] كيفا ملكي نو الدين محمد [۲] ويردی.
صوكره حلب اوزرينه يورودی. عماد الدين، اعزاز قلعه سی
جوارلريني تخریب ایتک اوزره حلبدن چيقمش، امير بكمش
Bekmasch ه عائد اولان كفرلا تا ايله دلدرم الياروقي
Duldurn el yarouki يه عائد اولان تل باشر قلعه لرینی
ضبط ایتشدی. بوايكي امير ايسه صلاح الدين طرفداري
ايدیلر. صلاح الدين درحال حلبه کادی. يولده قارزینی

[۱] ۷۹۰ سنه سی محرمنك برنده .

[۲] ابن قاره آرسلاز (اورتوقیلردن) .

ضبط ایتدی. تل خالیدی ده اله کچیرمشدی [۱]. صو کره ناصرالدین محمد نامنده برامیرك حاکم بولوندیغی عینتابی ده ضبط ایتمشدی. نهایت حلب سورلری آلتنده اردوسنی قوردی [۲]. میدان الاخضرده قرارگاه تأسیس ایتدی. بویوک برهجوم یاپدی. قوتنه کووه نه مهین عمادالدین، اسکی مملکتی کندیسنه ویریله جك اولورسه حلبی تسلیم ایده جکسه دائر صلاح الدینه کیزلی برتکلیفده بولوندی. اهالی بو معاهده دن خبردار دکلدیلر. آنجق امضالاندق دن صو کره بونی دویدیلر. عمادالدین حلب اهالیسنی تمامیه ترک ایتدی. اونلری صلاح الدین ایله اوزلاشمق خصوصنده تمامیه حر براقدی. اهالی عسکر و خاق نامنه عزالدین جردیک ایله زین الدینی مرخص اوله رق صلاح الدینه کوندردیلر. بونر خصوصی برائتلاف عقد ایله صلاح الدینه بیعت ایتدیلر. عمادالدین صلاح الدیندن سنجار، نصیبین، خابور، رقه، سروج شهرلرینی آلدی. فقط بونلر حلبه نسبتله بررکوی مثابه سنده ایدیلر. هرکس عمادالدینك بو حرکتی تقبیح ایتدی. عزالدین، بوشهری اوکا ترک ایتدیکنه نادم اولدی. آرتق حلب آتابکلر الندن ابدیاً چیقمش اولیوردی. صلاح الدین حلبه کیره رک [۳] شهره وضعید ایتدی.

کیلیوم دوتیر
ابن الاثیر
ابن شحنه
ابوالفدا

[۱] ۲۲ محرمده .

[۲] ۲۶ محرمده .

[۳] صفر آینده .

اورادن حارم قلعه سنه بر قول اردو يوللادی . قلعه ده سرخك
قوماندان ایدی . بوبرفرانق ایدی . بوولایتي صالحدن
آلمشدی . تسلیم اولمق ایسته مدی . صلاح الدین بالذات
اورایه کیتمك مجبوریتنده قالدی [۱] . بونك اوزرینه قوه
محافظه قوماندانی توقیف وقلعه یی تسلیم ایتدیلر .

آتابكرك النده قالان يرلر آرتق يالكيز موصل حكومتندن
عبارتدی . چونكه جزيرة ابن عمرایله ده سائر بعض محملری
هیچ حساب قاتماق لازم کلیر . بونلرك حکمدارلری عزالدینك
تابعلری صایلمیرلردی . عزالدینك حرکاتی ایسه صلاح الدینی
اوطرفلره جلبه سببیت ویره جك برحاله ایدی . بوتون
امور دولت قایمازه تحمیل اولونمشدی . وزیر اعظمك بوبویوك
حکم و نفوذی ایسه عزالدین نظرنده برجرم تشکیل ایدیوردی .
حالبوکه حكومتك بقاسنی تأمیننه يالكيز او قادردی . هر حادثه یه
چاره ساز اولمق یولنی بولیوردی . شرق محررلرینك قولنجه
برآدمك مزاجنی وخسته لغنی تمامیه بیلن واوگا کورده تداویده
بولونان بر دوقتوره بکیزیوردی . صلاح الدینك تجاوزاتندن
قورقمق لازم کلن بوقدر مشکل برزمانده عزالدین ، ابریل ،
شهرزور ، دقوقا Dacouca و جزيرة ابن عمر صاحبی اولان
بووزیری توقیف ایتدیردی [۲] . درحال عصیانلر باشلادی .

ابن الاثير

[۱] ۵۷۹ سنه سی صفرینك ۲۹ نده .

[۲] جمادی الاول آینده .

زين الدين يوسف [۱] ابريل ده تحصن ايتدى . معزالدين
 سنجر شاه [۲] جزيرة ابن عمرده عصيانہ قالقدى . قايماز
 بونلرك وصيلرى ايدى . ديكى طرفدن خليفه ناصرالدين دقوقاي
 اله كچيردى . عزالدينه يالكلر شهرزورايه دولتك تملى اولان
 برناظرى زنجيره اورديرمش اولمق ندامتى قالدى . اون آى
 صوكره [۳] خطاسنى تقدير ايتدى . قايمازه بوتون املاكى
 ومناصبى كرى ويردى . بوبويوك آدم عليهنده بولونمغى توصيه
 ايتمش اولانلرى جزايه چارديردى . فقط بونكله عصيان
 تسكين ايديلمش اولمادى . قزل Kezil ايله قايماز كيدوب
 ابريلى محاصره ايتك مجبوريتنده قالديلر . جوارلرىنى تخریب
 ايتديلر . زين الدين يوسف بونلرى مغلوب ايتدى وصلاح الدين
 امداد ايستهدى . آتابكلرك ممالكى ضبط ايجون فرصت
 كوزتلهين صلاح الدين درحال شامدن حر كته حران اوزرينه
 يورودى . بيره دن كچديكى صيراده مظفرالدين [۴] كلوب
 كنديسى بولدى [۵] . فقط صلاح الدين حرانه واصل اولديغى
 زمان عدم اطاعتده بولونديغى بهانه سيله مظفرالدينى توقيف
 ايتديردى ؛ حران ايله رهايى الندن آلدى . مع مافيه برآز

سنه

۱۱۸۲

بهاءالدين

۱۱۸۵

[۱] ابن زب الدين على .

[۲] ابن سيف الدين غازى .

[۳] ۵۸۰ تاريخ هجرىسنده .

[۴] ابن زين الدين

[۵] ۵۸۱ سنه سى محرمك ۱۲ سنده .

صوکره [۱] سربست براقدی . آلدقترینک هپسنى كرى
 ویردی . یالکیز رها قلعہ سنى باشقه بر زمان اعاده ایدہ جکنى
 وعد ایتدی . صلاح الدین اورادن رأس العینہ کیتدی [۲] .
 بوراده قونیه سلطانی قیلیچ آرسـلانک برسفیرینه راست
 کلدی ، سفیر صلاح الدینہ موصل وماردین اہالیسنہ قارشى
 حرب ایتمکده دوام ایدہ جک اولورسہ بوتون شرق حکمدارلرینک
 کندیسـنہ هجومہ قرار ویرمش اولدقلرینى تبلیغ ایتدی .
 بو تہنید صلاح الدینى ہیچ قورقوتمادی . یولنہ دوام ایتدی .
 موصلہ یاقلاشدی . شہرى محاصرہ یہ آلدی . عزالدین اوکا
 والدہ سنى ونورالدینک کریمہ سنى دہا بر چوق قادینلر
 وباشلیجہ امرایى کوندرہ رک مخاصماتى تعطیل ایتہ سنى رجا
 ایتدی . ہر کس بو قادینلر وبالخاصہ ولى نعمتى وباعث
 اقبالى اولان نورالدینک کریمہ سى بوتون سوریه یى صلاح الدیندن
 ایستہ یہ جک اولسہ رد ایدہ مہ یہ جکنہ قانع ایدی . فقط بو
 حسیات متدرا نہ صلاح الدینک حرص جاہى ایلہ قابل تألیف
 دکلدی . اونلرہ قارشى غایت ناز کانہ داورانمقلہ برابر
 دیدکلرینک ہیچ برینى یاپمادی . احتمالکہ صلاح الدیندن پک
 فضلہ بر شى ایستہ یورلردی . ہر حالہ حریص جاہ برفاتحک
 الذن فتوحاتندن بر قسمنى آلمغہ قالقمق فضلہ بر شى ایستہ .

ابوالفدا
 بہاء الدین

[۱] ربیع الاول ابتدا سنده .

[۲] ۲ ربیع الاول .

مکدر . بوتون خلق ، صلاح الدينک مصر تاجنی مديون اولديغی بر عائلهیه قارشى بو قدر ناکورجه حرکتدن متنفر اولدی . موصل اهالیسی صلاح الدينه قارشى يورومکه خواهش کوستردیلر . صیق صیق دجله یی کچهرک صلاح الدينه تا استحکاملارنده هجوم ایتک جزأتی کوستردیلر . صلاح الدين شهرى جبراً ضبط ایدمه نیجه دجله نك جریانی د کیشدیره رک یولنی نینیویا طرفنه آقتمق ایسته دی . فقط بو ایش اوزون بر زمانه احتیاج کوستریور ، عسکرلرینی یک یوریوردی . بو آراده ، خلایط ملک نك اولدیکنی [١] رینه بکتمرک کچدیکنی خبر آلدی . او فرصتدن استفاده ایله موصل محاصره سنی رفع ایله خلایط ضبط ایتمه کیتدی . ابتدا میافارقینی محاصره ایله له کچیردی [٢] . فقط خلایط پیشگاهنده موفق اولامادیغی جهتله تکرار موصله کلدی . معزالدين سنجر شاده بوراده کندیسینه التحاق ایتدی . او موسمده حرارت یک زیاده اولدیغی ایچون صلاح الدين یک آغیر بر خسته لغه طوتولدی . بوندن دولایى حرانه چکیلمک مجبوریتتده قالدی . حتی تکمیل سوریه ده صلاح الدينک وفات ایتدیکی خبری بیله شایع اولدی . نه بغداددن نه ایراندن هیچ بر معاونت کورده مش اولان عزالدین ، صلاح الدينک خسته لغی

[١] ربیع الآخر آینده .

[٢] ٥٨١ سنه سی جاذی الاولنده .

اونی صلحه میل ایتدیره جکی ظننه دوشدی . صلاح الدینک تاریخ حیاتی یازان بهاء الدین دها بر طاقم قوماندانلرله مرخص اوله رق کوندریلدی . بونلر صلاح الدینک حیاتندن امید کسیدیککی بر صیراده واصل اولدیلر [١] . صلاح الدین بونلری قبول ایده بیله جک بر حاله کلدیککی زمان صاحی عقد ایتدیلر . برادرینه ده بو صلحه رعایت ایده جکنه دائر یمین ایتدیرمک احتیاط کارلغنده بولوندیلر . بو مصالحه موجبنجه صلاح الدین عزالدیننه ضرر و پوتامیا قطعه سنی اعاده ایتدی . عزالدین ده شهرزوری و حوالیسنی ، قرابلی امارتنی و زاب نهرینک اوتیه طرفنده اولان بوتون حوالی بی صلاح الدیننه ویردی . موصلده خطبه بی صلاح الدین نامنه اوقوتمغه ، سهکه لرده اسمنی ضرب ایتدیرمکه راضی اولدی . صلاح الدین وفاتنه قدر بو معاهده یه کمال اعتنا ایله رعایت ایتمشدر .

بو تاریخدن اعتباراً فرانقلره قارشى اولان محارباتنده موصل ملکى صلاح الدیننه دائماً قوه امدادیه کوندرمشدر . فقط آتانبک حکمدارلری کندی آرالرنده هیچ برشی یامادیلر . صلاح الدینک حمایه سی آلتنده بربرلریله حال صلحه یاشادیلر . مورخلر [٢] یالکیز عزالدین ایله معزالدین

[١] ٥٨١ سنه سی ذی الحجه سنک بدایتنده .

[٢] نم اثرلرینه مراجعت ایتدیکم مورخلر .

سنه
١١٨٦

١١٩١
ابن الاثیر

سنجر شاه [۱] آراسنده ظهور ایدن بر محاربه دن بحث
ایدیورلر . معزالدين سنجر شاه عصيان ايتمك ايسته مش ،
موصل ملكنك دشمنلرينه يارديم ايتمشدى . عزالدين ، يكننى
دائرة اطاعته كتيرمك ايجون هيچ بر تدبيرى اهامال ايتمدى .
جزيرة ابن عمرى محاصره يه آرزوسى خلافتده وله رق
كيتدى . معزالدينه آجیور ، قلعه يي آنجق ضعيف صورتده
دو كيوردى . معزالدين مقاومت ايدمه يه جكنى كورونجه صلاح
ايسته دى . عزالدينك بلكه ديكي ده بو ايدى . صلاحه راضى
اولدى . بعض مؤاخذاتده بولون دقن صوكره ماضى يي اونوته جغنى
وعد ايتدى . فقط معزالدين بويله حركت ايتمدى . چوق
كچمه دن ينه اسكى انترقه لرينه باشلادى .

ابوالفدا
ابوالفرج

صلاح الدينك قارشيسنده آرتق يالكىز فرانقار قالمشدى .
بونلرك النذر طبريه يي [۲] صوكره عكايى ، قيساريه ،
حيفايى ، صفوريه يي ، شقيفى ، فوله يي ، يافه يي ، تبينى ،
صيدايى ، يروتى ، جبيلى آلدى . اورادن قدسه يورودى .
عكاده بويوك بر محاربه جريان ايتمشدى [۳] . بونده ظهيرالدين
الهكارى قومانداسنده موصل اردوسى ده حاضر بولونمشدى .
سائر محارباتك قسم اعظمه ده موصل عسكرلرى اشتراك

[۱] ۵۸۷ تاريخ هجريسنده .

[۲] ۵۸۳ تاريخ هجريسنده . ۱۱۸۷ تاريخ ميلاديسنده .

[۳] شعبان اينده .

ایتمشردر . صلاح الدین قدسی خرسیتیانلردن استردادایتدی .
فقط صوری ضبطه موفق اولامادی . جبله ، لائودیسه -
لاذقیه ، صهیون ، شغر - بکاس Schogr-bakas ، دربساك
Derbesac ، بغراس ، کړك ، صفد قلعه لرینی ضبط ایله دی .
ایشته بوبویوک فاتح بوقدر عظیم موفقیتلردن صوکره
اللی یدی یاشنده اولدیغی حالدده شامده وفات ایتدی [۱] .
وفاتندن صوکره اوغلی نورالدین علی [۲] شام
الکاسنده کندیسنک یرینه کچدی . مصرده ایسه
عثمان [۳] اوکا خلف اولدی . غیاث الدین غازی [۴] حلبی
آلدی . امیربک اوغلی سیف الدین ابوبکر کړك ایله شوبک
طرفلرینه حاکم اولدی . یکنی ناصرالدین محمد [۵] حماده ،
سلمیه ، معروده ، منبجده تأسس ایتدی . مجدالدین بهرام
شاهه [۶] بعلبک دوشدی . مشهور شیرکوهک حقیدی
شیرکوه حص ، رحبه ، تدمر جهتلرینی اله کچیدی .
صلاح الدینک چوجوقلری یاخود اقربالری بعض شهزاده لرده
برطاقم شهرلر اصابت ایتدیسه ده بونلر دیکرلرینک تحت

[۱] ۵۸۹ سنه سی صفرینک ۲۷ سنده .

[۲] ملک الافضل لقبی حائزدر .

[۳] ملک العزیز .

[۴] ملک الظاهر .

[۵] ملک المنصور .

[۶] ملک الامجد بن فرخ شاه بن شاهان شاه بن ایوب .

حکمنده ایدیلر . ایشته صلاح الدین طرفندن ضبط ایدیلش
اولان بوتون ممالك بوصورتله تقسیمه اوغرادى .

ابن الاثير

صلاح الدينك خبر وفاتی موصله واصل اولونجه عزالدین
نه یاپيله جغنى قرارلاشدیرمق اوزره بر مجلس طوپلادی .
مورخ ابن الاثيرك برادری مجدالدین در حال مزو پوتامیانك
ضبط ایديله سنی ، نوراسنك مدافعه سز اولدیغنى سويله دی .
قایماز ، بالعکس سنجار ملکی عمادالدینه ، جزیره بن عمر ملکی
معزالدینه ، اربیل ملکی مظفرالدینه خبر کوندریله رك اونلرله
برلکده حرکت ایدیلما سی مطالعه سنده بولوندى . مجدالدینك ده
فکری بوایدی . فقط جوابلرینی بکله یه رك وقت غائب ایديله سنی
ایسته میوردی . چونکه بونی بکله مك چوق اوزون سوره جکدی .
عزالدینك یوله چیقمش اولدیغنى اونلره خبر ویرمك دها ای
اوله جغنى فکر نده ایدی . استعجاله او قدر لزوم اولان بومسئله ده
عزالدین سرعتله حرکت جسات ایده مدی . برقچ آی
موصله قالدی . جوار حکمدارلرك کافه سنه مکتوب یازدی .
بونلرك هیچ بری جواب کوندرمه دی . یالکیز سنجار ملکی
عمادالدین بر معاهده عقدايتدی . بواثناده صلاح الدینك
برادری عادل [۱] حرانه واصل اولدی . اوراده شام ،
حلب ، حمص وحما عسا کری ده اوکا التحاق ایتدیلر .
بونك اوزرینه عزالدین نصیبینه کیتدی . عمادالدین اردو سیله

[۱] ملك العادل سيف الدين ابوبکر بن ایوب .

بوشهرده اونکله برلشدی . رها اوزرینه یورومک تصورنده
ایدیلر . عادل مزوپوتامیا ، رها ، حران ، رقه و سائر جوار
شهرلر اساساً عزالدینه تابع فقط کندیسنه تخصیص ایدیلش
محلر شکلنده یداداره سنده قالمق شرطیله صالح تکلیفنده بولوندی .
عزالدین بوتکیفاتی قبول ایتک نیتند دکلدی . تل موزن
Tell-mouzan ده خسته لاندی . بر مقدار عسکرله کندیسنی
موصله کتیرمه مجبور اولدیلر . عادل ایله صالح عقد ایتک
خصوصنده عزالدین عمادالدینه صلاحیت کامله ویردی .

ابن الاثیر
ابوالفرج
ابن شحنه
ابوالفدا

عزالدین بوتون خسته لغنده جناب حقه دعا ایتمکدن ویاننده
قرآن تلاوت ایتدیرمکدن خالی قالمادی . وصیتنامه سنی تنظیم
ایتدی . موصل حکومتی اوغلی نورالدین آرسلان شاهه
براقدی . برادری شرفالدین ایله والده سی بوفکرندن
کچمه سی ایچون بیهوده یره رجا ایتدیلر . شرفالدین اوزمان
نصیبینی محاصره ایدن عادله مقاومت ایده بیله جک وایمپراطورلخی
آتابک عائله - نیک النده محافظه ایله یه جک یکانه شهزاده کندیسنی
اولدیغنی ادعا ایدیوردی . برچوق طرفدارلری واردی .
عزالدین دولتی صاحبسز براقماق ایچون نورالدینه هرکسی
بیعت ایتدیرمه سی ایچون قایمازه امرویردی . فقط براغتشا -
شدن قورقان قایماز امره اطاعتده استعجال کوسترمدی .
شرفالدینه یکنی حکمدار اوله رق طانیما سی ایچون رجالر
ایتدیردی . تخصیصاتی تزید ایتک وعدنده بولوندی .

شرف‌الدین هیچ بر جواب ویرمدی . دیگر طرفدن نورالدین
مجدالدین واسطه‌سیله قایمازه دها زیاده انتظار ایتمه‌سی ایچون
رجالرده بولونیوردی . مجدالدین قایمازی غایت متردد برحاله
بولدی . قایماز جواب اوله‌رق شوسوزلری سویله‌دی :
« شرف‌الدین اغتشاشات چیقارمق ایسته‌یور . عزالدین
اوغلنک حکمران اولماسنی امرایدیور . عادل نصیبینی محاصره
ایله‌یور . بر محاربه عرفه‌سنده بولونیورز . » بوایکی ناظر امور
دولت حقنده کوروش‌دکلری صیراده عزالدین طرفدن
بر قوماندان کلهرک او کون آقشامه چیقامایه جنی ایچون استعجال
ایتمه‌لری امرینی کتیردی . دشمن یقینده بولوندیغی جهتله
بر حرب اورته‌سنده حکمدار سنز قاله‌جقنردی . بونک اوزرینه
قایماز مجدالدینک توصیه‌سی اوزرینه ، عزالدینک امرایتدیکی
بیعت مراسمنی اجرا ایتدیرمکه قرار ویردی ، شرف‌الدین
بوکا اعتراض ایتدی ، یکنی بالذات تخته اصعاد ایتک
ایسته‌دیکنی سویله‌دی . نورالدین او کنده سنجاق اولدیغی
حاله آلا ی ایله موصله کیردی . قایماز رکابنده یورودی .
ایکی کون صوکره عزالدین بوتون تبعه‌سنک تأثراتی آراسنده
وفات ایتدی [۱] . موصلده بنا ایتدیردیکی مدرسه‌ده دفن
ایدیلدی . حلیم ، عالیجناب ، مرحمتلی ، احکام قرآنییه رعایتکار
بر حکمداردی . او قدر متواضعدی که لاقیردی سویلرکن

کوزلرینی یرہ ایندیریردی . چوق کرہ کیجہلری یاتاغندن
 قالقار ، سراینک خصوصی بریرنده نماز قیلاردی .
 صلاح الدین ایله چوجوقلری سوریه و مصره صاحب
 اولالی بری آتا بکلرک قدرت وسطوتی مهم صورتده تناقص
 ایتمشدی . اوزمان فرانقلرک اشغال ایتدکلری مملکتلردن
 اوزاقده بولونان موصل ملکلی سلفلرینک زمان حکومتنه
 او قدر شرف و یرن محارباتدن آرتق حصه دار اولامیورلردی .
 قومشولری مسلمان حکمدارلرله حال صلحده یاشایورلردی .
 بعض محارباته قیام ایتسه لرده بونلر او قدر اهمیتسزدی که
 مورخلر بونلردن بحث ایتکی زائد کورمشلردر . مورخلر
 عادتاً بو حکمدارلرک تاریخ وفانلرینی قیدایله اکتفا ایتمشلردر
 دنیلہ بیلیر .

اوزمان بوتون تدبیر و احتیاطنی حکومت داخلنده آسایشی
 محافظه یه حصر ایدن قایماز عمادالدین زنکیینک قوماندانلرینک
 ضبط ایتدکلری [۱] موصل ملحقانندن برچوق قریه لر
 دولایسیله برحرب ظهورینه مانع اولامادی . قایماز غایت
 شدید الطبع اولدیغنی بیلدیکی نورالدیندن بوتجاووزی صاقلادی .
 حکمدارک امری اولمادن ضبط ایدیلدیکنی ظن ایلدیکی
 بویرلرک اعاده سنی ایستهدی . عمادالدین بو کویلرک نصیبین
 ملحقانندن اولدقلرینی ، اورالرینی بوندن دولای استیلا ایتدیکنی

و كندى عهده سنده آليقويىق املنده بولونديغنى جواباً
 بيلدىردى . قايماز بورالرينى ايگىنجى دفعه اوله رق ايسته تدى
 ايسه ده برفائده حاصل اولمادى . بونك اوزرينه نورالدينى
 وقعه دن خبردار ايتدى . نورالدين درحال نصيبين اوزرينه
 يورومكه قالقدى . قايماز اونی بوفكرندن وازچيرمك اچون
 النذن كلنى ياپدى . بوآراده عمادالدين زنكى خسته دوشهرك
 وفات ايتدى . عمادالدين سنجار ، نصيبين ، خابور ، رقه
 شهرلرينه صاحب ايدى . مورخلر كنديسنك حرکاتنى ستايشله
 ياد ايدرلر . ارباب علمى پك چوق سوديكنى ، فقط صوك درجه ده
 خسيس و شافعي لر دشمن اولديغنى سويليورلر . اوغلى قطب الدين
 محمد يرينه كچدى . مجاهدالدين بارنقش نائب حكومت اولدى .
 قايماز قطب الدينه مراجعت ايتديسه ده بوده پدى قدر معند
 داوراندى . نورالدين اردوسنك باشنه كچهرك نصيبينه دوغرو
 يورومكه مجبوريت حس ايتدى . قطب الدين درحال بوشهرك
 سورلرى اوكنه كلدى . نورالدين يولنه دوام ايتدى نهايت
 دشمن اردوسى ايله آرالرنده يالگىز برنهر قالدى [۱] . ابتدا
 امير فيخرالدين نهري كچدى . نورالدينك بوتون اردوسى
 آرقه سندن يورودى . قطب الدين قاچدى . نصيبين ضبط
 ايدىلدى . نورالدينك نصيبينده بولونديغنى مدتجه عسكرينك
 قسم اعظمى خسته لاندى . بونلرى اكتساب عافيت اچون
 موصله اعاده ايتدى . اردونك قسم متباقيسى ايله نصيبينده

ابن شحنة
 ابوالفرج
 ابن الاثير
 ابوالفدا

سنه
 ۱۱۹۸

سنه
۱۱۹۹

قالدى. امراسندن برچوغى وبالحاصله نائب حكومت قايماز [۱]
خسته لقدن وفات ايتديلر. قايماز منور ، پرفضيلت ، ابو خنيفه
مذهبي اوزره علم كلامده متبحر برذات ايدى. صوفى مسلمانلر
عادتى وجهله ازبر برچوق حديث شريف بيلير ، صيق صيق
اوروج طوتار ، فقرايه پك چوق تصدقده بولونوردى. متعدد
جامعلر ، تكلر ، مدرسه لر و كوپرولر انشا ايتديرمشدر .
قطب الدين دوچار اولديغى هزيمتدن صوكره كيدوب
حران ملكى عادل ك معاوتنى رجا ايتش ونصيبينى كرى
ويرديره جك اولورسه مهم مبالغ تأديه ايدى جكنى
تعهد ايله مشدى . عادل درحال مزوپوتاميايه كيردى .
نورالدين موصله عودته اجبار ايتدى . بونك اوزرينه
قطب الدين نصيبينه تكرر صاحب اولدى . صوكره عادل
ماردين اوزرينه يورويهرك ديشارى محله لرني ضبط ايله
قلعه ي محاصره آلتنه آلدى . نورالدين ، ارزاقى توكنمكه
باشلامش اولان بوشهر ك امدادينه قوشمغه حاضر لاندى [۲] .
خسته لق يوزندن قوى محافظه كوندن كونه آزاليوردى .
فقط اردوسى عادل ك اردوسنه رفاقت ايدن مصر ملكى عزيز

[۱] ۵۹۵ سنه سى ربيع الاولده .

[۲] ۵۹۵ سنه سى رمضانده .

وفات ايتدی [۱] ؛ برادری افضل علی یرینه کچدی . بو حکمدار اردوسنی کری چاغیردی . بویوک بر پیاده قوتنه مالک اولان عادل محاصرهیه دوامدن کری دورمادیسهده افضلک نورالدین ایله مناسبتی و عادل علیهنده بر اتفاق عقد ایتمه لری عادلک ایشنی بوزدی . افضل شامی عادلک الندن آلمق نیتیه مپسردن حرکت ایتدی . عادل شامه یاردییه کیتمک ایچون ماردین محاصرهسنی اوغلی کامله ترکه مجبور اولدی [۲] . نورالدین بو صیراده ماردینه دوغرو ایلریله . یوردی [۳] . سنجار ملکی قطبالدین ، جزیره بن عمر ملکی معزالدینده برابردی . ماردین داغنک اتکنده اردو قوردی . دیشاری محلاته هجوم ایچون پیادهسنی ایلرییه سوردی . شهر خالقنکده بو صیراده بر خروج حرکتی یامالری تقرر ایتشدی . کامل ، پیادهسنی بو محلاتده براقه رق اردوسنک قسم متباقیسیله نورالدین اوزرینه یوردی . نورالدین بو محاربهده معروض اولدیغی تهلکهدن خبردار دکلدی . قطبالدینک خیانتندن معلوماتی یوقدی . قطبالدین هجومه معروض اولور اولماز درحال فرار ایده جگنی وعد ایتشدی . فقط محاربهنک حالی او شکلده ایدی که قطبالدین

[۱] ملک العزیز عثمان .

[۲] ملک الکامل محمد .

[۳] ۵۹۵ سنه سی شعبانده .

محاربه يي كوره ميوردى . كامل ده اونك اوزرينه يورويه .
ميوردى . نورالدين الله مزراقلى دشمنه هجوم ايتدى .
اونك موجوديتندن غيرته كان عسكرلى او قدر شوقايله
آرقه سندن يورودىلر كه محاربه يي قازاندىلر . برچوق اسير
آله رق نورالدينه كوتوردىلر . نورالدين بونلر ك آراسنده
باشليجه امرادن برينى باشى آچيق برحاله كوردى . كندى
باشنده كى سرپوشى چيقارهرق او كا ويردى . ياننه اوتورتدى .
محاربه دن صوكره اسرانك كافه سنى سربست براقه جغنى
وعد ايتدى .

كامل كيجه نك حلولندن استفاده ايدهرك ميافا رقىنه ابن الاثير
چكيلمىشدى . نورالدين ماردينه كيردى . امراسنك قسم
اعظم نك رآي خلافته اولهرق ينه تيمورطاشه [۱] اعاده
ايتدى . بونلر ماردىنى نورالدينك آليقويماسى فيكرنده
ايدىلر . او صيراده طوتولدىغى بر خسته لق نورالدينى حران
فتحنه كيتمكدن منع ايتدى . موصله دونمكه مجبور اولدى .
بوعكسيلك اولماسه ايدى شهبه سزكه حران نورالدين طرفندن
ضبط اولونه جقدى . كامل اونك او كنده فرار ايدى يوردى .
نورالدين ا كيتساب عافيت ايدرايتمز عسكرلىرىنى طوپلادى (۲) .
عاده تابع بولونان ديار جزيره كيردى . رأس العينه واصل

[۱] حسام الدين لقبنى حائزدر .

[۲] ۵۹۶ تاريخ هجرى سنده .

اولدینگی زمان عادلک اوغلی فائز دن مکتوبلر آلدی . بو حکمدار صالح طلب ایدیوردی . نورالدین بوکا رضا کوستردی . هر ایکی طرفک فتوحاتلرینی محافظه ایتمه لری شرطیله صالح عقد ویمینله تأیید ایدیلدی . بونک اوزرینه نورالدین موصل یولنی طوتدی . صوکر [۱] ، سنجار ملک کی قطب الدین محمد ممالکی داخاننده عادل نامنه خطبه اوقوتمق کبی بر اثر ضعف کوستردی . نورالدین بوکا اوقدر قیزدی که کیدوب نصیبینی محاصره وضبط ایتدی . بونک اوزرینه قطب الدین امدادینه عادلک اوغللری اشرف ایله اوحدی چاغیردی . بونلر نورالدینی مغلوب ایتدیلر . نورالدین کمال خجالتله قاچهرق یاننده درت کشی ایله موصله کیردی . بو حکمدارلر برمدت صوکره صالح عقد یتدیلر [۲] .

سنه
۱۲۰۴

جزیره ابن عمرده حکمران اولان آتابکلرک برشعبه سی دها واردی . بو حکمدار معزالدین سنجر شاه بن سیف الدین غازی ایدی . بو کوچوک ملک افعال معیوبه سندن وبالخاصه هر کون ارتکاب ایتدیکی مظلومدن دولای تبعه سنک غایت منفوری اولمشدی . قولاق ، بورون ، دیل کسیدیریر ، صقال یولدییریر ، بلا سبب انسان قتل ایتدیرردی . حتی چوجوقلری بیله مظلومندن مصون دکلدیلر . ابتدا اونلر

۱۲۰۵

[۱] ۶۰۰ تاریخ هجریسنده

[۲] ۶۰۱ » »

بابالرينك حياتنه قصد ايتديلر . محمود ايله مودود وغازى بر
 محبسه ايديلر . غازى پدرينى بر منديل ايله زهرله مكه تشبث
 ايتدى . فقط زهر ايله موفق اولاماديغى ايجون بو قدر ظالم
 بر بآدان قورتولمك باشقه چاره لرينى آرادى . سرايه كيردى .
 قادينلرك آراسنه صاقلاندى . پدري سرخوش بر حالده كلديكى
 صيراده اوزرينه صالديره رق اون درت خنجر ضربه سى
 اينديردى . باباسى درحال وفات ايتدى [۱] . غازى درحال
 حمامه كيتدى . جاريه لرله اكلندى . عسكر ك ياننه كيدوب
 اولره بيعت رسمى اجرا ايتديرمش اولسه ايدى حكومته
 صاحب اولوردى . فقط او اكلنجه سنى دوشونديكى صيراده
 سراى ناظرى كچن وقعۀ فجيعة دن خبردار اولدى . هر كس
 سلاخلاندى . غازى به هجوم واونى اتلاف ايتديلر . عسكر محمودى
 حكمدار اوله رق طانيديلر . پدري نك طاشيمش اولديغى
 معزالدين عنوانى ويرديلر . بو حكمدار پدري نك زوجه لرينى
 دجله يه آتيردى . برادري مودودى اولديرتى .

سنه
 ۱۲۰۸

۱۲۰۹
 ابوالفدا
 ابن الاثير

صلاح الدين عائله سنه منسوب حكمدار لر آتابكلرك متباقى
 نفوذ لرينى ده احمايه متصل چاليشيورلردى . بو مقصده له عادل معيتنده
 براردوا اولديغى حالده شام دن چيقدى . بوتون چو جو قلرى و امد ملاكى
 محمود [۲] ده ياننده ايدى . قطب الدين محمد ك حكمران اولديغى

[۱] ۶۰۵ تاريخ هجرى سنده

[۲] ملك الصالح محمود بن محمد بن قرا آرسلان . ۶۰۶

تاريخ هجرى سنده .

سنجار قلعه سنی محاصره یه کیدیوردی . قطب الدین ، موصل
ملکی نورالدیندن واریل ملکی مظفرالدیندن استمداد
ایتدی . بونلرک ایکسی ده عادلی کری دونمکه دعوت
ایتدی . فقط سوزلری مسموع اولمادیغی ایچون اردولریله
حربه کیریشدی . او صیراده خلیفه ناصرالدین الله باشلیجه
قوماندانلرندن برنی بو طرفلره کوندردی . بو قوماندان غلبه
هانکی طرفده قالیرسه قالسین مسلمانلر ایچون مضر اوله جغنی
ایضاح ایله صلح توصیه ایتدی . عادل او زمان صلحه پک
محتاجدی . اقرباسندن حلب ملکی ظاهر [۱] حرانه
چکیلیوردی . عادل صلحی قبول ایلهدی . فقط بو صلح
قطب الدینه نصیبین وخابور قلعه لرینه مال اولدی . اوکا
سنجاری براقدی .

سنه

۱۲۱۰

ابوالفدا
ابن الاثیر
ابن شجنه
ابوالفرج

نورالدین موصله عودت ایدنجه اوزون مدت خسته
یاتدقدن صوکره وفات ایتدی [۲] . اون یدی سنه اون بر
آی حکومت سورمشدی . میال انهدام اولان آتا بکلی
حکومتی جسارتی وتدیر واحتیاطی سایه سنده ، تکرار
قوتلندیرمش ، بوتون هم جوارلرینه حرمت تلقین ایله مشدی .
بویوک تصورات ترتیب ایدردی . خیری سور ، تبعه سنه
قارشی عالیجنابانه داورانیردی . فعال ، غیور ، معیتنده کیلر .

[۱] . ملک الظاهر محمد .

[۲] ۶۰۷ سنه سی رجبنده .

قارشى حليم ، تلبس خصوصى سادە ايدى . اوزرنده
آلتون ، ايكلى وەر كىك سودىكى رىكلى شىلر بولوندىر -
مازدى . اوغلى عزالدين مسعودى [۱] ياتاغنك يانە چاغىردى .
ممالكى حسن اداره اچون اوکا وصايدە بولوندى . وزير
اعظم اولمق اوزرە بدرالدين لؤلؤنى تعيين ايتدى . بو ، اداره
اچون دوغمش يوكىك دهالى برذات ايدى . ايكىنجى اوغلە
عقر وموصل قىرنە شوش قلعه لىنى براقدى .

سنه

۱۲۱۸

عزالدين مسعودك زمان حكومتندە جريان ايدن وقايع
حقندە تفصيلات ويرىلمەيور . يدى سنه دوقوز آى حكمران
اولدى . اونك وفاتيله [۲] آتابكلرك قوت وسطوتى همان تماميله
انقراض بولدى . ايكى چوجوق براقدى . بويوكى نورالدين
آرسلان شاه اسمندە اولوب اون ياشندە ايدى . بدرالدين
لؤلؤنك وصايتى آلتندە پدرينه خلف اولدى . بو حكمدارك
عموجەسى عمادالدين زىكى اونك ضعفندن دوچار اولدىغى
خستەلقدن استفادە ايدەرك بعض قارىشقلقلر چيقارمق
ايسەدەيسەدە وزير تدبير واحتياطى سايسەندە بونلرە مانع
اولدى . بر مدت صوكرە خليفەنك فرمانى كلدى . آرسلان

[۱] او تاريخدە معمر اولان بن الاثيره كورە بو حكمدار المالك ،
الظاهر ، العالم ، العادل ، المؤيد ، المنصور ، المظفر ، المجاهد ،
المربط ، عزالدين والدين ، سلطان الاسلام والمؤمنين ، ناصر ، امير المؤمنين
ابوالمظفر مسعود لقبنى طاشيردى .

[۲] ۶۱۵ سنهسى ربيع الاولندە .

شاه موصل حکومتده ، بدرالدین لؤلؤده وزارتده تأیید

ایدی یورلردی . خلقی اطاعتده طوتمق ایچون بو الزم بر

ابوالفرج
ابوالفدا

مراسم ایدی . مع مافییه بوندن دولایی خلیفه نك حکم

ونفوذی آرتمازدی . امرانك بوكا پك اهمیت ویردکلری

یوقدی . او زمان عمادالدین طرفنی التزام ایدن اربیل ملکی

مظفرالدین کوبوری Koukberi عمادیه ، حکاری و (زوزان)

Zouan حصارلرینی اوکا تسلیم ایتدی . فقط بدرالدین لؤلؤ

یو عصیان مقدماتنك توسع ایتمه سندن قورقه رق مظفرالدینه

اسکی معاهداتی تخطر ایتمه سی یاخود هیچ دکلسه بیطرفلخی

بوزماماسی ایچون رجالرده بولوندی . مظفر بو سوزلره هیچ

قولاق ویرمدی . عمادالدین زنکی یه یاردیم ایتدی . بونك

اوزرینه بدرالدین ، صلاح الدین عائله سینه مراجعته مجبور

اولدی . مزوپوتامیاده ، خلاطده حکمران اولان

اشرفدن [۱] اردو ایسته دی . بو حکمدارك موصله

کوندردیکی قوه امدادیده عاصیلره قارشى یاپدیغی تهدیدات

اربیل قرالنی هیچ قورقوتما دی . عمادالدین زنکی مغلوب

اولدی . صوکره خلیفه ناصرک توسیطیه بو حکمدارلر

آراسنده صالح امضالاندى . فقط موصل ملکی بوسکوتدن

اوزون مدت استفاده ایدمدی . هان برآز صوکره وفات

ايتدی . خلف اوله رق تقريباً اوچ ياشينده [۱] برادری
ناصرالدين محمودی براقدی . بوتون عسکر اوکا بيعت ايتديلر .
بدرالدين بو چوچوغی آتە پينديردی ، خلقه کوسـتردی .
خلق آتا بکـلر عائـله سـنـدن بر حکـمداره نائل اولمـقـدن پـک
مسعود اولدی .

بدرالدين لؤلؤينه عسکر طوپلامش اولان اربيل ملکي
ايله عمادالدين زنکينک تشبثاتنه ممانعت مجبوريتنده قالدی .
اشرف ، عزالدين ايبک Ibegh ، نامنده کی نصيبين واليسنی
امداده کوندردی . بو قوماندان درحال موصله کيتدی [۲] .
صوکره بو اردو دجله يي کچدی . شهرک شرقنده يقين بريرده
قرار گاه قوردی . مظفرالدين ايله عمادالدين زنکی زاب
صوينی کچديلر . بو اردويه باصقین يامق ايچون
استعجال کوسـترديلر . فقط عزالدين ايبک اونلرک
مقصـدنـدن خبردار اولديغی ايچون بوتون کيجه يورودی .
کونش دوغديغی زمان موصلدن اوچ پر سنک مسافه ده اونلره
يتيشدی . ايکی اردو مصادمه يه کيريشديکی وقت عزالدين
ايبک دشمنک عمادالدين زنکی قومانداسينده بولونان صول
جناحنه هجوم ايله هزيمته دوچار ايتدی . فقط بدرالدين
لؤلؤنک قوماندا ايتديکی موصل اردوسنک صول جناحی ده

[۱] ابوالمدا بوفلک ۶۱۶ تاريخنده ، ابوالفرج ايسه ۶۱۵

تاريخنده وقوعه کلديکني سويليور .

[۲] ۶۱۵ سنه سي رجبـنک درـدنده .

بدرالدینك مساعی عظیمه سنه رنمأ اربیل ملكی طرفندن
منهزم ایدیلدی . بوقول موصل سورلری دینه قدر دشمن
طرفندن تعقیباته اوغرادى . مظفرالدین اوچ کون نینوا
حصارینك برتپه سی آرقه سنده پوصوده قالدی .

آتابکلر عائله سنندن سنجاسار ملكی قطب الدین محمد بومخاربه یه
هیچ اشتراك ایتمه مش کی کورونیور . فقط اونك حکومتی ده
انقراض بولمق تهلكه سنندن مصون دکلدی . وفاتنده [۱]

سنه

۱۲۱۹

ابوالفدا
ابولحسن

حکومتی اوغلی عمادالدین شاهان شاهه براقدی . بوآنجق
برقاچ آی حکومت ایتشدی . چونکه قطب الدینك برادری
محمود اونی قتل ایتدیرمشدی . بویکی حکمدار ، رأس العین
شهری صاحبی اولوب متبوعی بولونان اشرفه قارشی حرکت
ایدن عمادالدین احمد [۲] نامنده برامیره مظاهرت جراتنده
بولوندی . بونك اوزرینه ، اشرفه مربوط بولونان بدرالدین
لؤاؤ امیری تل اعفر Tell-aafar ده محاصره وبوراسنی ضبط
ایله امری اسیرایتدی . اشرف ده وقعهدن خبردار اولونجه
حراندن چیقدی دنیسر Dounaisir ی اله کچیردی .
صوکره ، محمودی تأدیب مقصدیله سنجاسار اوزرینه یورودی . فقط
یولده بو حکمدارک مرخصلری کلدیله ، رقه شهرینه مقابل
سنجاساری کندیسنه تکلیف ایتدیله . اشرف بوقدر آزبروقت

[۱] ۶۱۶ تاریخ هجریسنده .

[۲] ابن سیف الدین علی بن احمد بن مشطوب

طرفنده کندیسی سنجار حکومتنه صاحب قیلان بر معاهده پی
قبولده استعجال کوستردی [۱] . اورادن موصله کلدی [۲]
بر مدت موصلده اوتوردی . موصله صانکه اورانک حکمداری
ایمش کبی کیرمشدی . بوتون بو حکمدارلرک امور و خصوصاتی
اوراده تسویه اولوندی . صوکره اشرف اربیل اوزرینه
یورومکه حاضر لاندی [۳] . زاب قربنده سلامیه کوینه واصل
اولدینی زمان مظفرالدین صلیحه طالب اولدی . بو محاربه دن
اوصانمغه باشلامش اولان اشرف صلیحه راضی اولدی و سنجاره
دوندی . بر آرزو کره [۴] موصل ملککی ناصرالدین محمود [۵]
وفات ایدنجه بدرالدین لؤلؤ موصل حکومتک صاحب
یکانه سی قالدی . ملک الرحیم عنواتی آلدی . جزیره ابن عمری
ضبط ایله اوراده حکمران اولان مسعودی اسیر ایتدی .
موصله کوندردیکی صیراده دجله نهرینه آتیردی [۶]
بدرالدین لؤلؤ تاتارلر کلوب الندن آنجهیه قدر
بو حکومتی محافظه اتمشدر .

[۱] ۶۱۶ سنه سی جاذی الاول بدایتلرنده .

[۲] عینی آیک ۱۹ نده .

[۳] ۶۱۷ سنه سی رمضانک اکیسنده .

[۴] ۶۱۹ تاریخ هجریسنده .

[۵] ابوالفرج بو حکمدارک ۶۳۱ هجری و ۱۲۳۳ میلادی

تاریخنده وفات ایتدیکنی سویلیور .

[۶] ۶۴۸ تاریخ هجریسنده .

سنه
۱۲۲۰

۱۲۲۲
ابوالفدا
ابن شخنه

۱۲۵۰
ابوالفرج

آذربایجان آتابکلری

یاخود

پهلوانیلر

آذربایجان ایرانک واسع برولایتیدر. شمالده، ارمنستان طرفنده
کائندر. قدیم مهدی Médie قطعه سنک بر قسمنی تشکیل ایدر.
پایتختی تبریز شهریدر. سلجوقی سلطانلری بوراسنی ضبط
ایتدیلر و تحت حکمرانده بولوندیردیلر. سلطان محمودک،
وزیری کمال السمری Kemal essoumairi دن آلمش
اولدینگی ایلدکز اسمنده برکولهسی واردی. ایلدکز صوکره
سلطان مسعودک خدمتنه کچدی و اوندن آذربایجان ودها سائر
جوار مملکتلر و ایلیکنی استحصال ایتدی. بوضورتله اصفهان،
رهی شهرلرینه صاحب اولدینگی کبی معیتنده دهاللی بیگ سواری
بولوندی. سلجوقی سلطانلرینک صوکره بولایتده یالکیز

ابوالفدا
ابوالفرج

خطبه ده اسملرینی اوقوتمقدن باشقه برحققری قالمادی. بوتون حکم ونفوذ ایلد کزک النده ایدی

ایلد کز دها ۵۴۸ هجری و ۱۱۵۳ میلادی تاریخندن اعتباراً بوولایتلرده مطلق صورتده حائر حکم ونفوذ ایدی. امیر عیاض قاجاق ایله داریلشیدی. عیاض بوندن دولایی سلطانله شکایتده بولوندیغی کی ایلد کز علیهنده یورومک اوزره عسکر طوپلامغده باشلامشیدی. فقط بونلری باریشیدیرمق چاره سی بولوندی. صالح عقد ایتدیلر. ایلد کز آرسلان شاهک [۱] والده سیله اولمش بواز دوواج سببیلله سلیچوقی سلطانلری نزدنده بویوک براعتبار قازانمشیدی. کورجستانه هم جوار اولان حکومتک وضعیتی اکتریا آقینلر یاپان کورجیلری پوسکورتمک ایچون کندیسنی بویوک براردو بسله مکه مجبور ایدیوردی. کورجیلر بو آقینلرک برنده [۲] دوین Douin شهرینی ضبط ویغما ایتمشلردی. فقط کورجیلرک اوزرینه یوروین ایلد کز اونلری مغلوب ورجعته مجبور ایتمشیدی. صوکره ایلد کز دهی امیری آنیانج Anianedgo ه قارشى محاربه اضطرارنده قالدی [۳]. ری امیری مغلوب اولدیغی جهتله کیدوب برحصاره قاپاندی. ایلد کز طرفندن احضار

سنه
۱۱۳۵

۱۱۶۳

۱۱۶۸

[۱] بن طوغرول بن محمد .

[۲] ۵۵۷ تاریخ هجریسنده

[۳] ۵۶۴ « »

ایدیش آدملر بوراده اونی اولدیردیلر . بوقتلن صوکره
موعود اولان مکافانه نائل اولمق اوزره ایلد کزک یانه کلدیلر .
فقط ایلد کز هیچ برشی ویرمه دی . حتی جزا دیده ایده جگنی
بیله مقام تهدیده سویله دی . بونلرده چکیلدیلر . باشقه
یرلرده رملجاً ارادیلر .

سنه
۱۱۷۲

ایلد کز برمدت صوکره ، حکومتی اوغلی محمد پهلوانه
براقه رق همدانده وفات ایتدی [۱] محمد پهلوان ، ابن اقسنقر

۱۱۷۴

۱۱۸۵

الاحمد ایلی یه عائد اولان تبریز شهرینی ضبط ایلده دی [۲] .
کذلک خلاطی ده ضبط ایتک فکریله [۳] بوشهره
یا قلاشدیسه ده خلاطی ضبط ایتکی تصور ایدن صلاح الدین
بوکا برمانعه تشکیل ایدیوردی . صالح یاپدیلر . هر ایکسی ده
مملکتلرینه چکیلدیلر . ایرته سی سنه بوراده محمد وفات ایتدی [۴] .

۱۱۸۶

اوزمان همدان ، ری ، اصفهان ارران بلادینه ودها سائر
برچوق یرلره صاحب بولونیوردی . یرینه قیزیل آرسلان
لقبیله یادایدیلن اوغلی عثمان چیقدی . سلاجوقی سلطانی
طوغرول ایله حرب ایتدی . خلیفه ناصر دن امداد ایسته دی .
خلیفه نک کوندردیکی اردو ایله طوغرولک اردوسی چارپیشدی [۵] .

۱۱۸۸

[۱] شمس الدین نقبی حائز دی . ۵۶۸ تاریخ هجر یسنده وفات ایتدی .

[۲] ۵۷۰ تاریخ هجر یسنده م

[۳] ۵۸۱ » »

[۴] ۵۸۲ تاریخ هجر یسی بدایتنده .

[۵] ۵۸۴ سنه سی ربیع الاولک سکزنده .

خليفه نك اردوسى پریشان اولدى . طوغرول بوتون اشيائي
 يغما ايتدى . اردويه قوماندا ايدن وزير جلال الدين عبيداللهى
 اسير آلدی . قیزل ايله طوغرول آراسنده حرب دوام ايتدی .
 قیزل بعض موفقیاته نائل اولدی . دشمننى اسیر ايتدی .
 صوكره اصفهانه كيتدی [۱] . اوراده برچوق امرایى
 اولدیرتدی . فقط همدانه عودت ایدنجه قوماندانلرندن
 بعضیلری طرفندن یاتاغنده قتل ایتدیریلدی . بونك اوزرینه
 ممالکنى پایلاشدیلر . محمد پهلوانك كوچه Kaldgia نامنده کی
 برکوله سی رى ايله همدانى ضبط ایتدی [۲] . دیگر طرفدن
 کورجیلر دوینه صاحب اولدیلر [۳] . پهلوانك اوغلى ابوبکره
 عائد بولونان آذربيجانك بر قسمنى يغما ایتدیلر . قیزيلک يرينه
 بو حکمدار کچمشدی . کیجه کوندوز شراب ایچمکله مشغول
 اولور ، دولتک اداره سنى اهل ایدر ، ناظرلرندن هیچ
 برينك سوزلرینی دیکله مزدی . ایشته بو حکمدارک زمان
 اداره سنده بعض قوماندانلر بوتون حکم ونفوذى اله کچیردیلر .
 بومیانده کوجه بالخاصه تمیز ایتمشدی . فقط خدمتکاری
 ایدغمش Idgmisch طرفندن قتل ایدیلدی [۴] . ایدغمش کوجه نك
 تشکیل ایتمش اولدیغی دولتی ابوبکرک قارده شی اوزبکه ویردی .

سنه

۱۱۹۱

۱۱۹۴

۱۲۰۲

۱۲۰۳

[۱] ۵۸۷ تاریخ عجزیسنده .

[۲] ۵۹۱ » »

[۳] ۵۹۹ » »

[۴] ۶۰۰ » »

فقط اوزبك حكمدارلغنىك يالكر اسمنه مالك اولدى .

سنه
۱۲۰۴

ابوبكر [۱] ، كورجيلرك تجاوزاتندن قورتولمق ايچون

كورجى قرالنىك قيزيله اولندى [۲] . يالكر ذوقيله مشغول

اولدى . تاريخ اوندن آرتق هيچ بحث ايتيور . ايدغمش [۳]

۱۲۱۳

كوكجه كې وفات ايتدى . اوشاغى منكللى اونى قتله تشبث

ايتدى . فقط موفق اولاماديغى ايچون خليفه نك ياننه قاچدى .

برمدت صوكره همدانه دوندى . اوراده تصورىنى اجرا و همدان

ايله جبالى ضبط ايتمك چاره سنى بولدى . بونك اوزرينه

۱۲۱۵

بغداد اردولرى كنديسنه قارشى يوروديلر [۴] . ساوده ده

اتلاف اولوندى . پهلوانك ديكر بر كوله سى اغلامش Ogoulmisch

۱۲۲۴

حكومتى ضبط ايتدى . صوكره لرى [۵] تاتارلر اوزبكك

حكمران اولديغى تبريزه تقرب ايدىرك نردينه التجا ايتمش

اولان برچوق خوارزمى امراسنى كنديلرينه تسليم ايتميه اونى

جبار ايلديلر . اوزبك بونلرك برقسمنى قتل برقسمنى تسليم

ايتدى . بوصورتله تاتارلرك تجاوزاتندن قورتولدى . فقط

ابوموقت برزمان ايچون ايدى . چوق كچمه دن حكومت

خوارزم سلطاننك تحت حكمنه كچدى .

[۱] بو حكمدارده جدولارده برياكلش اولمشدر . اوراده

كوستريلىن ۶۰۰ تاريخى سيلمك اقتضا ايدر . چونكه هانكى تاريخده وفات ايتديكنى بيلمه يورم .

[۲] ۶۰۱ تاريخ عجر يسنده .

[۳] ۶۱۰ » »

[۴] ۶۱۲ » »

[۵] ۶۲۱ » »

هونلرك تاريخ عمومىسى

اون دردنجی کتاب

خوارزمیلر

ابوالفدا
هایتون

خوارزم حکومتی بحر حزرک شرقنده ، قدمانک اوقسوس
وژاقسارتهس تعبیر ایتدکلری ایکی بویوک نهرک ، سیحون ایله
جیحونک آراسینده کائندر . جیحون نهری بو الکایی جنوب
طرفندن سیحون ایسه شمال طرفندن قسماً تحدید ایدرلر .
شرق طرفنده خوارزم الکاسی ترانسوقسیان ویکی تورکستان
یاخود یکی خطای الکاسیله هم حدوددر . خوارزم اسمنی
طاشکیان پایتختنه کرکانج Korkandge یاخود ارکنج
Arkandge نامی ده ویریلشدر . بوتون مملکت قابل اسقا
اولان طرفلرنده غایت منبتدر . بر چوق شهر وقصباتی
حاویدر . اهالیسی غایت کثیردر . بونلردن بر قسمی تاتارلر
کی سوردولریله چادیرلر آلتنده یاشارلر . غایت خوش ، هر
درلو حبوبات یتیشدیرر بر الکادر . سکنهسی مسلماندر .

اوزمانلر بر قسمی خرستیان روم مذهبنه منسوب ایدیلر . آزما کیه
بطریقنه تابع بولونیورلردی .

سایچوقیلر مسلمان ایمپراطور اغنه خوارزم الکاسی طریقله
کیردیلر . بو الکاسی سلیچوقیلرک ایلاک ضبط ایتدکلری یردر .
خوراسانی ، ایرانی ، ویکی عراقی و سوریه یی ضبط ایتدکلری
زمان بوتون بو ولایتلره کوله لری آراسندن انتخاب ایتدکلری
بر طاقم والیلر نصب ایتدیلر . ایشته سلطان ملک شاهک
طشنداری یعنی کیلارجی باشیسی بلسکاتکین Balca-teghin
بویله بر کوله ایدی . بو مقامه عاڈ اولان آیلق خوارزم
الکاسی وارداتندن آلدیغی جهنله افندیلری کبی عن اصل
تورک اولان بلسکاتکین بو ولایتده بویوک بر حکم ونفوذ
مالک ایدی . خوارزم الکاسی ایمپراطور اغک پایتختندن پک
اوزاقده اولدیغی ایچون بلسکاتکینک اوراده کی نفوذی ده بو
نسبتده زیاده ایدی . بلسکاتکینه اوراده حکمدار نظریله
باقیورلردی . کوله لکدن یتیشمش یاخود عوام خلق طبقه -
سندن تولد ایش کیمسه لرک اک بویوک مناصب دولته ارتقا
ایتمه لری بو تورکلر آراسنده او زمان عادت ایدی . ناصل که
الآن استانبولده یرلشمش اولان تورکلرده بویله در . قبا
وجاهل کبی تلقی ایتدی کمز بو قوملر اجدادک اصالتنه دکل
اشخاصک مزیت واققدارینه اهمیت ویریرلردی . بلسکابک

و مملکات تکیں نامیلده یاد ایدیلن بملکات تکیں عز شستان الکاسنه
منسوب بر آدمدن انوش تکیں [۱] Anousch نامنده بر
تورک کولهسی صاتین آلدی . بوکا منشائی اولان مملکتدن
دولای عرجه لقبی ویریلدی . انوش تکیں سرایده او قدر
کوزل حرکت ایتدی که افندیسنک وفاتندن صوکره ساجو -
قیلرک کیلارجی باشیلغی مقامنی و بناء علیه خوارزم حکومتنه ده
نائل اولدی . صاحب حکم و قدرت اولدی . فقط تخته
چیقمادی . بوشرف اوغلی محمد قالدی . بونک تحصیل و تربیه سی
ایچون هیچ برشیئی اسیر کهمدی .

او زمان خوراسانه داغیلمش اولان برچوق تورکلر بر ابوالفدا
طاقم اغتشاشات چیقارمقدن کری قالمادینر . بو اغتشاشات
ایسه سلطان بر کیاروقک نظر دقتنی جلب ایتدی . خوارزم
والیسی ده بو اغتشاشاتده وفات ایتشدی . سلچوقی اردولرینک
قوماندانی امیر داد سلطانک امریله بو ولایته کیده رک اوراده
سکون و آسایشی اعاده ایتدی . عودت ایتهدن اول ولایتک
اداره سی انوش تکینک اوغلی قطب الدین محمد خوارزم شاه
عنوانیله توجیه ایله دی [۲] . بو عائله حکمدارلرینه صوکره
بو عنوان قالمشدر . قطب الدین عدالتی ، سخاسی ، یاننه چکیل
بر چوق ارباب علمه قارشى کوستردیکی حسن معامله سی ایله

[۱] دربلو بوکا بوستکیں غورژه دیر .

[۲] ۴۹۰ تاریخ هجرینده .

كندىسىنى بوللايت اھالىسىنە پك سودىرمشدر . مع مافىە
سلچوق حكمدارلرىنىڭ تحت تابعىتىدە ايدى . بولرك يانئدە
كىدر بر سەنە ايفاي وظيفە ايدر ، سەنە بىنئجە يرىنە
اوغلى براقىردى .

بوصىرالردە آسىيانك اقصى شىرق طرفلى قارىشـقلق

ايچىندە ايدى . نيوچە تاتارلىرى يوز كوسترمكە باشلامشدرى .

خىتان نامى آلتىدە چوقدن برى تاتارسىتانئدە وچىنك شىمالئدە

حكىم سورن سائر تاتارلىرى محوۋ اوغراشيورلردى . بو نيوچە

تاتارلىرىنىڭ [۱] ايلك ايمپراطورى اولان ارقوتا O . ko . ta ،

چىندە لە آئو نامىلە معروف اولان بوخىتانلرە اعلان حرب

ايدەرك متعدد مصادماتدە بولرك اردولرىنى بوزدى . نھايت

اسكى مملكتلرىنى تركە اونلرى مجبور ايتدى . قارە خىتان

نامىلەدە ياد ايدىلن بوخىتانلرك متعدد قوللارى لە آئو عائلە

حكمدارىسى شىزادەلرندىن نوسى تايچىر ايلي [۲]

Nusi-taigir-ili قومانداسىندە اولدقلىرى حالە قرغىز

Kergis ياخود سىبىريا قرغىز نىزدىنە كىتدىلر ، صوكرە كاشقر

جوارلرىنە كلدىلر . ايشتە اونلرك بورايە وروندنن صوكرە

بو مملكتە قارە خىتاي [خطاي] نامى وىرلمكە باشلادى .

[۱] بونر قىن Kin لى ياخود آلتون خانلردى . تاتارلرك

تارىخ انسانى بولرك رىئىسلىرىنە دسوردسوت Dsurdsut ياخود

جورژە Djourgé خانى نامى وىرىر .

[۲] چىلىلر بوكايە ليوتاشە نامى وىرىرلر .

قام مو
ون هيه ن توم قانو
هوم كىيەن
لولى تە كىسو
تاتارلرك تارىخ
عمومىيىسى
۱۱۲۵

چينليار ك پي له قو ديدكلرى هوئەني خە خانى ايلك خان
 بلاساغون شەرنده اقامت ايدييوردي . بو شهر جوارنده
 ساكن اولان قانقلىلر اراضيسىنى تخریب ايدەرك ازعاجاتده
 بولونيورلردى . ايلك خان نوسى تايچير ايليدن امداد ايستەدى .
 مقابلەدە شەرىنك حق حاكىمنى كنديسەنە ويرمكى تەكليف ايتدى .
 بونك اوزرينە خىتاي حەكمدارى غەربە دها زيادە ياقلاشدى .
 قطب الدين محمدك صوكسەنەلرىنى راحت كچيرتمدى . ماوراءالنهرده
 سون سەخان Sun-se-khan يعنى سەمرقند [۱] شەرىنە قدر
 سوقولدى . خوارزم ساطانى بونك مرورينە يوزبىك كشى ايله
 ممانعت ايتمك ايستەدى ايسەدە نوسى تايچير ايلى بوتون عشىرتلرىنى
 اوچ قول اردويه تفريق ايتدىكى اىچون خوارزميلر مغلوب
 اولدىلر . بومظفريتدن صوكرە دوقسان كون سون سەخانده
 قالدى . اورادە مسلمانلر كنديسەنە عرض انقياد ايتدىلر ،
 ويركولر ويردىلر . صوكرە حر كتنە دوام ايتدى . قى اولحنان [۲]
 Ki-ulh-nan . كيتدى . اورادە قور Kour خان عنوانى
 آلدى . اونى امدادە چاغيرمش اولان ايلك خان ايسە ايللىق
 توركمن عنوانيله اكتفا ايتدى .

خيتان حەكمدارى بوغرب مملەكتەلرندە اوزون مدت
 قالمادى . بعض مورخلر بحر حزر ك غەرب ساحلىنى تعقيب

[۱] جدوللارده بومسئله حەقندە ياكىلەيغى كورييورم .

[۲] احتمالە قارمىنيە Carminian

ایدهرك بوکولی دولاشدقدن صوکره تاتارستانه کیردیکنی ادعا
ایدیورلر. کاشغری اقامتگاه اوله رق انتخاب ایله بورایه هوسه. ئو اولخ تو
Houseordou یعنی هوسه اوردو
نامنی ویردی . بورایه اوردو کئنده دنیلمشدر .
ایشته بوتاریخدن صوکره بوشهر بویکی ایمپراطورلغک پایتختی
اولمشدر . قطب الدین محمد بوباربارلردن بوصورتله خلاص
اولدیسده برآز صوکره وفات ایتدی [۱]. یرینه اتسز Atziz
اسمنده براولاد براقدی .

سنه

۱۱۲۷

اتسز دهپدری کبی سلچوقیلر سلطانی سنجرک گیلارجی
باشیسی اولمشدر . قطب الدین محمدک خدماتی ، مزیات
ذاتیسی اوغلنک سلچوقیلر سراینده اعتبارینی آرتیرمغه
چوق خدمت ایتمشدر . سلطان سنجر بووالینک آمال
حریصانه سنی آ کلامقده کچیکمه دی . فقط بو عائله دن کوردیکی
خدمت شبهه لرینه اهمیت ویرمه مکه اونى سوق ایتدی [۲].
تکرار اونى انعام والتفات غرق ایله دی . سرای اکبری
اتسزک اقبالندن ونقوذندن تلاشه دوشهرك اونى محواتمه
عزم ایله دیلر . اتسز معروض اولدیغی فیرطنه نك اوکنی آلمق

ابوالفدا

۱۱۳۸

[۱] ۵۲۱ تاریخ هجریسنده .

[۲] در بلونک بو حربک اسبابی حقنده سویله دیکی شیلر بر مصالحدن
عبارتدر . اتسز ۱۱۵۵ تاریخنده اولمشدر . سنجر غنیزدندکی
اسارتدن ۱۱۵۶ تاریخنده قورتولمشدر . موسیو در بلویه نظراً بو محاربه یی
بوتاریخده وقوع بولش عدايتك لازم کلیور .

ایچون خوارزم الکاسنه چکیلمک مساعده سنی طلب ایتدی .
 بوراده ظهور ایتش اولان بعض اغتشاشات ای برهانه تشکیل
 ایدیوردی . بوقوماندانک طبیعتنی پکاعلا بیلن سلطان سنجر
 کیدرکن آرقه سندن شوسوزلری سویله دی : « اویله برآدمک
 آرقه سنی کوریورم که اغلب احتمالاً نظرّاً بردها یوزنی هیچ
 کورمه یه جکم » . حکمدار طرفندن شبهه یه وعدم اعتماده دلالت
 ایدن بویله برسوز برچوق مقربینی اتسزک توقیفنی توصیه یه
 سوق ایتدی . فقط سنجر اونلره شوجوابی ویردی : « بوآدمه
 ویدرینه قارشى پک منندارم . هیچ برسبب اولمقسزین ساده جه
 برشبهه اوزرینه بویله برحرکته قالقهجق اولورسه هم حس
 شکرانه مخالف حرکته بولونمش اوله جغمی کوریورم .
 بن دایماً بوقاعده اخلاقیه یه توفیق حرکت ایتدم . انسان اک
 اوفاق براییلکه قارشى بیله متحسس اولمالیدر . چونکه ایملک
 حدذاتنده دایماً بویوکدر وشایان حرمتدر . « سنجر اکر
 دهآ از عالیجناب فقط دهآ چوق سیاست شناس اولسه ایدی
 اتسزی توقیف ایتدیریدی . اتسزک صوکره کی حرکاتی
 بوشبهه لری تمامیه تأیید ایتمشدر . اتسز بوتون ولایتی آیاقلاندیردی .
 عاصیلرک باشنه کچدی . سنجر علوجنابک سربست براقش
 اولدیغی برآدمه قارشى اردوسیله یورومکه مجبور اولدی .

سنجر اردوسنک باشنده خوارزمه کیتدی [۱] . اتسز ابوالفدا

در بلو اوغلی ایل قیلیج ایله سنجره قارشى يورومك جراتنده بولوندى .
 فقط قوتى سلطانك اردوسيله قابل قیاس اولمادیغى ایچون
 مغلوب وفراره مجبور اولدى . سلطانك انه دوشن اوغلى
 اعدام ایدیلدى . بومظفریت نتیجه سنده خوارزم قطعه سی
 دائره اطاعته کیردی . سلطانك یکنی سلیمان شاه والیکه تعیین
 اولوندى . سنجر مرویه کیرر کیرمز اتسز یکی براردو باشنده
 تکرار میدانه چیقدى . معیتنده آنجق جزئی بر مقدار عسکر
 بولونان سلیمان شاهه قارشى يورومكه حاضر لاندی . دشمنه
 مقاومت ایدمه یه جك بر حالد بولونان سلیمان شاه سنجر ك
 یانه چکیله رك بوتون خوارزم قطعه سی اتسزه براقدی .
 اتسز اوتاریخده کاشغرده بولونان خیتانلری کندی طرفنه
 جنبه موفق اولمشدی . خیتان حکمداری تایجیر نیوچه
 تاتارلری ایله کیریشدیکی بر محاربه ده بویوک بر مغلوبیته
 اوغرامشدی . خیتانلر خانى تاتارستانك ایچریلرینه دونه رك
 اجدادینك تصرف ایتش اولدقلری الکاده تأسیس نفوذ
 و حکومت ایتك املنده ایدی . ایشه بومقصده قوماندانی
 آریس [۱] Aris ی ایتش بیک کشیک بر اردو ایله چینه
 ونیوچه تاتارلرینك مملکتنه کوندرمشدی . تایجیری ایلی اردو ایله
 برابر دی . سیغیرلرینك وبارگیرلرینك بر قسمی یولده تلف
 اولدی . عسکرلر کاشغره دونمك ایسته دیلر . تایجیری ایلی

نيوجهلرله بعض مصادماتده بولوندى . نيوجهلر ، خيتانلر ك
 كنديلرينه دشمن اولان همپالرله برلشمهلرندن قورقيورلردى .
 فى الحقيقه تايجىرى ايلينك مقصدى بوايدى . فقط خانك ۱۱۳۶
 تاريخنده وقوع وفاتى بوسفره خانى چكدى . خيتانلر كاشغر
 الكاسنه عودت ايتديلر . اوراده ، خان عنواتى تايجىرى
 ايلينك اوغلى ئىلى Y-li يه ويرديلر . بويكى خانك ياشى
 كوجوك اولدينى ايجون والدهسى سيائوشى Siao-chi نائبه
 حكومت اعلان ايدىلدى . ايشته اتسز بو پرنسسسه مراجعت
 ايتمش اونى ماوراءالنهرى ضبطه كلكه تشويق ايله مشدى .
 خيتانلر درحال بو ولايته كيرديلر . سنجر خوراسانى ترك
 ايله امداده قوشىدى . فقط مغلوب اولدى [۱] . زوجەسى
 سلطان اسرا آراسنده قالدى . بو هزيمتدن صوكره اتسز
 خوراسانه كيردرك تخريساتده بولوندى . اوراددىكى بوتون خزائى
 آلدى . ديكىر طرفده خيتانلرده ماوراءالنهرده يرله شيورلردى .
 بوسراده پرنسس سيائوشى وفات ايتدى .

ابوالفدا

۱۱۴۱

۱۱۴۲

۱۱۴۳

ابوالفدا
 دربلو

سنجر على العجله يكي عسكر طوپلادى [۲] . خوارزم
 اوزرينه يورودى . بر چوق مواقعى اتسزك الندىن آلدقدىن
 صوكره بونى پايتختده محاصره ايتدى . مغلوب اولمق اوزره
 بولونان اتسز حيله طريقه ساپدى . علو جنابيله افتخار ايدى

[۱] ۵۳۶ سنهسى مجرىمنده .

[۲] ۵۳۸ تاريخ مجرىمنده .

بر حکمداره قارشی بو حیلہ یی موفقیتلہ تطبیق یولنی بوادی .
 غایت قیمتمدار ہدیہ لرلہ سلطانہ مرخصنر کوندرہ رک خطاسنک
 عفونی استرحام ایتدی و بعدما غیر قابل زلزل بر صداقت
 اثری کوسترہ جگنی تعہد ایلہدی . سنجر طلب ایتدیکی
 عفوی اوکا بخش ایتدی . بو پک فضلہ بر اییلکدی کہ چوق
 کچمہ دن سنجر نادم اولدی . بو ایملک اتسزک افکار
 و مقاصدینہ ہیچ بر سد چکمدی . حکمدار اولمق حرصی
 اتسزہ ہر حرکتی مباح کوستریوردی . سنجر بو والینک
 امرلرینہ اطاعت ایتدیکنی ، تکرار سلاحہ صارلدیننی ،
 و حکومتی داخلندہ بر حکمدار مستقل و مطلق صفتیلہ حرکت
 ایتدیکنی خبر آلدی . یو بابدہ ایی تحقیقات اجرا ایتک
 ایچون ترمذلی ادیب صابر نامندہ بر قوماندانی کوندردی .
 اتسز بونی توقیف ایتدیردی . عینی زماندہ سلطانی قتل
 ایتدیرمک اوزرہ مرویہ بر طاقم آدمار یوللادی . پک صیقی
 صورتدہ محافظہ ایدیلمہ یین ادیب صابر سلطانی خبردار ایتدی .
 سنجر مروودہ قاتللری شدتلہ آراتدی و بونلری جزایہ
 چارپدیردی . اتسز مروودہ جریان ایدن بو حالدن خبردار
 اولونجہ ہرشی ادیب صابرک یوزندن میدانہ چیقدیغنہ حکم
 ایدہ رک بو قوماندانی بر قلعہ نک تپہ سندن جیحون
 نہرینہ آتدیردی .

خوارزم والیسنک بو کستاخاننی جزاسز بر اقامق

لازمی . سنجر قوتنی براردو ایله [۱] ، اتسزك اك مستحکم
برقلعه اولق اوزره تحصن ایتدیکی هزار آسیا [۲] اوزرینه
یورودی . سنجر برقچ هجومدن صوکره بوراسنی ضبط
ایتدی . اتسزك بومحاربهده قازاندیغی شرف یالکز شدتلی
برمقاومتده بولونمقدن ، قورتولق وپایتخته قاقچق سعادتنه نائل
اولمقدن عبارت قالمشدر . فقط پایتختی اوزون برمحاصرهیه
مقاومت ایده بیله جك حالد اولمادیغندن صالح تکلیفاتنده
بولوندی . سنجر بونلری قبول ایتدی . احتمالکه بومحاربهدن
یورولمشدی . احتمالکه قان دو کولمه سنی ایسته میوردی .
برجیلان دریسی ایله ملبس اولدیغندن دولایی آهوپوش نامیله
یادایدیلن درویش آهوپوشی سلطان نزدنده توسطه یوللادی .
ملکته مظنه دن معدود اولان بوذات سنجر یوموشاتمقده
مشکلات چکمدی . سنجر ، جیحون ساحلنده اتسزك کلهرك
حضورنده شرق حکمدارلرینه قارشى عادت اولدیغی وجهله ،
یراوپمه سنی طلب ایتمکه اکتفا ایله دی . بو عادت الان
ایرانلیلرده جاریدر . بوکا «روی زمین» تعبیر ایدرلر . اتسز
بویله یراوپدیکی صیراده سلطان نهرک او بر ساحلنده بولونه جقدی .
اتسز ، محتاج اولدیغی عفوی استحصال ایچون سنجره قارشى
بو علامت انقیادی اظهاردن امتناع ایدمه زدی . فقط

[۱] ۵۴۲ هـ تاریخ هجر یسنده

[۲] بیک بارکیر دیکدر .

کبر و غروری بوندن پک رنجیده اولیوردی . نهر ساحلنه
یا قلاشدی . آتدن اینمکسزین باشی اکمکله اکتفا ایتدی .
صوکره ، چکیلدی . سلطان ، اتسزک بوعظمتندن هیچ
ممنون اولمادی . فقط چوقدن بری دوام ایدن اختلافاتی بیترمک
ایسته یه رک بوکا اهمیت ویرمدی ، اتسزی عفو ایتدی . بوتار یخدن
صوکره اتسز سلطان ایله ای کچیندی . بحر حزر ساحلنده
ساکن اقوام ایله محاربه یه کیتدی [۱] . صغناق و غلوندور
Glondur الکالینی ضبط ایتدی .

دربلو

۱۱۵۲

۱۱۵۳

ابوالفدا

دربلو

برمدت صوکره اتسز تقریباً آلتمش بریاشنده اولدیغی
حاله خابوشان وادیسند و فات ایله دی [۲] . کندیسنه فلج
کله شدی . تطبیق ایتک ایسته دیکی پک شدتلی دوالر اولومنی
تعجیل ایتدیلر . جسارتی ، فنون حربیه ده مهارتی ، ارباب
علمه قارشی سخاسی حسبیله مورخلر بو حکمداری پک چوق
مدح ایتمشلردر . کندیسیده ارباب علم میانه ادخال ایدیله بیلیردی .
یکرمی دوقوزسنه حکمران اولمشدی . یرینه اوغلی
ایل آرسلان کچدی .

دربلو

ایل آرسلانک سلیمان شاه نامنده کوچوک برقاردشی
واردی که تاجی ایل آرسلانک الندن آلمغه قالقدی . بدرینک

[۱] ۵۴۷ تاریخ هجریسند .

[۲] ۵۹۰ سنه سی رجبنده دوغمشدی . ۵۵۰ سنه سی

جاذی الاخرینک دوقوزنده اولدی . دربلو تاریخ وفانی ۵۵۱ سنه سی
اوله رق کوستریور . بن ا الفدانک روایتی ترجیح ایدیورم .

عمالکندن بر قسمی ضبط ایتدی . فقط ایل آرسلان
قاردشنه دهها زیاده تأسس ایتک امکاتی بر اقامدی . اونی
طوتدیردی . بوتون مدت حکومتیجه حبسده بر اقدی .
ایل آرسلان خوارزم تختی اشغال ایتدیکی صیراده خیتانلر
خانی وفات ایتدی . اوغلی پک کنج اولدیغی ایچون همشیره سی
پو-وهوئون Pou so-huon امور حکومتله مشغول اولدی .
فقط قوماندان آریز Ariz بو حکومت داخلنده بر طاقم
اغتشاشات چیقارتدقن صوکره خان عنواتی ئی لی نک دیگر
اوغلی چه لوقو Tche-lou-kou یه ویردیردی . مع مافیله بواغتشا-
شات خیتانلرک جیحون نه ری کچهرک خوارزم قطع سینه
کیرمه لرینه مانع اولما مشدر . ایل آرسلان بونلری طرد ایتک
ایچون حرکت ایتدی . فقط آمویه Amouieh یه واصل
اولدیغی زمان تهلاکلی صورتده خسته لاندی [۱] ، یولنه
دوام ایدمه دی . عسکرک قومانداسنی قوماندانلرندن برینه
براقغه مجبور اولدی . ایکی اردو محاربه یه طوتوشدیلر .
خوارزمیلر مغلوب اولدیلر . قوماندانلری اسیر دوشدی .
خیتانلر بومظفریتدن صوکره مملکتلرینه دوندیلر . ایل
آرسلان خوارزمه عودتله اوراده وفات ایتدی [۲] .
بو حکمدارک برینه اولادلرینک اک بویوکی سلطان شاه محمود

ابوالفدا
ابوالفرج

۱۱۷۲

کچدی . هنوز برچو جوق ایدی . ایمپراطورلغی ملیکه ملکه ترخان
 اداره ایدیوردی . بوپرنسسک یالکیز باشنه حکمران اولمق
 ایچون ، بویوک اوغلی تکش Tagasch یاخود Tekesch [۱] ی
 تختندن محروم براقه رق تاجی بو کوچوک اوغلنه
 ویردیرمش اولدیغی روایت ایدیایور . علاءالدین لقبیله یادایدیلن
 بویوک اوغلی ، سیحون نهری منصبی قریبنده یکنی قوندییکند
 Iegni-kond جوارنده کائن جند Jond قصبه سنده اقامت
 ایدیوردی . پدری اوکا بوراسنی تخصیص ایتشدی . ایل
 آرسلانک وفاتی و برادری سلطان شاهک تخته جلوسنی خبر
 آنجه میراننه اشتراک ایتک ایچون قارده شنه مکتوب یازدی .
 سلطان شاه برمنظومه ایله جواب ویردی . بویله بر دعوانک
 مکتوب ایله ساعی ایله دکل آنجق سلاح قوتی ایله فصل
 ایدیله بیله جکنی آکلاتدی . مکتوب منظوم ایدی . تکش ،
 بوکا جواب یازمغی اوغلی ملک شاهه حواله ایتدی . پک ظریف
 اولان کنج شهزاده جوابی شو صورتله قلمه آلدی : « سز بویوک
 خزاننه مالکسکیز . بنم قیلجمدن باشقه برشیئم یوق . سز محترم
 سرایلرده مزین چادیرلر آلتنده اوتوریورسکیز ، بن ایسه
 بر بار کیردن و بر حرب چادرندن باشقه برشیئه مالک دکل .
 فقط ، بواختلافی محاربه سز بیترمک ایسترسه کیز بکاخوراسانی
 براقیکیز ، خوارزم ایله اکتفا ایدیکیز . » سلطان شاه ،

[۱] یاخود باشقه مورخلره کوره ویغیش Vighisch .

تکشک تکلیفاتی قبول ایتدیکی ایچون طرفیندن حربه
 حاضرلاندی . تکش ضعیف اولدیغی جهتله قاره خطای
 ابوالفرج خانی امداده چاغیردی . بو خانک دامادی قارامارا [۱]
 Caramara خوارزمه کیردی . اوراده تکشک عسکريله
 برلشدی . ایکی اردو پایتخته یاقلاشدیلر . سلطان شاه
 نیشابوره التجایه مجبور ایتدیلر [۲] . بونک اوزرینه تکش
 خوارزم سلطانی طانندی برادری سلمان شاه بر مدت
 خوراسانده طوتوندی .

۴۱۸۶ سلطان شاه صوکره برادرینی تختدن محروم ایتکه
 اوغراشدی . براردو ایله خوارزمه کیردی ، پایتخت پیشگاهنه
 کلدی [۳] فقط یک غلبه‌لق اولان شهر خلقی اونی سورلر
 اوکنده کورمکدن او قدر آز حیرته دوشدیلر که قاپیلری
 قاپامغه بیللر تنزل ایتدیلر . سلطان شاه صوکره تکشک ،
 خوراسان پایتختی اولان مرو جوارلرینی کاملاً تخریب ایتکده
 اولدیغنی ، مرویی محاصره‌یه حاضرلاندیغنی خبر آلدی .
 دربالو درحال خوارزم قطعه‌سینی ترک ایله کزیده بش یوز سوار
 آله‌رق علی العجله خوراسانه قوشدی . کیجه‌نک قارا کلغندن

[۱] ابوالفرج بوکا فوما Fouma دیور . بوکله چینجه‌در .

داماد معناسنده .

[۲] ۵۶۸ تاریخ مجریسنده .

[۳] ۵۸۲ تاریخ مجریسنده .

بالاسنفاده مرويه كيردى . بوسورتله ، شهرك ضبط ايديله سنه
مانع اولدى . بونك اوزرينه تىكش شادباخ جوارينه چكىله رك
بو شهرى محاصره ايتدى . سنجر شاه اسمنده كى والى ، ايكى
اى كمال جسارتله قلعه يى مدافعه ايتدى . مهابت غايت عظيم
برمبلغ وعدايده رك كرك كنديسىنى كرك شهرى قورتارمق مجبوريتنده
قالدى . تىكش خوارزمه چكىلدى .

تىكش خوارزمه عودت ايدر ايتمز باشليجه قوماندانلارندن
برينى والى طرفندن وعد ايديلن مبلغى آلمق اوزره شادباخ
شهرينه كوندردى . عيىن زمانده بو قوماندان ، برادريله صالح
مذاكره سنده مأمور ايدى . سنجر شاه سوزنده دورمقدن
امتناع ايتدى . تىكشك سفيرينى توقيف ايتدى . ايكى
قارداش آراسنده صالح امضالانمىدن بو قوماندانى پراقمادى .
بو صالح همان درحال اخلال ايدىلى [۱] . تىكش نه قارده -

سنة

۱۱۸۷

شندن نه انشته سى سنجر شاهدن شايان ممنونيت هيچ بر
حركت كورمىوردى . بناءً عليه ، شادباخ قلعه سنى تىكرار
محاصره ايتمكه قرار وىردى . او زمان قلعه ده او جوارلرك
اك زنكين اكابرندن منكللى بكده سنجر شاه ايله برلىكده
بو قلعه ده بولونىوردى . بو ايكى امير ، سلطانك هجوملرينه
مقاومت ايدمىدكلرى اچچون علوى اماملرينك توسطنه
مراجعت ايتدىلر . بونلرك ممالكته بويوك حكىم نفوذلى

واردی . تکش بو علمای دینک سوزلرینی دیکله دی . قاعه نك
تکشه تابع اولماسی ، اهالینك اموال وامللا کلرینی محافظه
ایتمه لری ، سربست بولونمه لری ، سنجر شاهه حسن معامله
کوسترلمه سی تقرر ایتدی . فقط سنجر شاهی طریق فساد
سوق ایتش و آنجق خوراسانده یاپدیغی درلو درلو تعدیات
بهاسنه بویوک بر ثروت طوپلامش اولان منکلی بکک بوتون
اموال وامللا کنی اعاده ایتمه سی تکش شرط قویدی . منکلی
درحل کندیسینی محاکمه و افعال و حرکاتی تدقیقه مأمور
بر مجلس امرایه تودیع اولوندی . بو بر نوع محکمه اونی
غایت آغیر جزای نقدی به محکوم ایتدکن صوکره حکمک
قسم متباقیسینی اعطا جهتی فخرالدین [۱] نامنده کی بویوک
امامه براقدی . منکلی وقتیه بو امامک ابو سعید نامنده بر
اوغلنی اولدیرمشدی . بو قتلدن دولایی منکلی اعدامه محکوم
اولدی . شادباخک ضبطندن صوکره تکش نیشابوری ده اله
کچیردی . بونک اداره سی اوغلی ملک شاهه ویردی . خوراسانی
تسکین ایتدکن صوکره خوارزم یولنی طوتدی .

سنه

۱۱۹۲

دربلو

دها صوکره [۲] تکش اردوسنک باشنده عراق عجمه ،
ایلدکنک اوغلی قیزیل آرسارنک امدادینه کیتدی . ساجقوی
سلطانی طوغرول بوکا هجوم ایتشدی . فقط بو ولایته واصل

[۱] ابن عبدالعزیز .

[۲] ۵۸۶ تاریخ هجریسنده .

اولدینگی زمان ایکی حکمدارک صالح عقد ایتیش اولدقلرینی
 کوردی . بو محاربه دن بر درجه یه قدر مستفید اولمق عزمنده
 بولندیگی جهتله بونلرک باریشمه لرینه قیزدی . وقتنی تمامیه
 غائب ایتیش اولماق اوزره ری شهرینی ، طبرک Thabrek
 قلعه سنی ضبط ایتدی . بوراده ، باشلیجه قوماندانلرندن
 طمغاج Tamgadge ك قومانداسی آلنده بر مقدار عسکر
 براقدی . ایرته سی سنه ۱۱۱۰ ، کندیسینه برادری سلطان شاه
 آراسنده ایکی حکومتک حدودلری مناسبتیه ظهور ایدن
 اختلافات اوزرینه خوراسانه کیردی . ابیورد Abiurd
 شهر ی اراضی سینه واصل اولدینگی زمان بو شهرک وبوتون
 سرخس Sarakhs ولایتک والیسی اولان قوماندان کندیسینه
 بیعت ایتدی . سلطان شاه ی محاربه یه حاضر لانمغه وقت بولمادن
 باصدیرمق اوزره عجله ایتمه تشویق ایله دی . فقط بو اراده
 تکش ، سلطان شاهک وفات ایتدیکنی خبر آلدی . بوندن
 استفاده ایله بوتون خوراسانی اله کچردی .

سنه

۱۱۹۳

بو وقعه نتیجه سنده حواریزم و خوراسان قطعه لرینک
 حکمدار منفردی اولان تکش ، سرخس و مرو ولایتلرینک
 اداره سنی اوغلی قطب الدین محمد و یرمک ایسته دی . سلطانک
 دیگر اوغلی ملک شاه بو وائیلکه طالب اوله رق قطب الدینه
 نیشابور ولایتنی ویردی . فقط صوکره قطب الدین تمامیه

در بلو

پدرينك ياننده قالمق ايسته يهرك نيشابورى ترك ايتدى . بوضورتله
ملك شاه بوتون خوراسان قطعه سنه صاحب اولدى . عيني زمانده
ايمپراطورلغك ولى عهدى اعلان ايدىلدى .

سنه

۱۱۹۴

تکشک فتوحاتی یالکیز خوراسان ولایتنه منحصر دکلدی .
ری وطبرک شهرلرینی ضبط ایتدیکنی ده کورمشدک . طبرکده
براقدیغی والی وفات ایتشدی . سلجوقی سلطانی طوغرول ،
ناغاش ایله عقد ایتمش اولدیغی معاهده یی اخلال ایچون بونی
فرصت بیلمشدی . ناغاش قوتلی براردو ایله درحال عراق
عجم یوانی طوتدی [۱] . بوتون بولایتی ضبط ایتدی .
ایرانده سلجوقی سلطانلرینک صوک حکمداری اولان
طوغرولک بوتون ممالکینی کندی ايمپراطورلغنه الحاق ایله دی .
اصفهان والیلکینی انبانج [۲] Enbanedge لقبیله یاد ایدیلن
قتاغه ویردی . سلجوقیلره قارشى بونکله دائماً متحدانه حرکت
ایتشدی . اوغلی یونس خان عراق عجم ولایتنه مالک اولدی .
بورانک پایتختی ری شهرى ایدی . ایشته خوارزم سلطانک
حکومتی او زمان ایرانک بویوک بر قسمنی احتوا ایدیوردی .
تکش قیشی خوارزمده کچیردی . بوراسنه دائماً ايمپراطورلغنک
مرکزی نظریله باقیوردی . فقط بهار عودت ایدنجه
ترانسوقسیان قطعه سنده صغناق خاننک بعض حرکاتی

۱۱۹۵

[۱] ۵۹۰ تاریخ هجریسنده .

[۲] ابی آناک ایلدکیز .

اردولرینی بو طرفه چه ویرمکه اونی مجبور ایتدی. خان ،
تکشک حرکتندن خبردار اولور اولماز بالذات کله رک صلاحه
طالب اولدی . سلطانک سرای اکابرندن بر چوغنک شفاعت
ورجالری سایه سنده صاحی استحصال ایده بیلدی .

خوراسان والیسی ملک شاه عینی تاریخده پدربینت سرایینه
کیتمش و غیبوبتنده قوماندا ایتک اوزره یرینه اوغلی آرسلان
شاهی براقشدی . تکشک انشته سی سنجر شاه بعض مفسد -
لرک تحریکیله والینک غیبوبتی ائناسنده خوراسانی ضبط ایتمکه
معطوف اولان بر ترتیباته اشتراک ایتدی . فقط دها بو
تصورات موقع اجرایه قونمادن اول اوندن خبردار اولان
تکش سنجر شاهی سرایه چاغیردی . هنوز هیچ برشیده
تثبت ایتدیکی یچون کندیسنی معصوم عد ایدن سنجر شاه
تکشک امرینه اطاعت ایتدی . فقط خوارزمه واصل
اولور اولماز سلطان اونی توقیف ایتدیردی . کوزلرینه میل
چکدیردی ، صوکره بر یره حبس ایتدی . معافییه برمدت
صوکره همشیره سنک رجاسی اوزرینه سربست براقدی ، بر مقدار
تخصیصات باغلادی .

تکش خوراسان ولایتی دن چیقارمق تهلاکسینی
آتلا تددن صوکره ایران ممالکی حقنده عینی تهلاکیه معروض
قالدی . اوغلی ری والیسی یونس خان خسته لانش ، خوراسانه
تبدیل هوایه کیدرسه اکتساب عافیت ایده بیله جکی امیدینه

دوشمىدى. اونك ايچون پك امنيت ايتدىكى مياجق Maenig
 ى ريدە براقەرق خوراسانە كيتدى . مياجق سلطانە صوك
 درجەدە صادق بولونان آتاك انبانجك كىزلى دشمنى ايدى .
 يونس خان ريدن مفارقت ايدرايتمز ، خوارزميلرك بغدادە
 كيتدكجە تقربلرني وسوريه يي تهديد اتمەلرني كمال انديشەايلا
 كورن خليفە ناصر ، وزيرى بن قصابه [۱] قوتلى براردو ايله
 يونس خانك ممالكنە كىرمە يي امرايتدى . خليفە اردوسنك
 حر كىتىدن خبردار اولان انبانج على العجلە عسكەرلرني
 طوپلادى ، باشلرينە كچدى . خليفەنك ايلرلە مەسنە ميدان
 وىرمەك ايچون كيدوب مياجق ايله برلشدى . فقط من القديم
 آتاكە دشمن اولان مياجق اونى كندى دائرە نفوذى
 داخلندە كورونجە همان توقيف ايتدىردى . باشنى كسىرەرك
 تەكشە كوندردى ، انبانج خليفە ايله كىزليجە اشتراك ايتىش
 اولديغىدن دولايى بويلەداورانمغە مجبوريت حس ايتىش اولديغنى
 بىلدىردى . تەكش چوق كچمەدن مياجقك يالانچىلغنى آكلادى .
 فقط بوقوماندانك كندىسەندە خيانت اتمەسەندىن قورقەرق
 شەهلرني كىزلەدى . على العجلە ، عراقە متوجەها يولە چىقدى .
 ايكي اردو محاربە يە طوتوشە جقارى صيرادە ابن قصاب وفات
 ايتدى . فقط بومحاربە خليفە اردوسى قوماندانلرينك تدبير
 واحتياطى سايه سەندە ، مصادمەنك وقوعنە مانع اولامادى .

[۱] . مؤبدالدين لىقى ايله يادايدىليردى .

ابن قصابك وفاتى او قدر كىزلى طوتدىلر كه سلطان بونى آنجق
احراز غلبه ايتد كدن صو كره خبر آلا بيلدى .

خليفه ناصر آرتق سلطانك بويوك اردولرينه مفاومت
ايد بيلمكه كنديسنده قدرت كورمديكندن صليحه طالب اولدى .
عراق اوزرنده كى بوتون مدعياتندن واز كچدى . عراق تيكشك
تحت حكمنده قالدى . بوراسنى اوغلى تاج الدين على شاهه
ويردى . عسكرلرينى چكمه دن اول ، ابن قصابك باشنى
ايستهدى . مظفريتكنك برنشانسى اولق اوزره بونى خوارزمه
كوندردى . صو كره مياجقى عزل ايتدى . برمدت صو كره ،
عراقده چيقارمق ايسته ديكى بمض اغتشاشاتدن دولايى
دار بر محبسه قاپادى .

سنه

۱۱۹۶

ابوالفدا

ابن شحنة

در بلو

برمدت صو كره تيكش ، كنديسنه خلف اولق اوزره
كوسترمش اولديغى اوغلى ملك شاهى غائب ايتدى [۱] . بوشهرزاده
نیشابورده اولدى . هندو خان نامنده براولاد براقدى . بونك
اوزرينه نیشابور واليكى سلطانك ديكر اوغلى قطب الدين
ديكر اوغلى قطب الدين محمد كچدى . بو اوته دن برى ملك شاهك
دشمنى ايدى . قطب الدين محمدولى عهد حكومت اعلان ايدى .
بوتارنخدن صو كره قطب الدين عنواننى ترك ايدى رك علاء الدين عنواننى
آلدى . تيكش بوكا وزير اوله رق سعد الدين مسعودى تعيين
ايتدى . بوكاده نظام الملك عنواننى ويريلدى .

سنه
۱۱۹۷
ابوالفدا
ابوالفرج

سلطان ، وراثت مسئلہ سنی بوصورتلہ تنظیم ایتد کدن
صوکره شرق طرفه یورودی [۱] ، خیتانلرله محاربیه
کیتدی . بونلرک تاتارستانده کی حکم ونفوذلری پک چوق
آزلمشدی . ماوراءالنهرک بویوک ومشهور برشهری اولان
بخارای محاصره ایتدی . شهر اهالیسی پک جسارتله مدافعاتده
بولوندیلر ، خوارزم سلطانندن قورقمازکی کوروندیلر .
پک چشم اولان بوسلطان ایله استهزا ایچون تک کوزلی برکوپک
آلدیلر . اوکا عجم اصولنده برخرمانی کییدیردیلر . باشنه
برصاریق صاردیلر . شهرک سورلری اوزرنده دولاشدیردقدن
صوکره منجنیقلریله خوارزمیلرک قرارگاهنه آتہرق : ایشته
سلطانکیز! دییه باغیردیلر . بویله برحقارتدن صوکره بوشهر
اهالیسی بوتون شدائد حربک کندی حقلرنده تطبیق
ایدیلمه سنه انتظار ایدہ بیلیرلردی . فقط تکش شهرلرینی
آلدی وبوحقارتی اونوتدی .

تکش ، خلیفه نک ممالککنده حرب ایله مشغول اولدیغی
صیراده آذربایجانی اوراده بعض قلعهلره صاحب اولان
اسماعیلیلردن تطهیر ایتمکده اهمیت ویردی . بونلری ابتدا
آرسلان کشای Kuschai قلعه سندن قوغدی ؛ الموت قلعه سنه
التجایه مجبور ایتدی . بوراسی پک مستحکم اولدیغی ایچون
اوزمان بوکا هجومی مناسب کورمدی . فقط صوکره وزیر

سعدالدين مسعودك اسماعيلير طرفندن ترشيز Tarchiz قلعەسندە قتل ايدىلدىكىنى خبر آلنجه اوغلى خوراسان واليسى علاءالدين محمدە بوقلعەنى محاصرە ايدەرك بوتون باطنيرك كوكنى قازىماسى ايچون امرويردى . بومحاربە اثناسندە محمد پدريىنك شەھرىسانە Schéhersané شەھرىندە وقاتى خبرىنى آلدى [۱] بوحكمدارك مزىتى، دكرى، عدالتى، سخاسى بوتون تبعەسى طرفدن سنايشلارلە ياد ايدىليوردى . ابوحنيفە مذهبى دائرەسندە بويوك برعلم كلام متخصصى ايدى . شاعر رشيدى شومنظومهنى اونك حقندە ايراد ايتمشدى : « اجداد كز ممالكسندن حقسزلىقى ازالە ايچون بوتون شدتى كوستردى . پدر كز عدالت اعتدالى سايەسندە، اسكى دورك آچديغى بوتون ياردەلى قاپادى، كدكلرى تعمير ايتدى . دور كزى جناب حقك سزە بخش ايتدىكى قوت عظمى يە لايىق بر حالە كتىرمك ايچون آرتق هانكى فضيلتلەرە سالك اولمە كز ايجاب ايتدىكىنى سزدوشون كز . » تەكش ممالكتنك حدودلرىنى پك توسيع ايتمشدى . بايراقلىرىنك اوستنە بر هلال قويدىردىغىنە دقت ايدىلمشدر .

سنه
۱۲۰۰
ابوالمحسن
ابوالفدا

تەكشە اوغلى علاءالدين محمد خلف اولدى . خوراسان داغلارندە كائن ترشيز قلعەسى محاصرەسىنى ترك ايلە على العجلە خوارزمە كيتدى . اورادە اكابر ملت طرفندن اجدادىنك تختە اجلاس ايدىلدى . بونلرك بيعتلىرىنى قبول ايتدى . هر طرفە

دربلو

بووقعه يي اعلان ايچون ساعيلر گوندردي . تكشك وفاتي
هندستانده خبر آلتجه غور ملكي غياث الدين خوارزميلره
قارشى هر دو بلو اطاعت و تابعيت آثارينه نهايت ويردي .
يكي سلطانك ياكى هندوخان بوغوريد حاكمدارينك سراينه
التجاليه اوراده حسن قبول كوردى . عموجه سنه قارشى محاربه
ايچون كنديسنه معاونت وعدايتديلر . غور ملكي غياث الدين
ايله غزنه ملكي شهاب الدين قوتلرني برلشديرديلر، خوراسانه
كيرديلر [۱] ، محمدك عسكرلرني بورادن چيقارديلر .
غياث الدين مروني ضبط ايدرك هندوخانه ويردي . صوكره
سرخسي، طوسي، نيشابوري ودها سائر برطاقم يرلري اله
كچيردي . ايكي حاكمدار بو فتوحاتدن صوكره كرى
دونديلر . غياث الدين غوره كيتدي . شهاب الدين هندستانده محاربه
ايله مشغول اولدي . فقط بونلرك غيوبتنده [۲] محمد اردوسنك
باشنده خوراسانه عودتله غوريلرك آلمش اولدقلى يرلري
استرداد ايتدي .

۹۲۰۴
ابوالفدا
غياث الدينك ايرته سي سنه وقوع وفاتي [۳] غوري
سلطانلرينك خوارزم قطعه سي حقنده قورمش اولدقلى
تصوراتي اخلاال ايتدي . هندستاندن عودت ايتمش اولان

[۱] ۵۹۷ تاريخ هجري سنده .

» » ۵۹۸ [۲]

» » ۵۹۹ [۳]

شهاب‌الدین خوارزمه حربہ کیتمک نیتیلہ خوراسانده کائن طوس
شهرینه کیتمشدی. فقط غیاث‌الدینک وفاتی اوزرینه بوسفری
تعلیق ایتدی. سفره چیقہ بیلہ جک حالہ کلدیکی زمان
خوارزم سلطانی اوزرینه یورودی، بویوک برغلبه یه نائل
اولدی [۱]. اوزمان، محمد خیتانلره مراجعت ایتدی.
بوقوملر درحال حربہ قالقدیلر، کلوب شهاب‌الدینہ هجوم
ایتدیلر. شهاب‌الدین مغلوب اولدی. حتی وفات ایتدیکنه
دائر برشایعه بیلہ چیقدی. غزنه یه قدر یاییلان بوخبر اوراده
برطاقم اغتشاشاته سببیت ویردی. آنجق شهاب‌الدین اورایه
کیتدکن صوکره بوقاریشیققلر یاتیشدیریلایلدی. ایکی سنه
صوکره، شهاب‌الدین لاهوردن عودت ایتدیکی صیراده دمیل
Damil نامنده بریرده کوکر Koukirs تعبیرایدیلن طاغلیرک
یاخود دیگر برروایتہ کوره اسماعیلیرک هجومه معروض
قالدی و قتل اولوندی [۲]. بونک اوزرینه بامیان Bamian
ملکی وشهاب‌الدینک عموجه سی بهاء‌الدین سام Sam غزنه یی
ضبط ایتمک ایسته‌دی. یاننده ایکی اوغلی علاء‌الدین محمد ایله
جلال‌الدین ده واردی. فقط غزنه یه واصل اولمادن وفات
ایتدی. چوجوقلری یوله دوام ایدهرک غزنه یی آلدیلر.
غوری حکمدارلری اوزمان کندی مملکتلری داخلنده

[۱] ۶۰۰ تاریخ هجریسنده

[۲] ۶۰۲ سنه سی شعباننده .

پك مشغول اولدقلرندن خوارزمده محارباته كيريشمكه دوشونه جك
 وقتلى اولمادى . غور ملكى غياث الدينك كرمانده غايت
 كسب اقتدار ايتمش تاج الدين ايلديز اسمنده برتورك كوله سى
 يانه برچوق تورك طوپلايوردى . بو عسكرايله غزنه يه كلدى .
 علاء الدين محمد ايله جلال الدين اورادن طرد ايتدى . بونلرك
 ايكيسى ده باميانه چكىلدیلر . اوراده عسكركر طوپلادیلر ،
 تكرار غزنه يه كلدیلر . ایلديز مغلوب و كرمانه التجايه مجبور
 اولدى . علاء الدين محمد غزنه ده قالدى . قاردهشى جلال الدين
 باميانه دوندى . ایلديز بونلرك آيريلدقلرينى خبر آلير آلماز غزنه يه
 ياقلاشدى . برادرينك امداديننه كلن جلال الدين ایلديز
 طرفندن مغلوب ایدیلدى . ایلديز بوكا قارشى يورومك اوزره
 غزنه محاصره سندن واز كچمشدى . صوكره بوكوله اسير
 آلدیغى جلال الدين ايله برلكده غزنه اوكنه كلدى . خوارزم
 سلطانك يكنى هندو خان ايله برلكده علاء الدين محمد بورايه
 تحصن ايتمشدى . غزنه نهايت ایلديزه تابع اولدى .

خوارزم سلطانی بو حکمدارلری بربرلرینی محو ایتمكه براقدى .
 کنديسى شرق طرفنده فتوحات ايله مشغول اولدى [۱] .
 ماوراءالنهرک سمرقند و بخاراکی کوچوک حکمدارلری
 خيتانلردن شکايت ایدهرک سلطاننه عرض تابعیت ایتک ، نامنه
 خطبه او قوتمق ، اسمنى سکه لرده ضرب ایتدیرمک تکلیفنده

بولوندىلار . يالگىز خىتانلار ماوراءالنهر دن طرد ايدىلەرلى
 شرطنى قويدىلار . محمد بويوك براردو طويلادى ، جيحونى
 كچدى ، ماوراءالنهره كىردى . ابتدا بخارايى ضبط ايتدى .
 بوراده خىتانلار طرفندن فوروشى Fourouschi قوماندان
 ايدى . صوكره ، يىنە خىتانلار كىت تىت تابعتىدە سمرقندە حاكم
 اولان عثمان بوراسىنى محمدە تسليم ايتدى . محمد ، آرقەدە
 براقىلارنى حقىدە تامينات قويه آلدىدن صوكره خىتانلارالكاىندە
 دها ايلرىلرە كىردى . خىتانلار كىت خانلرى چەلوقو Tcheloukou
 ايدى . بوخان سلطانە قارشى سراينىك الك بويوك قوماندانى
 تانيقوتاراز Thanicou tharaz ى يوللادى . ايكي اردو قانلى
 بر محاربە ياپدىلر خىتانلر مغلوب اولدى . قوماندانلرى اسيردوشدى .
 سلطان خبر مغلوبىتنى كىندىسى اعلان ايتەسى ايچون بونى خوارزم
 قطعە سەنە كوندردى . بواوقدر بويوك وتام بر غلبە ايدى كە سلطان
 كىندى عنوانلرىنە سلجوقى عالمە سنىك الك بويوك حكمدارى اولان
 سىجركاسەنى دە علاوہ ايتىك ايتەدى . فقط خلق اسكندر ثانى
 عنواننى ترجيح ايتدى .

سنه

۱۲۰۸

درېلو سلطان محمد بو بويوك مظفريتدن صوكره اوترار
 Otrar نام دىكرلە فارياب Phariab ياخود فاراب شەرىنە
 دوغرو يورويەرك هان ضبط ايلەدى . سفرى بو شەرك
 ضبطىلە نهايتاندىرمك ايتەدى . اوترارە باشقە بر والى نصب
 ايتدكن ، شەرى كىندىسە تسليم ايدن اورادەكى والىنى اسير

اوله رق نیشابوره کوندرد کدن صو کره خوارزمه دوندی .
 اوراده خیتانلر قوماندانی تانیقو تارازی اولدیرتدی . فقط
 مملکتته هنوز عودت ایتمشدی که خیتانلرک سمرقند اوزرینه
 یورود کلرینی خبر آلدی . مع مافییه خیتانلر بوراده امید
 ایتدکلری موفقیتته نائل اولامامش اولدقلری جهتله سلطان
 محمدک امداده کلدیکنی دویونجه محاصره یی رفع ایتدیلر .
 اونلری دهها زیاده سرعتله چکیلیمکه مجبور ایدن شی نایمان
 Naiman لرك کوچوک خانى وچهلوقونك دامادى کشلو
 Keschlou یاخود کور خانك تور کستانده چهلوقویه قارشى
 عصیان ایتسی ایدی . کشلو خان قاین پدرندن نائل اولدیغی
 او قدر لطفله رغماً اغتشاش چیقارمقدن باشقه بر شی
 دوشونمور ، تشویقاندە بولونیور ، رؤسایى حمایه ایدیوردی .
 بر طاقم عاصیلرله برابر چهلوقونك سرانى ترك ايله خیتان
 الکاسنك شرق ولایتلرینی تخریبه باشلامشدی . چهلوقو
 یاشلی بولونمقله برابر اردوسنك باشنه کچمکه مجبور اولدی .
 قوآکچ Kouakege الکاسنده دامادینی مغلوب ایده جک قدر
 کندیسنده قوت بولدی .

قام مو
 در بلو
 ابوالفدا
 ناتارلرک تاریخ
 عمومیسى

بو صیراده سلطان محمد بوتون اردوسنی کوزدن کچیرمک
 اوزره سمرقنده کیتمشدی . بوراده کشلو خانك سفیرلرینی
 قبول ایتدی . بونلر خیتانلر خانه قارشى ایتدیلرینه امداد
 کوندرلمه سنی رجایه کلشاردی . عقد اولونان معاهده موجبنه

اك ابتدا محمد كورخانك الكاسنه كيرك كاشغر وخوتن
شهرلرني ضبط ايدرسه بو شهرلر بوتون ملحقاتلريله محمدك
عهدسند قاله جقدى . فقط كشلو خان دها اول داورانه جق
اولورسه او زمان سمرقنددن آسبانىكت Asbaniket ياخود
بناكت Benaket نهرينه قدر اولان بوتون مملكتلر كشلو
خانك تحت اداره سنه كچه جكدى . كشلو خان بومعا هذه منعقد
اولدقن صوكره قاين پدرينك اراضيسنه كيردى . فقط مغلوب
اولدى . محمد، اسبهيد كبودجامه Esphahid keboud khaneh
نامنده بر قوماندانك خيالى اولماسه ايدى چوق ايلرييه
كیده بيله جكدى . وقوعه كان بر محاربه ده محمد مغلوب اولديغى
كې معيتنده گيلردن بيله اسير دوشمك فلا كتنه بيله
اوغرادى . كنديسنى طوتمش اولان خيتان كيم اولديغى
طانيماديغى امچون قاچه بيلدى . محمد ايله برابر اسير دوشن
قوماندان اوكا كنديسنك كوله سى ايمش كې حركت ايمه سنى ،
هر كسك او كنده بيله حركت ايمه سنى توصيه ايلمشدى . محمد
بونصيحى تعقيب ايتدى . خيتان بوايكى اسيرك كيم
اولدقلىرى او كرنمك ايسته ديكى زمان قوماندان كندى اسمنى
صاقلامادى . احوالندن عائله سنى خبردار ايتمك واسطه سنك
تأمين ايديله سنى رجا ايله دى . ايسته بونك اوزرينه كوله صفتيله
سلطان بو وظيفه يه مأمور ايديلدى . اردوسنه بو سايله ده
عودته موفق اولدى .

محمدك اسارتى اوزون سورمه مش اولمقله برابر ممالكى
داخلنده قارىش-قلقلر توليد ايتمكدن خالى قالمادى . قاردشى
وخوراسان ولايتنده وكيلى على شاه، سلطان نامنى آلمشدى .
فقط محمدك عودت ايتديكنى خبر آلىر آلاماز ولايتنى ترك ايله
غورى سلالهسى سلطانى غياث الدين محمودك ياننه التجا
ايتدى . بوراسى خوارزم غير ممنونلرينك التجاگاه معتادلرى
ايدى . محمد درحال امير ملكى Moulk بر اردو ايله غوريلىك
مملكته سوق ايتدى . بو اردو فيروز كوهه واصل اولدى . ابوالفدا
بونك اوزرينه غياث الدين كنديسنك حرितته دوقونولماماسى
شرطيله عرض تسليميت ايتمكه قرار ويردى . امير ملك
هر شئى وعدايتدى . فقط غياث الدين ايله على شاهى يانه لامقدن
كرى قالمادى . بونلك هر ايكيسى ده قتل ايدىلديلىر [۱] . غياث الدين
غورى سلاله سنك صوك حكمداريدىر .

بو سلاله نك انطفاسندن صوكره خوارزم سلطانى جيحون
ياخود اوقوس نهرينى كچدى ، خيتانلرك الكاسنه كيردى .
نايمانلرك وخيتانلرك خانلرى محمدى كندى طرفلرينه جلبه
چاليشديلر . فقط بونلرى بربرلرينه اولديرتمك ايستهين
سلطان هر ايكيسنده بر طاقم وعدلرده بولونيور و هيچ
برينى طوتمايوردى . بو ايكي ملت آراسنده بويوك بر محاربه
وقوعه كلدى . اردوسى هر كون تزايد ايدن كشلو خان قاين

قاممو

لى تاي كىسو
ابوالفدا

پدرىنى مغلوب ايدەرك سىكز بىك كىشى ايله ترتيب ايتدىكى
بر پوصوده اونى اير آلدى . چەلوقويى انە كچىرنجە ظاهراً
بك چوق حرمت كوستردى . بك بويوك ايمپراطور
عنوانى وىردى . فقط اختيار ، ايكى سنە صوكرە
كدرندن اولدى .

بو صيراده كىشولو خان ، خىتانلر ايمپراطورلغىك پايختى
اولان كاشغرى محاصره ايتمشدى . بو شەردەكى خىتانلر خان
عنوانى چەلوقونك اوغللارندن برىنە وىرمىشلردى . فقط
شدتلى مقاومتلرىنە رغماً كاشغىر ضبط ايدىلدى . خىتانلر بك
قىسمى داغلرە قاچدى . دىكرلرى خوارزم سىلطاننە عرض
انقياد ايتدىلر . بوايمپراطورلق تىمامىلە منقرض اولدى .

دربلو

خوارزم سىلطانى بو صورتلە بو تەلەكلى قومىشولردن
خلاص اولدقدن صوكرە ممالىكى داخلىندە سكون و آسائىشى
تأسيس ايله مشغول اولدى . فقط سكون واستراحت بر چوق
بويوك فاتحلىر ايچون اولدىغى كى محمد حقنەدە مشئوم بر تاثير
حاصل ايتدى . سلاح مشغوليتىك يرينە قادين و شراب قائم
اولدى . ايشتە بو ذوق وسفاقت آراسىندە مجدالدين بغدادىنىك
اعدام ايدىلەسى امرىنى وىردى . بونك يكانە جرمى ،
حرکاتى مؤاخذه ايتىمىندن عبارت ايدى [۱] . بو ذات مىسلىكى
وزهد و تقواسى حىبىلە بوتون مىسلمانلر ك حرمتى جلب

۱۲۱۴

ایتمشدی . سرخوشلغك خمارى كچر كچمز محمدیایدیغى خطادن
 نادم اولدی . مجدالدینه محتشم بر تر به یایدیره رق و اوغلى
 نجم الدینه ، پدرینك وفاتندن دولایى تسلیه ایچون بویوك
 احسانلر كوندیرهك خطاسنى تعمیر ایتك ایسته دی .
 نجم الدین احسانلری ردایدیرهك سلطانك حرمت وندامتى ایله
 اکتفا ایتدی . بوتون مسلمانلر براولیاكی تلقی ایتدكارى
 مجدالدینك ضیاعنه متأثر اولدیلر . محمدك زیانی ایسه دها
 بویوكدی . قصورلرینی بیلیدیرهك درجه ده كندیسنه مربوط
 برینی غائب ایتمشدی .

غوری - سلطانلری انقراض بولدقن صوكره تاج الدین
 ایلدیز نامنده برتورك كوله سی مملكتلرینك قسم اعظمی
 وبالاخصه سلطان شهاب الدینك عظیم خزینه لرینی اله كچیرمشدی .
 بر كوله نك بوقدر قوت كسب ایتمه سنى قیصقانان محمد غوریلر
 اسكى پایتختی غزنه اوزرینه اردوسیله یورودی . محمد غزنه یه
 كیردی وبورایه صاحب اولدی [۱] . كوله یی بوتون
 طرفدارلری ترك ایتشلردی . ایلدیز هندستانده لاهوره
 قاچدی . وقتيله كندیسنك اوشاغی اولان قطب الدین ایبكه
 عائد بوقطعه ده بعض فتوحاته نائل اولدی . فقط صوكره بوايكی
 كوله آراسنده وقوعه كلن بر محاربه ده ایلدیز مقتول دوشدی .
 محمد غزنه خزینه اوراقنده خلیفه ناصر ك شهاب الدینه

در بلو
 ابوالفدا
 ابوالحسن

۱۲۱۵

کوندرمش اولدیغی برفرمانی بولدی . خلیفه بو حکمدارم
غایت پارلاق برطاقم عنوانر ویریور و کندیسنی خوارزمیلرم
قارشی حربہ تشویق ایدیوردی . بو وثیقہ دن پک حدتله ن
محمد در حال خلیفه نک ممالکنه حربہ کیتمک واونی خلع
ایتمک ایستہدی .

سنہ

۱۲۱۷

محمد، ممالکی داخلندہ کی اماملردن و علمادن مرکب
بو یوک بر مجلس طوپلادی [۱] . خلافتک علی نک ایکنجی اوغلی
حسینک اولادلرینہ عائد اولدیغنی، عباسیلرک خلافتی غصب
ایتدکلرینی بو مجلس قرارینہ استناداً اعلان ایتدیردی . عباسی
عائلہ سنک قیام ایتدکلری غاصببانه حرکتدن، برطاقم ناسزا
احوالدن و مسلمانلر علیہندہ تحریک ایتدکلری محارباتدن
دولای خلافتہ غیر لایق اولدقلرینی بیان ایتدی . بوبیاناتدن
صوکرہ مجلس یکی بر خلیفه اتخابنی تذکر ایدہ رک المملک الترمذی
لقبیلہ یادایدیلن علاءالدینی ترجیح ایتدی . بو ذات سلطان
محمدک ممالکی داخلندہ خلیفه اولہرق طانندی . صوکرہ
سلطان محمد یکنی خلیفہ یی بغدادہ کوندرمک واورادہ
یرلشدیرمک فکریلہ اردوسنک باشنہ کچدی . جبالی، ساوہی،
قزوینی، زنجانی، ہمدانی، اصفہانی، قنی، قاشانی ضبط ایتدی .
آذربایجان و اران ملکی پهلوانک اوغلی اوزبک محمدہ عرض
تابعیت ایدہ رک خطبہ یی اونک نامنہ او قوتدی . سلطان، بغدادہ

ابوالفدا
ابوالحسن

دوغرو ایلرله مکده دوام ایدیورری . ایلری یه دوغرو
بعض مفرزه لر سوق ایتشدی . کندیسیده بونلری یقیندن
تعقیب اتمکده ایدی . فقط همداندن حرکت ایتدکن
ایکی اوچ کون صوکره او قدر چوق قاریاغدی که یوک
حیوانلرینک قسم اعظمی تلف اولدی . بوعکسیلک، تارتارلرک
کندی ممالکنی استیلا اتمک آمانی اظهار ایتدکلرینه دائر
تاتارستاندن آلدیغی خبرلر خوراسانه عودته محمدی مجبور ایتدی .
ضبط ایتدیکی ممکستله برروالی براقدی، خوراسانده وماوراءالنهرده
خلیفه ناصر نامنه خطبه او قونماسنه نهایت ویردی [۱] . فقط
سمرقند، حران کی بعض شهرلر امرلرینی دیکله مدیلر . عباسی
خلیفه لرینک تحت قضا سنده قالدیلر .

سنه

۱۲۱۸

تاتارلرک تاریخ
عمومیسی
ابوالفرج

برقاچ سنه دن بری تاتارستانده مدهش برقوت پیدا اولمشدی .
موغول ایمپراطورلغنک مؤسسسی اولان جنکیزخان او وقت نیوچه
تاتارلرینک انقاضی اوزرینه کندی ایمپراطورلغنی تأسیس
ایدیوردی . جنکیزخان برچوق تورک و تاتار عشیرتلرینی
تحت انقیاده آلدقن صوکره سلطان محمد مظفریاتی اخبار
ایتمک و عینی زمانده، دولتلرینک قریبتی حسبیه براتفاق
تکلیف ایله مک اوزره ماقینوت ژالانجی = محمودیلواج Makinut-
Jalandgi نامنده برسفیر کوندردی . جنکیزخان محمد کندیسینی
براولادکی تلقی ایتکی وعدایلیوردی . سلطان محمد بویه

برسوز ایشیتمکه آلیشقین دکلدی . فقط جنکیز خانك
 قوت و سطوتندن قورقديغی جهتله حسیاتی کیزله مك مجبوریتنده
 قالدی . بوتاتارك قوتی حقنده دهاساسلی معلومات الملق
 ایستهیهرك سفیرایله خصوصی کوروشدی . هیچ برشیئی
 کنديسندن صاقلاماسی ایچون مرصع برحائلی اهدایتدی .
 جنکیزخانك خطای یاخود شمالی چین الکاسنی فتح ایتمه ی
 صحیح اولوب اولمادیغی صوردی . سفیر جواباً جنکیزخانك
 بومالکی تحت انقیاده آلدیغی ، اونکله بوزوشمق جراتی
 کوستره جك اولورسه قوتی بالذات آ کلایه جغنی سویله دی .
 بوجوابه قیزان سلطان محمد بوبویوك مظفریاتی خبر ویرمکدن
 واولادی کی تلقی ایده جکنی خبریوللامقندن مقصدی نه اولدیغی
 آ کلایه مادیغنی بیان ایدهرك خوارزمی ایمپراطورلغنك وسعت
 وعظمتی ، عسکرلرینك مقداری جنکیز خانجه مجهول اولماق
 لازم کله جکنی آ کلاتدی . بوسوزلردن سلطانك حدتلمش
 اولدیغنی فرق ایدن سفیر ، سلطان محمدك کندی افندیسندن
 دهاذی قدرت اولدیغی مجهولی بولونمادیغنی فقط آلدیغی امرلری
 اجرا ایتك ضرورتنده اولدیغنی ، جنکیزخانك املی صلاحی
 تأمیندن عبارت بولوندیغنی سویله دی . بومداهنه سایه سنده
 سفیر طلب ایتدیکی شیلرك کافه سنی استحصال ایتدی .
 وظیفه سنی نه صورته ایفالايتدیکنه دائر جنکیزخانه ویردیکی
 تفصیلات اونی خوارزم سلطانی خوش طوتمغه ، خلیفه ناصرك

تشویقنه رغماً بلاسبب اوکا اعلان حرب ایتمه مکه سوق ایله دی.
ایشته ایکی ایمپراطورلق آراسنده صلح بوصورتله تقرر ایتدی.
ایلریده سلطان محمدك امریله بوصلح اخلال اولوندی .

ابوالفرج
تاتارلرك تاريخ
عمومیسی

جنكيز خانك تبعه سی اولان موغوللر چادیرلر آلتنده
یاشامغه آلیشقین اولدقلری ایچون تجارتی دائماً اھمال ایتمشلردی .
جوار مملکت تاجرلری اونلرك نزدینه کلیرلر، اوراده تجارت
ایدرلر، بویوك پارالر قازانیرلردی . بالخاصه جنكيز خان
تاتارستانه صاحب اولدقدن وبوالکاده سیاحت تحت
امنیتہ کیردکن صوکره بوتجارت معاملہ سی پک آرتمشدی .
بر سورو تجار جنكيز خانك ممالکنه کیدیورلردی . ۱۲۱۲
تاریخ میلادیسندنه خوارزم سلطانك تبعه سندن اوچ بخارالی
تاجر جنكيز خانك سراینه درلو درلو امتعه کوتوردیلر . فقط
بونلر ایچون او قدر یوکسك فیأت طلب ایتدیلر که جنكيز
خان قیزارق بونلرك بوتون ماللرینی مصادره ایتدیردی .
صوکره عینی مملکتدن باشقه امتعه کیتیردی . بو تاجرلر
او قدر حریص اولماقلری ایچون کتیردکلری ماللری جنكيز
خانه عرض ایتدیلر . جنكيز خان بو ماللرك قیمتك ایکی
مثلی اونلره تسویه ایتدیردی . ومتباقی ماللرینی کندی
قرارگاهنده صاته بيلمك مساعدہ سنی ویردی . بو آلیش
ویریشن جنكيز خانك تبعه سیده خوارزمیلر درجه سندنه
مستفید اولدقلری ایچون سلطانك ممالکنه کندی تبعه سندن

مسلمان ، خرسٲٲان وٲورك يوز اللى [۱] ٲٲجار كوندركه قرار وٲردى . سرايندن او ٲ قوماندانى بونلره ٲرفيق ايتدى . قوماندانلر سلطان ايله برٲٲجارت معاھدەنامەسى عقد ايدە بيلمك مآذونيتنە مالكدیلر . قوماندانلردن برى محمد خوارزمى ، ديكرى بخارالى على خواجە ، اوچنجيسى اوترارلى يوسف ايدى . سلطانە بر نامه كوتورييورلردى . بو مكتوبدە جنكيز خان خوارزمە كوندرديكى ٲٲجارلره حسن معاملە كوستريلەسنى سلطاندن رجا ايدیور ، تاتارستانە كلەك خوارزميلره قارشى كنديسنك دە عىنى صورتلە معاملە ايدەجكنى وعد ايله يوردى . بو تاتار ٲٲجارلرينك يانندە بويوك ثروتلر واردى كه محمدك واليرندن بعضيلرينك حرص وطمعنى ٲٲريك ايتدى . اوتزارە واصل اولدقلرى وقت سلطانك والدهسك برادر زادهسى اولان والىيە عرض ٲعظيماٲە كيتديلر . بو عن اصل توركمـن نسلندن اولوب اسمى اينالجق [۲] Inallgik ايدى . غاير خان ghair-khan لقبى ٲاشيوردى . ٲٲجارلرى نزدينە قبول ايتدى . بو صيراده ، اسكيدن دوستى اولان ٲٲجارلردن برى كنديسنە اينالجق دیدى . بو ٲكليفسزلك والىيى اوقدر قيزديردى كه سفيرلرى وٲٲجارلرى ٲوقيف ايتديردى ، او زمان عراق عجمدە بولونان سلطان محمدە مملكتنە بر سورو اجنبيلر

[۱] بر روايتە كوره درٲ يوز اللى .

[۲] دربلو بوكا آنيال حق Anial hak ديور .

كلديكى ، بونلردن بعضيلرينك كنديلرينه سفير ، بعضيلرينك ده تاجر سوسى و يردكلرينى ، فقط بونلرك بعض مقاصد فاسدهلرى بولونديغنى قوياً ظن ايتديكى جهتله امرلرينه انتظاراً كنديلرينى توقيف ايتكى مناسب كوردىكى بيلديرمك اوزره بر ساعى اعزام ايتدى . ايشته سلطاندىن ايشك حقيقتنى بو صورتله كيزلهدى . سلطان دهها زياده استحصاى معلومات ايتكه اهميت ويرمدى . سادهجه اوترار واليسنك روايتى اوزرينه بوتون بو اجنيلرك قتلنى امر ايتدى . غاير خان آمانه پك توافق ايدن بو امرى اجرايه مسارعت كوستردى . بوتون بو تاجرلرك اموالىنى سلطان لهنه مصادره ايتدى . ايشته خوارزميلرك ايلريده باشنه كلن بوتون فلاكتلرك وبو سلطان عائلهسنك تماميله انقراض بولمهــنك سببى بو وقعهدر .

غاير خانك تحرياتندن قورتولمق سعادتنه نائل اولان بر تاجر تاتارستانه دوندى . جنكيز خانى تبعهسنك باشنه كلن احوالدىن خبردار ايتدى . تاتار حكمدارى سلطانك بو حركتندن پك غليانه كلديسهده اثر اعتدال كوسترمك ايستهيهرك ترضيه طلب ايتك اوزره محمده بر مأمور مخصوص اعزام ايتدى . ايلك بر خطاده بولونمش اولان محمد ايكنجى بر خطا دهها ياپدى . جنكيز خانك مرخصنى حضورينه قبول ايتمدى . بونك اوزرينه جنكيز خان آرتق محمده قارشى

ملايمت ايله حرکت ايتمه هيچ بر مجبورييت کورمدي .
بوتون اردولرينك طوپلانماسي ايجون امر ويردي .
محمد کنديسني دشمن کي تلي ايتديکني ، محاربه يه
کله جکني بيلديردی .

محمد تاتار خاننك کوندره جکي عظيم اردولري طرد
ايد بيلمك اوزره حاضرلغه باشلادی . عسکرلريني طوپلادی .
بونلرک باشنه کچه رک سمرقند ايله خجندہ Khojende يه دوغرو
يورودی . فقط جنکيز خانك اوغلي توشي خان Touschi
ايله وقوعه کلن ايلک مصادمه ده قارشيسنده کي دشمنلرک
نه عياردہ اولدقلريني آکلاديني ايجون آرتق موغوللرله
نتيجه سي مشکوک بر حربہ کيريشمك ايسته مدي . عسکرلريني
حدود اوزرنده کي مواقعہ توزیع ايتدی . متباقيسي ايله
سمرقند جهتنه کيتدی . بو شهر سکنه سني تخمین ايتدکلري
موغول هجومنه قارشى مدافعه ايجون هندکلر قازمقله مشغول
کوردي . محمد ، موغوللار بو هندکلره يالکيز الارنده کي
قرباجلري آتہ جق اولسه لر بر آن ايجنده دولدوراجقلريني
سويله مک احتياطسزلغنده بولوندى . بو سوزلري ايشيدنجه
اهالى نك جسارتى قيريلدى . صو کره ساطانك خوراسان يولنى
طوتديغني کورونجه نجات اميدلري ده قالمادی .

سلطان محمد بيک درلو افکار ايله ذهني پریشان بر حالده
خوراسانه کيتدی . معروض اولديغني تهلكه لردن قورتولمق

ایچون نه یاپه جی حقننده بر درلو قرار ویره میوردی .
 ابتدا ، هندستانه چکیلمکه قرار ویردی . غوریلری محو
 ایتدکن صوکره . محمد هندستانده پک قدرت صاحبی
 اولمشدی . بو فکرله بلخه کیتدی . اورادن خوارزمه بر
 ساعی کوندردی . والده سنی ، زوجه لرینی ، چوجوقلرینی ،
 بوتون خزینه لرینی غایت داغلق ، برچوق قلعه لره مالک
 و بوندن دولای موغوللرک کله مه یه جکنی ظن ایتدیکی مازندران
 ولایتنه نقل ایتهلری ایچون امر ویردی . فقط صوکره ،
 هندستانه کچمکه ایرانی بوباربارلرک آقینلرینه معروض براقدیغنی
 دوشو تنجه قرارینی دکیشدیردی . خوراسان داخلمده
 نیشابوره کیتدی . بر قاج کون بوراده ضیافتلره ، ذوق
 وصفایله وقت کچیردی . بونلر حیاتنک صوک طاتلی کونلری
 اولمشدر . او تاریخدن صوکره آرتق حیات سلطان محمد ایچون
 شایان اسف بر سلسله وقایعدن عبارت قالمش ، بونلرک بارمحنتی
 آلمنده ترک حیات ایتمشدر .

جنکیز خان قوتلی بر اردو باشنده اولدیغی حالده
 حربه کیریشمشدی . اوتزار [۱] ، جند Nadgiande
 یاخود Junde ، فارناقند Pharnacande یاخود فناکت
 Fenaket ، حجد ، سارنوق Sarnouk ، صغناق ، سمرقند
 بخارا شهرلرینی موغوللر محمدن ضبط ایتدیله . حکومتنک

[۱] ۶۱۶ تاریخ هجریسنده .

سنه
 ۱۲۱۹
 ابوالفرج
 تاتارلرک تاریخ
 عمومیدی
 جنکیز تاریخ

پایتختی اولان خوارزم شهری بیلە عینی عاقبتە اوغرادى .
 محمدك ترکان خاتون نامندەكى والدەسى بو صوك شهرده ایدی .
 بو پرنسس قانقلى Kang-lis عشیرتندن جنكشى Hanque-schi
 نامندە كوچوك بر تورك خاننك کریمەسى ایدی . بوندن ارکک
 اولاد براقەدن وفات ایتمشدى . خانك بوتون تبعەسى محمدك
 یاننە چکیلمشلردى . محارباتده بونلردن پك استفادە ایدیوردى .
 بوندن طولایى ترکان خاتون ایمپراطورلق داخلندە بیوک بر حکم
 ونفوذ صاحبی ایدی . کندیسنە خداوند جهان عنوانی ویریلیوردى .
 اکثریا اونك امرلری سلطانك امرلرندن دە سرعتلە اجرا
 اولونوردى . سفرە چیقادیغی وقت اسلامیتك وعالمك حامیسى
 صفتنى آلیردی . مهرى اوزرندە شو سوزلر یازیلی ایدی :
 جناب حقك عنایت سبحانیەسنە صیغینیرم : سلطانك بو پرنسسە
 براقدیغی بویوک حکم و نفوذ بر اثر ضعف نتیجەسى دکلدر .
 ترکان خاتون یوکسك ذکاوتی ، ضعیفلری حمایەدەکی اعتناسی ،
 عدالتە فرط دقتی ، کندیسنى بر والدە کی تلقی ایدن فقرايە
 قارشى حسن معاملەسى ایلە بوکا جداً کسب لیاقت ایتمشدى .
 بعض کردە قان دوکمکە فرط تمایلی حسـبیلە بو مزیتلرینە بر
 آز لکە کتیرمشدر . بر محاصره تهلکەسنە معروض قالدیغنى
 کوردیکی وقت پایتختدە اسیر طوتولان اون ایکی حکمدار
 چوجوغنى اولدیرتمک ظالملكنى ارتکاب ایتدی . حتی کندى
 اوغلى عایینە ترتیبات یادی . طورونى جلال الدیندن نفرت

ایدردی. بو، نادر بولونور مزیتده بر شهزاده ایدی. محمد
خلف اولاجقدی. تاجی دیگر حفیدی قطب الدینک باشنه
قومق ایسته یوردی. سلطانک کندیسنه خلف اولمق اوزره
جلال الدینی تعیین ایتدیکنی خبر آنجه شدید بر قرار ویردی.
کندی قومانداسی آلتنده بولونسه ایدی قوتلی بر مقاومت کوسترد.
بیله جک اولان خوارزم شهرینی ترک ایتدی. اوغلنک زوجه.
لری ومستفرشه لری وبوتون خزان ایله خوارزمین چیقدی.
او کیدر کن اهالی آغلا یوردی. بر چوقلری آرقه سندن کلدیله.
عمر اسمنده بر کوچوک خان مازندرانه بر قاق فرسخ قالنجیه
قدراوکا رفاقت ایتدی. ترکان خاتون مازندرانک الک مستحکم
بر قلعه سی اولان ایلان Ilan چکیلیوردی. بورایه واصل
اولمدهن اول عمری اولدیرتدی. روایتیه نظراً بونک خیانت
ایتمه سندن قورقمشدر.

ابوالفدا
نسوی

خوارزم حکومتک پایتختنده بو وقعهلر جریان ایتدیکی
صیراده سلطان محمد فرار ایتمش بولونیوردی. جنکیز خان چه په
نوویان Tchépé novian، سودای بهادر Soudaibahadur
وتوغا چار قانتاردت Togazar kantaret قومانداسنده بر قول
اوردو تفریق ایدرک محمدی تعقیبه مأمور ایتشدی. نیشابورده
سلطانیه یتیشدیله. محمد، عراق عجمه قاقچق اوزره علی العجله
بورادن چیقدی. محمد، زوجه سی سلطانی واوغلی غیاث الدینی

قارندهر = قارندز Carender کوندرمشدی. نیشابوردن حرکت
 ایتدیکی زمان شهرک و ولایتک اداره سنی سراینک کا برندن درت
 ذاته براقیدی که بونلر فخر الملك Tacher el Moulk ،
 نظام الدین ، ابوالمعالی کاتب و ضیاءالملک ایدیلر [*] . محمد
 صکره قزوینه کیتدی. اوراده اوغلی رکن الدینک معیتنده اوتوز
 بیک کشیلک بر اردوی واردی. بسطام Bostam ده توقیف
 ایتمش و غایت مستحکم آردهن Ardhan قلعه سنه صوک درجه ده
 قیمتدار اون صندوق اینجی ایله ده سائر ذی قیمت شیلر
 براقشدی . دائماً آرقه سندن تعقیب ایدن موغوللر محمدی
 مازندرانه چکیلمکه مجبور ایتدیلر. بوراده کندیسنی تحت امنیتده
 کورمدیکی ایچون بحر حزر اوزرنده بر سفینه یه آتلادی .
 موغوللر ساحله قدر کملشردی . آرقه سندن اوق آتیورلردی .
 فقط بونلردن قور تولق سعادتنه نائل اولدی . آبسکون
 Abesgoun نامنده بر آطیه واردی. بوراده خسته دوشدی .
 هر درلو معاونتدن محروم قالدی . مازندران سکنه سنک
 کتیردکلری بعض شیلرله یاشادی . جان صیقینتسنی تحفیف ایچون
 چادیرینک یاننده اوتلاتمق اوزره بر بارگیر ایستهدی . ایشته

[*] مؤلف متنی ای کلا یامه مش. بونلر (فخر الملك نظام الدین ابو
 المعالی کاتب جامی) ، (ضیاءالملک عارض زوزنی) ، (مجیرالملک کافی
 عمر رخی) نام ذاتلردر .

وقتیله او قدر ذی قدرت اولان بو حکمدارک حیاتنک صوک
کونلرنده کی تسلیسی بوندن عبارت قالمشدر .

بو حزین وضعیتده بولوندیغی صیراده والده سنک، زوجه لرینک
چوجوقلرینک و بوتون خزینهلرینک اله کچیریلدیکی حوادثی
آلدی . موغوللر زوجه سی سلطانک و اوغلی غیاث الدینک
بولوندیغی قارندز شهرینه یاقلاشمشیلردی . اورادن ابلال
اوزرینه یورودیلر . ترکان خاتونی اسیر آلدیلر . بوتون ایران
آرتق موغوللرک شدت و تجاوزاتنه معروض قالدی [۱] .

سنه
۱۲۲۰
ابن شخنه

سلطان محمد بوقدر فلاکتله تحمل ایده مدی . استرآباددن
آنحق اوچ پرسنک مسافه ده بولونان آبسکون آطه سنده
کدردن اولدی [۲] . درت اولاد براقیوردی . حیاتنده، عراقدن
تورکستانه قدر امتداد ایدن ممالکینی بونلرک آراسنده پایلاشد .
یرمشدی . سلطان محمد غزنه یه، سجستانه، کرمانه، طبرستانه،
جرجانه، خوراسانه، فارسه مالکدی . بویوک اوغلی جلال الدین
منکبرتی یه غزنه، بامیان، غور، بست Bost، تکهمناباد Takanabad
زامز داود Zamiz-daoud الکلرینی و هندستانک سائریرلرینی
ویردی . خوارزم، خوراسان و مازندران محمدک ابتدا ولی عهد تعیین
ایتدیکی، صوکره جلال الدینی ولی عهد نصب ایتک اوزره عزل
ایله دیکی قطب الدین آزاغ شاهه Azlagh براقمشدی . غیاث الدین

[۱] بوتفصیلات جنکیزخانک تاریخنده کوروله جکدر .

[۲] ۶۱۵ تاریخ هجریسنده .

ابوالفدا
نسوی
ابن شهنه

پیرشاهك حصه سنه کرمان ، کیش Kisch و مکران Mekran
حوالیسی آیریلشدی. عراق رکن الدین غورسانجک حصه سی ایدی.
بوشهزاده لردن هربری بش وقت نمازده سلچوقیلرک
عادتق و جهله ترامپت چالدریرلردی. فقط پدرلری ده از یاده تمیز
ایتمک ایچون یالکیز طلوع و غروب شمسده آلتوندن یاپیش یکر می
یدی ترامپت چالدریردی. بو وظیفه یکر می یدی قرال و یاشهزاده یه
تخصیص اولونمشدی . اینجی ایله مزین دکنکلرله ترامپتی
چالارلردی . بونلر آراسنده سلچوقی عائله سندن طوغرول
آرسلان ، غور قرالی غیاث الدینک اوغللری ، بامیان ملک
علاءالدین ، بلخ ملک تاج الدین ، اوغلی ترمه ملک
الاعظم ، بخارا ملک سنجر ودها سائرلری داخل
ایدیلر . بو حریص سلطانک سرای قوماندانلرینک قسم اعظمی
هپ ملک ایدیلر. ایشته خالی بر آطه ده هرشیدن محروم بر حالد
اولن ، کندی خدمتی کندی کورمک مجبوریتنده قالان
وجنازه مصرفی چیقمايان بر حکمدارک سوردیکی حیات بو ایدی.
وفات ایدنجه کندیسنی مالک اولدینغی یکانه کوملکه صارمغه
مجبور اولدیلر. مع مافیه محمد، بو قدر بویوک بر نکبت و فلاکتده
جسارت و صبر و تحمل اثری کوسترمکده قصور ایتمه مشدر .
محمد بویوک بر محارب ایدی . یورولق بیلمز بر حکمداردی .
حتی علمادن ایدی ، اوترارده وقوعه کلن تجارلرک قتلی ، یکنی
هندو خانک وفاتی ، برادری ایله آراسنده دائمًا حکم سورن

ابوالفدا

خصرمت هپ بی پایان بر حرصك و ثروت آرزوسنك نتیجه لریدر . بونلر شاننه لکه کتیرمشدر .

جلال الدین [۱] منکبرنی Mankberni یا خود منکوبرنی Manbekberni پدرینك باشنه کلن فلا کتیردن دها بویوک فلا کتیره اوغرامق وعائله سنك صوك حکمداری اولدیغنی کورمك ایچون تخته چیقدی . موغوللر سلطان محمدی اله کچیره مدکاری ایچون مازندران ایله جوار ولایتلره داغیلدیلر . بری، همدان، مراغه [۲] شهرلرینی آلدیلر . غزنه یه دوغرو چکیلمن یکی سلطانی تعقیب ایتدیلر . جلال الدین خفیف ضایعات ایله بورایه سالما واصل اولابیلدی . بوراده سیف الدین اغراق Aghrac قرق بیك سوارى ایله کندیسنه التحاق ایتدیکی کبی هرات امیری امین ملک ده مهم بر قوتله یتیشدی . جنکیزخان ، جیحونی کچدی ، بلخه دوغرو یورودی . شهرک ایلری کلنلری بر محاصره نك عاقبتنه معروض قاق ایسته میهرک عظیم هدیه لرله واردوسی ایچون ارزاق ایله جنکیزخانه قارشى چیقیدیلر . فقط سلطان جلال الدینك بوشهر جوارنده حرب حاضرلقلری کوردیکنی و کندیسنه قارشى یورومکه حاضرلاندیغنی خبر آلمش اولان خان طرفندن فنا قبول ایدیلدیلر . جنکیزخان بوتون شهر خلقنك عددلری صایلمق اوزره دیشاری چیقمالرینی

[۱] سانوت بکا خوارزمیلر رئیسى لالادین Laladyn دیور .

[۲] ۶۱۸ تاریخ هجرىسنده .

سنه

۱۲۰۷

ابوالفدا

ابوالفرج

دربلو

امرايتدى . بونلر اووايه كلكلرى وقت هېسنى ياقه لاتدى ،
اولد يرتدى . ايشته بدبخت بلخ سكه سى بوسورتله تلف اولدى .
صوكره طالقان Talcan شهرى اهاليىنىك قسم اعظمى ده
عنى عاقبتہ اوغرا ديلر . بعضيلرى اسارتده قالديلر . جنكيز خان
اورادن باميانہ دوندى . بوراسنى محاصره ايتدى . اهاليىنى
مقاومت جرئتكار لغنده بولونديلر . برهجومده ، جنكيز خانك
هېسندن زياده سوديكي اوغلى زاغاتاي Zagatay ، براوق
اصابت ايتدى . بوكنج شهزاده نك وفاتى بوتون موغوللارى پك
زياده قيزدردى . غيرتلىرى تضييف ايتديلر ، شهرى آلديلر .
هېچ كيمسە يە مرحمت ايديلمىدى . كبه قادينلره وارنجيه قدر
كسديلر . حتى موغوللارك شدتندن حيوانات بيله قورتولمادى .
شهر برچولدن دها خالى برحاله كلدى . صوكره لرى بورايه
ماوبالغ Maoubaligh ياخود شهر كدورت نامنى ويرمشلردر .
ابوالفدا جنكيز خان هندستان طرفنه ايلر يلگده دوام ايدىيور ، خوارزم
سلطاننه يتيشمكه چالشيوردى .

جلال الدين غزنه ده ايدى . پدرينىك اردولرىنىك قسم اعظمى
بورايه طوپلانمشلردى . تقريباً يتمش بيك عسكر واردى .
جلال الدينى تعقيب ايدن موغوللار ايسه اون ايكى بيكدن فضله
دكلديلر . فقط صوك مظفريتلىله پك مغرور اولدقلىرى انچون
آزلقلىرىنه اهميت ويرمه دن خوارزميلرله حربه طوتوشديلر ،
چوق كچه دن مغلوب اوله رق پريشان برحاله چكىلديلر .

جنکيز خان اوغللارندن برينك قومانداسنه دهاغلبه لق برايکنجي اردو يوللادی . کابل قربنده بر محاربه وقوعه کلدی . بونده موغوللر ينه مغلوبيته اوغرا دیلر، خوارزميلر پک چوق موغول اولدیر دیلر . بوتون اشياريني يغما ایتدیلر .

اوزمان سلطان جلال الدينك اردوسنده ايکي بويوك امير يعني قوماندان واردی . بری سيف الدين اغراق نامندایدی . حربك قازانله سنه بوسبب اولمشدی . دیکری هرات والیسی امین ملک [۱] ایدی که سلطانك عائله سنه منسوب ایدی . بويکي قوماندان آراسنده برمنازعه ظهور ایتدی . بونده اغراقك برادری تلف اولدی . اغراق بوندن دولایي سلطانه شکایتده بولوندی . سلطان موغوللارک ورودی ايله پک مشغول اولدیغی ایچون اميرك کوکلی آلمغه اهمیت ویرمدی . بوندن پک چوق قیزان اغراق در حال جلال الدينی ترک ايله معیتده اوتوز بيک کشی اولدیغی حالدده هندستانه کچدی . خوارزم سلطانی اونی دائره اطاعته ادخال ایچون بهوده تشبثانده بولوندی . بویوزدن خوارزم اردوسی مهم صورتده ضعف کسب ایتمشدی . جنکيز خان بوفلاکتدن استفاده ایتک ایچون اردولرينك باشنده بالذات ایلریله دی . جلال الدين ایندوس نهزینه دوغرو چکیلدی . بو بويوك نهر غیر قابل مرور بر مانعه کی کورونی-وردی . جلال الدين ساحلده

ابوالفدا
نسوی
ابوالفرج

[۱] بوکا ملک خان Moulk ده دیرلر .

توقف ایتدی . جنکیز خان بوراده کندیسنه یتیشدی .
 محاربه باشلادی . موغوللار هر طرفدن خوارزمیلری صاردیله .
 خوارزمیلرک آرقه سنده ایندوس نهری واردی . قاچه لرینه
 امکان یوقدی . محاربه غایت معنده جریان ایتدی . جنکیز
 خان سلطانی جانلی اوله رق اسیر آلمه لری ایچون امر ویرمشدی .
 جلال الدین بویوک بر شجاعته مدافعتده بولونیوردی . اک
 جسور موغوللار ضرباتی آلتنده یره سریلیورلردی . بوتون
 صفاری ییقیور ، غلبه جلال الدین لهنده تجلی ایده جک کی
 کورونیوردی . اقشامه قدر حرب ایتدیله . سلطانی طومغه
 چالیشان موغوللاری جنکیز خانک بو امری پک چوق
 مشکلاته صوقیوردی . سلطانک یدی سکیز یاشنده کی
 چوجوغی موغوللرک الیه دوشدی . جنکیز خان کوزلری
 اوکنده بونی قتل ایتدی . موغوللار جلال الدینی کیتدجه
 دها زیاده صیقیشدیریورلردی . جلال الدین ایچون آرتق
 دوکوشه دوکوشه اولمکدن یاخود ایندوس نهینه آتلمقدن
 باشقه یاپه جق برشی قالمامشدی . تا ساحله کلنجه والده سنی ،
 زوجه سنی ، سراینک سائر قادینلرینی کوردی . اللهه آند
 ویره رک کندیلرینی اولدیرمه سنی یاخود اسارته دوشمکدن
 قورتارماسنی رجا ایدیورلردی . جلال الدین کوزلرنده یاشلرله
 بونلرک هپسینی در آغوش ایتدی . صوکره نه ره آتدی .
 صوک درجاده حزن و کدر ایچنده ، دوستلرینه وداع ایتدی .

زرهنی چیقاردی ، تکرار بار کیره بینه دی . مثلی کورولمه مش
 برشجاعته ایندوس نهرینه آتدی . عسکرلرندن درت بیکی ده
 کندیس یله برلکده نهره آتدیلر . نهرک اورتە سنده بیله
 جلال الدین موغوللره قارشى اوق آتمقدن خالی قالمایوردی .
 جنکیز خان ایله عسکرلری ساحله حیرتلر ایچنده
 قالدیلر . جنکیز خان چوجوقلرینک طرفنه دونه رک
 شو سوزلری سویله مکدن منع نفس ایده مدی : « جلال الدین
 پدری محمد لایق بر اولاددر . چونکه بوتهاکه دن قورتولیور .
 دها پک چوق تهلکه لر کچیرمش اولماسی ایجاب ایدر . »
 بعض موغوللر جلال الدینی صولر ایچنده تعقیب ایتک ایسته -
 یورلردی . فقط جنکیز خان اونلره مانع اولدی . سلطانک
 بقیه عائله سنک طوپلانماسنی امر ایتدی . بوتون ارککلری
 اولدیرتدی . قادینلری وقیزلری آلیقویدی . صو کره
 جلال الدینک نهره آتدیرمش اولدیغی خزینه لرینی چیقارتمقله
 مشغول اولدی .

بو صیراده خوارزم سلطانی نهرک دیکر ساحلنه کچمکه
 چالیشیوردی . عسکرلری اوتە کی ساحله واصل اولمشلردی .
 دالغهلر جلال الدینی معیتنده اوچ گشی ایله اوزاق بر ساحله
 آتدیلر . اوچ کون کندیسنی ارادیلر . جلال الدین عسکرینه
 التحاق ایتدکدن صو کره بو جوارده محارباته باشلادی .
 متعدد مصادماتده هندیللری مغلوب ایتدی . موغوللارک

جیحون نہرینی کچدکیرینی خبر آلدینی وقت عراقی ضبطہ
کیتمک فکریلہ لاهورہ کلدی . یکی ضبط ایتدیکی مملکتلرده
پهلوان اوزبک ایلہ وفاملک OuaphaMoulk لقبی طاشییان
حسن قزلق Carrac نامندہ ایکی قوماندان براقدی . صوکرہ
بوایکنجی قوماندان اوزبکی طردایلہ هندستانده کی یرلرینی کاملاً
ضبط ایتدی [۱].

سنہ

۱۲۲۳

ابوالفدا

جلال الدینک خبر مغلوبیتی [۲] بوتون ممالکنہ انتشار
ایتمشدی . کرماندہ حکمران اولان برادری غیاث الدین
پیرشاه توسیع ممالک ایچون بوندن بر حصہ استفادہ چیقارہ -
بیله جکنہ حکم ایدہ رک ری ، اصفهان ، همدان شهرلرینی
وعراق عجمک دها سائر یرلرینی ضبط ایلہ گندیسنہ قارشی
عصیان ایتمش اولان دایسی یغان طابسی BaghanThabesi یی
مغلوب ایتدی . ایرتہسی سنہ [۳] ، آتابک سعد بن دکلا
Dekla یه عائد اولان فارس حکومتی ضبط ایلہ شیرازی الہ
کچیردی . آنجق بر قاج حصاردن باشقہ بر شیئہ مالک اولمایان
سعد ، پیرشاه ایلہ صالح عقد ایتدی . پیرشاه اوکا فارس
ولایتک بر قسمی کری ویردی .

۱۲۲۴

۱۲۲۵

فقط بر آاز صوکرہ هرشی دیکشدی . جلال الدین کرمانہ

[۱] ۶۲۷ هجری و ۱۲۲۹ میلادی تاریخندہ .

[۲] ۶۲۰ تاریخ هجریسنده .

[۳] ۶۲۱ » »

کلدی [۱]. ایرانہ کیرمکہ حاضر لاندی . بوتون امراسی
 ھپ بردن جلال الدینک یانہ کیدہرک یمین ایتدیلم . خلق
 بویوک مسرتلرلہ جلال الدینی قارشیلادی . شاعرلر عودتی
 تسعید ایچون منظومہلر یازدیلم . جلال الدین تکرار اصفہانی
 و بوتون عراق عجمی فتح ایتدی . برادری غیاث الدین پیر
 شاھی فارس حکومتدن طرد ایدہرک تکرار سعدہ ویردی .
 جلال الدین اورادن ، خلیفہ ناصرہ تابع بولونان خوزستانی
 ضبطہ کیتدی . آذربایجانی ، کنجہ پی ، اران الکاسنی الہ
 کچیردی . پدرینی مدفون بولوندیغی اطہدن آردہان قلعه سنہ
 نقل ایتدیردی . صوکرہ لری تاتارلر بوقلعه پی ضبط ایتدکلری
 وقت محمدی مزاردن چیقارہرق کمیکلرینی یاقشلردر . تاتارلر
 مزارلرینی بولدقلری بوتون کممدارلرہ بومعاملہ پی یاپیورلردی .
 سبکتکینک اوغلی محمودک نعشی دہ عینی عاقبتہ اوغرادی .
 جلال الدین صوکرہ بغداد یولنی طوتہرق یعقوبہ پی قدرکلدی .
 بغداد تلاشہ دوشدی . محاصرہ حاضرلغی کورمکہ باشلادیلم .
 فقط جلال الدین جوارلری یغما ایلہ اکتفا ایدہرک اردوسنی
 صوکرہ ابریل طرفلرینہ سوق ایلہدی . بو شہر ملک کی اولان
 مظفر الدین کوکبری جلال الدینہ عرض انقیاد ایتدی . سلطان
 اورادن آذربجانہ کچدی کہ پایتختی تبریز شہری ایدی .

در بلو

بوراسنی ضبط ایله دی . حکمدار مظفرالدین اوزبکی قوغدی .
بوده کورجیلر الکاسی حدودنده کنجهیه چکیلدی .

جلالالدینک او زمان بویوک براردوسی واردی .
آذربایجان صاحب اولدقدن صوکره کیدوب کورجیلره هجوم
ایتدی [۱] . کورجی قرالی شدتلی بر مقاومت حاضرلاندی .
مقدارجه فائق براردو ایله جلالالدینه قارشى کلدی . سلطان
برتهنک اوستندن بواردوی بالذات تدقیق ایدرک کورجیلرک
پیشدارلرینک اوکنده برخزر مفرزوسی بولوندیغنی کوردی .
پدرینک زمان سلطنتنده عصیان ایتمش اولان بوقوملر
جلالالدینه مراجعت ایتشلردی . جلالالدین ده پدرندن اونلرک
عقولرینی استحصال ایله مشدی . بوندن استفاده ایدرک خزرلره
طوز واکمک کوندردی ، ایفا ایتمش اولدیغنی خدمتی اونلره
خاطرلاتدی . ولی نعمتترینه قارشى حرب ایتمکدن اوتانان
خزرلر درحال کورجیلرک طرفنی ترک ایله کندى مملکتترینه
چکیلدیلر . اونلرک بو آیرلمه سندن صوکره سلطان ، دشمنترینه
برکونلک برمتارکه تیکلیف ایتدی . مقصدی خزرلرک
آیرلمه سندن متولد نتایجی دوشونمه لرینه میدان براقق و
اونلری اوزلاشمغه سوق ایتمکدی . ایشته بومتارکه اشناسنده
ایکی اردونک اک جسور قهرمانلری بربرترینه خصوصى
صورتده میدان اوقودیلر . روایت اولوندیغنه کوره سلطان

بيله بومصارعه يه اشتراك ايتمك ايسته مشدر . جلال الدين
 على العاده برسواري قيافته كيره رك ميدان مصارعه يه چيقدي .
 قارشيسنه بر كورجي كلدي . سلطان در حال بوني بر مزراق
 ضربه سيله يره آتدي . بو كورجينك اوچ اوغلني ده عيني وجهله
 يره سردى . صوكره غايت اوزون بويلى بر آدم جلال الدينه
 مصارعه تكليفنده بولوندى . متاديا شدتلى ضربه لر اينديرمكه
 باشلادى . جلال الدين غايت مهارتله بونلره قارشى قويدى .
 فقط پك جوال اولان بار كيرينك كنديسيله برابر دوشه جكنى
 حس اينجه يره آتلادى . خصمنك هجومه قارشى مدافعه ده
 بولوندى . غايت كوزل بر فرصت قوللايه رق دشمنك آلتنه
 اويله بر مزراق ضربه سى اينديردى كه جانسز بر حالده يره ييقدي .
 هر ايكي اردو آوازده تقدير چيقاردى . در حال سلطان
 دشمنلرينك حيرتلىرندن استفاده ايله اونلره هجوم ايتدى . غلبه
 قازاندى و مملكته صاحب اولدى . سلطان جلال الدين
 كورجستان محاربه سيله مشغول اولديغى صيراده براق حاجبك
 كرمانى ضبط ايتمش اولديغنى خبر آلدى . بو آدم موغوللار
 طرفندن محمد سلفارته كوندريلمش برخيتان ايدى . سلطان
 بو آدمده بزچوق مزيتلر بولونديغنى كوره رك اوني كندى
 خدمته آلمشدى . براق حاجب صوكره محمدك اوغلى جلال الدينه
 هنوز غزنه ملكى بولونديغنى صيراده انتساب ايتدى . نهايت
 تماميله عصيان ايدهر ك كرمانده قاره خطايلر نامى آلتنده

برسلا له تأسیس ایله دی . جلالالدین تبریز قاضیسنی اوزبك ایله
 صوك سلاجوقی حکمداری اولان سلطان طوغرولک قیزی
 آراسنده کی نکاحی فسخه اجبار ایدهرک بو پرنسس ایله اولندی .
 اوزبکی تعقیبده دوام ایتدی . اوکا قارشى کینجه یه براردو
 یوللادی ، باشقه برطرفه چکیلمکه مجبور براقدی . شام ملکى
 معظم عیساوار بیل ملکى کو کبری ایله تدافعی وتجاووزی بر معاهده
 عقد ایتدکن صو کره کورجیلردن تفلیسی ضبطه کیتدی [۱] .
 مع مافیه بو حرب ، سلطانک عینی سنه اخلاط شهرینی
 محاصره ایتمه سنه مانع اولمادی . بو قلعه اوکنده اوزون
 مدت قالدی . اخلاطده ، اشرف طرفندن حسامالدین علی
 قوماندا ایدیوردی . مبدول صورتده یاغان قارلر سلطانی
 چکیلمکه مجبور ایتدی . برقاق کون صو کره تکرار اخلاط
 اوکنه کلدی . ایکینجی دفعه اوله رق هجومه حاضرلاندی .
 فقط برقاق بی فائده هجومدن صو کره صوغوغک شدتندن
 محاصره نی رفعه مجبور اولدی . شیمدی ده اخلاط والیسی اشرفک
 اردوسنک باشنده حربه چیقدی . کیدوب جلالالدیندن
 خوی ، سلماس ونخجوان شهرلرینی ضبط ایتدی . سلطان
 اوزمان ، مملکتنه کیرمش اولان [۲] موغوللری پوسکورتمکله
 مشغول اولدیغی ایچون اخلاط والیسنک ایلریله مه سنه مانع

سنه

۱۲۲۷

[۱] ۶۲۳ تاریخ هجریسنده

[۲] ۶۲۵ تاریخ هجریسنده .

اولامادی. جلال الدین بوموغوللرله متعدد مصادماته کیریشدی. اکثریا غلبه موغوللرده قالدی. مع مافیه بونلرله محاربه چوق دوام ایتدی. ایرته سی سنه سلطان ینه اخلاط جوارلرینه کلهرک بویوک تخریباتده وبویوک بر حکمداره یاقیشمايه جق حرکاتده بولوندی. جلال الدین کیتدکجه دها زیاده کسب شوکت وسطوت ایدیوردی. کندیسندن قورقان برادری پیر شاه اسماعیلر زردینه چکیلدی. جلال الدین اوسنه نک نهایتلرینه دوغرو [۱] اوچنچی دفعه اوله رق اخلاطی محاصره یه کلدی. اوتارنخده اخلاطده اشرف طرفندن قوماندان عزالدین ایبک ایدی. جلال الدین بوشهری کول طرفندن یکر می ما کنه ایله دوکدی. قیشی اوراده کچردی. محاصره اوزون وزحمتلی اولدی. شهر اهالیسی صوک درجه ده ضرورت چکدیلر. کوپکلری بیله یدیلر. شام اولچوسیه اککک اوقه سی بر مصر آلتوننه چیقدی. نهایت شهر جبراً ضبط ایدیلدی [۲].

اوتارنخه قدر موغوللرک صاییسز اردولرینه قارشى مقاومت کوسترمش اولان جلال الدین سوریه نک ومصرک کوچوک ملکلى قارشیدسندده موفقیتسز لکه اوغرادى. آرتق اواسکی بویوک جلال الدین، جنکیز خانک ییقمغه موفق اولامادیغى سد حائل دکدر. صانکه سرایندن هیچ چیقمامش

۱۲۲۹
ابوالفدا
ابوالفرج
ابوالمحسن

[۱] ۶۲۶ تاریخ هجریسنده

[۲] ۶۲۷ » »

کبی جبین وضعیف بر حکمدار در که جزئی عسکر قارشیشندن
 قاجیور ونهایت اشقیا طرفندن قتل اولونیور ! خلاطک
 ضبطندن صوکره ، آناتولی سلطانی علاءالدین کیقباد ایله
 اشرف جلالالدینی بویکی ضبط ایتدیکی یردن چیقارمق
 فکریله عسکرلرینی سیواسده برلشدیردیلر . جلالالدین قرق
 بیک عسکرله اخلاطدن چیقادی . ایکی اردو حربه طوتوشدیلر .
 اشرف ایله علاءالدین فائق کلدیلسده خوارزمیلر قاجادیلر .
 هر ایکی طرفده بوتون کیجه صفلرینی محافظه ایتدی .
 ایرتهسی کون محاربه تکرار باشلادی . اوکون خوارزم
 سلطانی تمامیه بوزولدی . پک چوق ضایعات ویردکن صوکره
 قاجغه مجبور اولدی . اردوسنک قسم متباقیسی اسیردوشدی .
 بعضیلری طربزون داغلرینه قاجدیلر . بونلرک بیک بش
 یوزی اوچوروملره دوشدیلر ، بوصورتله تلف اولدیلر .
 خوارزم سلطانی خرتبرت - خرپوته دوغرو کیجه کوندوز
 یورودی . یالکز باشنه اورایه ایریشدی . صوکره ایران یولنی
 طوتدی . خویده توقف ایتدی .

اشرف بومظفریتدن صوکره نزدنده کی اسرایه حسن معامله
 ایتمهسی ایچون خوارزم سلطانه بر سفیر کوندردی . سلطان
 بوسفیره شو سوزلری سویلهدی : « اشرفک الندء بولونان
 اسیرلر کوله لردر . بنم اشرفدن آلدیغم اسیرلر ایسه عائله سینه
 منسوب حکمدارلر وشهزاده لردر . مع مافیه صلیحی آرزو

ایدیورسه بو کاموافقست کوستریرم. «اشرف شو جوابی یوللادی:
 «بوتون ممالکم عسا کر کزک معاملات شدید و تجاوز کارانه سنه
 معروض قالدی. هر طرفی تخریب ایتدیکز. درلو درلو
 جرائم ارتکاب ایله دیکز. هر شی هنوز سزک دو کدیکز
 قانلرله بویانمش برحاله دوریور. صالح یایمه دن اول، ضبط
 ایتمش اولدیغکز شهرلری اعاده ایتمه کز ایجاب ایدر. اسیر
 ایتدیکز حکمدارلره کلنجه بویالکز برادریم مجبرالدین
 یعقوبدن عبارتدر. بن اونی بو کون اولمش دییه بیلورم.
 یرنی طوته حق دها پک چوق شهزاده لر وار. جناب حقه بکا
 مقداری ایکی بیک جسور سواریه بالغ اوله حق برعائله
 احسان ایتدیکندن دولای شکر ایتیمکده ایم. سزه کلنجه،
 سزک هیچ بر جوجوغکز اولمادیغی ایچون آرقه کزدن سزه
 نفرت ولعنت ایده جک آدم لر براقه جقسکز. «بوقبیل
 مؤاخذاتک صالحی تأمین ایده میه جکی پک قولای تقدیر
 اولونابیلر. بوسوزلردن پک غضبه کلن سلطان صوک
 محاصره ده اسیر ایدیش اولان اخلاط قوماندانی ایکی
 حضورنده قتل ایتدیردی.

جلال الدین سوء حرکاتی ایله دوستلرینک بیله نفرتی جلب ابوالفدا
 ایدیوردی. بوتون هم جوار حکمدارلر کندیسنی ترک ایتدیله.
 عینی زمانده بوتون عسکرینی ده غیر ممنون ایده جک صورتده
 حرکت ایتمه باشلادی. پک چوق سودیکی برکوله سی وفات

ایتمشیدی . بوندن دولایی اوقدر متأثر و مکدر اولدی که
 دلیلی بوتون تبریز اهالیسنک ماتم طوتماسنی امر ایتک
 درجهسنه واردیردی . نغشک کومولهسنه راضی اولمادی .
 برقاق کون یاننده قاهره راق آغلادی ، فریاد ایتدی ، دو کونوب
 دوردی . ییه جک کتیردکلری وقت بوأولو کوله سنه
 ویردیریوردی . کیمسه بر مؤاخذه ده بولونمغه جسارت
 ایدم میوردی . قوماندانلرندن بر چوغی خدمتی ترک ایتدیلر .
 عسکرینک مقداری پک زیاده ا کسیدلی . جورماغون نویان
 Dgiourmagoun novian بر موغول اردوسیه جیحون
 نهرینی کچدی ، خوارزم سلطاننک الکاسنه کیردی . بومغورور
 سلطان ، سوء معامله ایتدیکی حکمدارلرک معاونتنی رجایه مجبور
 اولدی . خلیفه یه ، اشرفه ، قونییه سلطاننی علاءالدینه سفیرلر
 یوللادی . وحشت و شدتلی معلوم اولان تاتارلرک
 قوتلی بر اردو ایله ایلریله دکلرینی ، امداده محتاج
 اولدیغنی ، یوقسه مقاومت ایدمیه جکنی ، بونک اوزرینه
 بومدهش دشمنلرک صولتنه کندیلری معروض قالوب
 مغلوب اوله جقلرینی اونلره بیلدیردی . جلال الدیننک
 مراجعتنه اهمیت ویرمدیلر . صوکره بونک آجیسنی چکدیلر .
 ایشته بو حکمدارلر آراسنده کی حسد ، هپسنی متضرر ایددجک
 بر نتیجه ویردی . جلال الدین اونلردن ده احتیاطکار
 داورانمادی . کندیسنی تهدید ایدن تهلیکه یه رغماً دیار بکرده

ابوالفرج
 ابوالفدا

توقفله اوراده اساسلی بر صلح زماننده بولونیورمش کبی
اکلنجه دن باشقه بر شی دوشونمدی . جلال الدین دیار بکرده
ذوق ایچنده ایکن یاتماس نویان Baimas novian بردن بره
کلوب هجوم ایتدی . موغوللارک حضوری جلال الدینی مستغرق
اولدیغی رخاوتدن چیقارمغه خدمت ایده مدی . امیر اورخانه
عسکرلرینی طوپلامه یی ، صباحه قدر موغوللاری آوومه یی
وکندیسنندن باشقه بر یول اختیار ایتیه یی امر ایله اکتفا
ایتدی . اورخان معیتنده درت بیگ کشی اولدیغی حالده
سالماً اصفهانه چکیلهرک بوراسنی ضبط ایتدی . جلال الدین
یاننده اوچ کوله ایله امده دوغرو قاچدی . بورایه کیره مدی .
صوکره میافارقین قربنده بر کویه کیتدی . فقط تاتارلر
آرقه سندن یتیشدیکی ایچون کوردلر طرفندن مسکون اولان
دیار بکر داغلرینه چکیلدی . بو کوردلرک صنعتی کندیلرینه
راست کلمک فلا کتنه اوغرایانلری صومقدن عبارتدی . ایشته
ایندوس ساحلارنده او قدر شجاعت کوسترن بو حکمدار اک
نهایت بویله حرکت ایتدی .

کوردلر جلال الدینی اولدیرمک ایسته دیلر . ایچلرندن
برینه جلال الدین کندیسنک کیم اولدیغنی بیلدیره رک اونی
حکمدار یامغی وعد ایتدی . بو کورد جلال الدینی کندی
اقامتکانه کوتوره رک اوراده قاریسنک یاننده برافدی .
داغلرده دولاشمغه کیتدی . النده مزراق ایله دیکر بر کورد

كلهرك قادينە بو خوارزمى نك نچون اتلاف ايديلمىدىكى
 صورتى . قادين ، قوجه سنك بونى تحت حمايه سنه آمش
 اولدىغى جوانى وىردى . بونك اوزرينە كورد: بو، اخلاطده
 بنم كندىسندن دها قيمتلى اولان قاردشى اولدىرتمش اولان
 سلطاندر ، ديهرك مزر اغيله بر ضربه اوردى وجلال الدين
 اولدىردى [۱] . بو حكمدارك وفاتى حقنده مختلف روايتار
 واردر . هپسندە آرى آرى تفصيلات وىرىلمشدر . بن
 جلال الدينك منسوبىتىدن واو زمانك آدملىرىدن اولوب
 جلال الدينك حياتى حقنده مفصل بر تاريخ يازان نسوى
 Nisami نك روايتنى ترجيح ايتدم . جلال الدين شاه جهان
 عنوانى آلىردى . سوريه ملكلىرىنه نامه يازدىغى وقت اوزرىندە
 ظفر يالكرز اللهدن كلير جملهسى محكوك اولان مهربى
 باصمقله اكتفا ايدردى . بنده اشارتنى يالكرز خليفه قارشى
 قولانىردى . عرب وعجم تقويمىنك تاريخ النيران ديه يادايدىلن
 تصحيحى كىفنى جلال الدينه عطف ايدىلمكدهدر .

سنه
۱۲۳۰

ابوالفدا

عائله سنك صوك حكمدارى اولان سلطان جلال الدينك
 هزىمىتىدن صوكره اورالرى خوارزم اردولرىدن قوتورلمش اولمادىلر .
 بواردولر سوريه يه دولدى . بك چوق قارىشقلقلره سببىت وىردىلر .
 جلال الدينك متباقى عسكرى قونيه سلطانى كىقبادك ياننه

چكىنمشلردى . رۇيسلرى بركت خان [۱] ، كىشلو خان ،
 صارو خان ، فرخان ، بوردى خان ايدىلر . بونلر كىقبادك
 خدمتنه كىردىلر . فقط اونك وفاتىدىن سوكره اوغلى كىخىسرو
 بو امرائى خوش طوماسنى بىلەمدى . بورۇسادن برىنى
 اولدىرتدى . بوحركت خوارزمى رۇساسنى پك غلباه كىتىردىكى
 ابوالفرج ايچون باشقه طرفلرده تجربه طالعە كىتىدىلر . كىخىسروك ياندىن
 چكىلدكلرى صيراده ملاطيه دن ، حاحنين Kaktin دن ،
 خرتبزت = خرپوت دن ، سمىساط = صمصات دن ،
 سويده دن كچدىلر وبورالرىنى يغما ايتدىلر .

مصر سلطانى ملك صالح نجم الدين ايوب بونلرى خدمتنه
 آلدى . فقط چوق كچمه دن [۲] او حكمدارى ده ترك ايدەرك
 كىخىسروى براقدقلىرى زمان ياپدقلىرى عىنى قارىش-قلقلرله
 اورادىن ده چكىلدىلر . سوكره بوتون سوريه يى تخرىب
 ايتدىلر [۳] ، حلبى ضبطه كلدىلر . بوراسنى همان ضبطه
 ۹۲۴ . هایتون
 ابوالفدا موفق اولاجقلىرىنى اميد ايدىيورلردى . چونكه برقادىنك
 اداره سنده بولونىوردى . حلب ملكى اولان عزيز بر مدت
 اول وفات ايتمش [۴] ، تقريباً ىدى ياشىنده بر چوجوق

[۱] ژوانوبل بوكا بارباقان Barbacan دىيور .

[۲] ۶۳۵ تاريخ هجرىسندە .

[۳] ۶۳۸ » »

[۴] ۶۳۴ » » ۱۲۳۶ تاريخ ميلادىسندە .

براقشیدی . متوفا ملک والدہ سی حنیفہ Diphath خاتون ،
 حفیدینک چوجوقلغی حسبیلہ زمام ادارہ بی النہ آلمشیدی .
 خوارزمیلر هجوم ایدنجه عینی عائلہ دن وابوبیلر نامی آلتندہ
 مصرہ وسوریہ نک بویوک بر قسمنہ صاحب اولان حکمدارلر
 یاردیمہ کلدیلر . ملک المعظم توران شاہ بونلرہ قارشى
 یورودی . فقط مغلوب اولدی و بویوک ضایعاتہ اوغرا دی .
 خوارزمیلر ، اشیلرینی ضبط ایدہ رک پک چوق اسیر آلدیلر ،
 بوتون حلب جوارلرینی یغما ایتدیلر . جوار کویلر اہالیسی
 ہپ حلبہ چکیلدیلر . شہردہ محاصرہ حاضرلغی کورولیوردی .
 خوارزمیلر اللرینہ دوشنی یغما ، قتل ایتدکن ، تجاوزاتدہ
 بولونقدن صوکرہ منبجہ کیدہ رک هجوم ایلہ الہ کچردیلر .
 صوکرہ حران الکاسنہ دوندیلر . بر مدت صوکرہ رقعہ دہ
 فرات نہرینی کچدیلر . تل اعزاز Tellazaz ، سرمین ،
 معرہ شہرلرینی یغما ایدہ رک حلبہ دوغرو یورودیلر .
 حمص حکمداری ملک المنصور ابراہیم ملک الصالح اسماعیلک
 اردوسنک بر قسمیلہ بو شہرک امدادینہ کلدی .
 بو حکمدار ایلہ حلب اہالیسی خوارزمیلرہ قارشى
 یورودیلر . تل سلطاندہ اخذ موقع ایتدیلر . او زمان
 شیروردہ بولونان خوارزمیلر دشمنلرینی بکلہ مکی مناسب
 کورمہ یہ رک حما ، صوکرہ سلمیہ ، اورادن دہ رقعہ طریقہ
 رصافتہ Rousafat طرفلرینہ کیتدیلر . بوتون آلدقلى غنائمی

یوللرده براقدیله . چونکه حلب اردوسی کندیلرینی پک
صیقى صورتده تعقیب ایدیوردی . خوارزمیلر فرات قییسنده
بولونقلری صیراده حلب اردوسی یتیشدی . برمحاربه وقوعه
کلهرك کیجهیه قدر دوام ایتدی . فقط طرفیندن هیچ بری
بویوک بر تفوق استحصال ایدمه مشدی . مع مافیه خوارزمیلر
دها متأثر اولدیله . فراتی کچهرک حرانه کیتدیله . حلب
اردوسی بیره موقعنده نهری کچدی . رها قربنده تکرار
خوارزمیلرله قارشیلانیدی و بو دفعه اونلری منہزم ایتدی .
حمص ملکی ایله حلبیلر تعقیباتدن کری دورمادیله . کیجه
حلول ایدنجهیه قدر تعقیباتده دوام ایله بعضیلرینی اتلاف ،
بعضیلرینی اسیر ایتدیله . حلب اردوسی همان کیدهرك حرانی
اله کچیردی . خوارزمیلر عنه Ana یه قاچدیله . موصل
حکمداری بدرالدین لؤلؤده خوارزمیلره قارشى یورویرهرك
بعض مواقعی اللرندن آلدی و بو صورتله بر چوق
اسرای قورتاردی .

سنه

۱۲۴۲

صوکره [۱] خوارزمیلر میافارقین حکمداری مظفر
غازی ایله اتفاق ایدهرک حلب اردوسنه قارشى برلکده
یورودیله . حمص حکمداری منصور ابراهیمده بو حلب
اردوسنده بولونیوردی . مظفر غازی ایله خوارزمیلر
مغلوب اولدیله ، قاچدیله . اردوگاهلری یغما ایدیلدی .

قادینلرندن قسم اعظمی اسیر دوشیدی . پک چوق غنیمت
غائب ایتدیله .

ابوالمحاسن

او تاریخده مصر سلطانی صالح ایوب ایله شام حکمداری
صالح اسماعیل آراسنده بعض اختلافات تحدث ایتشدی .
صالح اسماعیل فرانقلری کندی طرفنه جلب ایتدی .
قدسی ، طبریه یی ، عسقلانی اونلره ویردی . بونک اوزرینه
مصر سلطانی ، فرانقلره شام حکمدارینه قارشی حرب ایتمه
عزم ایتدی . خوارزمیرله باریشیدی [۱] . بونلره باشلیجه
مملوکلرندن بری اولان رکن الدین بیبرس Bibars ک قومانداسی
آلتنده بر چوق عسکرده الحاق ایتدکن صوکره مشترک
دشمنلرینه قارشی سنوق ایله دی . اسماعیل ، مصر فتح
ایدلکدن صوکره بوراسنی فرانقلره ویرمکی تعهد ایتشدی [۲] .
خوارزمیر درحال قدسی یغمایه کیتدیله . قادین ارکاک ،
چولوق چوجوق هر کسی قتل ایتدیله . حتی مسلمانلرک
بیله حرمت ایتدکلری مقامات مبارکیده تجاوز ایله دیله .
فرانقلر بوباربارلرک یاپدقلری مظلمدن دهشت اچنده

ژووانویل
سانوت
ابوالفدا

[۱] بزم مورخلرمن بونلره Grossoniens، Chorasiniens
یاخود Choermins دیرلر .

[۲] کورولبورکه فرانقلر ، مصر سلطانی ایله دکل شام حکمداری
ایله معاهده یامشیردی . اونک ایچون ، مصر سلطانی ایله قطع مناسبت
ایتدکلرندن دولایی کندیلرینی مؤاخذه دوغرو اولمادینی آکلاشیلیور .

قالدیلر . خوارزمیلر اود دومونبه لیاره عاڭد بولونان
طبریہ نی ضبط ایتمشلردی . عکا و یافه جوارنده تصادف
ایتدکلری بوتون غربایلری قتل ایدیورلردی . شام
حکمداری صالح اسماعیل ایله حمص ملک [۱] منصور اسماعیل ده
عینی صورتله خوارزمیلرک تخریباتنه معروض اولدقلرندن
قوتلرینی فرانق قوتلریله برلشدیردی . حمص سلطانی [۲] عکایه
اورادن ده باشلیجه فرانق اکابرله برلکده یافه یه کیتدی .
اوراده فرانقلر یافه قوتی غوتیه دوبریه نه کندیلریله برلکده
خوارزمیلره قارشى یورومه سنی رجا ایتدی . بوقونت
اوزمان یافه قلعه سنده بولونان برقله دن دولای عکا بطریقیه
حال اختلافده ایدی . بطریق بوقله یی ایستیوردی . قونت
موافقت ایتدیکندن اونى آفوروز ایتشدی . غوتیه دوبریه نه
بوسفره چیقمان اول اوزرنده کی آفوروزک قالدیریلما سنی
ایستهدی . بطریق دیدیکندن هیچ شامادی . بوقدر عاجل
برتهلکده خرس تیانلرک منفعت عمومیه سی بوتون رؤسانک
اتحادینی ایجاب ایتکله برابر بطریق استلافه یاناشمادی . غوتیه
سفره جیقدی . برنجی قولک باشنده اولدیغی حالد غزه یه
دوغرو یورودی . حمص سلطانی ایکنجی قوله قوماندا
ایدیوردی . بطریق ایله بارونلر اوچنجی قول اردونک

[۱] بزم مورخلرمن بوشهره Chamelle دیورلر.

[۲] ژوانویل بوملکیتک الکایی، الکمرد برشووالیه سی ایدی دیور.

باشنده ایدیلر . اوپیتال شوواله‌لری یافه‌قونتک قولنی تعقیب ایدیورلردی . چوق کچمه‌دن دشمنه راست کلدیلر . دشمن درحال صف حرب ترتیب ایتدی . قونت دوبریه‌ن بوکا وقت ویریلمه‌سنی ایسته‌یوردی . فقط مطالعه‌سنی تصویب ایتدیلر . محاربه‌یه کیریشمه‌دن اول پطریقدن اوزرنده‌کی آفوروزک رفعتی ایکنجی دفعه اوله‌رق رجا ایتدی . هیچ یوموشامیان پطریق ینه جواب رد ویردی . دشمنه بویله وقت قازاندیردیغندن قیزان رمله پسقپوسی قوتی عفوایتدی . قونت درحال ، برکت خان طرفندن قوماندا ایدیلن قول اوزرینه صالدیردی . پک معنده‌نه برمحاربه وقوعه کلدی . طرفیندن پک چوق‌کشی مقتول دوشیدی ، یارالاندی . نهایت قونت اسیر دوشیدی . بوتون یاننده‌کیلر کندیسنی جینانه ترک ایتدیلر . بوقارغشه‌لق برکت خانک برمفرزه‌سنک حمص سلطاننه هجوم ایتمه‌سندن ایلری گلشیدی . حمص سلطانی او قدر جسورانه مقاومتده بولوندی که قوماندا ایتدیکی ایکی بیک تور کدن معیتنده تقریباً یالک‌ز سکسان قدری قالدی . بونلرله برابر چکیلمکه مجبور اولدی . اونک رجعتی قونتک معیتنه قورقو ویردی . درحال فرار ایتدیلر .

بومظفریتدن صوکره [۱] برکت خان یافه‌اوکنه کیتدی . اوراده قوتی قوللارندن برچاتال صیریه‌ آصدیره‌رق عساکر

ابراهيم كندی اردو سیله بونلره هجومه کلدیلر [۱]. خوارزمیلر
 در حال محاصره بی رفع ایدرک دشمنه قارشی دوردیلر. ایکی
 اردو قصب Casab موقعنده حربه طوتوشدی، خوارزمیلر
 مغلوب اولدیلر، قاجدیلر. رئیسلی برکت خان [۲] مقتول
 دوشدی. باشی حلبه کوتورولدی. متباقی خوارزمیلر کشلو
 خانك معیتنده موغوللارک یاننه کیتدیلر. موغوللار بوخوارزمیلری
 کندی اردولرینه داغیتدیلر. آرتق بردها کورونمدیلر.
 ایشته تورکستاندن وهندستاندن سوریه وارانجهیه قدر بوتون
 ممالک دهشت صالمش اولان بر قدرت معظمه بر آن ایچنده
 بویله زائل اولیویردی. بو بویوک استیلا یکی براهل صلیبه
 وسن لوی نك سوریه کچمه سنه سبیت ویردی [۳].

[۱] ۶۴۲ تاریخ هجریسنده

[۲] حسام الدین لقبیله یادایدیلیردی.

[۳] بواهل صلیبک تفصیلاتی مملوکار تاریخنده کوروله جکدر.

دردنجی جلدك صوکی

فهرس

اون برنجى كىتاب

قونيه ساچوقى توركارىنىك ۱۰۸۱ تاريخ ميلادىسندن
۱۲۹۴ سنه سنه قدر تاريخلىرى . — بو توركارىك روم
ايمپراطورلىرىله محاربىلىرى . — آناطولانىك فتحى . —
اهل صليبىك منشاللىرى . — پىهرلىرىمىت ، غودفروا
دوبويونىك ضرورلىرى . — ازىق محاصرهسى و ايمپراطور
قونىراد ايله كىنج فرانسىز قرالى دىنلىن يىنجى لويىنىك
هزىمىتلىرى . — بوايمپراطورلىق داخلىنده اغتشاشات . —
موغوللارنىك استىلاسى . — قونيه سىلچوقىلىرىنىك انقراضى ،
دولتلىرىنىك پارچه لاشىسى . — عثمانلىلر ۷

اون يىكنىجى كىتاب

حلب و شام ساچوقى توركارىنىك ۱۰۷۸ تاريخ
ميلادىسندن ۱۱۵۴ سنه سنه قدر تاريخلىرى . — ايران
سىلچوقىلىرىله محاربات . — اهل صليب طرفىدىن سوريه نىك
فتحى . — آنطاكيه محاصرهسى و فرانكلرك بوتون
سفرلىرىنىك تاريخى . — باطنىلرك سوريه ده ايللىك يرلىشمىلىرى ،
فرانكلرله مناسبتلىرى . — سىلچوقىلىرىك انقراضى . —
ارمنستانده اخلاط حكمدارلىرىنىك تاريخى ۱۴۵
توركمىلرك ياخود اوزلرك تاريخى . — اوز دىنلىن

- بوتوركلارك انقسامى. -- خوارزم توركمينلىرى . -- سوريه
توركمينلىرى ياخود ارتقىلار (۱۰۸۲ تاريخ ميلاديسىندىن
۱۲۲۰ سنه سنه قدر) . -- فرانقلارلە محاربەلىرى . --
۲۲۸ ماردىن وامد حكومتلىرى
۲۵۹ سلغىرى توركمينلىرى ياخود فارسى آتابكلىرى . .

اون اوچىنچى كىتاب

- سوريه آتابكلىرىنىڭ ۱۰۸۴ تاريخ ميلاديسىندىن ۱۲۵۰
سنه سنه قدر تاريخلىرى . -- فرانقلارلە محاربەلىرى . --
أدسەنك ضبطى واهل صليب سفرلىرى حقنىدە سائىر
تفصيلات . -- صلاح الدينك مېنشائى . -- مصرك فتحى
۲۶۳ . -- آتابكلىرىنىڭ انقراضى
۳۲۳ آذربايجان آتابكلىرىنىڭ ياخود پېلوانىلىرىنىڭ تاريخى .

اون دىرىنچى كىتاب

- خوارزم توركلارىنىڭ ۱۰۹۷ تاريخ ھىجرىسىندىن ۱۲۴۶
سنه سنه قدر تاريخلىرى . -- سەلچۇقىلار ، غورىلار
وخىتائىلارلە محاربەلىرى . -- ھىندىستانك فتحى . -- جىنكەن
خانك وموغوللارك خوارزم قطعەسىنى استىلالىرى . --
خوارزمىلىرىنىڭ انقراضى . -- سوريە ىە مەورىلىرى . --
۴۴۱ فرانقلارلە محاربەلىرى

دىرىنچى جىلدك صوڭى

DATE DUE

To renew
call 292-3900

[illegible]

MAIN STACKS

stx
D141
G8193
1923
v.4